



162
4
5.

BIBL. NAZ.
VIT. ASS. T. E. III

162

I


5


EXDCH I



Inter libros
Joseph Maria Purnsundolo
Antecessoris Regni
A. L. N.








THE

LIBRARY OF THE



OF THE

UNIVERSITY OF

CHICAGO

RITUALE
SACRAMENTORUM

ROMANUM



GREGORII PP. XIII P. M

IVSSV EDITVM

L. II

Romæ _____ **1633**



ITALIA

SACRAMENTORUM



ROMANUM

CRESCOMI PP VIII P M

1727 EDITUM

L M

Rome ————— 1727

RITVALIS ROMANI

LIBER SECVNDVS.



De Sacramento Pœnitentiæ præmonitiones.

RES esse Pœnitentiæ partes, Contritionem, Confessionem, Satisfactionem, sancti Patres & sacra generalia Concilia ex diuinis litteris tradiderunt. Sed quoniam de ministro huius Sacramenti, deq. ipsa Sacramenti administratione in præsentia dicendum est, de contritione, quæ à pœnitente afferenda est ad hoc Sacramentum, vel in ipso Sacramento, Dei beneficio & confessarij industria & studio concipienda, pauca dicenda occurrunt. De confessione, verò & satisfactione, in quibus Sacerdotis opera & diligentia maxime requiritur, longè plurima. Omnia verò reuocari possunt ad capita quatuor: primum enim dicendum est de ministri qualitatibus partim necessarijs, partim valde vtilibus, vt melius suo munere fungi possint: deinde de modo excipiendi confessionem, & iuuandi confitentem: tertio de pœnitentia & satisfactione imponenda, non solum ad punitionem peccatorum commissorum, sed etiam ad præseruationem, à futuris: postremo de modo absoluendi tum à censuris, tum etiam à peccatis.

De qualitatibus Confessarij.

Sacerdos antequàm ad audiendas confessiones accedat, aduertere debet quæ & quanta sit suæ iurisdictionis potestas: hæc enim præter Ordinem Presbyteratus necessaria est, vel ordinaria, vel delegata; quanquàm in mortis articulo siue periculo, si proprius desit, cuius Sacerdos potest absolvere pœnitentem ab omni excommunicatione alijsq. censuris Ecclesiasticis & peccatis quantumuis reservatis. In mortis autem articulo constituti censentur non solum qui morbo graui & periculoso laborant, & qui extremo sunt afficiendi supplicio; sed etiam qui in prælij seu conflictus aut naufragij periculo versantur; & qui per loca plena hostibus iter habituri sunt: Item mulieres grauidæ, proximæq. partui, præsertim cum viribus imbecilliores sunt, aut quæ nunquam pepererunt. In quibus & similibus casibus pœnitens absolutus, si periculum mortis euaserit, non tenebitur iterum confiteri, neque alia eget absolutione à peccatis, neque ab excommunicationibus, alijsve censuris Ecclesiasticis, sed tantum cum primum commodè poterit ei se præsentare, à quo fuerat ab excommunicatione aliàs absoluendus, vt eius mandatis obediat, alioqui in eandem excommunicationem vel censuram reincident.

Concil. Trident. sess. 14. de Sacramento Pœnitentiæ cap. 7. ad finem.

Ordinaria potestate vel delegata vt non potest excommunicatus aut suspensus, vel interdictus, nisi in articulo necessitatis.

Ordinariam potestatem habent Papa, Episcopus, Parochus, & cuiusque demum ex officio competit animarum cura: delegatam verò quibus à prædictis, vel ab alijs ad id potestatem habentibus facultas ea data est.

Sacerdos igitur, vltra quàm potestas ei data permittit, ne se ingerat; alioqui præterquam quod grauius peccabit, irritum erit quod fecerit. Quocirca caueat, ne in alienæ parochiæ homines iurisdictionem exerceat, nisi ei commissum id sit ab Ordinario aut Parocho.

Peregrini tamen & incertè vagantes, qui nec stabilem sedem habent, nec certæ parochiæ sunt addicti, eligere sibi confessarium possunt quemcumque velint ex approbatione ab Episcopo loci, vbi tunc eos esse contigerit. Qui verò alicubi, etiam ad breue

R tempus,

tempus morantur seu dinerfantur, illius censentur parochiæ in qua degunt: & idcirco vel in ea Parochiali, vel in Cathedrali Ecclesia Confessarijs deputatis confiteri possunt.

Idemq. censendum de viatoribus, mercatoribus, scholaribus, mercenarijs, & stipendiarijs, nempe hi confessarijs illius parochiæ in qua commorantur confiteri, & sacramentum Eucharistiam accipere, & a casibus Episcopalibus, vt Episcopus loci illius disponit, absolui possunt.

Nec verò hi, qui sibi Confessarium deligendi licentiam habent, quemuis Sacerdotem, eligere possunt; sed tantum illorum quempiam, qui in ea Prouincia seu diocesi ad audiendas confessiones approbati & deputati sunt.

Neque parochus omnes in sua parochia degentes absolueret potest; sed tantum sibi subditos: exempti enim religiosi suos habent Confessarios, quibus solis instructo proprio confiteri tenentur; nisi de licentia superiorum alijs confiteri permitterentur; vel in itinere suorum copiam non haberent.

Neque subditos sue parochiæ, qui religiosi aut alijs presbyteris facultatem à Sede Apostolica vel Ordinario habentibus confessi fuerint, ad sibi iterum confitendum eadem peccata cogere potest: verum si dubitet an talibus confessi fuerint, testimonium Confessariorum ab eis debet exigere.

Et quamuis non grauat, sed facile & libenter Parochus suis licentiam dare debeat alteri iusta de causa confitendi; omnes tamen hortari potest, vt sibi potius, nisi aliud causa aliqua postulet, confiteantur; quippe cui, vt pastori proprio, illorum cura præcipue demandata est; quicq. pro illorum animabus rationem est Deo redditurus.

Moneat verò sedulo, ne incertos Confessarios habeant: huc illuc discurrentes, & subinde mutantes; sic enim fieri vt raro corrigantur, & parum in via Dei proficiant; sed quisque certum sibi statuatur Confessarium, qui omnes animæ suæ latebras norit; quicq. sciat repullulantibus vitijs obuiantia remedia adhibere.

Eos etiam qui alteri confitendi licentiam petunt moneat, vt idoneum Confessarium deligant, spectatq. virtutis & doctrinæ, nec suas animas cuius passim committentes tanto Sacramento, quod locus post Baptismum lapsis ad reparationem relictum est, in sui perniciem abutantur.

Nouerit casus tum Episcopo, tum Sedi Apostolicæ reservatos, in primis verò in literis quotannis diæ Cænæ Domini legi consuetis contentos, easq. penes se habeat & diligenter legat. Casus quoque Episcopo reservatos descriptos teneat & memoris commendat.

Præter Ordinis & iurisdictionis potestatem, opus est Confessario scientia, prudentia, & probitate; quò etiam pertinet sigillum, id est Confessionis secretum.

Scientia quidem opus est ad discernendum inter lepram & lepram, id est inter peccata, nempe iudicandum quæ grauiora, quæ leuiora, & quæ mortalia sint, quæ venialia. Caveat verò ne facile pronuntiet esse mortale, quod certò nesciat tale esse: sed in dubijs inclinet ad tutiorem partem, & proprio deinde studio, peritiorumq. consilio (quod semper in rebus difficilioribus est adhibendum) rem compertam penitenti indicet.

Oportet autem Confessarium in primis cognoscere, vim, naturam, & effecta censurarum Ecclesiasticarum, quæ sunt excommunicatio, suspensio, & interdictum; vt intelligat quatenus in ijs sua facultas extendatur, & quomodo monere debeat penitentes, vt vitent nominatim excommunicatos, & publicos seu notorios clericorum percussores, ne ipsi cum ijs participando in casibus prohibitis, incidant in excommunicationem minorem.

Præterea vt tutò possit clericorum confessiones excipere, habere debet perspecta, quæ de irregularitate traduntur à Doctoribus & Summistis: quia licet illa censura non sit; est tamen canonicum impedimentum tum ad suscipiendos & exercendos Ordines, tum etiam ad alios actus legitimos peragendos, à quibus irregularis ante dispensationem sub pœna peccati mortalis debet necessario abstinere.

Sciat

*Secundum Synodum con.
202. c. 16. in fine
secundum Trinit. Conc.
trinitatis de confessoribus
trinitatis c. scientia quæ
habere debet Sacerdos
Confessarius.*

Sciat etiam casus, in quibus iteranda est confessio, ut si quis confessus sit sine ullo peccatorum dolore, aut sine proposito abstinendi à peccatis, aut aliquod peccatum mortale de industria tacuerit in confessione, aut circumstantiam peccati speciem, mutantem: Item si constat Confessarium non habuisse potestatem absolvendi, aut non fuisse mentis compotem, aut adeo fuisse ignarum, ut formam absolutionis nesciret; aut denique confessionem pœnitentis non percepisse, aut eum non absoluisse.

Debet verò non solum imperitos pœnitentes ad rectum confessionis usum, pœnitentiæq. Sacramentum ritè suscipiendum instruere; verum etiam duos corde ad contritionem prudenter inducere, & diuinæ tum iustitiæ tum misericordiæ commemoratione peccatis opportunè mederi; præterea ad omne criminum genus, atque ad vitam pœnitentis rectè instituendam opportuna cuique remedia adiuuere.

Atque in primis personam medici gerens, illius præsertim qui nostras infirmitates tulit, quiq. contritis corde mederi venit, hilarem vultum pœnitenti demonstret: quinimò, cum infirmo infirmatus, meminerit se eiusdem naturæ peccatricis & conditionis esse, atque humiliter de se sentiens, illum sibi in corde præfetat.

Proinde caueat diligenter, ne propter quodcunque peccati genus pœnitentem minus hilariter aspiat, neve vllum signum de ob eam causam auersionis. Quòd si omnino neganda vel differenda est absolutio ob aliquam causam, aut aliqui pœnitens remittendus; id benignè fiat, adhibita etiam exhortatione, ita præterea cautè, ut ne quis ex circumstantibus id possit advertere.

Omnes ad se venientes amanter suscipiat, nec verò sine causa præferat diuites pauperibus; notos, ignotis; doctos, indoctis. Quòd si omnes non possit, eos prius audiat, qui plus indigere videbuntur, ut qui rarius confiteri solent, & qui si tunc non confiteantur, non sint amplius fortasse redituri, ut serui, famuli, rustici, & similes, qui faciliè venire non possunt ad Ecclesiam confitendi gratia. Quotquot autem eo die audiri non possunt, ij benignè monendi seu rogandi, ut commodiori tempore reuertantur.

Prudenter etiam se gerat in interrogationibus faciendis, nempe cautè, honestè, non prolixè aut superflue, ut infra suo loco dicetur.

Non faciliè ante restitutionem eos absoluat, qui, cum possint, quod debent non restitunt.

In exhortationibus & correctionibus ita se gerat, ut pœnitentem nec valde deprimat cum desperationis periculo: nec verò ita in spem erigat, ut in præsumptionem inducat.

Atque hæc pauca de scientia & prudentia: ad quas tamen & vitæ probitatem & integritatem à Deo impetrandam, meminerit frequentem orationem, frequensq. Missæ sacrificium, & diligens præterea studium adhibere. Caueatq. magnopere ne ea admittat, quæ sit in alijs ipse reprehensurus; turpe est enim non facere, quod alios doceas, aut facere quod reprehendas.

Ad hoc Sacramentum ministrandum accedat compositus, interiùs quidem magna conscientie puritate, reuerentia, timore, & humilitate. Exteriùs verò eo vultu, gestu & habitu, quo par est eum, qui Dei locum teneat & personam gerat.

Ideirò antequàm ad audiendas confessiones sedeat, se & negotium, quod tractandum suscipit, Deo bonorum omnium auctori sedulo commendet, & ante altare genibus flexis adoret, diuinumq. ad id imploret auxilium; ut sibi ad iudicandum, sapientiam; ad medendum, consilium; ad miserendum, pietatem; pœnitentibus verò cor contritum & humiliatum largiri dignetur. Et, si vacat, congruentem aliquam orationem, veluti sequentem dicat.

Oratio.

Domine Deus omnipotens propitius esto mihi peccatori, ut dignè possim tibi gratias agere, qui me indignum, per tuam misericordiam ministrum fecisti sacerdotalis officij, & me exiguum humi-

lemq. mediatorem cōstituiſti ad orandum Dominum Deum noſtrum Ieſum Chriſtum pro peccantibus & ad pœnitentiam reuertentibus, & ad intercedendum apud eum pro ipſis. Ideoq. dominator Domine, qui omnes homines viſ ſaluos fieri, & ad agnitionem veritatis venire; qui non viſ mortem peccatorum, ſed vt conuertantur & viuant, ſuſcipe orationem meam, quam fundo ante cōſpectum clementiæ tuæ pro ſamulis & ſamulabus tuis, qui ad pœnitentiam & miſericordiam tuam cōfugiunt. Per eundem Chriſtum Dominum noſtrum. Amen.

Vel ſaltem dicat aliquam iaculatoriam deprecationem, cuiuſmodi eſt.

C Or mundum crea in me Deus: & ſpiritum rectum innoua in viſceribus meis.

ſigillum cōfeſſionis ita ſeruet, vt nulla de cauſa, nullius auctoritate aut imperio, nulloq. modo audita in cōfeſſione cuiquam reuelet aut ſignificet, niſi de pœnitentis licentia; qua tamen, niſi iuſta cauſa poſtulet, vti non debet. Cùm ergo de requiſitam in cōfeſſione audita conſulendus ei aliquis fuerit, ita cum illo agat, vt is de cōfiteſcente quis fuerit, ne ſuſpicari quidem poſſit. Quòd ſi quis ab eo ſub iureiurando extorquere vi conetur aliquid cōfeſſione auditum, ſi aliter non poſſit ſubterfugere, iurare licebit, ſe nihil de ea re ne cōfeſſione quidem ſcire, intelligendo ſcilicet ſe nihil ſcire, quod ſic extorquenti dicere debeat.

Interrogatus ab aliquo, an pœnitentem abſoluerit, reſpondeat ſe feciſſe quod debuit.

Moneat verò pœnitentem, vt & ipſe cōfeſſionis ſecreta nemini prodat.

Caucat etiam ne propter audita in cōfeſſione faciem minus hilarem, aut minus benignam quàm priùs ſoleret, pœnitenti extra cōfeſſionem oſtendat; neve cum ob cenſuram in cōfeſſione cognitam à ſacris arceat.

Dum cōfiteſcentem alloquitur, vocem ne extollat, nec indignationem præſeferat, neque eos geſtus faciat, quibus circumſtantes commoueri aliquo modo poſſint; neminemq. propè manere ſinat; ſed iubeat circumſtantes longè recedere. Omnem denique operam adhibeat, ne quid cōfeſſionis ab alijs cognofci poſſit; adeoq. pœnitentias ne imponat, per quas peccatum pœnitentis ab alijs deprehendi queat.

Parochus ſepe ſuos hortationibus & commonitionibus tum publicis tum priuatis ad Sacramentalem cōfeſſionem incitet & inducat, doceatq. in primis curæ eis eſſe debere, vt animas ſuas frequenti peccatorum cōfeſſione expurgent. Difficile eſſe ei, qui rarò conſtititur plenè de omnibus conſiteri, & integrè ſatiſfacere. Nihil animæ pernicioſius eſſe, quàm diutius in peccato mortali perſeuerare. Peccatum namque (vt Beatus Gregorius ait) quod pœnitentia non diluit, ipſo ſuo pondere mox ad aliud trahit: contraq. nihil magis ſalutare homini, quàm peccatum ſtatim vt patratum fuerit conſiteri. Quare aſſueſcant ſaltem menſe quolibet ſemel conſiteri, aut præcipuis quibuſque per annum feſtis diebus; maxime verò Paſche, Aſcenſionis, Pentecoſtes, Aſſumptionis Beatæ Mariæ Virginis, omnium Sanctorum, Natiuitatis Domini, Epiphaniæ & in capite ieiunij: omnem deniq. diligentiam adhibeat ad frequentem in ſua parochia cōfeſſionis & communionis vſum inducendum.

Doceat præterea ſuos teneri quemque conſiteri, non ſolùm ſemel in anno, ſed etiam quotieſcunq. mortis periculum imminet, aut aliqui Euchariſtiæ Sacramentum ſumendum erit.

Appropinquante autem quatrageſimali tempore, & per ipſam etiam Quatrageſimam, & quandoque extra eam, publicet parochus ſtatutum illud inſigne Inno-

centij Papæ III. in Concilio generali editum, vt omnis vtriusque sexus fidelis postquam ad annos discretionis peruenierit, omnia sua solus peccata, saltem semel in anno fideliter confiteatur proprio Sacerdoti, & iniunctam sibi pœnitentiâ proprijs viribus studeat adimplere, suscipiens reuerenter ad minus in Pascha Eucharistiz Sacramentum: alioquin & viuens ab ingressu Ecclesiæ arceatur, & moriens Christiana careat sepultura.

Horteturq. suos, vt maturè & diligenter se ad confessionem præparent & confiteantur, nec finem Quadragesimæ expectent, præsertim qui rariùs confiteri solent; tunc enim confitentium multitudine Confessarij obruti, vix possunt talibus satisfacere: multo esse consultius initio Quadragesimæ confiteri, cum Confessarijs magis vacat, audire, deinde prope Pascha reconciliari, atque ita sacrum Domini nostri Iesu Christi corpus, tanquam in monumentum nouum, puram scilicet conscientiam & cor mundum excipere.

Et quoniam plerumque contingit vt pœnitentes, præsertim femina, alicuius peccati in præcedenti confessione prætermissi memores, ad priorem Sacerdotem ob verecundiam, aut aliquam aliam causam non satis idoneam redire non audeant; sæpe tum publicè tum priuatim suos moneat, vt cum id acciderit, ad eundem Sacerdotem reuertantur: quamquam interdum dissimulandum est, ijsq. permittendum, vt alteri potius Sacerdoti confiteantur, quam ad altare Domini indignè accedant.

De modo excipiendi confessionem, & iuuandi pœnitentem.

Videat autem parochus seu quiuis alius Confessarius cum est confessiones auditurus, primùm ne ad tale tantumq. ministerium accedat inductus cupiditate vel curiositate, aut alia quauis praua aut vana intentione; sed sibi proposito solum honore Dei, & animarum salute.

Confessiones, præsertim feminarum, nisi necessitas urgeat, non alibi audiat quam in Ecclesia & patenti loco, non autem in facellis remotis & obscuris, nec in cubiculis & priuatis locis.

Sedes pœnitentialis in Ecclesia loco patenti & aperto collocetur; sic autem construatur, vt inter Confessarium & pœnitentem tabula consistat cum fenestella ferrea siue ænea perforata, ad quam sic excipiatur confessio, vt Confessarius faciem pœnitentis non possit aspicere. In qua verò Ecclesia plures fuerint Confessarij, sedilia confessionalia eodem modo constructa, in vna ex Ecclesiæ nauibus, si commodè fieri potest, inter se aduersa ponantur, vt & Confessarij ipsi sese inuicem intueri queant. In ea ergo superpelliceo & stola violacei coloris indutus (nisi fuerit regularis; huic enim sufficit habitus regularis, si est à seculari distinctus; alioquin & superpelliceo & stola induatur) facta priùs (vt dictum est) oratione, sedeat decenter & compositè grauitate retinens & honestatem, præsertim cum mulieres audit vel adolescentes. Ab ea autem sede ante completam confessionem nunquam, nisi vrgenti de causa discedat; si quando verò discesserit, redeat quamprimùm.

Pœnitentem quoque decenter se componere doceat; si arma gerit, deponere iubeat; si immoderato corporis cultu & ornatu accedit, benignè corripiat, & suadeat vt ornatum illum priùs deponat, & postea redeat. Id verò tum præcipuè agendum, cum mulieres nimis fucatæ accedunt.

Ad confessionem accedentem benignè excipiat, cum grauitate tamen, ne vel sola benignitas contemptum pariat, vel grauitas sola terrorem incutiat. Moneat verò, nisi ille sponte sua faciat, vt vtrumque genu flectat, signo crucis se muniat, & capite demisso manibusq. iunctis dicat, Confiteor Deo &c. vsque ad verba, Ideo precor, exclusiue. Quòd si adeo rudis esset, vt id nesciret, adiunct Sacerdos, & si opus sit vulgari sermone.

Deinde si pœnitentem non nouit, primùm interroget de statu suo, sitne clericus, an laicus; quòd si clericus, secularisne an regularis, & an sacris ordinibus initiatus; si fuerit regularis, nisi alioqui facultatem habuerit, ipsum non audiat, sed ad suum

superiorem remittat. Si secularis, sitne beneficiatus, aut in aliqua dignitate constitutus: Si laicus, coniugatusne an solutus; priuatus, an magistratu aliquo fungens, seu officio, & quo: plurimum enim refert hęc primum habere perspecta; sic enim commodius interrogabit, & cuiusque status propria non aliena.

Postea interroget quampridem sit confessus, an penitentiam iniunctam perfecerit; an in præteritis confessionibus suę conscientię satisfecerit, an aliquod peccatum in illis studiosè subtraheret. Id quod si accidisset, iteranda esset confessio. Quærat etiam an nunc confessurus, conscientiam suam prius discusserit, & in peruestigandis peccatis diligentiam adhibuerit, seq. ad confessionem ritè preparauerit. Quod si sine dolore vllò ad hoc Sacramentum venisseprehendatur, aut aliqui imparatus, monendus est, vt se de integro præparet, & postea redeat. Quod si aut non facturus, aut non rediturus videatur, & dicat se aliquo modo conscientiam discussisse, iubeat eum Sacerdos quæ recordatur sincerè & cum displicentia confiteri; tum diligenter eum interroget, & sic adiuet, vt sit integra tandem & perfecta confessio. Id etiam seruandum est, si periculum mortis vel phrenesis imminet.

Si Sacerdos deprehenderit penitentem in excommunicationem aliquam incidisse, à qua eum non possit absolueri, ad superiorem remittat, vel ipse ab illo facultatem absoluedi obtineat. Quod si per iudicem fuisse denuntiatus excommunicatus, remittendus est ad eum, vt ab excommunicatione absoluat, & ipse postea à peccatis absoluet. Idemq. si habet casus alios reſeruatos, remittendus erit ad superiorem; vt ab eo facultas absoluedi obtineatur.

Si in aliquam hæresim seu errorem contra fidem lapsus fuisset, eumq. aliquo exteriori actu vel signo expressisset, remittendus est ad Ordinarium, vel ad Inquisitorem loci, monendusq. vt ei omnes suos errores & hæreses fateatur; complices quoque, fautores & receptatores denuntiet.

Quod si penitens pudore vel timore ad id induci non possit; aut si aliàs aliquo iusto impedimento, veluti status, officij, sexus, carceris, vel clausurę regularis feminarum detineatur, quo minus illos per seipsum adire queat; tunc pro loco & tempore, tacito nomine & conditione penitentis, consulendus est idem Ordinarius vel Inquisitor, aut alius superior qui habeat potestatem.

Si compertat penitentem in statu esse peccati mortalis, in eoq. velle perseuerare, vt si inimici odium nolit deponere, vel illi humiliter veniam petenti dilectionis signa exhibere; aut concubinam abijcere & eius consuetudine abstinere: aut occasionem peccati mortalis à se remouere, vt perniciosum aliquod commercium, aut exercitium, aut officium, aut malè acquisita, aut aliqui debita restituere; aut si sit clericus beneficiatus, & incompatibilia habeat beneficia, aut nullo, malore titulo, nec sit paratus relinquere, vel alia via suę conscientię consulere; aut si tonsuram & habitum clericalem non deferat, cum sit beneficiatus vel in sacris Ordinibus constitutus, nec legitimam exculationem habeat: tales, si statim peccati relinquere nolunt, eaq. omnia facere ad quæ tenentur, dimittendi sunt, neque cum his tempus frustra consumendum; nisi spes aliqua sit fore, vt in confessionis progressu in melius mutentur. Cùm autem dimittuntur consilio iuuandi sunt, & monendi, vt per eleemosynas & alia bona opera se ad Dei gratiam disponant.

Paratum confiteri Confessarius hortetur, vt quæ in mentem venerunt & memoria tenet peccata ipse sua sponte confiteatur: quod si malit interrogari, tamen ei persuadeat vt prius peccata dicat quæ meminit, saltem grauiora; se postea vbi opus fuerit de reliquis interrogaturum.

Confiteri incipientē attentè audiat, nec interrumpat, etiamsi ille inordinate confiteatur; nisi obiter de aliqua circumstantia peccati interrogandus esset vel monendus; ne aliquam personam nominet, neve superflua dicat, aut vt verbis honestis in confessione vtatur, aut aliquid non satis perceptum clariùs explicet. Caueatq. ne dum ille peccatum aliquod quantumvis graue narrat, indignationis aut horroris signum ostendat: neque tunc eum reprehendat, aut peccata eius exaggeret, sed patienter expectet

expectet usque ad finem; ne si eum tunc corripiat, deteritis peccata reliqua non audeat confiteri; quinimò benignè ad dicendum cum fiducia animet, & adiuuet, & quamdiu dicit patienter audiat.

Vbi dixerit se omnia quæ meminit confessum, interroget eum, an aliquod peccatum habeat, quod non nisi interrogatus præ pudore confiteri audeat, præsertim si mulier vel puer fuerit: hi enim ob verecundiam peccata sua celare solent. Quod si fateatur; aut alioqui ex gestibus vel nutibus deprehendat Confessarius aliquod peccatum reticuisse, beneuolum se illi præbeat, ac hortetur ad omnia sincerè coram Deo detegenda; quòd si nondum persuadetur, terroribus ex diuina ultione in eos qui sacrilegè sanctis Sacramentis abutuntur cum inducat: Vbi verò peccatum quod tacuerat dixerit, curet Sacerdos, vt sacrilegium quod ille in prioribus confessionibus, aut in ea ipsa, quæ tunc fit, peccatum tacendo commiserat, agnoscat, & cum dolore confiteatur.

His peractis procedat confessarius ad interrogationes faciendas, ad quas pœnitens verè, integrè, & liberè certa pro certis, dubia pro dubijs vt respondeat, curet.

Sit autem prudens & cautus in interrogando, ne pœnitentes, præsertim pueros, & puellas peccata doceat, quæ ignorant; ne tentationes eis, aut sibi ipsi excitet, abstineatq. à curiosis, inutilibus, & superfluis, nimijs denique interrogationibus, idq. præsertim cum mulieres audit, cum quibus breuiter quantum potest, agendum est.

Ei verò qui sæpe & rectè confiteri solet, prætermisissis interrogationibus sufficere audita confessione pœnitentiam iniungere & absolvere; nisi remedium aliquod, aut consilium, aut exhortatio, aut instructio aliqua adhibenda sit.

Ordinatè autem interrogandus est pœnitens, iuxta personæ tamen qualitatem, primum quidem an sciat Pater noster, Ave Maria, Credo in Deum, & præcepta Decalogi. Quæ si nesciat, grauiter increpandus est, eiq. præcipiendum, vt quamprimum illa addiscat. Deinde diligenter interrogandus est de peccatis commissionis & omissionis cum circumstantijs eorum necessarijs circa decem præcepta Decalogi, & septem peccata capitalia, & opera misericordiæ tam corporalia quàm spiritualia, & circa virtutes Theologicas & morales seu cardinales, & quinque sensus corporales; denique circa præcepta Ecclesiæ vel communia, vel pœnitentis personæ accommodata. Quòd si pœnitens sufficienter peccata confessus esset, non est cur alijs interrogationibus fatigetur: neque verò cum erit interrogandus, necesse erit ordine dicto illum semper interrogare, sed illa tantum, quæ videbuntur necessaria.

Neque cum infirmis grauiter laborantibus, & qui ob vim morbi vel phrenesii, vel lethargia facile corripuntur, ordo prædictus erit seruandus; sed de grauioribus tantum delictis, quantum per tempus licuerit erunt interrogandi.

Peccatorum numerum & circumstantias versus illo comprehendens,

Quis, quid, ubi, quibus auxilijs, cur, quomodo, quando.

vt res postulauerit diligenter exquirat. Sit tamen circumspectus in Veneris, vt à communibus & leuioribus incipiat, quæ si non agnoscit pœnitens, ne de magis particularibus & grauioribus interrogetur, vt si de impuris cogitationibus, vel de contractu aliquo inhonesto interrogatus, neget se in eis peccasse, non descendendum ulterius ad hunc vel illum modum contactus; aut ad hanc, vel illam speciem luxuriæ: habita autem specie & verisimili numero peccatorum ad alias circumstantias minime necessaria non progrediendum. Si tamen ipsi pœnitentes eas dicere velint, non remuendum, dummodò in infamiam alicuius personæ non vergant, sed potius in maiorem & pœnitentis confusionem, & peccatorum declarationem. Necessarias verò, vt quæ speciem peccati mutant, Confessarius ne omittat; vt si pœnitens virum percussisse se dicat, quærat clericumne an laicum: si mulierem cognouisse, solutamne an nuptam; & an virginem, Deo ve sacratam: si rem abstulisse, sacramne, an non sacram, & an de loco sacro vel profano: quantum etiam abstulerit querendum est; nec enim qui parum & qui multum abstulit æqualiter peccasse putandi sunt.

Circa numerum autem peccatorum, animaduertat Confessarius, ne nimium subtiliter

illum inuestigando, pœnitenti molestus sit. Satis est enim, vt plus minus pœnitens quantum meruissile potest, dicat in quaque peccati specie quoties deliquerit. Interrogetur etiam quamdiu in peccato mortali permanserit, & quoties in illud ipsum reciderit occasiones præbendo, aut non remouendo: id enim ad pœnitentis statum dignoscendum, & remedia opportuna adhibenda plurimum conseruit.

De peccati socijs seu complicitibus nec interrogetur, neque reuelare sinatur, nisi quatenus ad integritatem confessionis, & ad salutare remedium pœnitentis necesse videbitur.

Postremo interrogetur nunquid aliud ei in mentem veniat: Quod si negabit, tunc Sacerdos ex his quæ ille confessus est, maiora peccata colligens eorum grauitatem exaggeret, ostendens quam grauius & turpiter Deum offenderit, qui post lauacrum Baptismi, totiq. alia Dei beneficia, eo contempto, Diaboli se seruituti addixerit, reumq. fecerit æterni supplicij. Vt autem ad maiorem cognitionem miseri status illum inducat, ostendat ei grauitatem culpæ ex peccato Angelorum, quod tam seuerè à Deo punitum est: itemq. ex peccato nostrorum parentum, quod in totum humanum genus propagatum Deus non nisi filij sui cruciariibus acerbissimis, & morte voluit expiari. Exponat etiam ei quam seuerè Deus olim peccatores punierit, vt Sodomitæ, Pharaonem, populum Hebræum, aliosq. plurimos, præsertim verò exëpla adducat punitionis aliquorum criminum, quæ se pœnitens commisisse confessus est, vt vel sic ad detestationem illorum maiorem & contritionem inducat.

Audita itaque confessione, & non antea, Sacerdos pœnitentem iuxta personæ & peccati qualitate corripiat, terroremq. diuinæ vindictæ, nisi à peccatis abstineat, si præsertim agrestior & durior sit, incutiat. Nam sapientiores & dignitate aliqua excellentes cum dextertate, & quadam lenitate corripiendi sunt.

Id autem curet præcipuè Confessarius, vt dolorem de peccato maximum concipiat pœnitens, idq. principaliter ob Dei offensam, timoremq. filiali ducatur potius quam feruili, quem dolorem, si in se non sentiat, vel de eo ipso doleat. Debet verò Confessarius ipse quoque ex affectu charitatis condolere, & compati, idq. præferre, vt id sentiens pœnitens eo magis ad dolendum excitetur. Quod si is dolorem sufficientem, & propositum abstinendi à peccatis præ se tulerit, non est cur multis ad illorum detestationem & euagationem inducat: approbando quod ipse de se sentit, erit potius consolandus, & consilio in posterum iuuandus.

Quod si viderit pœnitentem gemitibus & lamentis cruciari, benignè eum subleuet, & ipse veniz consoletur, proposita diuina misericordia, ijsq. peccatoribus, qui eam post grauisima peccata per pœnitentiam sunt consecuti, vt Dauide, Publicano, Peccatrice, & Petro, & alijs multis: Deum cor contritum & humiliatum non despicere, Christum non venisse vocare iustos, sed peccatores ad pœnitentiam, pro ijs eius sanguinem effusum: Denique Christum in cruce expansis brachijs pœnitentes expectare, & ad se vt veniant inuitare.

Si qui animo sunt deiecto, eos exemplis diuinæ misericordiæ erigat. Interdum etiam peccata eorum extenuet quantum licet, vt animo quieto sint, & conscientia tranquilla. Quinetiam si opus sit, recipiat se pro illis Deo responsurum.

Si peccata sua nullo modo detestari, nullumq. dolorem ostendere videatur: qui nimò varijs modis à Sacerdote ad sui compunctionem excitatus, nihil tamen commoueat, neque proponat in posterum à peccatis, aut peccatorum occasionibus abstinere, nullo modo absolueendus est; sed consilio & hortationibus paternè monendus, ac demum dimittendus.

Caueat Sacerdos, ne dum nimium aggrauando peccata pœnitentem ad contritionem inducere conatur, illum in desperationem aut diffidentiam inducat: itemq. ne peccatum dubium pronuntiet mortale.

Moneat eum ad benè viuendum, recteq. fungendum officio seu arte quam proficitur, & exundum penitus omnem peccati affectum, eiusq. memoriam ac recordationem, qua ad reciduum pertrahi posset, prorsus delendam: quin potius recordetur quam grauis

grauis pœnæ persoluendæ factus sit reus, quam dolore assiduo & congruenti satisfactione redimere debet. Tamen enim de diuina misericordia, & de vi Sacramenti Pœnitentiæ, & legitimi Confessarij auctoritate nescis es dubitare; atque idcirco sperare potest se virtute clauium ex attrito factum esse contritum, & perfectam, quoad culpam, peccatorum suorum remissionem consecutum: meminisse tamen oportet non debere cum de cetero esse securum, vel in bonis operibus remissum, monente scriptura: De propitiatu peccatorum noli esse sine metu, neque adicias *Eccli. 5. 6* peccatum super peccatum. Itemque: Nescit homo utrum amore vel odio dignus *Eccli. 9. 6* sit. Et rursus: Quis potest dicere, mundum est cor meum, purus sum à peccato? *Proverb. 20. 6*

Hortetur tribulatos ad patientiam exemplo Christi & Sanctorum: infirmos autem ad preparationem sui exitus, si tunc sortè contingat, ex hac vita.

Obseruet autem Confessarius affectus & inclinationes pœnitentis, excitetq. cum ad conflictum cum ijs, quibus potissimum in peccata impellitur: idq. per orationem, & per renouationem propositi abstinendi à vitio, & per quotidianum examen propriorum actuum & cogitationum, quod bis quotidie, scilicet manè & vespere, vel semel saltem in die vt faciat docendus est. Itemq. vt quotidie manè Deo primum gratias agat pro beneficijs omnibus: tum gratiam ab eo petat, qua possit omnia cauere peccata, & pro admissis veniam roget, proponens in posterum emendationem: postremò se totum offerat in Dei obsequium. Simpliciores autem & rudiores monendū: vespere autem antequàm cubitum eant, vt gratias agant Deo de beneficijs eo die acceptis, & veniam petant de commissis cum proposito se emendandi.

Hortandi præterea omnes, vt quotidie aliquid de vita & passione Domini, & nostræ redemptionis mysterijs iuxta rosarium B. Mariæ Virginis, vel alium orandi modum, meditentur: ea enim meditatione, & in tentationibus tutiores futuros, & ad diuini amoris ignem in se concipiendum aptiores.

Item, vt quisque aliquem sibi sanctorum in patronum deligat, cui peculiare preces quotidie porrigat; præ omnibus verò gloriosam semper virginem Dei genitricem Mariam in aduocatam; seq. vt exerceat in lectione spiritualium librorum, vt conaciones & lectiones sacras audiat, frequentet Sacramenta Confessionis & Euchariæ; proborum denique & spiritualium consuetudine & consilio vtatur.

Si sortè pœnitens dicat, se ad aliquem statum religionis interiùs vocari; exquirat Confessarius qua ille intentione moueatur; & quàm sæpe hanc inspirationem senserit: quem si perseverantem in bono proposito viderit, laudet, & consilio adiuuet, vt scilicet in religionem eam ingrediatur, in qua obseruantia vigeat regularis. Quòd si nondum statuisset omnino ingredi, hortetur vt assidua oratione petat diuinam sibi voluntatem demonstrari.

His omnibus cum pœnitente pro illius qualitate & capto actis, antequàm ei pœnitentiam & absolutionem Sacramentalem tribuat, interroget (nisi id aliter appareret) an de peccatis doleat propter Deum, vel itq. cauere in futurum quantum in se est, & an propositum habeat satisfaciendi & vitam emendandi: quæ si desint, ad ea illum diligenter hortetur.

Quòd si restitutiones aliquas facturum est damni, rei, aut famæ proximi, imponat illi vt quamprimum restituat. Si occultum est damnum, nec expedit manifestari, clam per fidelem aliquam personam restituatur. Malè ablata certorum dominorum illis restitui faciat: Incertorum verò dominorum, vel certorum, quando non extant ij, quibus restitutio facienda est, si facta diligentia dominus non reperitur; pauperibus Ecclesijs, & pijs locis erogentur, secundum regulas debitæ restitutionis: nisi sortè casus fuerit reseruatus Episcopo; quia tunc eius arbitratu erogatio fieri debet.

Quòd si quis sæpius in alijs confessionibus restitutionum se promissit, nec fecit, & potest restituere, ne absolualet priusquàm restituat.

Eos qui publicè peccauerunt & scandalosè non absolualet, nisi publicè satisfaciunt & scandalum tollant.

Coniuges non legitime separatos, nisi ad cohabitationem redierint, ne absoluat.

Eum qui aliquid vult, & sibi commutari votum petit, aut dispensari: si Confessarius facultatem dispensandi aut commutandi non habet, vel ad habentem auctoritatem remittat, vel ipse ab habente obtineat.

Animaduertat etiam quando plenaria indulgentia in forma Iubilæi, cum facultate Confessorem quemcunque eligendi, & à quibusvis casibus & censuris absolendi conceditur, non propterea quemvis Sacerdotem, sed tantum qui ab Ordinario iuxta decretum generalis Concilij Tridentini admissus & approbatus fuerit, huiusmodi concessionis vigore confessiones audire posse; neque verò sic approbatum dispensare super irregularitate, aut alijs, quæ in Bulla Iubilæi prædicti specificata non fuerint: aliud enim est concedere facultatem absolendi, & aliud dispensandi.

Postquam poenitens & restitutum, & alia quæ debet se facturum promiserit, antequam Confessarius eum absoluat, imponat ei poenitentiam seu satisfactionem sacramentalem. Qua in re grauius errant, qui omnibus ferme vnam atque eandem poenitentiam absque vilo defectu imponunt; cum debeat poenitentia esse peccatis aut æqualis, aut paulò minor & medicinalis. Ea verò, ex sanctorum Patrum sententia, consistit, vel in ieiunijs, vel in orationibus, vel in elemosynis: ad quæ tria omnes alie poenitentie reduci possunt; ad ieiunium scilicet omnia quæ corpus affligunt, & macerant; vt abstinentie cibi & potus, flagellationes, cilicia, vigilie, chameuniz seu humi cubationes & incommode dormitiones, vt super tabulas aut stramen, peregrinationes, genuflexiones multe aut diurnæ cum prolixa oratione. Item, omnia Dei flagella, vt infirmitates, inopia, & alie huiusmodi tribulationes, mors denique ipsa patienter tolerata. Ad orationem autem spectant non solum orationes vocales & mentales, fed etiam examen conscientie quotidianum, lectio librorum spiritualium, auditio Missæ & diuinorum Officiorum, & verbi Dei, visitatio Ecclesiarum, & similia ad Dei cultum pertinentia. Ad elemosynas verò reducuntur non solum pecunie erogatio, sed aliorum quorumcunque bonorum in pauperes distributio, visitatio infirmorum, carceratorum, Hospitalium, susceptio peregrinorum & eiusmodi alia misericordie opera. Habenda verò semper tam in ipsis peregrinationibus, & visitationibus sacrorum locorum, quam in alijs pijs operibus poenitentibus & laboriosis, peccatorum, personarum, & locorum ratio; ita vt poenitens non deterreatur, nec verò remissus aut tepidus reddatur. Et quantum fieri potest, pro mensura peccati plagarum modus esse debet: ac secundum qualitatem criminum satisfactio iniungenda.

Curet autem præcipue vt satisfactio sit infirmitatis spiritualis medicamentum, nouæ vitæ custodia, & præteritorum peccatorum vindicta & castigatio.

Vt autem sciat qualem debeat vnique pro peccatorum ratione satisfactionem imponere, notos habere debet veteres canones poenitentiales, qui etsi non sint omnino in vsu, possunt tamen plurimum conferre ad poenitentias iniungendas, vt ad eorum normam quantum fieri possit, quantumq. nostrorum temporum conditio patitur, sese accomodet, saltem vt poenitentibus interdum significare possit, quæ poenitentia secundum eorum canones eorum peccatis constitutæ sint, vt ex earum magnitudine suorum scelerum grauitatem magis agnoscant, & ad maiorem contritionem excitentur, & ideo inferius referuntur.

Verum quia præcipue iniungendæ poenitentie scopus esse debet, vt poenitentis saluti consulatur, non tam delictorum quantitatem aut qualitatem Confessarius, quam poenitentis conditionem consideret: adeoque pro ætate & qualitate cuiusque ei poenitentiam iniungat: non parum enim refert quod ad id attinet, sitne poenitens vir, an femina; coniugatus, an solutus; religiosus, an laicus; Neophytus, an diu in fide versatus; in dignitate constitutus, an priuata persona; senex, an iuuenis; diues, an pauper; robustus, an debilis; dominus, an seruus; vrbanius, an rusticanus; intelligens, an rudis; denique qua sit professione vel arte, & quo ingenio. Vt plurimum autem mediocritatem teneat, nec rigidior æquo sit vel mitior; ne in iniungendis poeniten-

tij vel nimia indulgentia pœnites segniōres reddat, & ipse alienorum fiat particeps delictorum; vel nimia seueritate eos ab explenda satisfactiōe deterreat.

Quinimō si in alteram partem declinandū sit, in mitiorem potius inclinet, dulcemq. se & lenem, quā acerbū & seuerū præbeat. Omnino autem ijs, qui non videntur pœnitentiā magnā impositā expleturi, parā imponat: præstat enim ad Purgatorium mittere benē sperantes de Dei misericordia, quā desperatos ad Infernum. Hi tamen quibus exigua pœnitentiā iniungitur, docendi quāto maiorem mereantur eorum peccata, nisi forte nimia ex eo pusillanimitas illorum seu animi deiectio timeretur. hortandiq. & animandi ad voluntarias pœnitentiās: quod enim hic perfectæ pœnitentiæ defuerit, in Purgatorio esse luendum.

Infirmo pœnitentiā difficilem ne imponat; insinuet tamen ei pœnitentiā quam facere deberet si sanus esset, eamq. iubeat facere si conualuerit: vt & infra de confessione infirmorum.

Commuet etiam aliquando Sacerdos pœnitentiā, si pœnitens non libenter iniunctā suscipit, vt ieiunia in orationes, eleemosynas in peregrinationes, vel è conuerso. Et licet per alium etiam pœnitentiā explendā, vt peregrinationis & pietatis opera iniungi interdum possint: monendus est tamen pœnitens, quod per alium explens fructū eo pœnitentiæ & vtilitate, quam affert ad sanandos prauos animi affectus carebit: & ideo curet per seipsum potius satisfacere quā per alios;

Et quoniam pœnitentiæ medicinæ quædam sunt, quarum natura est, vt per contrariā, fiant, apponenda sunt (vt Beatus Gregorius dicit) contraria medicamenta peccatis; nempe carnalibus, ieiunia, abstinentiæ, disciplinæ, peregrinationes, alizq. carnis macerationes, & inferuire Hospitalibus aut carceribus. Illis autem, qui hæc minus pati possunt, vel quibus tales pœnitentiās iniungi non expedit, eleemosynæ pro puellis nuptui tradendis, vel in Monasterio collocandis imponantur: pro elationis & superbiæ vicio, opera humilitatis imponat; vtq. pœnitens oret & meditetur vilitatem humanæ conditionis; visitet etiam Hospitalia, & illic cibos administret, lectos sternat, aliaq. eiusmodi humilia opera faciat; cœmeteria, vbi ossa multa congesta apparent, visitet; morientibus assistat, & ad sepulturam etiam comitetur; eleemosynas etiam pro pijs operibus ab alijs petat. Pro auaritia, eleemosynarum largitionem, adeoq. vt Hospitalia & alia miserorum loca visitet, vt ad misericordiam commoueatur: ne cum auaris & pecuniarum cupidis versetur; Dominum Iesum Christum in cruce nudum contempletur, & interdum cœlum suspiciat, vt sibi terrena ista vilescant. Quare ijs qui idem peccatum sapius iterarunt, & faciliè ad vomitum redeunt, quidq. grauiora commiserunt, grauiora imponenda: quia vulnus repetitum & grauius difficiliorem habet curationem. Iuuat etiam pro atrocioribus criminibus aliquando (etiamsi ipse Confessarius habeat facultatem absoluedi) ad Pœnitentiarium Episcopi pœnitentem mittere. Cum peccatum graue publicum fuerit, publicam pœnitentiā imponat. Quod si flagitia enormia fuerint, & eiusmodi vt totam Ciuitatem scandalizauerint, pœnitentiā publica & solennis erit imponenda; sed id per Episcopum, qui quarta feria in capite ieiunij ab Ecclesiā pœnitentem expellat, & quinta feria in Cœna Domini in Ecclesiā introducat, & reconciliet. formam per omnia in Pontificali præscriptam obseruando; qui mos iamdiu intermissus, ad reprimenda scelera, in Ecclesijs Cathedralibus, quantum fieri potest, restituatur. Huiusmodi tamen solennis aut publica pœnitentiā clericis ne imponatur, nisi in casibus à iure declaratis. Neque etiam laico propter occultum peccatum Sacerdos publicam pœnitentiā imponat.

Caveat autem ne pœnitentiā iniungat, per quam alieno iuri præiudiciū afferatur, quale est si seruo peregrinatio, aut ieiunium magnum; filiofamilias magnæ eleemosynæ largitio; coniugato abstinentia diuturna imponatur; neve pro occulto peccato eam imponat, ex qua aut suspicio peccati, aut scandalum aliquod suboriri possit.

Neve etiam in detrimentum salutis animæ vel corporis ipsorum pœnitentium, qualis

effect

esset peregrinatio faminis, præsertim iuuenibus, melancholico icianium panis & aquæ.

Caveat insuper, ne in eleemosynarum pœnitentia iniungenda quicquam sibi, etiam sub specie illas per se pauperibus dispensandi, dari præcipiat; sed sublata omni avaritiæ suspitione, cuncta pijs locis & pauperibus iubeat erogari: nec pœnitentem magis ad unum, quàm ad alterum pium locum obliget; sed hortetur vt potiùs tribuat magis indigenti, & vbi opera charitatis maiora fiunt, vel fierent si suppetere faciltates.

Similiter cum in pœnitentiam iniungit, vt Missas aliquas, veluti pro peccatis, pro remissione, aut etiam pro tribulatione peccatorum, vel pro tentatis & tribulatis, aut similes, quæ habentur in Missali pro ipsis pœnitentibus vel alijs, aut etiam de Requiem & pro defunctis celebrari, aut illarum Collectas dici faciat, caveat ne sibi eas celebrandas assumat, eoq; sibi eleemosynas dari iubeat. Denique vt omnem speciem avaritiæ vitet, ne minimum quidem signum cupiditatis pœnitenti præbeat, adeoq; nec suam ei indigentiam patefaciat, aut alicuius rei desiderium quoquomodo significet.

Munera etiam à pœnitentibus ne accipiat, ne libertate tantopere necessaria se priuet eos, cum opus est, in confessione corripienti, aut aliquo modo necessitatem sibi imponat in eorum vitijs coniuendi.

Iniuncta pœnitentia hortetur vt illam libenter suscipiat, qui si videatur renuere, nitatur ei & rationibus & exemplis persuadere. Quod si omnino adimplere nolit, siquidem grauis fuerit, diminuat; admonendo tamen nisi satisfecerit in præsentī vita, grauiora multò cum in futura manere. Quandoque etiam differat absolutionem, per aliquot dies, quò ille melius interim disponatur; idq; præsertim cum illis faciendum, qui faciliè relabuntur, vt propositum eorum magis exploretur. Si autem pœnitentiam iniunctam admittat, & adeò rudis sit, vt vel non intelligat quæ iniunguntur, vel faciliè obliuiscatur, iubeat repetere antequàm discedat. Poterit etiam, si tentet ne non impleat, alternatiuè hoc vel illud imponere tali aut alio tempore, ab ipso pœnitente eligendo. Horteturq; vt pœnitentiam iniunctam in gratiæ statu implere curet.

De remedijs peccatorum.

Verùm quoniam primarius pœnitentiæ fructus est vitæ mutatio, & perceptæ gratiæ conservatio, ita debet Confessarius pœnitentem instituire, vt intelligat debitorum se esse non carni, vt secundum carnem viuat; quia si secundum carnem viixerit, morietur: si autem spiritu facta carnis mortificatio uerit, uiuet. Hortetur itaque illum, vt assiduis precibus perseverantiæ donum ab eo petat, qui potens est eum, qui stat statuere, & eum qui cadit restituere, & pro cuiusque statu & conditione eà consilia ac remedia præbeat, quibus contra tentationes & peccata, eaq; præcipuè ad quæ propensior videbitur, sese diligenter muniat; ne si, quod absit, iterum redeat ad vomitum, fiant nouissima illius peiora prioribus.

Itaque moneat illum, vt aliquam certam orandi rationē ineat, manè præsertim quando surgit, & vespri antequàm cubitum eat conscientiam suam semel saltem quotidie examinet; si ad id aptus videatur, pijs meditationibus sese exerceat, certis quibusdam sibi propositis capitibus, vt de grauitate, turpitudine, ac malitia peccati, de morte, de extremo iudicio, de pœnis inferni, de gloria Beatorum, de animæ dignitate ac pulchritudine, quam Dei imagine, similitudineq; insignitam, nefas est scelerum cœno sordibusq; fedari. De seueritate qua Deus etiam in hac vita plerumque peccata punit, vt accidit in peccato primorum parentum, totius mundi tempore, Noe, Sodomitarum, Pharaonis, Nabuchodonosor, Antiochi, Herodis & aliorum, quæ in sacris litteris ac sanctis Patribus frequenter leguntur. De multiplici detrimento peccati, quo Dei gratia ac Spiritus sancti donis, conscientiæ puritate, pace, ac solatio, meritis bonorum operum, coniunctione cum Christo, quæ pendet à charitate,

iure

Rom. 8. c

Cumil. triid. ff. 6.

*a Petri 3. in ff.
Luc. 11. d*

iure denique æternæ felicitatis consequendæ meritò priuamur: contrà verò à Dei filiatione deiecti, incidimus in miseram diaboli ac peccati seruitutem, auersionem à Deo, eiusq. indignationem & inimicitiam, & qui inde sequitur, reatum damnationis sempiternæ. De singulari Dei in nos amore, atque eximijs beneficijs creatione, redemptione, vocatione, iustificatione, & iustificationis instrumentis, idest sacrosanctis Sacramentis, quibus multiplici gratia contra varia vitia armamur. Præcipue verò de vita & morte Christi, vnde omnium virtutum exempla hauriuntur. Curet etiam vt assuescat, quantum cuiusque status & conditio patitur, pios libros legere, vt præter sacras litteras, aliquot sanctorum Patrum tractatus & sermones, Sanctorum vitam, collationes Patrum, & inde diligenter excerptere, quæ sibi vsui esse possint. Tentationibus, initio præsertim, acriter resistat inuocato quamprimum Iesv & Mariæ Virginis nomine, & si commodè possit corporis oculos, vel certè mentis aciem ad Christum de Cruce pendentem conuertat, eius opem in præsertim periculo auxiliumq. ardentè imploret. Occasiones præterea peccandi & vitiosorum hominum consuetudinem diligenter vitet, sensus corporis, cogitationem, & imaginationem, quoad eius fieri potest, à rebus noxijs ac periculosis auocet, & ad ea potius conuertat, quibus ad Dei timorem atque amorem vehementius inflammetur. Sacramenta, præsertim Confessionis, frequentet, contra peculiaria vitia, quibus præcipue impugnatur, singulare quasi certamen suscipiat; & cùm manè surgit, petat à Deo gratiam, qua possit eo die ab illo vitio vel peccato cauere: proponat se diligenter daturum operam, quantum in se erit, vt nullo modo Deum, illo præsertim crimine offendant: si forte labatur, aliquam subito spontaneam pœnitentiam subeat, vel peccus tundat, vel sibi in corde signum crucis exprimat, vel genibus flexis breuem aliquam orationem recitet; vel terram osculetur; vel denique quippiam simile faciendum suscipiat, quoties in eiusmodi peccatum inciderit: & quod caput est, post lapsum primo quoque tempore confiteatur; ne si peccatum diutius in eius conscientia hæserit, suo illam pondere mox in alia trahat, & latens virus in apertam pestem erumpat. Confessarium verò (quem eundem semper, quantum fieri potest, habere debet, non huc illuc vagando obuio cuique confiteri) eligat, non qui sibi blandiatur & benigniùs indulgeat: sed qui, iuxta Apostolum, arguat, obsecret, increpet in omni patientia & doctrina, qui quæ pietate, religione, & sacrarum litterarum scientia instructus suis morbis imitari sciat & velit, & viam veritatis & salutis ostendere.

2. Tim. A. 6

Gregor. 17. in Synodo Romana anno Domini 1616.

Doceat quæ sint propria cuiusque peccati ac morbi spiritualis medicamenta: nam superbiæ remedia sunt frequens humiliatio ac deiectio sui; in vilibus sese atque abiectis operibus exercere; cum pauperibus & infimæ conditionis hominibus versari; nouissimum semper locum sibi deligere; cultum, atque ornatum vestium contemnere; in omnibus singularitatem vitare; Christi, Beatissimæ Virginis ac Sanctorum humilitatem spectare, eamq. sibi ad imitandum proponere: recordari quàm sit superbia Deo inuisa, qui humilia respicit, & alta à longè cognoscit; superbis resistit, humilibus autem dat gratiam: quiq. etiam superbieutes angelos sempiterno supplicio damnauit.

Proderit etiam miseram hominis conditionem sedulo ac diligenter meditari, vt corporis coagmentationem, materiæ vilitatem, tenuitatem virium, multiplices necessitates, postremò mortem, qua redigitur in puluerem, fetorem, vermium denique escam & putredinem. Animæ verò incitiam, leuitatem, inconstantiam, perturbationum pugnam, propensionem ad malum, difficultatem ad bonum, sua cuiusque vitia & peccata, quibus assidue impugnatur, & non rarò succumbit: aliorum contra, virtutes, à quibus longissimè abest; suorum, si quæ fortè habeat, bonorum exiguum numerum & imperfectionem: quæ tamen ipsa Dei dona sunt, vt nullam ex ijs laudis aut gloriæ particulam ad se deriuare possit, iuxta illud Apostoli: Quid habes quod non acceperis? Si autem acceperis, quid gloriaris quasi non acceperis?

1. Cor. 4. B

Si quis inuidiæ morbo laboret, is diligenter considerare debet primum huius vitij ætatem

ctorem esse diabolum; effectum verò mortem, quia rectè dictum est: Invidia diaboli mors introiit in orbem terrarum. Inde profluxit malorum illa colluvies, quæ nos in hac vita continenter premit: præter ea quæ ipsam invidiam comitantur, quibus invidi animus perpetuò torquetur, cuiusmodi sunt animæ cruciatus, carnis afflictio, excecatio sanguinis, amarulentia, pallor, & alia eiusdem generis permulta. Accedit quòd invidia est veluti venenum charitatis, eius præcipuè quæ proximis debetur, quos non modò naturæ socios; sed eorundem bonorum gratiæ & gloriæ participes habemus. Itaque exercere se debet in actibus, præsertim internis, dilectionis & charitatis, optando, & quantum fieri poterit procurando aliorum commoda. Denique id sibi in animum inducere debet, nihil invidiam prodesse, plurimum verò nocere; esseq. vitium eiusmodi, quod non modò Deum offendant; sed ipsam quodammodo hominum societatem oppugnet.

Acedit verò & spiritualis negligentia torporem curare poterit vitæ brevitatis recordatio, otij & desidij periculum, à quo Sapiens exemplo formicæ nos reuocat. Deinde de consideratio conditionis nostræ, qui ad laborem & ad operandum nascimur, proposito à Deo non solùm præmio benè agentibus, sed etiam otiantibus supplicio: militiam esse humanam vitam: vndique imminere certamina & hostium insidias; nullam esse inimicorum quietem, nullum illos finem facere oppugnandi. Quocirca nullum focordiz aut desidij reliquum locum esse debere. Rectè enim nos obiurgat B. Augustinus illis verbis: Hostis vigilat, & dormis tu? Frequenter igitur in mentem reuocanda sunt verba illa Apostoli Pauli: Hora est iam nos de somno surgere: nunc enim propior est nostra salus, quam cum credidimus. Itemq. illa B. Petri: Satagite vt per bona opera certam vestram vocationem & electionem faciatis.

Luxuria verò remedia, præter ea quæ carnem affligunt, de quibus supra dictum est, præcipua sunt sensuum custodia, ne mors per fenestras ingreditur: cum (quæ admodum ait B. Gregorius) non liceat aspicere, quod non licet concupiscere; mulierum familiaritates, & alias periculosas consuetudines vitare, choreas, spectacula impudica, lasciuas cantilenas, & symphonias, superflua conuiuia, aliasq. omnes voluptatis illecebras auerfari ac fugere, à lectione & colloocatione rerum amatoria- rum abstinere: seminarum quarum suspecta sit vita, nec salutationes, nec munuscula, nec litteras accipere; neque ad illas mittere; mnemosyna, quæ ad memoriam dantur, apud se, aut illarum effigies non retinere; otium tanquam certissimum ac præsentissimum pestem, omni studio à se remouere; delieatioribus vnguentis, aut odoramentis non oblectari; minima quæq. pericula magnificare; non sibi multum tribuere, aut suis viribus fidere; primos tentationum motus, & exorientes cogitationes subito opprimere; & mortis, inferni, aut passionis Christi recordatione, libidinis ignem restringere; patri spirituali & Confessario latentem morbum indicare; illius consilium & orationis auxilium apud Deum implorare. Sæpe animo versare huius foedissimi vitij damna & incommoda partim corporalia, partim spiritualia, partim temporalia, partim etiam æterna. Siquidem momentaneum est quod delectat; contra verò æternum quod cruciat. Recordari eorum, qui propter hoc vitium malè perierunt, subita præsertim morte correpti, & illorum qui fortiter resisterunt, & gloriosissimam victoriam reportarunt, ad quam non tam certo quàm fugiendo aspirandum est.

Hæc eadem fermè valent contra gulam: quæ tamen proprias habet curationes ac suas. Si quis secum feruentem reputet quàm paucis natura contenta sit; quantopere illa quæ pro oblectando corpore tam studiosè comparantur ipsi corpori obsint; cum inde tam multa morborum genera existant, præter mentis stuporem atque hebetudinem, otium, ignamiam, & alia innumerabilia mala, quæ ex gula nascuntur: cum rectè à sanctis Patribus obseruata sint verba illa: Sedit populus manducare & bibere, & surrexerunt ludere; quasi à gulæ vitio orta sit idololatria; imò verò nimium ciborum studium, genus quoddam sit idololatriæ: cum Paulus dicat de quibusdam: Quorum Deus venter est. Denique in mentem reuocanda est abstinentia, & seuerà

Rom. 13. c

2. Petri 1. b

Exodi 32. b

Philip. 3. d

illa ieiunia, quæ olim apud Sanctos erant in vſu: qui propterea ad virtutum ac perfectionis apicem ſumma cum laude perueniunt.

Auaritiam curare poſſunt frequens meditatio breuitatis vitæ, & mortis quotidie imminentiſ, quando cuncta neceſſariò relinquenda erunt, iuxta illud quod dictum eſt à Domino: Stulte hac nocte animam tuam repetunt à te: quæ autem paraſti cuius erunt? Recordatio præmiorum, quæ manent eos, qui bona huius vitæ liberaliter diſpenſauerint; de quibus Chriſtus: Facite vobis amicos de mammona iniquitatis: ut cum deſeceritis, recipiant vos in æterna tabernacula. Rurſus: Theſaurizate vobis theſauros in cælo, & facite vobis ſacculos, qui non veteraſcunt; theſaurum non deſicientem in cælis. Plurimum etiam proderit diligenter pendere, quàm ſit deſtabile avaritiæ vitium: rectè enim ait Salomon: Avaro nihil eſſe ſceleſtius. & Apoſtolus Paulus cupiditatem vocat malorum omnium radicem; & avaritiam idolorum ſeruitutem, & ſancti Patres vix aliud vitium æquè atque avaritiæ deſtantantur.

Luca 12. c

Luca 16. b

Matth. 6. c

Luca 12. d

Eccli. 10. b

1. Tim. 6. b

Ephes. 5. b

Quare frequentandæ erunt pro cuiusque ſtatu eleemoſynæ, illaq. Tobiz verba ſæpe in mentem reuocanda: Ex ſubſtantia tua fac eleemoſynam; & noli auertere faciem tuam ab illo paupere: ita enim fiet, ut nec à te auertatur facies Domini: quomodo poteris, ita eſto miſericors: ſi multum tibi fuerit, abundanter tribue: ſi exiguum tibi fuerit, etiam exiguum libenter impertiri ſtude: præmium enim bonum theſaurizas in die neceſſitatis. Qui pauperes ſunt, ab avaritia reuocari poterunt, ſi ſedulo meditentur verba illa Chriſti: Ne ſoliciti ſitis animæ veſtræ, quid manducetis, neque corpori veſtro quid induamini: nonne anima plus eſt quàm eſca, & corpus pluſquàm veſtimentum? Reſpicite volatilia cæli, quoniam non ſerunt neque metunt, neque congregant in horrea; & pater veſter cœleſtis paſcit illa. nonne vos magis pluris eſtis illis. Atque ita diſcant nimiam rerum terrenarum curam ac ſollicitudinem exuere, & de diuina prouidentia plurimum confidere. Diuites verò recorderentur, ſe magnam Deo rationem reddituros, ſi ſuperflua ſuæ perſonæ ac ſtatui retinuerint, ut ſancti Patres communi conſenſu grauiffimis verbis docuerunt. Magna etiam pericula ijs imminere, qui diuitijs coaceruandis dies nocteſq. infundant, quod Apoſtolus Paulus illis verbis declarauit: Qui volunt diuites fieri, incidunt in tentationem & in laqueum diaboli, & deſideria multa inutilia & nociua, quæ mergunt homines in interitum & perditionem.

Matth. 6. c

Luc. 12. c

1. Tim. 6. b

Contra odium, iram, & appetitum vindictæ, magnam vim habent diligens ac ſtudioſa meditatio patientiæ Chriſti, qui cum malediceretur, non maledicebat; cum pateretur non comminabatur: imò cum adhuc inimici eſſemus, ipſe pro nobis mortuus eſt. Exempla Sanctorum, qui, ut de ſe ſcribit Paulus, maledicebantur & benedicebant; perſecutionem patiebantur, & ſuſtinebant; blaſphemabantur, & obſecrabant. Crebro meminiffe illius parabolæ de ſeruo, qui debebat decem millia talenta, quem Dominus ob id tortoribus tradi iuſſit, donec redderet vniuerſum debitum, quod noluiſſet conſerui ſui miſereri. Hæc eſt enim illius parabolæ clauſula: Sic pater meus cœleſtis faciet vobis, ſi non remiſeritis hominibus de cordibus veſtris. Iuenerit etiam iniurias ab hominibus acceptas in diuinam prouidentiam referre, qui nos permittit varijs modis tentari. Quod faciebat Dauid, cum de Semei, qui ſibi dira imprecabatur, magna cum animi moderatione dixit: Dominus præcepit ei ut malediceret Dauid: & quis eſt qui audeat dicere, quare ſic fecerit? Denique meminiffe oportet, quàm multa & quàm graua quotidie nobis à Deo condonanda ſint, quæ qua fronte nobis remitti à Deo petemus, qui odium atque iram in fratrem reſeruamus? Rectè enim Salomon: Homo homini reſeruat iram, & à Deo quarit medicinam? Et Chriſtus non aliter in oratione Dominica remiſſionem petendam docuit, quàm ea ratione, qua nos proximo dimittimus: Dimitte (inquit) debita, ſicut & nos dimittimus debitoribus noſtris.

Matth. 18.

2. Reg. 16. b

Eccli. 28. a

Matth. 6. b

Denique ne ſingula perſeſcantur, ijs qui blaſphemiz vicio laborant, cauenda eſt in primis ira & occaſiones iracundiæ, ludendi conſuetudo, vnde ut plurimum oriuntur blaſphemiz, iurandi vſus, lingua denique cohibenda, ac diligenter cuſtodienda.

Huius

Huius porro peccati grauitas, turpitudò, periculum etiam atque etiam meditanda, collectis hincinde exemplis eorum, qui ob tātum scelus in hac vita grauissimas penas dederunt. Danda diligenter opera, vt assuecant, Deum frequēter & Sanctos laudare & benedicere; vt irati silentiū, quoad fieri potest, seruent; vt piam erga Deum & diuina omnia affectionem concipiant; vt Dei, Sanctorumq. nomina præcipuo honore colant, vt frequenter suis orationibus gratiam petant, vt à tam periculoso morbo liberentur, & ad id impetrandum aliquam poenitentiam suscipiant: aliqui item proponant sibi faciendam, si fortè contingat illos aliquando blasphemare. Postremò multa ex ijs, quæ suprà vniuersim contra omnia vicia proposita sunt, aduersus hoc peccatum vim præcipuam habent.

His aut similibus remedijs oportet esse instructum Confessarium, ad varios animi morbos poenitentium curandos: ideoq. vt norit suo quæq. loco aptare, & varios animorum motus, ea qua decet prudentia tractare, flectere, intendere, aut remittere, vt res postulauerit, necesse erit eum habere collecta multa virtutum ac vitiorum documenta, exempla & præcepta, quibus mores & vita hominum institui & corrigi potest. Quæ omnia facili sibi comparabit ex frequenti lectione librorum spiritualium, assidua meditatione, ac seruenti oratione, qua se ac poenitentes Deo, Beatæ Virgini, & Sanctis omnibus commendat, semperq. ob oculos habeat Christum Redemptorem nostrum, qui venit in hunc mundum peccatores saluos facere; quiq. vt bonus pastor errantem in montibus ouem centesimam, relictis nonagintanouem, diligentissimè conquisiuit, & aliquando inuentam, ad ouile suis ipse humeris reportauit. Illud denique Euāgelici Samaritani exemplū sibi ob oculos proponat, qui vino & oleo, hoc est rigore ac feueritate cū lenitate mansuetudineq. coniunctis, iacētis vulnera curauit.

Luc. 10.

Vbi verò poenitens iniunctam poenitentiam suscepit, iubeat per se, vel ipso Confessario adiuvante Latina aut materna lingua dicere:

I Deo precor beatam Mariam semper virginem, B. Michaellem Archangelum, B. Ioannem Baptistam, sanctos Apostolos Petrum & Paulum, & omnes sanctos, & te Pater orare pro me ad Dominum Deum nostrum.

Quibus dictis, Sacerdos eum absoluat primò ab excommunicatione ad cautelam, si non constet eam incurrisse. Si autem incurrit, & sit declaratus excommunicatus, auctoritatem absoluedi habeat per sufficiens mandatum, & in absolutione ab excommunicatione maiori, ob ius tertij violatum, seu iniuriam factam alicui, exigat ab excommunicato, vt satisfaciatur prius parti offensæ, vel cautionem det satisfaciendi, aut saltem iuret, cū primum poterit se satisfacturum.

In grauissimis quoque criminibus idem seruandum est, vt à poenitente iuramentum exigat, quòd talia in posterum non committet.

Quòd si fuerit crimen hæresis, schismatis, vel apostasie à fide, & ipse Confessarius facultatem habeat eum absoluedi in foro conscientie, tunc faciat illum primum hæresim, schisma vel à fide apostasiam huiusmodi in ipso Sacramento Poenitentie citra scriptum verbo detestari, anathematizare, & abiurare, ac iureiurando præstato promittere, quòd de cætero ab ijs, atque alijs similibus excessibus penitus abstinbit; deinde illum à sententia excommunicationis, alijsq. Ecclesiasticis censuris & penis, iniunctis poenitentijs salutaribus & alijs iniungendis, iuxta facultatem, in foro conscientie duntaxat absoluat, ac in gremium sanctæ matris Ecclesiæ recipiat & reconciliet.

Si excommunicatio fuerit publica, excommunicatus publicè absoluator sub formula inferius posita, cum psalmo, Miserere, & alijs requisitis.

Post absolutionem ab excommunicatione, absoluat à peccatis, vt infra ponitur.

CANONES POENITENTIALES.

QUIA suprà dictum est, quòd Sacerdos Confessarius scire debet veteres canones poenitenciales, non vt omninò necessarios, sed vt utiles ad poenitencias iniungendas; vtq; tam ipse quàm poenitens peccatorum grauitatem ex poenis in eis impositis agnoscat, & ad poenitencias iniunctas libentiùs implendas, vel aliter etiam à seipso vitrò exigendas poenitens faciliùs adducatur; ideo hoc loco referuntur, vt sequitur.

x Sed quia 39. distict. cap. Quæ ipsi. ex dictis B. Augustini de certis libris Ecclesiasticis, & inter eos dicitur de Canone Poenitentiali, qui ipsi Sacerdotibus necessarij sunt ad discendum. & ibi subditur. Ex quibus omnibus si vnus defuerit, Sacerdotis nomen vix in eo constabit. Ideo per dictum tex. dixerunt Doctores, quòd Sacerdos tenetur scire canones poenitenciales, alioquin vix in eo nomen Sacerdotis constabit, per d. cap. Quæ ipsi. vt Offien. in summa de poenitentijs. §. Vt autem Sacerdos. in princ. ibi, nam canones poenitenciales tenetur scire Sacerdos, vel alias vix in eo nomen Sacerdotis constabit, secundum Augustinum 38. distict. quæ ipsi &c. Et summa Confessorum lib. 3. tit. 34. q. 235. col. 3. vers. Et vt Sacerdos cautius in speciali poenitencias arbitretur &c. ibi canones poenitenciales tenetur scire Sacerdos, alias vix nomen Sacerdotis constabit secundum Augustinum &c. Et S. Antoninus parte 3. summe, tit. 17. cap. 21. §. 3. circa princip. ibi, canones poenitenciales tenetur scire Sacerdos, alias vix in eo nomen Sacerdotis constabit &c. & alij. At in eo cap. Quæ ipsi. non dicitur, vt scire tenetur, sed quòd illos habere debeat vt necessarios ad discendum, non autem quòd Sacerdos scire tenetur &c. Et ita etiam habet Beda in suo Poenitentiali cap. 1. §. Nunc ergo d fratres,

Antiqui Canones Poenitenciales.

Rimus est, quòd si presbyter fornicationem fecerit, quanquàm secundum canones Apostolorum debeat deponi, tamen iuxta auctoritatem beati Papæ Siluestri, si in vitio non perdurauerit, sed sua sponte confessus adiecit vt resurgat; decem annis in hunc modum poeniteat: tribus quidem mensibus priuato loco à ceteris remotus pane & aqua à vespere in vespeream vtatur; tantum autem diebus Dominicis & præcipuis festis modico vino & pisciculis atque leguminibus recreetur, sine carne & sagimine, ouis, & caseo; sacco indutus humi adhæreat; die ac nocte iugiter misericordiam Dei omnipotentis imploret. Finitis tribus mensibus continuus exeat: tamen in publicum non procedat; ne grex fidelis in eo scandalum patiatur. Nec enim debet Sacerdos publicè poenitere licet laicus. Postea aliquantisper resumptis viribus, vnum annum & dimidium in pane & aqua expleat, exceptis Dominicis & præcipuis festis, in quibus vino & sagimine, ouis & caseo iuxta canonicam mensuram vti poterit. Finito primo anno & dimidio, corporis & sanguinis Domini, ne indurescat, particeps fiat, & ad pacem veniat: psalterium cum fratribus in choro vltimus canat; ad cornu altaris non accedat; iuxta Beati Clementis vocem, minora gerat officia. Deinde verò vsque ad expletionem septimi anni, omni quidem tempore, exceptis Paschalibus diebus, tres legitimas ferias in vnaquaque hebdomada in pane & aqua ieiunet. Expleto septimo anni circulo, si sui fratres apud quos poenituerit, eius condignam poenitentiam collaudauerint, Episcopus in pristinum honorem, iuxta B. Calixti Papæ auctoritatem, eum reuocare poterit. Sanè sciendum est, quòd secundam feriam vnum psalterium canendo, aut vnum denarium pauperibus dando (si operarius est) redimere poterit. Finitis autem septem annis, deinde vsque ad finem decimi anni sextam feriam, nulla interueniente redemptione, obseruet in pane & aqua.

Eadem quoque poenitentia erit Sacerdoti de omnibus alijs peccatis & criminalibus, quæ

eum in depositionem inducunt. Neque hoc cuilibet videatur onerosum; si Sacerdos post lapsum dignè (vt suprà dictum est) pœnitens, ad pristinos redeat honores, lxxxi. dist. cap. vi. Presbyter si fornicationem fecerit, ex Concilio Hibernensi.

Quod intelligitur quando crimen est manifestum, & quidam intelligunt de simplici fornicatione; alij fortè melius, secundum Rain. de adulterio vel incestu, puta quia cognovit coniugatam, consanguineam vel affinem.

Secundus est, quòd si presbyter filiam suam spiritualem (quam scilicet baptizauit, vel in Baptismo, vel in Confirmatione tenuit, vel quæ sibi peccata sua confessa fuit) ab omni officio deponitur, & peregrinando duodecim annos pœnitere debet, & postea Monasterium ingredi, & ibidem cunctis diebus vitæ suæ Deo seruire. Episcopus verò, qui talia commisit, pœnitere debet quindecim annis, si tamen crimen sit manifestum. Ipsa verò mulier debet omnia sua relinquere, & res suas pauperibus tradere, & conuersa vsque ad mortem in Monasterio Deo seruire, xxx. q. 1. Si quis Sacerdos. & cap. Non debet. ex Cœlestino Papa.

Tertius est, quòd qui contrahit cum aliqua alteri desponsata per verba de præsenti, ipsa dimissa quadraginta diebus ieiunet in pane & aqua, & sequentibus septem annis pœniteat, cap. Accepisti. de sponsa duorum. ex Burchardo libro xix. cap. v. §. Accepisti.

Quartus est, si pater & filius, aut duo fratres cum vna muliere, aut si cum matre & filia, aut cum duabus fororibus, aut cum duabus commatribus aliquis concubuerit, secundum antiquam & humaniorem definitionem octo annis pœniteat, xxx. q. iij. Si pater. ex Concilio Chalced.

Quintus, Si quis cum duabus fororibus fornicatus fuerit, & sororem soror ab eodem antea stupratam nescierit; vel si ipse sororem eius, quam antea stuprauerat non intellexerit; si dignè pœnituerint & se continere non valuerint, post annos septem coniugia illis non negentur. Si autem non ignorauerint, vsque ad mortem à coniugio abstant, cap. Si quis cum duabus. xxxiiij. q. j. & ij. ex Concilio Triburiensi cap. xlv. & facit Concilium Vuormaciense cap. xxxij. Si quis cum duabus fuerit fororibus.

Sextus, si quis cum matre & filia fornicatus est, ignorante matre de filia, & filia de matre, ille nunquam accipiat uxorem: illæ verò, si voluerint, accipiant maritos. Si autem hoc fecerint, ipsæ scilicet absque maritis perpetuò maneant, cap. Si quis cum matre & filia, eadem xxxiiij. q. j. & ij. ex eodem Concilio Triburiensi (licet in impresso non reperitur) & cap. Si quis cum matre & filia. xxxv. q. ij. & iij. ex Concilio apud Vermerias, quod forsitan est Vuormaciense, vbi habetur cap. lxij. Si quis cum matre & filia.

Septimus est, quòd si filia Episcopi vel presbyteri, vel Diaconi deuota fuerit (id est Deo votum fecerit) & contraxerit matrimonium, non admittatur ad communionem, nisi marito defuncto pœnitentiam egerit: si autem eo viuente decesserit, & pœnitentiam egerit, & communionem petierit, tantum in fine vitæ eam accipiat xxvij. q. j. cap. De filia. ex Concilio Toletano primo cap. xix. & ex Martino Archiepiscopo Bracarensi in collectione Capitulorum Synodorum Græcarum, cap. xxx.

Octauus est, quòd si deuota post votum peccet, non est recipienda in Ecclesia, nisi peccare desierit, & desinens egerit pœnitentiam aptam annis decem: postea recipiatur ad communionem; & antequàm in Ecclesia admittatur ad orationem, ad nullius conuiuium Christianæ mulieris accedat; & corruptorem par pœna constingat, eadem xxvij. causa & q. j. ex eodem Concilio Toletano j. cap. xvj. & Martino Bracarensi in collectione prædicta cap. xxxj.

Nonus est, quòd mulier quæ nupsit viro, cum quo antea, viuente primo viro, mœchata est, pœnitentiam legitimam agat quinque annis, & postea ad communionem recipiatur, xxxj. q. j. Si qua fuerit vidua mœchata. ex Concilio Elibertino cap. lxxij. Si qua vidua fuerit mœchata.

Decimus est, quòd quicumque illa incontinentia, quæ contra naturam est (propter quam

ira Dei venit in filios diffidentiz, & quinque Ciuitates igne consumpsit) deprehensi fuerint laborare; si clerici fuerint, deiciantur à Clero, vel ad agendam pœnitentiam in Monasterijs detrudantur; si laici, excommunicationi subdantur, & à cœtu fidelium fiant penitus alieni, de excess. Prælat. cap. Clerici, ex Concilio Lateranensi sub Alexandro III. cap. xj. Aliter verò secundum distinctionem personarum traditur in Pœnitentiali Theodori, apud Burchardum Episcopum Vuormaciensem libro xvij. cap. xxxiiij. & ex dictis sancti Basilij, cap. xxxv.

Vndecimus, quod si quis cum bestiis seu brutis animalibus coierit, siquidem hoc scelus ante xx. annos suæ ætatis admiserit, xv. annis in humilitate subiacet ad Ecclesiæ ianuam; & post hos, alijs quinque annis in orationis communionem receptus pœnitentiam agat; & sic gratiam suscipiat Sacramenti. Si autem post xx. habens uxorem in hoc peccatum irruerit, xxv. annis humilitati subiacet, & quinque annis orationibus tantum communicans, postea recipiat Sacramentum. Quod si hanc mensuram aliquis transgressus fuerit, Sacramentum in exitu tantum consequatur. Oportet autem tales in Ecclesia inter energumenos orare, ex Concilio Ancyrano cap. xv. & xvj. secundum primam versionem, & cap. xvj. & xvij. iuxta secundam & tertiam; & apud Martinum Bracarensem in collectione Græcarum Synodorum cap. lxxxj. & Rabanum in libro Pœnitentiali cap. vj. & Burchardum eodem libro xvij. cap. xxx. & cap. xxxviiij. ex Pœnitentiali Romano. Et ubi dicitur inter energumenos orare, alij dicunt inter hiemantes siue Audientes orare, ut explicat Theodorus Balsamon in Nomocanone Photij, super dicto canone xvij. Concilij Ancyran.

Item de eo, qui cum pecude vel cuiuslibet animalis commissione peccauerit, apud Burchardum ibidem cap. xxxij. ex Pœnitentiali Theodori, & cap. xxxiiij. ex Pœnitentiali Romano, & Iuonem Episcopum Carnoten. in suo decreto parte ix. cap. cvij. ex Martino Braearen. citato cap. lxxxj.

Duodecimus est, quod presbyter siue parochialis siue quilibet etiam regularis, qui interest clandestinis vel interdictis coniugijs, ab officio per triennium suspendatur, grauius puniendus, si culpa grauitas postulauerit, cap. Cum inhibito §. vlt. ex Innocentio III. de clandest. despons. in Concilio generali cap. lj. §. vltimo.

Verum hodie ipso iure incurritur in suspensionem ab officio, etiam si prætendatur priuilegium vel immemorabilis consuetudo, ex decreto sacri generalis Concilij Tridentini sess. xxiij. de reformat. matrim. cap. j. §. Si quis parochus, ubi sic habet: Si quis parochus vel alius Sacerdos siue regularis, siue secularis sit, etiam si id sibi ex priuilegio vel immemorabili consuetudine licere contendat, alterius parochiæ sponso, sine illorum parochi licentia matrimonio coniungere aut benedicere ausus fuerit, ipso iure tamdiu suspensus maneat, quamdiu ab Ordinario eius parochi, qui interest debebat, seu à quo benedictio suscipienda erat, absoluitur.

Decimustertius est, quod qui votum simplex violauerit, pœniteat tribus annis, xxvij. dist. cap. Si vir. ex Pœnitentiali Theodori.

Decimusquartus est, quod qui excommunicatus celebrauerit (præterquam quod in irregularitatem ipso facto incurrit) sacra eommunionem sagnatus debet continuis tribus annis per hebdomadam omni secunda, quarta, & sexta feria à vino & à carne penitus ieiunare, xj. q. iij. De illis. ex Ioanne Papa VIII. De pœna verò depositi seu verbaliter degradati celebrantis, habetur l. distincta. Accedens. ex S. Gregorio Papa libro quarto Regesti epistola v. seu cap. xlix.

Decimusquintus est, quod si quis voluntariè homicidium fecerit, perpetuò pœniteat, & in fine vitæ ei communio detur, cap. Si quis voluntariè. ead. dist. l. ex collectione Martini Bracaren. cap. lxxviiij. & ad idem est Concilium Ancyranum cap. xxij. in princ. Sed si sit presbyter & perpetuò pœniteat, & sine spe restitutionis deponatur, eadem distincta. l. Miror. ex eodem Ioanne Papa VIII. Aliter verò distinguitur in cap. Si quis homicidium. eadem distincta. videlicet, ut si sit Episcopus xv. annos pœniteat & deponatur; cunctos quoque dies vitæ suæ peregrinando finiat: presbyter duodecim annis pœniteat, tres (aliàs quatuor) ex his in pane & aqua, & deponatur

superioris sententia : Diaconus x. annis pœniteat , tres ex his in pane & aqua : Clericus & laicus septem annis pœniteat ; tres in pane & aqua , & ad gradum cuiuslibet sacri Ordinis accedere non præsumat .

Decimus sextus est , quod homicida casualis pœniteat quinque annis , cap. Eos verò . ead. l. distinct. ex eodem Concilio Ancyrano citato cap. xxij. §. Eos verò . iuxta editionem secundam (quod intelligitur si culpa casum præcessit : aliter verò non ; nisi fortè ad cautelam) & ibidem cap. Si qua femina . ex Concilio Elibertino cap. v. quod etiam habetur in Concilio Vuormaciensi cap. xxix. & ibid. cap. Si quis voluntarie . §. Si autem non voluntarie , sed casu aliquo . ex Martino Bracarenſi in citata collectione , eodem cap. lxxvii.

Decimus septimus est , quod si quis fecerit homicidium in obsidionis & alia necessitate evitabili , pœniteat duobus annis , præcitata dist. l. cap. De his clericis . ex Concilio Ilerdensi cap. j. Sed si necessitas inevitabilis esset , in nullo sibi imputaretur , eadem dist. l. cap. Quia te . ex Stephano Papa V. Quod verum est quoad culpam : sed bonum esset , quod pœniteret ad cautelam , & ad innocentiam suam Ecclesiæ ostendendam , de homicid. cap. ij. §. vlt. ex Pœnitentiali Romano .

Sed & si quis per insaniam committit homicidium , non ei imputatur , iij. q. ix. Indicas. ex Nicolao Papa I.

Decimus octavus est , quod si quis intuitu disciplinæ incautè percutiendo occiderit , si in sacris est , ab altaris ministerio abstineat , & perpetuò deponatur , de homicid. Presbyterum qui . ex Alex. Papa III. & xv. q. j. Si quis non iratus . ex opere imperfecto in Matthæum , adscripto S. Ioanni Chrysostomo , homilia 28.

Decimus nonus est , quod si quis furem vel latronem occultum occidit , quem vivum , comprehendere poterat absque occisione , quadraginta diebus non intret Ecclesiam , & per eosdem dies laneæ veste indutus , ab escis & potibus , qui interdicti sunt , & à toro , gladio & equitatu abstineat , citato cap. ij. eodem tit. de homicid.

Sed & si quis fures seu latrones ligatos interficit , abstineat ab altaris ministerio , & pœniteat arbitrio Episcopi , de homicid. cap. Succipimus , ex Alex. Papa III.

Vigésimus est , quod si quis Paganum vel Iudæum odij meditatione occidit , quadraginta diebus in pane & aqua pœniteat , præcitata dist. l. cap. Qui verò odij . ex Concilio Maticensi . cap. vj. quod apud nos non extat : Sed facit Concilium Vuormaciense cap. xxvij.

Vigésimus primus est , ut matricida pœniteat decem annis , secundam formam satis aperte traditam xxliij. q. ij. Latorem . à Nicolao Papa ad Episcopum Argentoratensem , quæ sic habet .

Latorem præsentem matricidam esse cognovimus , cui præcipimus , ut sub pœnitentiæ iugo permaneat : ita vt per annum integrum Ecclesiam non ingrediatur , sed ante fores Basilicæ orans & deprecans Deum perseveret , qualiter tanto eripiarum piaculo . Completo verò anni circulo introeundi in Ecclesiam licentiam habeat : tamen inter Audientes stet ; sed nondum communice . Completis autem trium annorum curriculum , sacræ communionis ei gratia concedatur : oblationes verò non offerat , nisi prius aliorum septem annorum curricula expleantur . His autem omnibus annis atque temporibus , carnem non manducet , nec vinum bibere præsumat , exceptis festis diebus atque Dominicis , & à Pascha vsque ad Pentecosten . Et quocunque ire voluerit , nullo vehiculo deducatur ; sed pedibus proficiscatur ; arma non sumat , nisi contra paganos ; ieiunet autem tribus diebus per hebdomadam vsque ad vesperam . A propria quidem ac legitima coniuge non separetur , ne in fornicationis voraginem corruat : quod ne fiat , optamus . Si autem ante annorum trium cursum finis vitæ illius appropinquaverit ; corporis & sanguinis Domini nostri Iesu Christi particeps fiat : sin autem ; vt supra statuimus , efficiatur : tamen , si illius conversionem & lachrymarum fontem in omnibus videritis floridis actionibus & optimis operibus pullulare ; humanius circa eum vestra sollicitudo peruigil appareat , mitisq. omnibus demonstretur .

Similis pœnitentia parricidis & fratricidis imponitur paucis mutatis à Cœcilio Vuormaciensi cap. xxx.

Vigessimussecundus est, vt qui propriam vxorem absque lege vel sine causa & certa probatione interfecerit, aliamq. duxerit vxorem, armis depositis publicam agat pœnitentiam, cap. Quicunque. xxxij. q. ij. ex S. Pio Papa I. Sed ex admonitione Stephani Papæ V. vel ingrediatur Monasterium, & sub manu Abbatis humiliter, & obediatis cunctis imperatis, vel publicam pœnitentiam agat in seculo, quod durius & grauius sibi erit, & omnibus diebus quibus pœnitere debet, vinum & siceram non bibat, carnem nullo vnquam tempore comedat, præterquam in Pascha & Natali Domini; pane & aqua & sale vtatur; in ieiunijs, vigilijs, orationibus, & elemosynis omni tempore perseueret; armis nunquam cingatur; nec in quolibet loco litigare, præsumat; vxorem nunquam ducat; in balneo nunquam lauetur; in conuiuijs lætantium nunquam se misceat; in Ecclesia segregatus ab alijs Christianis post ostium & postes humiliter se reponat, ingredientium & egredientium suppliciter orationibus se commendat; communione corporis & sanguinis Domini cunctis diebus vitæ suæ indignum se existimet; in vltimo tamen exitus vitæ suæ, si meruerit, pro viatico, si sit qui tribuat, tantummodò per veniam ei conceditur, cap. Admonere. eadem causa xxxij. q. ij.

Imponitur autem maior pœnitentia vxoricidæ quàm matricidæ, non quia illud peccatum non sit grauius isto; sed quia homines prouiores sunt ad occidendas vxores quàm matres.

Vigestimustertius est, vt parentibus qui filios voluntariè occiderunt grauior pœnitentia imponatur, quàm pro alio homicidio; & mater quæ volens occidit filium, inducatur vt religionem ingrediatur: sed si induci non potest, ei indulgetur, vt si vidua sit, nubere possit; cum tutius videatur, vt in Domino nubat vni soli, quàm inhonestè multos admittat, cap. j. De his qui fil. occider. ex Alexandro Papa III. quod intelligendum est, cum timetur de incontinentia, arg. xxxij. q. ij. In adolescentia. ex S. Leone Papa. Sed si virum habet & filios, pœnitentiam agat, & maneat cum viro, vt & filios liberè & pacificè gubernare possit, eod. tit. cap. ij. ex Lucio Papa III.

Vigessimusquartus est, de facientibus abortum, siue de necantibus partus, qui animato & tu homicidæ sunt voluntarij, & homicidarum pœnis subiiciuntur, vt sexta Synodus iudicat canone xcj. his verbis: Eas quæ dant abortionem scientia medicamentæ, & quæ fetus necantia venena accipiunt, homicidæ pœnis subiijcimus. Et in eandem sententiam iudicat Concilium Vuormaciense cap. xxxv. in princ. his verbis: Mulieres igitur, quæ ante temporis plenitudinem conceptos vtero infantes voluntate excutiant, vt homicidæ proculdubio iudicandæ sunt. Illæ verò &c. Iis enim diuersa pœnitentiæ tempora imposita sunt. Nam in Concilio Ancyrano iuxta primam editionem cap. xx. & iuxta secundam & tertiam cap. seu canone xxj. dicitur: De mulieribus quæ fornicantur, & partus suos necant; vel quæ agunt secum, vt vtero conceptos excutiant, antiqua quidem definitio vsque ad extremum vitæ eas ab Ecclesia remouet. Humanius autem nunc definimus, vt eis decem annorum tempus pœnitentiæ per gradus præfixis tribuatur. Quod & transcribit Burchardus libro xvij. cap. liij. Et ex hoc Concilio Martinus Bracarenfis in collectione Synodorum Gracarum cap. lxxvij. dicit: Si qua mulier fornicata fuerit, & infantem qui exinde fuerit natus occiderit; & quæ studuerit abortum facere, & quod conceptum fuerit necare; aut certè vt non concipiat elaborat, siue ex adulterio siue ex legitimo coniugio, has tales mulieres in morte recipere communionem priores canones decreuerunt. Nos autem pro misericordia, siue tales mulieres, siue conscias scelerum, ipsorum, decem annos agere pœnitentiam iudicamus. Et in Concilio Eliberino cap. liij. Si qua mulier per adulterium absente marito conceperit, idq. post facinus occiderit, placuit ei nec in sine dandam esse communionem, eo quòd gemaue- rit scelus. Et habetur apud eundem Burchardum eodem lib. xvij. cap. j. & Iuonem parte ix. cap. cij. in princ. vbi tamen loco verborum, nec in sine, dicit, vix in sine &c.

[& erroneè citant dictum Concilium Eliberinum cap. iij. hic in inscriptione, ille in margine.] Et in Concilio Ilerdensi cap. ij. Hi verò qui malè conceptos ex adulterio factus vel editos necare studuerint, vel in ventribus matrum potionibus aliquibus colliserint, in vtroque sexu adulteris post septem annorum curricula communio tribuatur: ita tamen vt omni tempore vitæ suæ stetibus & humilitati insistant. Si verò clerici fuerint, officium eis ministrandi recuperare non liceat: attamen in choro psallentium à tempore receptæ communionis intersint. Iplis autem veneficis in exitu tantum, si facinora sua omni tempore vitæ suæ defleuerint, communio tribuatur. Et habetur apud Burchardum eodem libro xvij. cap. liij. & Iuonem eadem parte ix. citato cap. cij. §. De illis mulieribus. Sed vsque ibi, humiliati insistant, absque §. Si verò clerici fuerint. & §. ult. & seq. Ac demum in Concilio Arelateni cap. vj. vbi citantur prædicta Concilia, ita dicitur: Mulieres quædam, vt audiuius, quæ ex fornicatione concipientes, metuentes ne scelus, quod occultè perpetrauerunt, manifestum fieret, infantes quos pepererunt occiderunt, & terræ congerie operuerunt, aut in aquas proiecerunt. Quod quantum nefas sit canones Ancyrani, Eliberitani, atque Ilerdensis Concilij testes sunt. His itaque vix in fine dandam esse communionem decernunt: sed humanius tractantes, post decennem penitentiam tales placuit ad communionem recipi.

Quod quidem Concilium Arelatense in Tomis Conciliorum editorum non reperitur, sed transcribitur ex dicto cap. vj. Burchardus eodem lib. xvij. cap. liij. & Iuo eadem parte ix. cap. cij.

At in Pœnitentiâ Romano, vt refert idem Burchardus eodem libro xvij. cap. lx. & ult. breuioris temporis pœnitentia absque alia distinctione imponitur: ita enim habet: Si qua mulier abortum fecerit voluntariè, tribus annis pœniteat.

Sed & qui aliquo facto aut potione impediunt conceptus vel generationem, etiam vt homicidæ tenentur, sicut Burchardus eodem libro xvij. cap. lvij. ex Concilio Vuormaciensi cap. xxx. (quod in impresso non reperitur) sic refert: Si aliquis causa explendæ libidinis, vel odij meditatione, vt non ex eo soboles nascatur, homini aut mulieri aliquid fecerit, vel ad potandum dederit, vt non possit generare aut concipere, vt homicida teneatur.

Hæc autem propter immanitatem & frequentiam horum scelerum fusiùs exponere, visum est.

Vigessimus quintus est, de parentibus, qui paruulos seu infantes suos in lectulis oppresserunt, seu suffocauerunt, de quibus in quodam Concilio Aurelianensi cap. x. vbi habetur: Si qui infantem oppresserint, tres annos pœniteant; vnum ex his in pane & aqua; si clericus fuerit, quatuor annos, vnum ex his in pane & aqua. Et refertur à Burchardo præcitato libro xvij. cap. lv. & Iuone parte ix. cap. ciiij. qui tamen tribuit Concilio Arelateni dicto cap. vj.

Et in Concilio Moguntino cap. vj. vbi dicitur: Si quis infantem suum oppresserit, aut vestimentorum pondere suffocauerit, & hoc post Baptismum factum fuerit, xl. dies pœniteat in pane & aqua, & à coniuge se interim abstineat. Postea tres annos pœniteat per legitimas ferias, & tres in anno Quadragesimas obseruet. Quod si ante Baptismum infans oppressus fuerit, proximos xl. dies vt suprà pœniteat: postea verò quinquennium expleat. Et refertur à Burchardo eodem libro xvij. cap. lvij.

Præterea in Concilio Vuormaciensi cap. xxxv. secundo responso dicitur: Illæ verò (scilicet mulieres) quæ dormiendo filios suffocare videntur, leuiter de his iudicare oportet, quia nolentes, & non sentiendo ad hunc deuolutæ sunt casum.

Et hæc quidem si certum est ipsos parentes vel eorum alterum in culpa fuisse; vel quia non adhibuerunt omnem diligentiam quam potuerunt & debuerunt: & sic culpa præcessit casum, & tunc trium annorum pœnitentia imponenda videtur, quorum vnus in pane & aqua peragatur.

Verum si parentes in culpa non fuerunt, vel omnem diligentiam adhibuerunt, & infantes vel fortuito casu, aut morte naturali decessisse deprehenduntur, in pullo tenentur,

etur, argumento cap. Ex litteris. ij. ex Innocentio III. & cap. Ioannes. ex Honorio III. & cap. vlt. ex Gregorio IX. de homicid.

At si dubium est utrum ipsi occiderint: parentes non debent esse securi, nec sine pœna; sed tamen habenda est ratio pietatis, ubi non voluntas, sed euentus mortis causa fuit, vt declaratur in decretali Lucij Papæ III. De infantibus. tit. De his qui filios occiderunt, quæ sic habet.

De infantibus autem qui mortui reperiuntur cum patre & matre; & non apparet utrū à patre vel à matre oppressus sit ipse vel suffocatus, vel propria morte defunctus: non debent inde securi esse parentes, nec etiam sine pœna. Sed tamen consideratio debet esse pietatis, ubi non voluntas, sed euentus mortis causa fuerit. Si autem eos non latet ipsos interfectores esse, scire debent se grauiter deliquisse. Quidam autem pœnitentiam trium annorum iudicant esse debere, quorum vnum peragant in pane & aqua.

Et sub eisdem fermè verbis paucis mutatis & adiectis tradit Concilium Parisiense, cap. v.

De infantibus autem, qui mortui inueniuntur cum patre & matre, & non apparet utrū à patre aut matre occisus sit ipse infans, vel suffocatus, an propria morte defunctus; non debent inde securi esse, nec sine pœnitentia ipsi parentes: sed tamen in eis consideratio debet esse pietatis, ubi non voluntas, sed euentus mortis causa fuit. Si autem eos nō latet ipsos esse interfectores, scire debent grauiter se deliquisse, quod in Ancyrano Concilio comprobatur. Quidam autem trium annorum pœnitentiam horum iudicant esse debere; quorum vnum ex his exigant in pane & aqua, atque se ab omni luxuria tempore pœnitentiæ suæ custodiant. Prout refertur à Burchardo (specitatio libro xvij. cap. lix. & penultimo, De infantibus &c.

Vigesimus sextus est, quod presbyteri Græci (quibus legitimo matrimonio uti licet) si ipsis procurantibus vel studiosè negligentibus eorum filij in lectis reperiantur oppressi, ab officio altaris debent perpetuò abstinere; & eis grauior quàm laicis, non tamen publica, nisi in publicum id venerit, pœnitentia debet imponi. Verùm si ex incuria ipsorum mortui inueniantur in cunis, & illud fuerit occultum, eis pœnitentia pro arbitrio pœnitentiarij imponatur, & in terrorem aliorum ad tempus abstineant à celebratione Missarum, cap. Quæsitum. ex Clemente Papa III. de pœnit. & remissionibus.

Monendi sunt autem parentes & contestandi (pro protestandi) ne tam tenellos infantes secum in vno lecto collocent, ne qualibet negligentia proueniente suffocentur vel opprimantur, vnde ipsi homicidij rei inueniantur, vt admonet Stephanus Papa in epistola ad Humbertum Episcopum Moguntinum, cap. Consuluisi. ij. q. v.

Vigesimus septimus est, quod ei, qui presbyterum occiderit duodecim annorum, secundum statuta priorum, pœnitentia imponatur. de pœnit. & remiss. cap. ij. ex Concilio Moguntino sub Rabano cap. xxiij.

Qui verò Monachum vel clericum occidit, septem annis publicam pœnitentiam agat, arma relinquat, & Deo in Monasterio seruiat cunctis diebus vitæ suæ, nunquam ad seculum reuersurus xvij. q. iij. Qui occiderit. ex libro vj. capitularium, cap. xc.

Vigesimus octauus est, si quis laicus iuramentum violando profanat, quod Regi & domino suo iurat, & postea peruersè & dolosè in regnum & in mortem ipsius machinatus fuerit, quia in Christum Domini manum mittit, anathema est; nisi per dignam pœnitentiæ satisfactionem emendauerit, sicut est à sancta Synodo constitutum, id est seculum relinquat, arma deponat, in Monasterium eat, & pœniteat omnibus diebus vitæ suæ: veruntamen communionem in exitu vitæ cum Eucharistia percipiat. Episcopus verò, presbyter, & diaconus, si hoc crimen commiserit, degradetur, xxi. q. v. & vlt. cap. Si quis laicus, ex Augustino iuxta Gratianum hic, & Burchardum lib. xij. cap. xxi. & lunonem parte xij. cap. lxxviij.

Vigesimus nonus est, quod qui alium accusat, si accusatus propterea occisus fuerit, nisi pro parte hoc fecerit, quadraginta dies in pane & aqua, quod carina vocatur, cum

septem sequentibus annis pœniteat : Si autem debilitatus est, per tres debet Quadragesimas pœnitere, de accusati. cap. Accusasti. ex Burchardo in decreto libro xix. cap. v. §. Accusasti.

Vigessimus octauus, quòd si quis scienter peierauerit, quadraginta dies in pane & aqua, ieiunet, & septem sequentes annos pœniteat; & nunquam sit sine pœnitentia; & nunquam in testimonium recipiatur: communionem tamen post hæc percipiat, vj. q. ij. cap. Quicunque. ex S. Fabiano Papa.

Vigesimushonus, quòd qui compulsus à domino scienter peierat, si liber sit, quadraginta dies in pane & aqua pœniteat, & septem sequentes annos: Si verò seruus sit eiusdem, tres quadragesimas & legitimas ferias (scilicet secundam, quartam & sextam) pœniteat, xxij. q. v. cap. j. Qui compulsus. ex S. Pio Papa I. vel secundum quosdam, ex Pœnitentiali Theodori. Adhæc Burchardus libro xix. cap. v. tit. de periuris, & Iuo parte xij. cap. lxj.

Trigesimus est, quòd qui peierat in manu Episcopi, aut in cruce consecrata, tres annos pœniteat; si verò in cruce non consecrata, annum vnum pœniteat. Qui autem coactus fuerit, & ignorans peierauerit, & postea cognoscit, tres quadragesimas pœniteat, eadem causa xxij. & q. v. cap. ij. Qui peierat. ex eodem Pio; vel secundum Burchardum libro xij. cap. v. & Iuonem parte xij. cap. lxij. ex Pœnitentiali Theodori.

Trigesimus primus est, si quis coactus pro vita redimenda vel qualibet causa vel necessitate periurat, quia corpus plus quàm animam dilexit, tres Quadragesimas pœniteat. Alij verò iudicant, tres annos, & vnum ex his in pane & aqua, eadem causa & q. cap. iij. Si quis coactus. ex Pœnitentiali Theodori, alijs Romano, secundum Burchardum libro xij. cap. vj. & Iuonem parte xij. cap. lxij.

Trigesimus secundus est, quòd qui peierauerit, & alios sciens in periurium duxerit, quadraginta dies pœniteat in pane & aqua, & septem sequentes annos, & nunquam sit sine pœnitentia. Et alij, si consilij fuerint, eodem modo pœniteant, eadem causa xxij. & q. v. cap. iij. Si quis peierauerit, ex Gelasio Papa: vel iuxta Burchardum libro xij. cap. viij. Iuonem parte xij. cap. lxvj. & alios, ex Pelagio Papa: vel iuxta quosdam, ex Pio Papa.

Trigesimustertius, quòd qui causa lucri mensurat in falsa mensura, triginta diebus in pane & aqua pœniteat, de empt. & vendit. cap. Vt mensuræ. ex Concilio Moguntino.

Trigesimus quartus est, quòd qui solennem pœnitentiam violant, siue ad priora crimina vel similia redeundo, siue ad negotiationem vel militiam secularem, quæ sibi fuerant interdicta; cum iteratò solenniter pœnitere non possint, sola intra Ecclesiam fidelibus oratione iunguntur; sacræ mysteriorum celebrationi quamvis non mereantur intersunt; à Dominicæ autem mensæ conuiuio segregantur; vt hac saltem diffinitione correcti, & ipsi in se sua errata castigant, & alijs exemplum tribuant quatenus ab obscenis cupiditatibus retrahantur: quibus tamen in fine vitæ viatico munere per communionis gratiam subuenitur, xxxij. q. ij. cap. De his verò. ex S. Siricio Papa epistola prima ad Himerium cap. v.

Trigesimus quintus est, quòd qui apud infideles & persecutores sine vlla necessitate, sine ablatione patrimonij, vel sine periculo aut aliqua simili causa à fide Christiana, præuaricantes defecerunt, si ex animo pœniteant, tribus annis inter Audientes habentur vt fideles; & septem annis inter pœnitentes sunt: duobus autem annis extra communionem in oratione sola participant populo. Si qui verò per Dei gratiam vocati, primò quidem ostenderunt fidem suam, deposito militiæ cingulo; post hæc autem ad vomitum reuersi sunt; vt & pecunias darent, & ambirent rursum ad militiam, isti decem annis sunt inter pœnitentes, post triennium quo fuerint inter Audientes. Licetbit autem Episcopo etiam humaniùs circa eos aliquid cogitare, de pœnit. diff. v. cap. Si qui verò. ex sacrosancto Concilio Nicæno I. canone xj. iuxta tertiam editionem. Hodie autem etiam apud Episcopum vel Inquisitorem abiurant vel vt apostatz, vel vt de apostasia suspecti.

Trige-

Trigesimus sextus est, quòd qui celebrat Missam & in ea non percipit corpus & sanguinem Domini nostri Iesu Christi, ab ipsa, qua se indecenter priuauit, gratia communionis anno vno repellitur, seu ipso iure suspensus est, de consecr. dist. ij. cap. Relatum. ex Concilio Toletano XII. cap. v.

Trigesimus septimus est, quòd si clericus palla altaris mortuum per ignorantiam obuoluerit, presbyter qui illum non monuerit, decem annis & quinque mensibus excommunicatus sit. Diaconus verò, qui palla, quæ fuit in altari, aut certè quæ data est in mensam Domini, scapulas operire præsumperit, triennio & sex mēsis à Dominico erit suspensus altari, graui percussus anathemate, de consecr. dist. j. cap. Nemo per ignorantiam, ex S. Clemente Papa I. in secunda epistola ad S. Iacobum fratrem Domini, de sacratīs vestibus vel vasis, in princ. Facit Concilium Aruernense, cap. v. vbi habetur: De opertorio Dominici corporis seu palla altaris, nunquam Sacerdotis corpus, dum ad tumulum euehitur, obtegatur: quia sacro velamine vñbus suis reddito, dum honorantur corpora, altaria polluantur.

Trigesimus octauus est, quòd qui cum atroci iniuria & violentia sacrilegium committit nefariè Ecclesiam violando, sacrum altare, sacraq. Dominici corporis & sanguinis vasa, & sanctum chrisma pollutis manibus arripiendo, pœniteat septem annis; vno anno extra Ecclesiam Dei, quam, vt præfertur, violauit, consistat: secundo verò anno ante fores Ecclesiæ sine communione maneat: tertio verò Ecclesiam Dei ingreditur, & inter Audientes adstet sine oblatione; & hoc triennio non manducet carnem, neque bibat vinum, præterquàm Natalis & Resurrectionis Dominicæ diebus. Quarto præterea anno (si his prioribus tribus fructuosus fuerit pœnitentiæ labor) communioni fidelium restituatur; totaq. mentis intentione spondens talia se, vltèrius nunquàm facturum, corpus & sanguinem suscipere mereatur; & vsque ad septimum annum, tribus in hebdomada diebus, sine esu carniū & vini potione maneat pœnitens. xij. q. ij. cap. De viro. ex Nicolao Papa I.

Trigesimus nonus est, quòd si quis Ecclesiam igne combusserit, quindecim annis pœniteat, & eam sedulò restituat, & illius pretium pauperibus distribuatur, xvij. q. iij. cap. Si quis Ecclesiam. ij. ex S. Higinio Papa, seu, secundum Burchardum lib. iij. cap. cccij. & Iuonem patte iij. cap. cxxvij. ex Iulio Papa I.

Quadragesimus est, quòd si quis pecuniam Ecclesiasticam furatus fuerit vel rapuerit, reddat in quadruplum: populi verò duplicet. Qui verò aliquid de ministerio sanctæ Ecclesiæ furatus fuerit, septem annis pœniteat, tribus in pane & aqua, cap. Pecunia. xij. q. iij. ex Pœnitentiali Theodori.

Quadragesimus primus est, vt si quis clericus furtum fecerit capitale, vt si quadrupedè, aut quamlibet rem melioris pretij furatus fuerit, vel domum effregerit, septem annis pœniteat, laicus quinque. Si quis autem de rebus minoribus seimel aut bis furtum fecerit, reddat proximo suo, & vno anno pœniteat in pane & aqua: & si reddere non potuerit, tribus annis pœniteat, cap. Si quis clericus furtum. iij. xvij. q. iij. ex Pœnitentiali Romano.

Quadragesimus secundus est, quòd si parentes promiserunt vel iurarunt sponsalia filiorum, & deinde fregerunt fidem, triennij tempore abstineant se à communione, similiter & filij, si sint in culpa, xxx. q. ij. cap. Si qui parentes. ex Concilio Eliberino, cap. liij.

Quadragesimus tertius est, quòd qui publicè blasphemauerit Deum, vel aliquem Sanctorum, & maxime beatam Virginem, illi debet Episcopus hanc pœnitentiam iniungere, scilicet vt septem diebus Dominicis præ foribus Ecclesiæ in manifesto dum Missa cantatur exstet; & vltimo die Dominico pallium & calceamenta non habeat, & corrigiam ligatam circa collum teneat: & septem præcedentibus sextis ferijs in pane & aqua ieiunet, Ecclesiam nullatenus ingressurus: & quolibet prædictorum dierum tres si poterit, alioquin duos, reficiat pauperes, siue vnum: & si ad hoc eius non suppetant facultates, id in pœnam aliam commutatur. Cui, si renuerit recipere ac peragere pœnitentiam supradictam, Ecclesiæ interdicatur ingressus, & in obitu eccle-

ecclesiastica careat sepultura, & alia pœna pecuniaria mulctetur, de maledicis, cap. Statuimus. ex Gregorio Papa IX. Sed hodie, si blasphemia fuerit hæreticalis, remittuntur ad Episcopum vel Inquisitorem.

Quadragesimusquartus est, quod presbyter qui reuelat peccata in Sacramentali Confessione audita, de iure antiquo debet deponi; & omnibus diebus vite suæ ignominiosus peregrinando pergat, de pœnit. dist.vj. Sacerdos. ex Gregorio. De iure vero nouo, ab officio Sacerdotali deponitur, & ad agendam pœnitentiam in arctum Monasterium detruditur, cap. Omnis vtriusque. in fine, de pœnit. & remiss. ex Innoc. III. in Concilio generali cap. xxj. Sed hodie pro qualitate casus consulitur sanctæ Inquisitionis Officium.

Quadragesimusquintus est, quod qui in dicendis horis canonicis & alijs officijs diuinis discrepat à consuetudine propriæ Metropolitanæ Ecclesiæ, sex mensibus communionem priuatur, & apud Metropolitanum sub pœnitentiæ censura permanet corrigendus, xij. dist. De his. ex Concil. Toletano XI. cap. iij.

Quadragesimussextus est, quod Episcopus, qui inuitum aut reclamantem præsumpserit ordinare, annali pœnitentiæ subditus Missas facere non præsumat; & sic per annum manet suspensus, lxxij. distinct. cap. j. ex Concilio Aurelianensi III. cap. vij.

Quadragesimuseptimus est, quod Episcopus, qui correctionem de venditione ministeriorum seu simonia dissimulat, duobus mensibus excommunicationi subiaceat: presbyter verò qui commiserit, quatuor mensium excommunicatione plectatur; Diaconus trium; Subdiaconus autem & clericus competenti pœna & debita excommunicatione plectendus est, j. q. j. Quicquid inuisibilis. ex Concilio Toletano XI. cap. viij.

Quadragesimusoctauus est, quod qui in tabulis vel Codicibus aut alijs forte furta requisierit; aut diuinationes aliquas in aliquibus rebus obseruare præsumit, quadraginta dies pœniteat, de fortilegijs cap. j. ex Pœnitentiæ Theodori.

Quadragesimusnonus, quod qui videt in Astrolabio pro reperiendo furto, pœniteat per annum vel amplius, si Episcopo visum fuerit, eodem tit. de fortileg. cap. I. ex tuarum. ex Alexandro Papa III. in collectione suarum decretalium, parte I. cap. vj.

Quoad duos præcedentes canones aduertendum est, quod si fortilegium saperet forsitan hæresim manifestam, pœnitens esset remittendus ad Episcopum vel Inquisitorem, cap. Accusatus. §. Sanct. & ibi glossa & Doct. de hæreticis lib. vj. & quoad casus diuinationum propter litteras Sixti Papæ V. consulendus videretur Episcopus vel etiam Inquisitor.

Quinquagesimus est, quod si presbytero celebrante per negligentiam aliquid de sanguine Domini stillauerit in terram, lingua lambetur, & tabula radetur; si non fuerit tabula, vt non conculcetur, locus corradetur & igne consumetur, & cinis intra altare recondetur: & Sacerdos quadraginta diebus pœniteat. Si super altare stillauerit, forbeat minister, id est ipse Sacerdos vel Diaconus icinium stillam, & tribus diebus pœniteat. Si super linteam altaris, & ad aliud stilla peruenerit, quatuor diebus pœniteat; si vsque ad tertium, nouem diebus pœniteat: si vsque ad quartum viginti diebus pœniteat; & linteamina quæ tetigerit stilla tribus vicibus minister abluit, calice supposito, & aqua ablutionis fumatur, & iuxta altare recondatur, de consecr. dist. ij. cap. Si per negligentiam, ex decretis S. Pij Papæ I. Ad idem est decretum, quod refert Iuo in secunda parte cap. lx.

Quinquagesimusprimus est, quod si ceciderit sacrificium de manibus offerentis terra tenus, vt non inueniatur; omne quodecunque inuentum fuerit in loco in quo ceciderit, comburatur; & cinis sub altari recondatur; & cui acciderit, medium annum pœniteat. Si verò sacrificium inuentum fuerit, locus scopis mundetur, & stramen igne comburatur, & cinis, vt supra, recondatur; & Sacerdos xx. dies pœniteat. Pœnitentiale Romanum apud Burchardum libro v. cap. lij. & Iuonem parte secundam cap. lxj.

Quinquagesimusecundus est, quod si quis per ebrietatem vel voracitatem sacram Eucha-

Eucharistiam euomuerit, xl. diebus pœniteat, si laicus est; clericus, Monachus, Diaconus sexaginta, Presbyter septuaginta, Episcopus centem decem. Si infirmitatis causa euomuerit, septem dies vnusquisque pœniteat, de consecr. ead. dist. ij. Si quis per ebrietatem. ex Pœnitentiali Bedæ, alijs inscripto de remedijs peccatorum cap. xij. de ebrietate in principio. Licet aliter habeatur quoad numerum dierum apud Gratianum hoc loco, & Iuonem parte secunda decreti cap. lv. & ab his etiam discrepet Burchard. lib. v. cap. xlvj. & Pannormia libro j. cap. clv.

Quinquagesimus tertius est, quod qui sacrificij die euomuerit, & in ignem vel flumen vomitum proiecerit, centum Psalmos cantet; si verò canes illum lambentem seu comederint, centum dies, si sciuerit, pœniteat: si non sciuerit, quadraginta, idem Beda ibidem, & apud Iuonem parte secunda cap. lvij. qui euomuerit sacrificium, & à canibus consumitur, annum vnum pœnitere debet; alioquin xl. dies.

Quinquagesimus quartus, quod si quis inebriatur contra præceptum Domini (si votum sanctitatis habet) ita vt eius mens mutetur, lingua balbutiat, & oculi turbentur, & vertigo, & ventris distensio & dolor sequantur, clericus quidem quatuor dies pœniteat, Monachus quatuordecim, diaconus quatuor hebdomadas, presbyter quatuor, Episcopus quinque, Prælati (scilicet alij, vel superiores regularium) tres sine vino & carne. Idem Beda in eodem Pœnitentiali, eodem cap. xj. de ebrietate.

Quinquagesimus quintus est, quod qui non bene custodierit sacrificium, & mus, vel aliud animal comederit illud, xl. dies pœniteat. Qui autem perdiderit illud in Ecclesia aut pars eius ceciderit, & non inuenta fuerit, triginta dies pœniteat, de consecr. dist. ij. cap. Qui bene. ex Concilio quodam Arelatenſi seu Aurelianensi, & apud Burchardum lib. v. cap. lj. & Iuonem parte secunda cap. lx. & Pannormiam libro j. cap. clvij. Si verò negligentiam erga sacrificium fecerit, vt vermibus consumptum ad nihilum deuenerit, tres Quadragesimas in pane & aqua pœniteat: Si integrum inuentum, & in eo vermis, comburatur, & cinis sub altari condatur. Et si neglexerit, quaternis diebus suam negligentiam soluat. Si cum amissione saporis decoloratur sacrificium, viginti dies expleantur ieiunio. Conglutinatum verò septem dies qui merſit pœniteat, ex eodem Concilio, apud Burchardum & Iuonem iisdem locis proximè citatis.

Quinquagesimus sextus est, quod si quis domum vel aream cuiusquam voluntariè incendiderit, sublata & incensa omnia restituat, & tres annos pœniteat, de iniurijs cap. Si quis domū. ex Pœnitentiali Romano. Innocentius tamen II. in quodam Concilio vniuersali cap. xvij. cōstituit, vt qui malo studio, siue pro odio, siue pro vindicta ignē apposuerit vel apponi fecerit, aut appositoribus consilium vel auxilium scienter tribuerit, excommunicetur; & si mortuus fuerit incendiarius, Christianorum careat sepultura; nec absoluat, nisi prius damno cui intulit, secundum facultatem suam refectura, iuret se vltius ignem non appositurum. Pœnitentia autem ei detur, vt Hierosolymis, aut in Hispania in seruitio Dei per annum integrum permaneat. Si quis autem Archiepiscopus vel Episcopus hoc relaxauerit, damnum restituat, & per annum ab officio Episcopali abſtineat, xxij. q. viij. cap. Pessimam, & habetur etiam in Pannormia libro 8. cap. cliij. & vltimo totius operis.

Hodie autem incendiarij postquam sunt per Ecclesiæ sententiam publicati excommunicati, pro absolutionis beneficio ad Apostolicam Sedem sunt mittendi, de sent. excom. cap. Tua nos. ex Clemente Papa III. tunc enim casus est reſeruatus Papæ.

Quinquagesimus septimus est, quod si quis dederit aut acceperit communionem de manu hæretici, & nescit quod Catholica Ecclesia contradicit; postea intelligens, annum integrum pœniteat. Si autem scit & neglexerit, & postea pœnitentiam egerit, decem annos pœniteat: alij iudicant septem, & quidam humanius, vt quinque annos pœniteat. Si quis permiserit hæreticum Missam suam celebrare in Ecclesia Catholica, & nescit xl. dies pœniteat: si pro reuerentia eius, annum integrum pœniteat: si pro damnatione Ecclesiæ Catholicæ, & consuetudinis Romanorum, proiciatur ab Ecclesia sicut hæreticus, nisi habeat pœnitentiam: si habuerit, decem an-

nos pœniteat. Si recesserit ab Ecclesia Catholica in congregationem hæreticorum; & alijs persuaserit; & postea pœnitentiam egerit, xij. annos pœniteat, tres extra Ecclesiam, septem inter Audientes, & duos adhuc extra communionem. De his ita in canone dicitur, vt duodecimo anno communionem sine oblatione percipiant, xxiiij. q. j. Si quis dederit. ex B. Julio Papa I. iuxta Gratianum hoc loco; vel ex S. Euty- chiano Papa iuxta Burchardum libro xix. cap. cxv. & Iuonem parte xv. cap. cxvij.

Hodie autem super huiusmodi casibus consulendus est Episcopus vel Officium sanctæ Inquisitionis propter hæresim & eius suspicionem.

Quinquagesimus octauus est, quod si patroni laici Ecclesiarum in rebus illis collatis quasi iuris proprij potestatem præferre, rapinam, fraudem vel violentiam quam- cunque ingerere præsumperint, excommunicationis annuæ sententiam sustineant, & malè rapta cum confusione restituant, xvj. q. vij. cap. Filijs. ex Concilio Toletano IX. cap. j.

Præterea & ipsi patroni caueant, ne huiusmodi iuris patronatus obtentu, in perceptio- ne fructuum dictarum Ecclesiarum vel beneficiorum quorumcunque se ingerant, sed illos Rectori seu beneficiato liberè dimittant, iuxta decretum sacri generalis Concilij Tridentini sess. xxv. de reformat. gener. cap. ix. §. Patroni autem. Neve in ijs quæ ad Sacramentorū administrationem spectant vllatenus se præsumant ingerere; neque visitationi ornamentorum Ecclesiæ aut bonorum stabiliū seu fabricarum, prouentibus immisceant, nisi quatenus id eis ex institutione ac fundatione compe- tat, iuxta aliud decretum eiusdem Concilij sess. xxiiij. de reformat. gener. cap. iij. §. ultimo.

Quinquagesimus nonus est, quod qui diuinationes expetunt, & morem gentiliū se- quuntur, aut in domos suas huiusmodi homines introducunt, exquirendi aliquid arte malefica, aut expiandi causa, quinque annos pœniteant secundum gradus pœ- nitentiz definitos, xxvj. q. v. cap. Qui diuinationes. ex Concilio Ancyrano, cap. xxij. iuxta primam editionem.

Ad idem est canon eadem causa & quæstione, cap. Non liceat. §. Si quis autem, ex colle- ctione Synodorum Græcarum Martini Bracarenfis, cap. lxxj. vbi dicitur, quod si quis paganorum consuetudinem sequens, diuinos & fortilegos in domum suam in- troduxerit, quasi vt malum foras mittant, aut maleficia inueniant; vel lustrationes paganorum faciant, quinque annis pœnitentiam agat.

Sexagesimus est, quod qui Sacramento se obligauerit, vt litigans cum quolibet ad pa- cem nullo modo redeat, pro periurio vno anno à communione corporis & sangui- nis Domini segregatus, reatum suum elemosynis, sctibus, & quantis potuerit ieiun- ijs absoluat; ad charitatem verò, quæ operit multitudinem peccatorum, celeri- ter venire festinet, xxij. q. iiij. cap. Qui Sacramento. ex Concilio Ilerdensi cap. vij.

Sexagesimus primus est, de ijs qui rebaptizantur: nam qui bis ignoranter baptizati sunt, non indigent pro eo pœnitere; nisi quod secundum canones ordinari non pos- sunt. Qui autem non ignari iterum baptizati sunt, quasi iterum crucifigentes Chri- stum, per septem annos pœniteant, quarta & sexta feria, & tres quadragesimas ieiun- ent; si pro vitio aliquo fecerint, similiter: si pro mundicia putauerint, tribus an- nis similiter pœniteant, de consecrat. distinct. iiij. cap. Qui bis. ex Pœnitentia- li Theodori.

Sed S. Felix Papa III. in epistola prima cap. ij. iiij. & iiij. & habetur apud Gratianum ibi- dem cap. seq. Eos quos. ita distinguit.

Eos quos Episcopus, presbyteros, vel diacones fuisse constiterit, & seu optantes forsi- tan, seu coactos lauacri illius vnici salutarisq. claruerit fecisse iacturam, vsque ad exitus sui diem in pœnitentia, si resipiscunt, iacere conueniat: nec orationi, nec mo- do fidelium, sed ne Catechumenorum quidem omnimodis interesse; quibus laica tantum communio in morte est reddenda. De clericis autem & Monachis, aut puellis Dei, aut secularibus seruari præcipimus hunc tenorem, quem Nicæna Syno- dus circa eos qui lapsi sunt, vel fuerint, seruandum esse constituit; vt scilicet qui nulla
necef-

neccessitate, nullius rei timore atque periculo sc, vt rebaptizentur, hæreticis impiè dederunt; si tamen eos ex corde pœniteat, tribus annis inter Audientes sint: septem autem annis subiaceant inter pœnitètes manibus Sacerdotum: duobus autem annis etiam oblationes modis omnibus non sinantur offerre; sed tantummodò secularibus in oratione socientur: nec confundatur Deo colla submittere, qui eum non timuit abnegare. Pueris autem, quibus (quòd impuberes sunt) à pubertate vocabulum est, seu clericis seu laicis, aut etiam similibus puellis, quibus ignorantia suffragatur ætatis, aliquamdiu sub manus impositione detentis, reddenda communio est; nec eorum est expectanda pœnitentia, quos excipit à coercitione censura.

Ac insuper hi, qui bis vel ter, vel eò amplius, ignorantibus Episcopis, vel baptizantur vel confirmantur, non seculo, sed soli Deo sub habitu regulari vel clericali religiosissimè famulari coguntur, de consecr. dist. v. cap. Dictum est nobis. ex Concilio Tarraconensi cap. vj. vel, quoad partem, ex Concilio Cabilonensi II. cap. xxvj.

Sexagesimus secundus est, quòd qui scit vxorem suam adulteram fuisse, & ipse illam pœnitentem cognoscit ante pœnitentiam peractam, quia cum adultera commissus sit, quæ adhuc crimine suo purgata non est, pœniteat duobus annis; aut se absteineat ab usu matrimonij donec expleatur tempus pœnitentiæ ipsius vxoris. Similiter si virum suum vxor inuenerit adulterum, & ipse pœnitere debet, quia non ad imparia iudicatur, xxxij. q. j. cap. Si quis vxorem. j. ex S. Ioanne Chrysostomo, apud quem hodie non reperitur; sed simile habetur in Concilio Narretensi cap. xij.

Sed si quis vxorem suam sciat adulteram, & non vult dimittere sed in matrimonio habere, tribus annis pœniteat, & quamdiu pœniter, abstineat se ab illa, eadem xxxij. q. j. Si quis vxorem. ij. ex Pœnitentiali Theodori.

Hi sunt veteres Canones pœnitentiales, qui maxima ex parte ex Gratiani Decreto, & alijs decretalibus à diuersis Doctoribus collecti vulgò circumferuntur tum in calce eiusdem Decreti, tum apud nonnullos Theologos: & Canonistas in eorum opusculis vel Summis, quos recognoscere & clarius ac distinctius reponere operæpretium visum est. Quamuis autem hi numero non pauci in hunc catalogum referantur; sunt tamen alij complures & in eodem Gratiani Decreto, & apud Bedam in Opusculo de remedijs peccatorum, & Rabanum Archiepiscopum Moguntinum, in libro Pœnitentium, & alios auctores, quos nuper Antonius Augustinus Archiepiscopum Tarraconensis in vnum volumen contulit inscriptum Canones pœnitentiales, & notis illustrauit, * Sed & fusissimè habentur apud Burchardum Vuormaciensem, & Iuonem Carnotensem Episcopos in eorum Decretis, atque alios sacrorum Canonum collectores; quos studiosius Sacerdos, si velit, legere poterit.

Ad horum igitur normam & exemplum poterit Confessarius pro loco & tempore & qualitate casuum & personarum & statu pœnitentium, & circumstantijs facti & matura discretione cogitare de iniungenda pœnitentia consistenti, & illam suo arbitrio moderari; vel ei saltem, vt superius dictum est, canonum pœnitentias significare.

Et quidem, qualitas pœnitentium maximè consideranda est, puta si sint noui in fide: nam vt Innocentius III. mandauit dicens; cum pœnitentia non tam secundum quantitatem excessus, quam pœnitentis contritionem per discreti Sacerdotis arbitrium sit moderanda, pensata qualitate personæ, super fornicatione, adulterio, homicidio, periurio, & alijs circumstantijs omnibus, & præsertim nonitate Lioueniensis Ecclesiæ competentem pœnitentiam delinquentibus imponatis, prout eorum saluti videritis expedire, cap. Deus qui. de pœnit. & remiss.

Similiter vbi pro certo peccato mortifero certa pœnitentia imposita non est, suo arbitrio Confessarius illam imponat, quamuis apud veteres consuetudo fuisse videatur, vt generaliter pro quolibet peccato mortali septè annorum pœnitentia imponeretur, cap. Hoc ipsum. ex S. Isidoro in epistola ad Massanum Episcopum, & s. Hoc au-

tem. ex ipso Gratiano xxxij. q. ij. quod hodie communiter non seruatur, sed omnes pœnitentiæ sunt arbitrarie, & totum positum est in arbitrio confessoris.

Quod autem attinet ad dies ieiunij in foro pœnitentia, legitimæ feriæ dicuntur secunda, quarta, & sexta feria supracitato cap. Presbyter. & ibi glossa in verb. tres legitimas ferias. dist. lxxxij. præcitato cap. Qui compulsus. & ibi glossa in verb. legitimas ferias. xxij. q. v. & cap. Ieiunia. & ibi etiam glossa in verb. & sexta. de consecrat. dist. iij. Aliqui tamen postea pro secunda feria ponunt Sabbatum, quemadmodum & in ieiunijs quatuor temporum obseruatur; & ita hodie communis videtur usus, præsertim in ieiunijs, quæ in Inbilcorum concessione iniunguntur.

Notandum insuper est, quod si pœnitentia in pane & aqua imponatur, non habens panem, potest loco panis leguminibus & pisciculis vesci, aut alijs cibarijs refici, si necessitas id exposcit, cum discretione adhibita, quod his non ad delicias, sed ad sustentationem vtatur, de pœnit. & remiss. cap. Licet. ex Alex. III.

Notandum quoque videtur, quod ubi imponitur pœnitentia aliquot annorum, siue quadragesimarum, nec additur quo modo quis debet pœnitere, hoc relinquitur arbitrio Episcopi vel presbyteri Confessarij, cum pœnitentiæ sint arbitrarie, vt dictum est supra. Ipse enim presbyter arbitrabitur eam per ferias legitimas faciendam secundum canones, l. dist. de his clericis. ex Nicolao Papa. & de homicid. cap. ij. ex Pœnitentia Romano. & alibi.

Hactenus de Canonibus Pœnitentialibus.

Concilium Maguntinum sub Rabano Archiepiscopo, cap. xxxj. De modo dandæ pœnitentiæ.

Modus tempusq. pœnitentiæ peccata sua consentibus, aut per antiquorum canonum institutionem, aut per sanctorum scripturarum auctoritatem, aut per Ecclesiasticam consuetudinem imponi debet à Sacerdotibus. Nam qui pro peccatis grauibz leues quosdam, & inuitatos imponunt pœnitentiæ modos, consunt puluillos, secundum propheticum sermonem, sub omni cubito manus, & faciunt ceruicalia sub capite vniuersæ ætatis ad capiendas animas. Sed discretio seruanda est inter pœnitentes, qui publicè, & qui absconsè pœnitere debeant. Nam qui publicè peccat, oportet, vt publica mulctetur pœnitentia, & secundum ordinem canonum pro merito suo, & excommunicetur, & reconcilietur. Pœnitentes verò, tam expletionem constituti temporis, quam facinoris remissionem desiderent, nec eis sufficiat si à quarundam rerum perceptionibus abstineant, ni se etiam à noxijs delectationibus subtrahant: declinantes autem à malo, faciant bonum, inquirent pacem, & sequantur illam.

1 Vt sunt Henricus Gard. Offien. in summ. de pœnit. & remiss. §. Vt autem Sacerdos. & ponit xlvj. Canones pœnitentiales.

Gulielmus Durantes, Speculator eius discipulus in suo Breuiario seu Repertorio sub tit. de pœnit. & remission. siue Aureo Confessorio, cap. seu rubrica de pœnitentijs à canonibus diffinitis, ubi ponit lxxij. canones principales, & in principio & ad finem dicit quod pœnitentiæ sunt omnes arbitrarie.

S. Bonauentura in suo Confessionali, siue in libro de ratione administrandi Sacramentum pœnitentiæ cap. ij. de pœnitentijs iniungendis secundum canones pœnitentiales, Tomo 1. Opusculorum, & ponit per particulas, ad 59.

Ioannes de Eriburgo in Summa Confessorum libro tertio tit. 34 q. 1. 25. Quæ pœnitentia sit pro peccatis singulis iniungenda, ubi ponit xlvj. canones (& ibi in princ. & deinceps, quod omnes pœnitentiæ sunt arbitrarie) & col. 3. vers. Item circa personas. dicit: Et vt Sacerdos cautius in speciali circa pœnitentias arbitretur, notandi sunt casus in quibus per canones certæ pœnitentiæ imponuntur &c.

Et ad eam remissis volentem legere Summa Siluestrina in verbo Confessor quarto, q. ij.

Astefanus in sua Summa Astensij libro v. secundæ partis tit. xxxij. de canonibus pœnitentialibus, incip. Postea considerandum est de canonibus pœnitentialibus (ubi ponit xlvj. canones pœnitentiales.) Et ex eo transcribuntur in fine decreti Gratiani, incip. Considerandum est de canonibus

nonibus pœnitentialibus. Et reponuntur ab

Ant. Augustino Archiepiscopo Tarraconensi in libro seu collectione auctorum de canonibus pœnitentialibus sexto & ultimo loco, cum quibusdam eius notis, & hunc ordinem nos sequuti sumus.

S. Antoninus in tertia parte Summa tit. xvij. cap. 21. §. 5. (ubi dicit: Quamvis verò pœnitentia iniungenda à Confessore pœnitentibus hodie sint arbitrariae, & ad arbitrii iudicium, id est Confessoris imponenda, ut habetur 26. q. 7. Tempora. & de pœnit. dist. ij. Mensuram. Et hanc opinionem approbat consuetudo, & generaliter hoc servatur, ut dicit Ostem. in Summa tit. de pœnit. & remiss. tamen vs. Sacerdos circa huiusmodi dispensationem cautius arbitretur, notandi sunt casus, in quibus per canones certa pœnitentia imponuntur, & ponit canones 46.

Liber Sacerdotalis parte prima tract. ij. de Sacramento Pœnitentia cap. xx. de canonibus pœnitentialibus antiquis, ubi ex præcatis Breuiario Speculatoris, rubrica de pœnitentijs à canonibus diffinitis ponit ad 7. 2. licet diuersimodè.

2 Et in quodam Pœnitentiali quod M. S. reperit, & ipse vocauit Romanum (quod dudum Roma delatum fuerit Ilerdam à bo. mem. Michaelae Thomasio Episcopo Ilerdensi) licet ipse dicat quod non est vetus illud Pœnitentiale Romanum, cum in eo citetur, & sit ipso recentius.

3 Ex summa Astenfi citato tit. 32. circa finem.

4 Ad hec de septenni pœnitentia pro quolibet peccato mortali, & quod sunt arbitrariae idem omnes ferè concludunt Gloss. in cap. Sunt plures. in verb. mille. de pœnit. dist. 3.

Ostem. in summa de pœnit. & remiss. §. Quia pœnia sit pro peccatis singulis iniungenda, ibi Dicitur, quod pro quolibet peccato mortali debet regulariter septennis pœnitentia imponi &c. cap. Hoc ipsum. & §. seq. xxxij. q. ij. &c.

Et Speculator in suo Breuiario de pœnit. & remiss. rubr. seu cap. De pœnitentijs & canonibus diffinitis sciendum est &c. vers. Pro quolibet mortali peccato septenni annis (licet corruptè dicatur x. vij.) 33. q. 2. Hoc ipsum. & §. seq. nisi plus vel minus à canone imponatur, ut in d. §. Et ex eo

Liber Sacerdotalis prima parte tract. ij. cap. xx. de pœnitentijs à canonibus constitutis. vers. Pro quolibet mortali peccato.

Item Summa Confessorum libro 3. tit. 34. q. 1. 2. §. Quia pœnitentia sit pro peccatis singulis iniungenda. §. Vt autem scias qualiter debeat procedere arbitrium Sacerdotis; ubi notat quod pro quolibet peccato mortali debet regulariter septennis pœnitentia imponi, ut patet 33. q. 2. Hoc ipsum. & §. seq. &c. Si non est imposita à canone, & si peccatum est occultum potest minui, & quod plus & minus arbitrio Sacerdotis &c. &

Summa Astenfis libro 3. tit. 32. de canonibus pœnitentialibus in princ. ibi, ut ergo scias qualiter debeat procedere arbitrium presbyteri &c. dicit: Notandum quod regulariter, sicut dictum est supra, septennis pœnitentia est imponenda pro mortali, &c.

Et Summa Angelica in verb. Confessio. vj. quoad pœnitentia inunctionem dicit de septenni pœnitentia regulariter pro quolibet mortali, secundum gloss. in citato cap. Sunt plures. & quod tamen per dicta intra, secundum communiter Doctores, pœnitentia sunt hodie arbitrariae, &c.

Item Siluestrina in verb. Confessor. iij. q. 2. Secundo queritur, quia pœnitentia sit pro peccatis singulis iniungenda? & dicit quod pro quolibet mortali regulariter esset iniungenda septennis &c.

Item Taberna in verb. Pœnitentia. §. 9. Quotuplex est pœnitentia &c. vers. Quinta est, de qua dicitur regulariter pro quolibet peccato mortali debet imponi septennis d. c. Hoc ipsum, &c. ubi & quod hodie omnes pœnitentia Sacerdotis arbitrio taxanda sunt considerantur circumstantijs personarum &c. præcatis iuribus.

5 Cap. Dens qui. & cap. Mensuram. de pœnit. dist. 1. ex S. Hieron.

6 Et dicit etiam Specul. in suo Breuiar. de pœnit. & remiss. citata rubrica seu cap. de pœnitentijs in canonibus diffinitis ad finem vers. penult. Hoc autem notandum est. Et ex eo liber Sacerdotalis de Sacramento Pœnitentia cap. xx. De canonibus pœnitentialibus antiquis ad finem. vers. Hoc autem adnotari dignum est.

DE FORMIS ABSOLUTIONVM.

Forma communis, seu ordinaria absolutionis
à peccatis.

Misereatur tui omnipotens Deus, & dimissis omnibus peccatis tuis perducatur te ad vitam æternam. *R.* Amen.

Indulgentiam, absolutionem, & remissionem omnium peccatorum tuorum tribuat tibi omnipotens, & misericors Dominus. *R.* Amen.

Dominus noster Iesus Christus te absoluat, & ego auctoritate ipsius te absoluo ab omni vinculo excommunicationis maioris, vel minoris, suspensionis [*si poenitens est laicus, omittitur verbum suspensionis*] & interdicti in quantum possum, & tu indiges, & restituo te vnitati, & communioni fidelium, & sanctis Sacramentis Ecclesiæ. Deinde producens signum crucis super poenitentem subiungat.

Iterum ego te absoluo ab omnibus peccatis tuis in nomine *†* Patris, & Filij, & Spiritus sancti. *R.* Amen.

Passio Domini nostri Iesu Christi, & merita beatæ Mariæ semper Virginis, & omnium Sanctorum, & quicquid boni feceris, & mali sustinueris, sit tibi in remissionem peccatorum tuorum, in augmentum gratiæ, & præmium vitæ æternæ. Amen.

Adueniente autem casu aliquo necessitatis, vt si quis grauiter infirmus, aut vulneratus, aut de alto lapsus, credatur illicò moriturus, & periculum sit in mora, Presbyter debet, reliquis omisissis, dicere tantum, verba absolutionis necessaria, videlicet:

Ego te absoluo ab omni excommunicatione, & à peccatis tuis.

Vel etiam breuissimè, **A**bsoluo te, habens intentionem absoluedi eum ab omnibus sententijs excommunicationum, censuris Ecclesiasticis, quibus forsan innodatus existit, & quibuscumque peccatis, etiam quomodolibet referuatis etiam Sedi Apostolicæ, & contentis in litteris dic. Cœnæ Domini legi consuetis.

In reconciliationibus, quæ fieri solent ante generalem communionem, Confessarij Sacerdotes, si commodè valent, vti poterunt præcedente communi forma absolutionis à peccatis, vel etiam hac breuiori.

Si teneris aliquo vinculo excommunicationis, à quo possim te absolueri, ego te absoluo, & restituo vnitati fidelium, item & te absoluo à peccatis tuis. In nomine *†* Patris, & Filij, & Spiritus sancti. Amen.

Modus absolutionis simpliciter, vel ad cautelam à certis sententijs excommunicationis, & alijs censuris Ecclesiasticis in Sacramentali confessione.

Si Confessor habet specialem facultatem absoluedi poenitentes ab excommu-

communicationis sententia, & ab alijs Ecclesiasticis censuris, vel si ipsi poenitentes habent facultatem, vt eorum Ordinarius, vel alter ab eis eligendus ex approbatis ipsos ab excommunicatione, & alijs censuris huiusmodi absolueret possit, & ipsi petunt absolui; confessor in primis in Sacramento Poenitentiae vtatur eadem forma, videlicet si ad cautelam, dicat:

Si teneris aliqua sententia excommunicationis maioris, vel minoris, suspensionis, & interdicti [*propter tale factum, aut causam &c.*] Dominus noster Iesus Christus te absoluat, & ego auctoritate ipsius, & sanctissimi Domini nostri Papæ, vel alia [*qua fungitur*] te absoluo, & restituo te vnitati, & communioni fidelium, & sanctis Sacramentis Ecclesiæ.

Si laicus est, non dicat suspensionis. Quod & in sequentibus seruetur.

Si verò poenitens simpliciter erit absolendus ab huiusmodi censuris, dicat:

Dominus noster Iesus Christus te absoluat, & ego auctoritate ipsius, & Sanctissimi Domini nostri Papæ, vel eius Poenitentiarii maioris, vel Reuerendissimi Domini Archiepiscopi, vel Episcopi N. absoluo te ab omni vinculo excommunicationis maioris, vel minoris, suspensionis, & interdicti, quibus [*propter talem causam, vel tale factum*] innotatus existis, vel in quæ incurrisse declaratus es, & restituo te vnitati, & participationi fidelium, & sanctis Sacramentis Ecclesiæ.

Deinde dicto *Miserere mei*, & Indulgentiam, absoluat eum à peccatis, dicens: Dominus noster Iesus Christus te absoluat &c. postea, *Pasio Domini nostri Iesu Christi &c.* vt suprà.

Modus, seu forma consueta absolutionis à certa sententia excommunicationis.

Primùm Sacerdos habens facultatem absoluendi ab huiusmodi excommunicatione, exigit ab excommunicato iuramentum, præsertim in grauibz criminibus, quòd in posterum talia non committet, propter quæ excommunicatus fuit.

Quòd si alicui dānum, vel iniuriam intulit, eum non ante absoluat, quā vel satisfecerit, vel pro satisfactione cautionem dederit.

Deinde Sacerdos, seu Confessarius [si est secularis, indutus superpelliceo; Regularis verò in habitu suæ professionis &] accepta stola, excommunicato humiliter genuflexo, dicat cum alijs presbyteris, & Clericis presentibus (si sit extra confessionem) psalmum *Miserere mei Deus*, totum, & ad quemlibet eius versum in humeris, seu spatulis leuiter virga percutiat poenitentem.

Post psalmum Sacerdos dicit.

K yrie eleison. **C** hris̃te eleison. **K** yrie eleison.
Pater noster.

1. Et ne nos inducas.
 2. *R.* Sed libera.
 3. *V.* Saluum fac seruum tuum.
 4. *R.* Deus meus sperantem in te.
 5. *V.* Esto ei Domine turris fortitudinis.
 6. *R.* A facie inimici.
 7. *V.* Nihil proficiat inimicis in eo.
 8. *R.* Et filius iniquitatis non apponat nocere ei.
 9. *V.* Domine exaudi orationem meam.
 10. *R.* Et clamor meus ad te veniat.
 11. *V.* Dominus vobiscum.
 12. *R.* Et cum spiritu tuo.

*O*remus.

*O*ratio.

Deus cui proprium est misereri semper, & parcere, suscipe deprecationem nostram, & hunc famulum tuum, quem sententia excommunicationis ligat; miseratio tue pietatis clementer absoluat. Per Christum Dominum nostrum. *R.* Amen.

Deinde absoluat eum dicens.

Dominus noster Iesus Christus te absoluat, & ego auctoritate ipsius, & Sanctissimi Domini nostri Papæ, *vel* Reuerendissimi Domini nostri Archiepiscopi, *vel* Episcopi, *vel* talis Prælati, *aut* superioris N. mihi commissa, absoluo te à vinculo excommunicationis, in quam incurristi [vel incurrisse declaratus es] propter tale factum, vel causam, *vel* si fuerit excommunicatus propter plura facinora, crimina; *aut* facta, dicat propter talia facta, vel tales casus, *ita*; *vel* illos ex præmendo iuxta sententiam, *vel* declarationem [toties, quoties illa *vel* illos commisisti] & restituo te communioni, & vnitati fidelium, & sanctis Sacramentis Ecclesiæ: In nomine + Patris, & Filij, & Spiritus sancti.
 Et manu dextra facit signum crucis super poenitentem.

Quod si plures fuerint excommunicati, vel declarati ex eadem causa, & hæc absolutio fiat in iudicio, vel aliàs extra confessionem, dicat prædictas preces, & absolutionem in numero plurali, vt Dominus noster Iesus Christus vos absoluat, &c. Si verò ex diuersis causis, post preces, dicatur Absolutio, Dominus noster Iesus Christus te absoluat, &c. super quemlibet in numero singulari.

Prædictus autem absoluendi modus cum psalmo, & precibus sequentibus interdum prætermittitur, quando casus est occultus, aut non adeò grauis, aut qualitas personæ, vel loci aliter requirit. Tunc enim excommunicatus abstrahente auctoritatem absolui potest vel solo verbo, supradictis precibus omisissis, vel cum eisdem precibus, vel et iam cum illa prece tantum, Dominus noster Iesus Christus &c. vt supra, reliquis omisissis; nisi absolvens fuerit delegatus, & in mandato absolutionis exprimat, vt in forma Ecclesiæ consuetæ excommunicatum absoluat; nam tunc præscripta forma omni modo seruanda est.

Forma absolutionis à sententia excommunicationis minoris, quando pœnitens petit à Parocho, vel ab habente potestatem extrâ Sacramentalem confessionem.

Pœnitens dicat: Confiteor Deo &c. Sacerdos: Misereatur tui, & Indulgentiam: deinde iniuncta aliqua pœnitentia salutari, dicat:

Ego absoluo te à vinculo excommunicationis huius, quam confessus es, vel minoris, in quam incurristi [propter tale factum; puta, quia communicasti, seu participasti cum notorio excommunicato, seu nominatim denunciato] toties quoties, & ab alia, si teneris, in quantum possum, & restituo te vnitati, & communioni fidelium, & sanctis Sacramentis Ecclesiæ, In nomine + Patris, & Filij, & Spiritus sancti. Amen.

Verùm si petitur absolutio ab excommunicatione minori ad cautelam, vt quia non est certus se in eam incurrisse, dicatur:

Si teneris aliquo vinculo excommunicationis minoris propter tale factum, à quo possum te absolue, ego absoluo te, & restituo te vnitati, & communioni fidelium, & sanctis Sacramentis Ecclesiæ. In nomine + Patris, & Filij, & Spiritus sancti. Amen.

De modo absoluendi à suspensione, vel interdicto, extra Sacramentalem Confessionem.

Cum Parocho, vel Confessario committitur, vt absoluat aliquem ab alijs censuris Ecclesiasticis, videlicet suspensionis, vel interdicti, cum nulla reperiantur expressim tradita verba pro huiusmodi absolutione, vti poterit verbis id significantibus, vel formulis infra scriptis.

Pœnitens dicit: Confiteor Deo &c. Sacerdos: Misereatur. Indulgentiam &c. vt suprà in absolutione ab excommunicatione minori & subiungit.

Formula absolutionis à suspensione.

Auctoritate Sanctissimi Domini nostri Papæ, vel Reuerendissimi Domini Cardinalis Legati, vel Archiepiscopi, vel Episcopi: ego absoluo te à vinculo suspensionis, in quam [propter tale factum, vel causam] incurristi, seu incurrisse declaratus es, In nomine + Patris, & Filij, & Spiritus sancti. Amen.

Formula absolutionis ab interdicto.

Auctoritate &c. vt suprà, ego absoluo te à vinculo interdicti in quod [propter tale factum, vel causam] incurristi, vel incurrisse declaratus es, In nomine + Patris, & Filij, & Spiritus sancti. Amen.

Formula absolutionis ab alterutra censura.

Auctoritate &c. vt supra: ego relaxo sententiam suspensionis, vel interdicti, in quam [propter tale factum, vel causam] incurristi, seu incurrisse declaratus es. In nomine + Patris, & Filij, & Spiritus sancti. Amen.

Dictum est extra Sacramentalem confessionem: quia suprà in communi forma absolutionis à peccatis, & alijs præscriptis, continetur absolutio ab excommunicatione maiori, & alijs censuris pro auctoritate Sacerdotis: cum dicitur, **Absoluo te ab omni vinculo excommunicationis maioris, vel minoris, suspensionis, & interdicti &c.**

Formula dispensandi in foro conscientie, vel in utroque foro super irregularitate, siue irregularitatibus ex speciali commissione Domini Papæ, siue Sedis Apostolicæ, vel cum Episcopi in casibus occultis ex decreto sacri Concilij Tridentini sibi permisis dispensant.

Auctoritate Sanctissimi Domini nostri Papæ, vel Sedis Apostolicæ, vel vigore decreti sacri generalis Concilij Tridentini, ego dispenso tecum super irregularitate, seu irregularitatibus, quam, seu quas propter talem causam, vel causas (exprimendo illas iuxta tenorem commissionis) contraxisti, & habilito, & restituo te executioni ordinum, & officiorum tuorum. In nomine + Patris, & Filij, & Spiritus sancti. Amen.

Si nullum habeat ordinem, loco verborum & habilito, & restituo te, dicatur, habilito te ad omnes ordines suscipiendos, vel etiam ad alia, iuxta tenorem mandati.

Cum sit dispensatio, non utimur verbo, absoluo, sed dispenso, ut suprà: & ita seruat, & rescribit Sedes Apostolica.

Forma generalis, seu plenaria absolutionis ab omnibus sententijs excommunicationis, & alijs censuris Ecclesiasticis; & ab omnibus peccatis etiam in casibus quomodolibet reservatis, vigore alicuius specialis facultatis, vel indulti concessi à Sanctissimo D.N. Papa siue semel, siue sæpius in vita ex gratia speciali; vel ingredientibus aliquam Religionem, Ordinem, vel Confraternitatem; siue etiam ratione generalis Iubilæi, cum electione Confessarij approbati, & elargitione plenariæ, vel alterius Indulgentiæ.

Dominus noster Iesus Christus te absoluat, & ego auctoritate ipsius, & Sanctiss. D.N. Domini N. Papæ vigore [specialium litterarum Apostolicarum, vel generalis Iubilæi, seu Indulgentiæ plenariæ in forma Iubilæi] tibi concessa, & mihi commissâ, ego absoluo te ab omnibus, & singulis excommunicationis, suspensionis, si est persona Ecclesiastica, & interdicti sententijs, censuris Ecclesiasticis, & pœnis à iure, vel ab homine (si adest facultas) quavis causa, & occasione latis, quibus quomodocumque innodatus existis, seu in quas quomodolibet incurristi, & restituo te unitati, & participationi fidelium, & sanctis Sacramentis Ecclesiæ.

Si est

Si est persona Ecclesiastica, & adfit facultas dispensandi, & habilitandi & condonandi fructus male perceptos, subdat :

E Ademq. auctoritate dispenso tecum super quacunque irregularitate, quam præmissorum occasione incurristi, & restituo, & habilito te ad executionem ordinum, ac ad omnes gradus, honores, dignitates, officia, & beneficia Ecclesiastica quæ obtines, & obtinebis; condonando, seu relaxando tibi fructus male perceptos, *iuxta tenorem indulti.* Deinde dicto, *Miserereatur.* & *Indulgentiam, vt supra, absoluit eum à peccatis, dicens.*

D Ominus noster Iesus Christus te absoluat, & ego prædicta auctoritate, qua fungor, absoluo te ab omnibus peccatis tuis, in casibus etiam eidem sanctissimo D. N. & sanctæ Sedi Apostolicæ reservatis. In nomine + Patris, & Filij, & Spiritus sancti. Amen.

Postea dicat, Passio Domini nostri Iesu Christi, &c. vt supra.

Quocirca aduertendum est, quòd concessa facultate absoluendi, siue in foro conscientie, siue exteriori, non venit facultas dispensandi super irregularitate, vel alia inhabilitate, vt superius dictum est.

I Tem, quòd commissa facultate absoluendi à sententia excommunicationis, non intelligitur ab ea, quæ ab homine lata est, nisi ipse iudex, vel eius superior exprimat, vel concedat, aut excommunicatus sit in articulo mortis; quo casu, etiam ex declaratione sacri generalis Tridentini, ab omnibus peccatis, & censuris quomodolibet reservatis quilibet presbyter absolvere potest, vt etiam supra notatum est.

Forma plenariæ, seu generalis absolutionis in articulo mortis à quibusvis censuris Ecclesiasticis, peccatis, & casibus, etiam sanctissimo Domino Papæ reservatis, vigore alicuius specialis facultatis personæ, Ordini, seu Religioni, Collegio, vel Confraternitati, vt solet, cum plenariæ Indulgentiæ elargitione, Apostolica auctoritate concessæ.

D Ominus noster Iesus Christus per suam pijsimam misericordiam te absoluat, & ego auctoritate ipsius, & sanctorum Petri, & Pauli Apostolorum eius, & sanctissimi D. N. Papæ in hac parte tibi concessa, & mihi commissa, te absoluo ab omnibus excommunicationis maioris, vel minoris, suspensionis (*si est persona Ecclesiastica*) & interdictionis sententijs, censuris Ecclesiasticis & pœnis à iure, vel ab homine quavis causa, vel occasione latis, & restituo te communioni, & vnitati fidelium, & sanctis Sacramentis Ecclesiæ.

Miserereatur tui omnipotens Deus, & dimisis omnibus peccatis tuis perducatur te ad vitam æternam. ✠ Amen.

Indulgentiam, absolutionem, & remissionem omnium peccatorum tuorum tribuat tibi omnipotens, & misericors Dominus. **Amen.**

Deinde :

Edem auctoritate ego absoluo te ab omnibus peccatis tuis. In nomine + Patris, & Filij, & Spiritus sancti. Amen.

Et producit signum Crucis. Indulgentia autem plenaria, & remissio omnium peccatorum tuorum [vel alia tot annorum] tibi à Sanctissimo D. N. Papa in mortis articulo concessa, si ex hac infirmitate non morieris, salua, & reseruata tibi sit in vero mortis articulo.

Deinde dicit:

Passio Domini nostri Iesu Christi, & merita Beatæ Mariæ semper Virginis, & omnium Sanctorum, & quicquid boni feceris, & mali sustinueris, sint tibi in remissionem peccatorum tuorum, in augmentum gratiæ, & præmium vitæ æternæ. Amen.

DE ADMINISTRATIONE

Sacramenti Eucharistiæ.



SAcra Eucharistiæ dispensatio ad Episcopum & presbyterum suo iure pertinet; ideo per se illam populo erogent & distribuunt: caueantq. ne illius erogationem inferioris Ordinis Clerico, nec etiã Diacono committant, qui Episcopo vel presbytero præsentem, illam ministrare non potest; nisi ijs absentibus; vel nisi etiam ipsis præsentibus, & non valentibus, necessitas cogat: tunc enim ipse Diaconus iussus erogabit.

Parochus tempore Paschali & alijs diebus solennibus administraturus populo sanctum Eucharistiæ Sacramentum, aliquot ante diebus plebem suam inter Missarum solennia moneat, vt post integram peccatorum suorum confessionem, præparet se ad tantum Sacramentum dignè suscipiendum, sibi proximos quosque suos quibuscumque odium & inimicitiz fortè intercederent reconcilient, restitutiones & alia necessaria & opportuna faciant: ieiunijs, orationibus, alijsq. pijs operibus vacent, à rebus secularibus, quoad fieri potest, se abstineant.

Ad communionem non admittat hæreticos, schismaticos, excommunicatos & interdictos, notorios criminosos & infames, vt meretrices, publicos & manifestos vsurarios, concubinariorum, magos, sortilegos, blasphemos & similes.

Præterea non admittat amentes, nisi qui dilucida habent interualla, & tunc mentis compotes sint; nec pueros aut puellas, qui quæue nondum ad ætatem discretionis peruenerint.

De his autem, qui communicare debent aut possunt, certa ætas discretionis assignari non potest; cùm varia sint eorum ingenia, aliqua tardiora ad intelligendum, aliqua velociora & capaciora: sed relinquendum est arbitrio discreti confessoris, vt pro eorum docilitate, caput & deuotione ad sacram communionem admittantur: præsertim verò cùm intelligunt rationem Sacramenti, & discernunt inter bonum & malum; inter peccatum, & non peccatum, & inter panem communem & ipsum Sacramentum.

Provideat autem parochus, vt hi & alij pueri vel puellæ, qui quæue ad hanc discretionis ætatem peruenerunt, & sacram Eucharistiæ sunt suscepturi, si nondum sunt ab Episcopo confirmati, antea confirmentur.

Moneantur omnes, vt sint ieiuni, & ante communionem, si commodè fieri potest, Missam audiant.

Docentur quoque in communionem, quæ sub vna tantum specie à laicis sumitur, integrum corpus Domini etiam cum sanguine sumi, & cùm frangitur hostia consecrata totum Christi corpus in qualibet parte fracta contineri.

Vt ad cordis munditiam etiam illam corporis adiungant; decere quoque coniugatos triduo ante susceptionem Sacramenti à coniugalibus actibus abstinere.

Itaque cùm tempus communicandi aduenerit, omni qua decet reuerentia & deuotione accedant: Mulieres decenti habitu, non intortis crinibus & fucis illitæ & nimio cultu ornate: Viri separatim à mulieribus communicent, vtrumque genu flectant sanctum Sacramentum humiliter adorantes.

Moneantur etiam sumpto Sacramento non statim ab Ecclesia recedere, sed aliquantulum in oratione permanere: ideo quandoque eis iniungatur, vt post communionem antequàm discedant, saltem dicant bis vel ter orationem Dominicam & salutationem Angelicam, & semel Symbolum Apostolorum. Eo etiam die quo Sacramentum sumperint, à secularibus curis semoti pro temporis opportunitate in Ecclesijs Deo vacent.

Nec prætermittat Parochus sapius in Quadragesima populo publicare constitutio-

Cap. Omnis vtriusque
sexus de pœ-
nit. & remiss.

nem quæ incipit, Omnis vtriusque sexus. de perceptione Sacramenti in Pascha, æiq. declarare ex dicta constitutione omnes vtriusque sexus fideles cùm ad annos discretionis peruenerint, teneri ad suscipiendum reuerenter ad minus in Pascha sanctum Eucharistiæ Sacramentum: nisi ob aliquam rationabilem causam ipse proprius Sacerdos ad tempus ab huiusmodi perceptione duxerit abstinentum: & eos, qui dicto tempore non communicauerint, ab ingressu Ecclesiæ arceri debere, & morientes Ecclesiastica carere sepultura. Tempus autem Paschæ in ipsa constitutione præscriptum intelligi à Dominica palmarum vsque ad Dominicam in octaua Paschæ inclusuè. Et vt hoc Lateranensis Concilij salutare decretum inuiolabiliter obseruetur, describat Parochus nomina suorum parochianorum, qui ad annos discretionis peruenerint: deinde eorum qui dicto tempore communicauerint, & post octauam Paschæ eos, qui propriæ salutis immemores sæpius admoniti non obtemperauerint, Ordinario suo denuntiet.

Hortetur etiam eos, qui communicaturi sunt in Pascha, vt quoad fieri potest, in ipsa Dominica resurrectionis id faciant: qui verò per annum aliquando communicare volunt, id potissimum in præcipuis solennitatibus, vt in Pentecoste & Natali Domini, & alijs solennibus festis præstent: qui autem hoc Sacramentum magis frequentant, illud in festis & Dominicis præsertim diebus, iuxta suam deuotionem, & sui Confessarij consilium reuerenter percipiant.

Aliqua item Parochus dicat de excellentia & fructu huius Sacramenti, & communi-
cantes ad Christi amorem & vitæ renouationem inflammet, atque vt ante & post
sumptionem sancti Sacramenti in meditatione passionis Christi pro cuiusque captu
aliquandiu persistant, hortetur.

Cum autem tempus aduenit communicandi populum; Sacerdos, nisi antea prouisum fuerit, provideat hostias seu particulas consecrandas pro illius numero abundantius:

Paret calicem seu aliud vas, & vinum pro purificatione populi: extendat linteam super scamno ad latitudinem pauimenti ante gradus altaris sancti Sacramenti.

Sacerdos, (nisi in Missa populum communicet) superpelliceo ac stola de super albi coloris indutus, lotis prius manibus, venit ad altare, vbi ad gradus aliquantisper genuflexus orat, postea ascendens ad altare, iubet accedere eos, qui volunt communicare. Acolythus accendit ceros seu intortitia. Ipse verò accipit Sacramentum de custodia, vel de altari, & facta prius ad Sacramentum genuflexione, extrahit illud de capsula, vel accipit de corporali, imponit in calicem seu pyxidem, nisi in ea particulæ consecratæ vel repositæ iam sint. Deinde in cornu epistolæ conuersus ad communicandos, stans interrogat eos, si sunt omnes confessi peccata sua, & reconciliati proximis suis: postea minister vel ipsemet Sacerdos iunctis manibus facit in persona illorum confessionem generalem vulgari sermone, deinde dicit: Misereatur vestri, &c. & Indulgentiam & absolutionem, &c. faciens super eos signum Crucis.

Deinde genuflectens accipit calicem seu pyxidem cum Sacramento, sinistra manu tenens, dextera verò sumit vnā particulam, quam tenet eleuatam super calicem, & conuersus ad populum, illum cum Sacramento aliquantulum eleuans, eos, si secundum qualitatem loci & per-

sona-

sonarum sibi videbitur, interrogat. Creditis hoc esse verum Christi corpus, quod pro nobis traditum fuit in mortem? Omnes respondent. Credo. Iterum interrogat. Creditis quicquid credit sancta Catholica, & Romana Ecclesia? R. Credo. Deinde Sacerdos subiungit; quilibet vestrum dicat. Domine non sum dignus, vt intres sub tectum meum, sed tantum dic verbo, & sanabitur anima mea. Quod secundò, & tertio repetat. Postea accedens ad eorum dexteram, porrigit cuiuslibet manum dextera Sacramentum, cum eo, faciens signum Crucis, & dicens: Corpus Domini nostri Iesu Christi custodiat animam tuam in vitam æternam. Amen.

Minister verò superpelliceo indutus, calicem vini dextera manu tenens; sinistra verò mappulam ad abstergendum os, & aliquantò post Sacerdotem eos successiue purificat, & mappulam porrigit ad abstergendum.

Habeat etiam paratum vas aquæ, pro ijs, qui vinum non bibunt. Vbi omnes communicauerint, Sacerdos veniens ad altare, reponit Sacramentum, & dicit Antiphonam.

O sacrum conuiuium, in quo Christus sumitur, recolitur memoria passionis eius, mens impletur gratia, & futura gloriæ nobis pignus datur. ✠ Panem de cælo præstitisti eis. R. Omne delectamentum in se habentem. ✠ Dominus vobiscum. R. Et cum spiritu tuo.

Oremus.

Oratio.

Deus, qui nobis sub Sacramento mirabili passionis tuæ memoriam reliquisti, tribue quæsumus, ita nos corporis & sanguinis tui sacramenta venerari; vt redemptionis tuæ fructum in nobis iugiter sentiamus. Qui viuus. vel dicit vnā ex infra scriptis orationibus pro temporis qualitate.

Tempore Paschali, Oratio.

Spiritum nobis Domine tuæ charitatis infunde, vt quos Sacramentis Paschalibus satiaſti, tua facias pietate concordēs. Per Christum Dominum nostrum. R. Amen.

In Natiuitate Domini. Oratio.

Huius nos Domine Sacramenti semper nouitas Natalis instauret; cuius Natiuitas singularis humanam repulit vetustatem. Per eundem Christum Dominum nostrum. R. Amen.

Alio tempore dicatur, vel post communionem illius diei, vel vna ex sequentibus orationibus.

Prebeant nobis Domine diuinum tua sancta feruorem, quò eorum pariter, & actu delectemur, & gustu. Per Christum Dominum nostrum. R. Amen.

Alia Oratio.

Tui nobis Domine communio Sacramenti, & purificationem conferrat, & tribuat vnitatem. Per Christum Dominum nostrum. R. Amen.

Dicta oratione Sacerdos abluit digitos, quibus tetigit Sacramentum, & ab-

& abstergit; & ablutio, si non sumitur, proiciatur in Sacrarium. deinde benedicit eis dicens:

Benedictio Dei omnipotentis + Patris, & Filij, & Spiritus sancti descendat super vos, & maneat semper. *R. Amen.*

Poterit etiam eos aspergere aqua benedicta, & rudioribus (ne statim post sumptionem Sacramenti discedant) iniungere, vt dicant aliquot *Pater noster. & Ave Maria.* antequàm discedant ab Ecclesia.

Si autem communio intra Missarum solennia fiat, facta communione, Sacerdos antequàm se purificet, ponat Sacramentum in alio calice, vel in pyxide; vel si pauci communicaturi sunt, in patena: operit Sacramentum palla, genuflectit: postea stans ad cornu Epistolæ vertit se ad populum, & iubeat accedere eos, qui communicare volunt, quibus accedentibus, & ad gradus altaris genuflexis, minister pro illis dicit confessionem, *Confiteor Deo omnipotenti, & alia, vt suprà.* Postquàm verò omnes communicauerint, Sacerdos dicat secretò. *Quod ore sumpsimus Domine, vt in Missali.*

Deinde se purificat, ministro interim eos, qui communicarunt purificante, & prosequitur Missam, qua finita discedunt.

In Missa verò solenni Diaconus purificat eos, qui communicarunt.

DE SANCTISSIMAE Eucharistiæ asseruatione.



Cum iuxta Canonem presbyter semper sacram Eucharistiam paratam habere debeat, ut quando quis infirmatus fuerit, statim eam communicet, ne sine communione moriatur: de eius asseruatione, paucis agendum est. Ac in primis quidem commemorandum videtur id, quod sancta Oecumenica Synodus Tridentina, inter alia quæ ad conuellenda zizania execrabilium errorum & schismatum, quæ inimicus homo in doctrina fidei, usu & cultu sacrosanctæ Eucharistiæ superseminauit, & ad sanam & sinceram de venerabili hoc & diuino Eucharistiæ Sacramento doctrinam tradens definiuit, de asseruando sacre Eucharistiæ Sacramento, & ad infirmos deferendo, his verbis declarauit.

Consuetudo asseruandi in Sacrario sanctam Eucharistiam adeo antiqua est, ut eam sæculum etiam Nicæni Concilij agnouerit. Porro deferri ipsam sacræ Eucharistiam ad infirmos, & hunc usum diligenter in Ecclesijs conseruari, præterquam quod cum summa æquitate & ratione coniunctum est; tum multis in Concilijs præceptum inuenitur, & vetustissimo Catholicæ Ecclesiæ more est obseruatum. Quare sancta hæc Synodus retinendum omnino salutarem hunc & necessarium morem statuit.

Quod & sub anathemate, speciali canone confirmauit.

Si quis dixerit non licere sacram Eucharistiam in Sacrario reseruari; sed statim post consecrationem instantibus necessario distribuendam; aut non licere, ut illa ad infirmos honorificè deferatur, anathema sit.

Parochus itaque magnam curam adhibere debet in custodiendo sanctissimæ Eucharistiæ Sacramento, quod pro viatico ad infirmos deferendo, & aliorum necessaria siue opportuna communione in publicis & parochialibus præsertim Ecclesijs, maxima cum reuerentia & veneratione diligenter asseruandum est. Quocirca Innocentius Papa III. in Concilio generali statuit, ut in cunctis Ecclesijs Chrysmæ & Eucharistiæ sub fideli custodia clauibus adhibitis conseruentur, ne possit ad illa temeraria manus extendi ad aliqua horribilia vel nefaria exercenda. Si verò id quem spectat custodia, eam incautè reliquerit, tribus mēsis ab officio suspendatur; & si per eius incuriam aliquid nefandum inde contigerit, grauiori subiaceat ultioni. Et Honorius Papa III. ne propter incuriam diuina indignatio grauius exardescat, districte præcipiendo mandauit, quatenus à Sacerdotibus Eucharistia in loco singulari, mundo, & signato semper honorificè collocata deuotè ac fideliter conseruetur. Sacerdos verò quilibet frequenter doceat plebem suam, ut cum in celebratione Missarum eleuatur hostia salutaris, se reuerenter inclinet, idem faciens cum eam deferret presbyter ad infirmum, & quæ sequuntur: iniungens Prælati, ut huiusmodi mandati grauius punire non differant transgressores, si & ipsi diuinam & suam volunt effugere ultionem.

In prædictis ergo Ecclesijs perpetuò seruentur aliquæ hostiæ seu particule consecratæ in pyxide aurea vel argentea saltem intus inaurata munda & nitida cum suo operculo bene firmata, intra tabernaculum marmoreum vel æneum, aut alterius materiæ, aut saltem ligneum foris deauratum vel depictum, sub tuta custodia & clauibus, diligenter clausum & obseratum, & supra altare conspicuum decenter collocatum quod conopeo vel tegumento serico albi, rubei, viridis aut violacei coloris pro quâsitæ temporis & dierum cōtegatur, cuius clauis semper penes se Curatus habeat. Tabernaculum verò huiusmodi in Ecclesijs præsertim Cathedralibus, Collegiatis, aut alijs præcipuis super altare maius poni seu collocari non oportebit, ad multa incommoda & impedimenta tollenda: eo quod ad altare, ubi est custodia Sacramenti, sacra communio frequenter consuuerit ministrari, & apud altare maius quotidie

preces fiant, & diuina officia peragantur, atque in eo Missarum solennia celebrentur. Debet etiam Sacerdos ante corpus Christi in tabernaculo reconditum lampades ardentes, si vnam saltem nocte & die perpetuò habere; vt appareat ibi esse corpus Domini nostri Iesu Christi, qui est lux vera, quæ illuminat omnem hominem venientem in hunc mundum.

Aduertat autem, vt non habeat hostias seu particulas consecratas in magna quantitate, vbi opus non est; sed quot pro populi & infirmorum, qui sunt vel esse possunt, numero necessariz videbuntur, & paucæ aliz insuper quæ supersint.

Illas autem ad omnem earum corruptionem vitandam sæpius mutari oportet. Et licet varia sit super hoc consuetudo Ecclesiarum vel potius Prælatorum, vt mutantur siue decimoquinto, siue decimo, siue octauo, siue septimo quoque die, illa magis probatur, vt octauo die mutantur, & à Sacerdote, vel ab alijs ieiunis & benè dispositis, priores deuotè sumantur, & nouiter consecratæ reuerèter earum loco reponantur. Et vasculum ipsarum adeo firmiter contegatur & occludatur, vt mures & aliæ bestiolæ illud nequaquam penetrare valeant.

Sed & tabernaculum intra quod asseruatur, similiter sit adeò benè obstructum & obsecratum; vt nullum omninò foramen in eo sit, per quod vel mures vel muscæ vel culices aut formicæ & similia insecta in illud ingredi possint.

Consueuerunt aliqui in fundo pyxidis, sacrum lineum panniculum de corporali sumptum, aut aliud paruum velum benedictum, aut etiam chartam papyraceam mundam subijcere, vt super ea ipsæ sacræ hostiæ collocentur. Sed illud maxime decet; vt si pyxis est aurea vel argentea, absque alterius rei appositione in ea recondantur.

Et nihilominus hostias seu particulas huiusmodi consecratas frequenter inspicere oportebit, ne vermes in eis fiant, easq. rodant.

Verum si quando in eis vermes deprehendi, vel illas à vermibus corrodi contigerit, si species integræ manent (quia ibi est corpus Christi) reuerenter & diligenter è vermibus purgandæ sunt, & deinde sumendæ: vermes autem supra patenam comburendi sunt, & cineres in sanctiori Sacrario, vel quod iuxta altare esse solet, condi debent.

Si quis verò Sacramentum hoc non benè & cautè custodierit, & mus, vel aliud animal illud comederit, quadraginta dies, vel aliàs iuxta distinctionem canonis penitentialis penitere debet, qui habetur suprâ de canonibus penitentialibus canone lv.

Sed & Sacerdos nò modò sanctissimum hoc Sacramentum diligentissimè custodire tenetur; verum etiam ex præcepto eiusdem Innocentij III. in Concilio generali, omnia ordinata ad illud munda & nitida conseruare, vt vasa ministerij, pallas altaris, corporalia, sacras vestes, paramenta, atque alia ornamenta Ecclesiastica, & ipsa altaria, oratoria, & Ecclesias: nec permittere debet supellectilia propria vel aliena in Ecclesiis exponi; nisi propter hostiles incursus aut incendia repentina seu alias necessitates urgentes ad eas oporteat habere refugium: sic tamen vt necessitate cessante res in loca pristina reportentur.

Quin & illud obiter hic animaduertendum est, ne ad profanas solennitates sacræ vestes, paramenta & ornamenta ipsa Ecclesiastica commodentur: sicut & alibi constitutum fuit; ne ad nuptiarum ornatum ministeria diuina præstentur; ne dum improborum contactu, pompaq. secularis luxuriæ polluantur, ad officium sacri ministerij videantur indigna.

Cap. 19. Tit. 9.
Cancil.

Conc. Auerm. cap.
7. Tit. 2. Concil.

DE VISITATIONE ET CONFES- sione Infirmorum.

VM Parochus nouisse debeat non postremas esse muneris sui partes ægrotantium, & infirmorum curam; tum ex officio charitatis, ad quod omnes fideles tenentur, dicente Sapiente, primum generaliter: Et mandauit illis unicuique de proximo suo; deinde etiam specialiter: Non te pigeat visitare infirmum: ex his enim in dilectione firmaberis. *Ecclesi. 17. & Ecclesi. 7. d. Matth. 25. d.*

Et Christo Domino: Infirmitas eram, & visitasti me: tum ex onere curæ sibi iniunctæ: ideo cum primum audierit aliquos in Parochia morbo laborare, consensum ex suo officio, etiam non vocatus sæpe eos visitare, in Domino consolari, & quacunque ratione potest spiritualibus, & temporalibus subsidij iuuare debet. Sed & in amplis parochijs, notam seu catalogum habeat ægrotorum, & cuiusque statum, & conditionem (si non norit) cognoscat, vt eorum memoriam facilius retinere, & illis præsentibus opportunisq. subsidij ac remedijs subuenire possit.

Eorum verò præcipuam curam habeat, qui humanis prædijs destituti, seduli & amantissimis pastoris charitatem, solatium & operam requirunt vel expectant.

Quod si parochus non valeat ope, & elemosynis illos iuuare, sed & ipse paupertate laboret, nec etiam in ciuitate vel loco sit aliqua charitatis, vel alterius nominis Confraternitas, quæ pauperibus infirmis opitulari, medicos, & medicinas, aliaq. necessaria subministrare consueuerit, & infirmi adhuc inopia premantur, tunc eos pijs Christi fidelibus, vel generaliter in Ecclesia; vel etiam extra eam efficaciter commendet; ac procuret, vt indigentibus, & miserabilibus decumbentibus opem ferant, elemosynas erogent, siue pecunias siue alia ad illorum necessitates subleuandas conferant.

In primis autem spiritualis eorum salutis curam suscipiat, & habeat, ipsosq. vt sua peccata confiteantur, conscientiam expurgent, animæ necessitatibus dum possunt prouideant, hortetur & moneat; & quantum Domino iuuante poterit, opem & auxilium eis impendat, ac in interiori & exteriori homine eos soletur, confirmet, atque corroboret. Ac etiam admoneat; vt quamuis ipsorum infirmitas non sit, aut non videatur adeo grauis, vel periculosa, debent tamen ad consequendam citius corporis valetudinem, atque ad omne veræ salutis discrimen vitandum, integram & veram confessionem facere de omnibus peccatis suis: cum enim corporalis morbus plerumque animi languorem pariat; ideo de animæ salute prius curandum est; & prius peccata confitenda sunt, quam de corporali sanitatæ ratio habenda.

Quare si fortè infirmus excommunicationis vinculo teneatur, presbyter & amici diligenter curare debent, vt se totis viribus submittat mandatis sanctæ matris Ecclesiæ, & absoluat.

Et cum infirmitas corporalis nonnunquam ex peccato proueniat, dicente Domino languido quem sanauerat; vade & amplius noli peccare, ne deterius aliquid tibi contingat: ac propterea se. rede, Innocentius Papa III. in Concilio generali prouidè constituerit & distictè præceperit medicis corporis, vt cum eos ad infirmos vocari contingerit, ipsos ante omnia moneant & inducant, vt medicos aduocent animarum, vt postquam fuerit infirmo de spirituali salute prouisum, ad corporalis medicinæ remedium salubribus procedatur; ac ita causa cessante cesset effectus: & ne deinde cum hoc eis in extrema ægritudine constitutus suadet, in desperationis articulum incident, vnde facilius mortis periculum incurrunt. Et quod si quis medicorum eius constitutionis, postquam per Prælatos locorum fuerit publicata, transgressor extiterit, tamdiu ab ingressu Ecclesiæ arceatur, donec pro transgressione huiusmodi satisfecerit competenter. Sanctæ me. Pius Papa V. volens tam salutare præceptum nulla temporis præscriptione aboleri, sed semper obseruari, dictam constitutionem

tionem per suas litteras, incipientes, *Supra gregem Dominicum*, sua auctoritate, Apostolica innouauit & in perpetuum ualitura constitutio statuit & decreuit, vt omnes medici cum ad infirmos in lecto iacentes uocati fuerint, ipsos ante omnia moneant, vt idoneo confessori omnia peccata sua, iuxta ritum Sanctæ Romanæ Ecclesiæ confiteantur; neque tertio ulterius eos uisitent (nisi longius tempus infirmo confessor ob aliquam rationabilem causam, super quo eius conscientia operatur, concesserit) & eis per fidem Confessoris in scriptis factam constiterit, quod infirmi, vt præmittitur, peccata sua fuerint confessi.

Coniunctos uero ac omnes familiares & domesticos in Domino rogauit, & monuit, vt de infirmitate parochum certiores faciant, ac tam parochus, quam coniuncti & familiares prædicti infirmum ad confessionem peccatorum suadent, & inducant. Quod si qui medicorum præmissa non obseruauerint, ultra pœnas in prædicta Innocentij constitutione contentas, quas incurrere declarauit, perpetuo sint infames, & gradu medicinæ, quo insigniti erant omnino priuentur, & à Collegio, seu Vniuersitate medicorum eiciantur, ac pœna etiam pecuniaria, arbitrio Ordinariorum, ubi deliquerint, mulctentur. Atque vt hæc omnia inuiolabiliter obseruentur, uoluit, & eadem auctoritate præcepit, & mandauit, vt nullus in futurum ubique locorum in medicina doctoretur, aut ei quomodolibet medendi facultas à quouis Collegio & Vniuersitate concedatur, nisi omnia in eadem sua constitutione contenta coram Notario & testibus obseruare in ipsorum manibus, vel Ordinarij iurauerit, ac de huiusmodi iuramento in ipsorum priuilegio seu licentia medendi specialis mentio fiat. Quod si Collegia & Vniuersitates prædictæ non recepto à promouendis iuramento huiusmodi, eisdem ad gradum prædictum promouerint, aut eis medendi licentiam præstiterint, pœnam priuationis facultatis alios ulterius doctorandi incurrant: mandans vniuersis Ecclesiarum Prælati, vt suas huiusmodi litteras in eorum Ciuitatibus, & Diocesisbus proprijs publicari faciant, ac iuramentum prædictum à medicis iam promotis, seu licentiam medendi habentibus omnibus iuris remedijs exigant, neque aliquos ad medendum in Ciuitatibus & Diocesisbus prædictis admittant, nisi eis constiterit, eisdem iuramentum huiusmodi præstitisse; & contumaces, ac iurare, & iuramentum huiusmodi iam præstitum exhibere recusantes, gradu medicinæ, & omnibus priuilegijs eis per quosuis etiam Romanos Pontifices cõcessis priuent, & ab ingressu Ecclesiæ arceant donec resipuerint. Non obstant. &c. Rogans, requirens, & obsecrans per viscera misericordiæ Iesu Christi omnes Principes seculares, ac alios Dominos, & Magistratus temporales, & nihilominus eisdem in remissionem peccatorum iniungens, vt eisdem Ecclesiarum Prælati in præmissis omnibus assistant, & suum fauorem & auxilium præstent, ac contra facientes pœnis etiam temporalibus afficiant &c. vt latius in illa.

Et nuper Sanctissimus D. N. Dominus Gregorius Papa XIII. in superius citatis litteris innouationis constitutionum Pauli III. & Pij V. quas probat contra medicos Hebræos, & extensionis illarum ad Christianos, qui medicos Hebræos, vel infideles ad Christianorum curam uocant, commemorat huiusmodi salutare præceptum, ab Innocentio Papa III. in Concilio generali quondam emissum, & à Pio Papa V. innouatum; & tradit de munere parochorum super hoc, vt supra relatum est, de Iudæis in medicos non admittendis.

Idcirco non modò Episcopi & Prælati locorum in ipsorum Ciuitatibus, & Diocesisbus salutare huiusmodi constitutiones publicare seu publicari, & obseruari facere tenentur: sed etiam expedit à quouis parochus pro suorum utilitate parochianorum sæpè, vel saltem quater in anno illas plebi suæ publicari & declarari, vt de his certiores facti fideles facilius & promptiori animo, cum eos contingerit infirmari, illis obtemperent, & statim peccata sua Sacerdoti confiteantur, & se ad alia Sacramenta suscipienda disponant.

Cæterum cum anima sit multò pretiosior corpore, idem Innocentius III. in eodem Concilio generali sub anathematis interminatione prohibuit, ne quis medicorum,
pro

pro corporali salute aliquid & groto suadeat, quod in periculum animæ conuertatur. Idcirco parochus, si quid huiusmodi nouerit à medicis attentari, acriter prohibeat, & canonis penam exponat.

Quod si quis decumbens, nec hortationibus & monitis Sacerdotis vel medicorum & domesticorum acquiescens, neque etiam per subtractionem eorundem medicorum, velit peccata sua confiteri, sed vel timore mortis, vel desperatione, aut alia diaboli persuasione deuictus respuat id facere, tunc præter frequentes hortationes, & monitiones parochi, & suorum, aliorumq. sacerdotum & religiosorum de perpetua amissione gratiæ celestis, ac imminentibus sibi penis æternis, etiam adhibenda sunt consilia & deprecationes piorum & proborum virorum; & insuper instituenda, est in Ecclesia aliqua publica oratio ad Deum, vt biduana, vel xl. aut pauciorum, horarum, ad gratiam impetrandam pro salute miseri, & obdurati decumbentis, vt respiscat, & confiteatur peccata sua. Pro quo etiam ad patrocinium Beatz Mariæ semper Virginis, quæ est mater misericordiæ, & refugium peccatorum, & alicuius sancti recurratur.

Sciat autem Sacerdos infirmis & grauiter egrotantibus facilem, & leuem, non autem grauem poenitentiam imponendam, nec pro peccatis poenitentiz quantitatem taxandam, sed eis indicandam, & insinuandam, vt & si fortè conualuerint, illam persolvere, & diligenter obseruare studeant iuxta canonem, qui ita habet.

Ab infirmis in periculo mortis positis per presbyteros pura inquirenda est confessio peccatorum: non tamen illis imponenda quantitas poenitentiz, sed innote scenda, & cum amicorum orationibus, & eleemosynarum studijs pondus poenitentiz subleuandum, & si fortè migrauerint, ne obligati à communione, & consortio veniant alieni.

A quo periculo si diuinitus ereptus conualuerit, poenitentiz modum à Sacerdote sibi imposuit diligenter obseruet: & ideo secundum auctoritatem canonicam, ne illis iamua pietatis clausa videatur, orationibus & consolationibus Ecclesiasticis sacra Vnctione olei iuncti, secundum statuta sanctorum Patrum communione viatici reficiantur.

Insuper instruendus est infirmus poenitens, quòd confessio peccatorum ex solo periculo mortis, vel ex solo timore seruilis facta, non proficiat ad salutem, nisi excludat voluntatem peccandi, ac ita ex attrito faciat contritum virtute clauium. Et proinde de vniuersis peccatis suis studeat integrè & veraciter poenitere & confiteri ex charitate Dei & zelo iustitiæ in quantum fuerunt displicentia Deo, & offensua ac inhonoratiua diuinæ eius sanctitatis & maiestatis.

Sacerdos itaque, siue accersitus, siue vltro veniens ad audiendam confessionem infirmi, cum primùm eius domum ingreditur dicat. Pax huic domui. **R.** Et omnibus habitantibus in ea. Deinde accedens ad infirmum cum consoletur, atque vt infirmitatem patienter ferat, hortetur; ac se præparet, si fortè appropinquaret hora eius. Postea dicat Psalmum vj. **D**omine ne in furore tuo arguas me. Et Psalmum xxxvij. **D**omine ne in furore tuo arguas me. ij. Et Psalmum xl. **B**eatus qui intelligit super egenum, & pauperem. Psalmum l. **M**iserere mei Deus. Et Psalmum xc. **Q**ui habitat in adiutorio Altissimi. Et adhuc si vacat Psalmum lxxxv. **I**ncлина Domine aurem tuam. Et Psalmum cij. **B**enedic anima mea Domino, & omnia quæ intra me sunt nomini sancto eius. cum Gloria Patri. in fine cuiuslibet Psalmi. Post Psalmos dicitur **K**yrie eleison. **C**hriste eleison. **K**yrie eleison. **P**ater noster. Et ne nos inducas in tentationem. **R.** Sed libera nos à malo.

- ✠ Saluum fac seruum tuum *vel* ancillam tuam.
 ✠ Deus meus sperantem in te.
 ✠ Mitte ei Domine auxilium de sancto.
 ✠ Et de Sion tuere eum, *vel* eam.
 ✠ Nihil proficiat inimicus in eo, *vel* ea.
 ✠ Et filius iniquitatis non apponat nocere ei.
 ✠ Esto ei Domine turris fortitudinis.
 ✠ A facie inimici.
 ✠ Dominus opem ferat illi.
 ✠ Super lectum doloris eius.
 ✠ Domine exaudi orationem meam.
 ✠ Et clamor meus ad te veniat.
 ✠ Dominus vobiscum.
 ✠ Et cum spiritu tuo. Oratio.

Deus cui proprium est misereri semper & parcere, suscipe deprecationem nostram, ut nos & hunc famulum tuum, quos delictorum catena constringit, miseratio tuæ pietatis clementer absoluat.

Omnipotens & misericors Deus, quæsumus immensam pietatem tuam; ut ad preces humilitatis nostræ salutiferè visitare digneris hunc famulum tuum N. sicut visitasti Tobiam, Saram, Socrum Petri, puerumq. Centurionis, quo pristina corporis & animæ sanitate recepta, maiestati tuæ debitas in Ecclesia laudes exsoluat.

Deus, qui famulo tuo Ezechiae ter quinos annos ad vitam donasti; ita & famulum tuum N. à lecto ægritudinis misericorditer tua potentia erigat ad salutem.

Deus, qui beatum Petrum Apostolum ad Tabitham famulam tuam misisti; quatenus eius precibus suscitaretur ad vitam: exaudi nos quæsumus, & huic famulo tuo N. quem in tuo nomine visitat nostra fragilitas, desiderata tuæ clementiæ medela subueniat.

Perueniat hunc famulum tuum N. quæsumus Domine misericordia tua, ut omnes iniquitates eius celeri indulgentia deleantur.

Deus, sub cuius oculis omne cor trepidat, & conscientiæ cunctæ pauescunt: propitiare famuli tui N. gemitibus & cunctorum eius, omniumq. medere languoribus; ut sicut nemo liber est à culpa, ita nemo sit alienus à venia.

Deus infirmitatis humanæ singulare præsidium, auxilij tui super infirmum famulum tuum ostende virtutem, ut ope misericordiæ tuæ adiutus, Ecclesiæ tuæ sanctæ incolumis representari mereatur. Per Christum Dominum nostrum. *℟.* Amen.

Si ægrotans est foemina dictæ orationes dicantur in genere foeminino. Deinde interroget infirmum an sciat: Credo in Deum, Pater noster, Ave Maria. Si dicat se scire, ipse infirmus per se ipsum, vel adiuvante Sacerdote recitet Symbolum: si nescire se dicat, reprehendat eum de hac ignorantia: & ipse Sacerdos pro illo dicat Symbolum vulgari sermone.

Sermone, & in fine interroget eum, iuxta personæ qualitatem; an omnes eius articulos simpliciter credat.

Et si videbitur, aut poenitentis ruditas, vel imperitia, aut alia ratio expositat, specialiter interroget.

Credis in Deum Patrem omnipotentem creatorem cœli, & terræ, & in Iesum Christum filium eius, & in Spiritum sanctum paracletum ex Patre Filioque procedentem? **Respondet:** Credo. **Sacerdos.**

Credis quod istæ tres personæ scilicet Pater, Filius, & Spiritus sanctus sint tres personæ & vnus Deus? **Respondet:** Credo. **Sacerdos.**

Credis quod Filius Dei pro salute nostra sit incarnatus de Spiritu sancto, natus ex Maria Virgine, passus, mortuus, & sepultus, & ad inferos descendit, & tertia die resurrexit à mortuis: ascendit ad cœlos, & venturus est iudicare viuos & mortuos? **Respondet:** Credo. **Sacerdos.**

Credis vnam sanctam Ecclesiam Catholicam, Sanctorum communionem, & remissionem peccatorum, carnis resurrectionem, & vitam æternam? **Respondet:** Credo. **Sacerdos.**

Credis quod in ipsa carne, in qua nunc es, in ipsa habes resurgere in die iudicii, & recipere siue bonum, siue malum, quod gessisti? **Respondet:** Credo. **Sacerdos.**

Habes plenam voluntatem emendandi quicquid contra Deum egisti? **Respondet:** Habeo. **Sacerdos.**

Habes fidem, quod possit tibi dimittere Deus omnia peccata tua, si confessus, & in toto corde tuo conuersus ad eum fueris? **Respondet:** Habeo. **Sacerdos.**

Vis dimittere omnibus hominibus, qui in te peccauerunt, dicente Domino: Si dimiseritis hominibus peccata eorum; & pater vester, qui in cœlis est, dimittet vobis peccata vestra? **Respondet:** Volo.

Et postquam respondent se credere, interroget eum, an petat à Deo veniam peccatorum, quæ contra eius maiestatem cōmissit; & num quem patitur languorem & dolorem, æquo animo propter Deum, in remissionem peccatorum suorum toleret: & vtrum proponat, Domino poenitentię spatium sibi concedente, mores suos corrigere: an velit dimittere ijs, à quibus aliqua passus est, ac vicissim eis, quos læsit, paratus sit satisfacere, & si quid debet, quoad sibi licebit, per se vel alios restituere? Quæ si præstare recuset, non suscipiatur eius confessionem. Sin autem omnia pollicetur, Sacerdos eius confessionem audiat: qui si velit etiam peccatorum omnium generalem confessionem facere à die quo habuit usum rationis, libenter est audiendus, & ab omnibus absolvendus. Si casus habet reſeruatos, & grauiter infirmetur, absoluat secundum superiorem formā in articulo mortis pag. 293. Dominus Iesus Christus per suam pijsſimam misericordiam te absoluat, &c. cum protestatione quod ipso iure reincidet in excommunicationem, à qua tunc absoluitur, si superiuuens, habenti auctoritatem absoluedi quā cito commodè poterit, se non præſentet. Si non habuerit casus reſeruatos, si-

tem ad cautelam eum absoluat ab omnibus censuris, dicens: Si teneris aliqua sententia &c. vt supra in secunda forma pag. 289.

Si infirmus adeo infirmitate grauetur, vt loqui non possit, moneatur, vt nutibus vel signis respondeat, vt sacramentaliter absolui possit.

Peracta confessione, dataq. absolutione, antequam discedat, eum hortetur ad sumendum quamprimum viaticum corporis Domini, & Extremam Vnctionem cum opportunum fuerit: deinde dicat.

✠. Deus tu conuersus viuificabis nos. R. Et plebs tua letabitur in te.

✠. Ostende nobis Domine misericordiam tuam. R. Et salutare tuum da nobis. ✠. Domine exaudi orationem meam. R. Et clamor meus ad te veniat. ✠. Dominus vobiscum. R. Et cum spiritu tuo.

O remus.

Oratio.

TE Deum omnipotentem, ac misericordem, qui non vis mortem peccatoris, sed vt conuertatur & viuat, humiliter deprecamur, vt conuerso ad viam rectam huic famulo tuo N. misericordiae tuae veniam propitiatus indulgeas, & omnium culparum suarum vulnera, quae post sacri lauacri veniari contraxit, ita hac confessione sanentur; vt nulla in eo vltra cicatricum signa remaneant.

EXaudi Domine preces nostras, & confitentium tibi parce peccatis, vt quos conscientiae reatus accusat, indulgentia tuae miserationis absoluat.

Omnipotens sempiternus Deus confitenti tibi huic famulo tuo N. per tuam pietatem peccata relaxa, vt nec ei plus noceat conscientiae reatus ad poenam, quam indulgentia tuae pietatis proffit ad veniam.

Adesto Domine supplicationibus nostris, nec sit ab hoc famulo tuo N. clementiae tuae longinqua miseratio: sana vulnera, eiq. remitte peccata, vt nullis iniquitatibus à te separatus, tibi Domino semper valeat adherere.

Deus cuius indulgentia cuncti indigent, memento huius famuli tui N. qui lubrica terreni corporis est fragilitate mundatus: quæsumus da veniam confitenti: parce supplici; vt qui suis meritis accusatur, tua miseratione saluetur. Per Christum Dominum nostrum. R. Amen.

Deinde: Benedictio Dei omnipotentis + Patris & Filij, & Spiritus sancti descendat super te, & maneat semper. Amen.

Postea verò non deferat infirmum tam pericolosè decumbentem, sed ipsum frequenter visitet, quoad poterit adiuuet, & consoletur, ac super eum, vt benè habeat, manus imponat iuxta verbum Domini: Super ægros manus imponent, & benè habebunt. atque pro eo Dominum oret, & deprecetur, recitans etiam clara voce, vt ille exaudiat aliquem Psalmum, vel orationem, etiam ex prædictis, præsertim: Deus infirmitatis humanae.

Poterunt etiam celebrari Missæ pro eodem infirmo, vel propria pro infirmis, quæ habetur in Missali, vel aliæ de tempore, vel de Sanctis, saltem cum collecta de infirmo vel infirmis, si sunt plures.

Mar. 16. in f.

DE COMMVNIONE

Infirmorum.

307



Sacerdos communicaturus infirmum in primis meminerit decreti Honorij Papæ III. vt cum sacram Eucharistiam deferat ad infirmum in decenti habitu, superposito mundo velamine, ferat & referat manifestè ac honorificè ante pectus cum omni reuerentia & timore, semper lumine præcedente, cum sit candor lucis æternæ: vt ex hoc

Cap. Sanb. & vit. de
celebr. Missarum.

Hebr. i.

apud omnes fides & deuotio augeatur.

Viaticum non tribuatur alicui, qui integra mente non fuerit & integro sensu, etiam si fuerit confessus peccata sua; nec continua & vehementi tussi aut continuo vomitu laborantibus.

Neque etiam ad publicos vsurarios, aut notoriè criminosos, aut excommunicatos denuntiatis deferatur; nisi prius præmissa debita satisfactione & cautione, & sublato scandalo, vt scilicet sciatur publicè re ipsa dimissum concubinatum, restitutionem factam vel promissam, aut constet excommunicatum fuisse absolutum.

Omnibus verò quibus pœnitentia in mortis articulo non negatur; nec etiam viaticum, quod verè pœnitentibus exhibetur, vnquam denegandum est.

Aduertat autem Sacerdos, vt cum infirmus grauius laborat, siue communice ieiunus, siue per modum viatici non ieiunus, dicat vt infra: Accipe frater viaticum corporis Domini nostri Iesu Christi, vt te custodiat ab hoste maligno, & perducatur in vitam æternam. Amen. Si verò infirmitas non sit grauis, nec videatur ex ea ægritudine decessurus, ieiunus accipiat Sacramentum; & sumentis dicatur: Corpus Domini nostri Iesu Christi custodiat animam tuam in vitam æternam. Amen.

Sciat etiam grauius ægotantem in eadem infirmitate, non ieiunum non esse pluries per modum viatici communicandum, propter reuerentiam Sacramenti; Sed ei piè poscenti post octo, vel decem dies posse concedi: Ieiuno autem, & debite præparato, quoties deuotè petierit, non negetur.

Sunt infirmi quidam, qui metu mortis sacram Communionem, seu Sacramentorum Ecclesiæ receptionem differunt; his ostendatur, quòd matura Sacramentorum perceptio potest valde prodesse, & non nocere; & quòd forsitan nunquam dabitur talis opportunitas eorum suscipiendorum. Præterea ostendatur eis ingens virtus, & efficacia eorum; & periculum in quod laberentur si ea negligerent.

Sunt etiam laici nonnulli, qui volunt sacram suscipere Eucharistiam, sed mortem, vel mortis euentum inaniter timentes, nolunt ab Ecclesia sibi domum deferri; sed superstitiosè curant, vt domi, vel in Oratorio priuato sacra mysteria peragantur, seu Missa celebretur, & eis sancta Communio porrigatur: id quidem nequaquam concedendum est, sed vitandum, vt indignum, & alienum ab humilitate, & pietate Christiana: atque seruandum est, vt ab ipsa propria parochiali, vel cathedrali Ecclesia sibi sacra Communio deferatur.

Parochus itaque mox vt perrexturus est ad communicandum infirmum, iubeat pulsari maiorem campanam Ecclesiæ aliquot ictibus, ad conuocandos parochianos seu confratres societatis sanctissimi Corporis Christi vel alios, qui comitentur sanctissimam Eucharistiam, eum cereis seu intortitijs, & deferant vmbellam sericam seu baldachinum.

Moncat eos, à quibus requiritur, vt mundent cubiculum, vbi iacet infirmus, in quo præparent mensam coopertam linteo mundo, vbi reponendum est vasculum seu calix cum Sacramento.

Adfint luminaria, duæ ampullæ, vna cum vino, & altera cum aqua.

Præparent lintheum seu tobaleam apponendam ante pectus infirmi cum communicatur, aliaq. ad ornatum loci pro illius facultate.

Parochianis seu alijs congregatis, Sacerdos paret se superpelliceo stola & pluuiiali albo, vbi haberi poterit.

Adfint aliqui acolythi seu clerici, pro loci conditione, superpelliceis induti, quorum vnus præcedat deferens laternam in hasta cum lumine, hyemali præsertim & nocturno tempore; alter vas cum aqua benedicta, alius sinistra deferat librū, dextera verò pulset tintinnabulum seu campanulam.

In Ecclesijs Collegiatis adfint etiam vnus vel plures presbyteri superpelliceis induti, qui comitentur Sacerdotem deferentem Sacramentum.

Parato baldachino & luminaribus accensis, parochus lauet manus, accedat ad altare, extendat corporale, præparet pyxidem seu vasculum, vel calicem vacuum, vbi deferendum sit Sacramentum aperit custodiam, genuflexus adorat Sacramentum, accipit vas cum Sacramento, illud ponit super altare, extrahit inde aliquas particulas, vt scilicet semper aliquæ remaneant post communionem infirmi, ponitq. eas in pyxide, quam operculo suo tegit, & desuper imponit velum. Si non adsit pyxis seu vasculum, ponatur in fundo calicis, quem cooperit patena, & desuper ponit pallam, deinde velum sericum: reponit Sacramentum in custodia, & claudit: postea imponitur Sacerdoti velum sericum super humeros: Sacerdos accipit Sacramentum, sinistra deferens pyxidem seu calicem cum Sacramento; dexteram autem pyxidi seu calici cooperto superimponat.

Laici accipiant baldachinum, præcedit Acolythus cum laterna: sequuntur duo clerici, vnus cum aqua benedicta & asperforio, alter deferens librum & campanulam, quam iugiter pulset: deinde deferentes intortitia.

Postremò procedit Sacerdos deferens Sacramentum sub baldachino dicens Psalmum *Miserere mei Deus*, vel alios Psalmos, seu cantica.

Sacramentum autem ipsum supposito mundo velamine, vt prædictum est, ferat & referat manifestè ac honorificè ante pectus cum omni reuerentia & timore, semper lumine præcedente.

Ingressus Sacerdos locum vbi iacet infirmus, dicat: **Pax huic domui.**

Et omnibus habitantibus in ea.

Postea depositò calice super mensam, illud genuflexus adoret. Surgens accipit asperforium cum aqua benedicta, aspergit infirmum & cubiculum, dicens Antiphonam: **Asperges me Domine, & Psalmum 1. Mi-**

serere

ferere mei Deus secundum magnam misericordiam tuam. **cum hoc**
primo tantum versu. Gloria Patri, & Filio, & Spiritui sancto. **R.** Sicut
 erat in principio & nunc & semper, & in secula seculorum. Amen.
Deinde reperitur Antiphona: Asperges me Domine hyssopo, & mun-
 dabor: lauabis me, & super niuem dealbabor. **postea.** Adiuutorium
 nostrum in nomine Domini. **R.** Qui fecit coelum & terram. **V.** Do-
 mine exaudi orationem meam. **R.** Et clamor meus ad te veniat.
V. Dominus vobiscum. **R.** Et cum spiritu tuo.

Oramus.

Oratio.

Exaudi nos Domine sancte Pater omnipotens æterne Deus, & mitte-
 re digneris sanctum Angelum tuum de coelis, qui custodiat, foueat,
 protegat, visitet, atque defendat omnes habitantes in hoc habitaculo.
 Per Christum Dominum nostrum. **R.** Amen.

Deinde accedens ad infirmum, eum alloquatur, & videat an sit benè di-
spositus ad suscipiendum sanctissimum Christi corpus pro viatico ani-
mae suae, ad quod deuotè percipiendum paucis verbis eum hortetur &
accendat, & si velit iterum de aliquibus confiteri seu reconciliari, li-
benter eum audiat, & absoluat. Quibus expeditis infirmus, vel Sacer-
dos, vel aliquis alius pro illo facit confessionem generalem Latino vel
vulgari sermone, iuxta personæ qualitatem: deinde absolutè dicat Sa-
cerdos.

Dominus Iesus Christus, qui dixit discipulis suis: Quæcunque liga- *Matth. 18*
 ueritis super terram, erunt ligata & in coelo: & quæcunque solueris
 super terram, erunt soluta & in coelo: de quorum numero quamuis
 indignos nos esse voluit, ipse te absoluat per ministerium nostrum ab
 omnibus peccatis tuis, quæcunque cogitatione, locutione, operatione
 egisti: & à nexibus peccatorum absolutum perducere dignetur ad re-
 gna coelorum. Qui cum Patre & Spiritu sancto uiuit & regnat in secu-
 la seculorum. **R.** Amen.

Et accedens ad Sacramentum, eleuat corpus Christi de pyxide seu ca-
lice, & ostendens infirmo, interrogat eum, iuxta qualitatem personæ:
Credis hoc esse corpus Christi Saluatoris nostri? quo annuente vel
respondente: Credo. dicat Sacerdos Latino vel vulgari sermone, simili-
ter secundum personæ qualitatem. Dic sicut ego dico: Domine non-
sum dignus, vt intres sub tectum meum: sed tantum dic verbo, & sana-
bitur anima mea. Et iterum, & tertio repetat, si potest: si non potest
saltem semel submissa voce. Quo dicto, Sacerdos dans infirmo Eucha-
ristiam, dicat:

Acceperat frater viaticum corporis Domini nostri Iesu Christi, qui te custo-
 diat ab hoste maligno, & perducatur in vitam æternam. Amen.

Postea Sacerdos abluat digitos, nihil dicens. Infirmitas autem detur pu-
rificatio. Deinde dicit. Domine exaudi orationem meam. **R.** Et
 clamor meus ad te veniat. **V.** Dominus vobiscum. **R.** Et cum spiri-
 tu tuo.

O remus.

Oratio.

Domine sancte pater omnipotens aeternae Deus, te fideliter deprecamur, ut accipienti fratri nostro **vel** sorori nostrae sacrosanctum corpus Domini nostri Iesu Christi filij tui, tam corpori quam animae proficit ad remedium sempiternum. Qui tecum vivit & regnat in unitate Spiritus sancti Deus per omnia secula seculorum. **R.** Amen.

Quo dicto, accipiens vas cum Sacramento, cum eo facit signum crucis super infirmum, & reuerenter illud deferens, ordine quo venerat, reuertitur ad Ecclesiam, dicendo Psalmum. **M**iserere mei Deus. Reuersus ad Ecclesiam, ponit Sacramentum super altare: deinde dicit **℣**. Panem de caelo praestitisti eis. **R.** Omne delectamentum in se habentem. **℟**. Dominus vobiscum. **R.** Et cum spiritu tuo.

O remus.

Oratio.

Deus, qui nobis sub Sacramento mirabili passionis tuae memoriam reliquisti: tribue quæsumus, ita nos corporis & sanguinis tui sacramysteria venerari, ut redemptionis tuae fructum in nobis iugiter sentiamus. Qui viuus & regnas Deus per omnia secula seculorum. **R.** Amen.

Postea cum Sacramento in pyxide vel calice velo operto, faciat signum crucis super populum dicens:

Pax & benedictio **+** Domini nostri Iesu Christi descendat super vos, & maneat semper. **R.** Amen.

Si aliquis Prælati vel insignis persona obtinet licentiam; ut in cubiculo celebretur Missa; infirmus communicet post communionem Sacerdotis, facta Confessione, & dicatur ei, Accipe viaticum &c. & in Missa dicatur collecta pro infirmo.

Si etiam communicandus fuerit Prælati vel Sacerdos, decet cum dum communicat, habere stolam ab humeris pendentem.

DE VISITATIONE INFIRMORVM

ante, vel post sacram Communionem.



Vm parochus seu Sacerdos ex suo officio siue vocatus infirmum decumbentem, post primam illius visitationem, & peccatorum confessionem exceptam, vel etiam ante, vel post sacram ei exhibitam communionem, ad eum iu- uandum visitare, & aliquas preces super eum recitare vo- luerit, infra scripto modo facere poterit, videlicet.

Primò intrans domum, vel cubiculum infirmi dicat: Pax huic domui.

R. Et omnibus habitantibus in ea. & accedens ad lectulū infirmi, cum blandè leniterq. salutet, & alloquatur, ad patientiam hortetur, & ali- qua sancta verba pio ipsius exhortatione, & consolatione dicat.

Hortetur præterea, vt si quid post peccatorum confessionem iam factam, ei pro suæ conscientie exoneratione occurrat, sibi siue confessario suo declaret: præsertim verò si alicuius mortalis peccati, quod antea obli- tus fuerat, recòrdetur, confiteatur.

Postea ad renouandū bonum propositum infirmi, Sacerdos in hanc sen- tentiam dicat:

Charissime, si Dominus tibi salutem corporis præstare dignabitur, nonne proponis de cætero pro viribus tuis à peccatis cauere, & eius mandata pro posse seruare?

Quo promittente, Sacerdos dicat.

✱. Adiutorium nostrum in nomine Domini.

R. Qui fecit cælum & terram.

✱. Dominus vobiscum.

R. Et cum spiritu tuo.

O remus.

Oratio.

Introeat quæsumus Domine Iesu Christe domum hanc sub nostræ hu- militatis ingressu æterna felicitas, diuina prosperitas, serena lætitia, charitas fructuosa, sanitas sempiterna: effugiat ex hoc loco accessus dæmonum; adsint Angeli pacis; domumq. hanc deserat effugata dis- cordia. Magnifica Domine super nos nomen sanctum tuum: bene- dic + conuersationi nostræ: sanctifica nostræ humilitatis ingressum, qui sanctus & pius es, & permanes cum Patre & Spiritu sancto in se- cula seculorum. **R.** Amen.

Deinde recitet Psalmum vj.

Domine, ne in furore tuo arguas me, neque in ira tua corripas me. **M**iserere mei Domine, quoniam infirmus sum: sana me Domine, quoniam conturbata sunt ossa mea.

Et anima mea turbata est valde: sed tu Domine vsquequo?

Conuertere Domine, & eripe animam meam: saluum me fac propter misericordiam tuam.

Quoniam non est in morte qui memor sit tui : in inferno autem quis confitebitur tibi ?

Laboraui in gemitu meo , lauabo per singulas noctes lectum meum , lacrymis meis stratum meum rigabo .

Turbatus est à furore oculus meus , inueteraui inter omnes inimicos meos .

Discedite à me omnes qui operamini iniquitatem , quoniam exaudiuit Dominus vocem fletus mei .

Exaudiuit Dominus deprecationem meam , Dominus orationem meam suscepit .

Erubescant & conturbentur vehementer omnes inimici mei , conuertantur & erubescant valde velociter .

Gloria Patri . *✠* Dominus vobiscum . *✠* Et cū spiritu tuo . *✠* Sequentia sancti Euangelij secundum Matthæum . *✠* Gloria tibi Domine . **Dum** Sacerdos dicit : Sequentia sancti &c. faciat signum crucis de more , super se in fronte , ore , & in pectore ; & similiter super infirmum , si fuerit masculus ; & is ob infirmitatem non potest se signare . Si autem fuerit foemina , dum Sacerdos se signat , illa per semetipsam in locis prædictis se signet si potest ; si verò non potest , alia mulier eam signet : & hoc idem in sequentibus Euangelij seruatur .

Matth. 8.

In illo tempore : Cū introisset Iesus in Capharnaum , accessit ad eum Centurio rogans eum , & dicens : Domine , puer meus iacet in domo paralyticus , & malè torquetur . Et ait illi Iesus : Ego veniam & curabo eum . Et respondens Centurio ait : Domine non sum dignus , vt intres sub tectum meum : sed tantū dic verbo , & sanabitur puer meus . Nam & ego homo sum sub potestate constitutus , habens sub me milites , & dico huic , vade , & vadit : & alij veni , & venit ; & seruo meo , fac hoc , & facit . Audiens autem Iesus miratus est , & sequentibus se dixit : Amen dico vobis ; non inueni tantam fidem in Israel . Dico autem vobis , quod multi ab Oriente , & Occidente venient , & recumbent cum Abraham , Isaac , & Iacob in regno coelorum , filij autem regni eiicientur in tenebras exteriores ; ibi erit fletus & stridor dentium . Et dixit Iesus Centurioni : Vade & sicut credidisti , fiat tibi . Et sanatus est puer in illa hora .

Oremus.

Oratio.

Omnipotens sempiterne Deus , salus æterna credentium , exaudi nos pro famulo tuo N. pro quo misericordiæ tuæ imploramus auxilium , vt reddita sibi sanitate , gratiarum tibi in Ecclesia tua referat actiones . Per Christum Dominum nostrum . *✠* Amen .

Psalmus xv.

Conserua me Domine , quoniam speraui in te .

Dixi Domino , Deus meus es tu , quoniam bonorū meorū non egēs . Sanctis qui sunt in terra eius , mirificauit omnes voluntates meas in eis .

Multiplicatæ sunt infirmitates eorum : postea accelerauerunt .

Non congregabo conuenticula eorum de sanguinibus : nec memor ero nominum eorum per labia mea .

Domini

Dominus pars hereditatis meae & calicis mei: tu es qui restitues hereditatem meam mihi.

Funes ceciderunt mihi in præclaris: etenim hereditas mea præclara est mihi.

Benedicam Dominum, qui tribuit mihi intellectum: insuper & usque ad noctem increpuerunt me renes mei.

Prouidebam Dominum in conspectu meo semper: quoniam à dextris est mihi, ne commouear.

Propter hoc lætatum est cor meum, & exultauit lingua mea: insuper & caro mea requiescet in spe.

Quoniam non derelinques animam meam in inferno: nec dabis sanctum tuum videre corruptionem.

Notas mihi fecisti vias vitæ: adimplebis me læticia cum vultu tuo: delectationes in dextera tua usque in finem.

Gloria Patri. ✠. Dominus vobiscum. R. Et cum spiritu tuo.

✠. Sequentia sancti Euangelij secundum Marcum.

R. Gloria tibi Domine.

In illo tempore: Recumbentibus vndecim discipulis, apparuit illis *Marc. 16. c*
Iesus: & exprobrauit incredulitatem eorum, & duritiam cordis: quia
ijs qui viderant eum resurrexisse non crediderunt. Et dixit eis: Euntes
in mundum vniuersum prædicare Euangelium omni creaturæ. Qui
crediderit & baptizatus fuerit, saluus erit: qui verò non crediderit, con-
demnabitur. Signa autem eos qui crediderint hæc sequentur. In no-
mine meo dæmonia eiicient: linguis loquentur nouis: serpentes tollēt:
& si mortiferum quid biberint, non eis nocebit: Super ægros manus im-
ponent, & benè habebunt. Et Dominus quidem Iesus, postquam locu-
tus est eis, assumptus est in cælum, & sedet à dextris Dei. Illi autem
profecti prædicauerunt vbique, Domino cooperante, & sermonem con-
firmante, sequentibus signis.

Oremus.

Oratio.

Virtutum coelestium Deus, qui ab humanis corporibus omnem san-
guinem, & omnem infirmitatem præcepti tui potestate depellis:
adesto propitius huic famulo tuo N. vt fugatis infirmitatibus, & viri-
bus receptis, nomen sanctum tuum instaurata protinus sanitate bene-
dicat. Per Christum Dominum nostrum. R. Amen.

Psalmus xix.

Exaudiat te Dominus in die tribulationis: protegat te nomen Dei
Iacob.

Mittat tibi auxilium de sancto: & de Sion tueatur te.

Memor sit omnis sacrificij tui: & holocaustum tuum pinguescat.

Tribuat tibi secundum cor tuum: & omne consilium tuum confirmet.

Lætabimur in saluari tuo: & in nomine Dei nostri magnificabimur.

Impleat Dominus omnes petitiones tuas: nunc cognoui quoniam sal-
uum fecit Dominus Christum suum.

Exaudiat illum de cœlo sancto suo: in potentatibus salus dexteræ eius.
Hi in curribus, & hi in equis: nos autem in nomine Domini Dei nostri inuocabimus.

Ipsi obligati sunt & ceciderunt: nos autem surreximus, & erecti sumus.

Domine saluum fac regem, & exaudi nos in die qua inuocauerimus te.

Gloria Patri. ✠ Dominus vobiscum. **R.** Et cum spiritu tuo.

✠. Sequentia sancti Euangelij secundum Lucam.

R. Gloria tibi Domine.

Luce 4. f

In illo tempore: Surgens Iesus de Synagoga introiuit in domum Simonis: Socrus autem Simonis tenebatur magnis febribus: & rogauerunt illum pro ea. Et stans super illam, imperauit febrim, & dimisit illam. Et continuò surgens ministrabat illis. Cùm autem sol occidisset, omnes qui habebant infirmos varijs languoribus, ducebant illos ad Iesum. At ille singulis manus imponens, curabat eos.

Oremus.

Oratio.

Domine sancte Pater omnipotens æterne Deus, qui fragilitatem humanæ conditionis infusa virtutis tuæ dignatione confirmas: vt salutaribus remedijs pietatis tuæ corpora nostra & mentes vegetentur: super hunc famulum tuum propitius intende; vt omni necessitate corporeæ infirmitatis exclusa, gratia in eo pristinæ sanitatis perfecta reparetur. Per Christum Dominum nostrum. **R.** Amen.

Psalmus LXXXV.

Inclina Domine aurem tuam, & exaudi me, quoniam inops & pauper sum ego.

Custodi animam meam, quoniam sanctus sum: saluum fac seruum tuum Deus meus sperantem in te.

Miserere mei Domine, quoniam ad te clamaui tota die: lætifica animam serui tui, quoniam ad te Domine animam meam leuaui.

Quoniam tu Domine suavis & mitis, & multæ misericordiæ omnibus inuocantibus te.

Auribus percipe Domine orationem meam, & intende voci deprecationis meæ.

In die tribulationis meæ clamaui ad te, quia exaudisti me.

Non est similis tui in dijs Domine, & non est secundum opera tua.

Omnes gentes quascunque fecisti, venient, & adorabunt coram te Domine, & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: lætetur cor meum vt timeat nomen tuum.

Confitebor tibi Domine Deus meus in toto corde meo, & glorificabo nomen tuum in æternum.

Quia misericordia tua magna est super me: & eruisti animam meam ex inferno inferiori.

Deus, iniqui insurrexerunt super me, & synagoga potentium quæsi-

runt

runt animam meam : & non proposuerunt te in conspectu suo.

Et tu Domine Deus miserator & misericors, patiens, & multæ misericordiæ, & verax.

Respice in me, & miserere mei, da imperium tuum puero tuo : & saluum fac filium ancillæ tuæ.

Fac mecum signum in bonum, vt videant qui oderunt me, & confundantur, quoniam tu Domine adiuuisti me, & consolatus es me.

Gloria Patri. *✠. Dominus vobiscum. R. Et cum spiritu tuo.*

✠. Sequentia sancti Euangelij secundum Ioannem.

R. Gloria tibi Domine.

IN illo tempore : Erat dies festus Iudæorum, & ascendit Iesus Hierosolymam. Est autem Hierosolymis Probatica piscina, quæ cognominatur Hebraicè Bethesda, quinque porticus habens. In his iacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendebat secundum tempus in piscinam, & mouebatur aqua. Et qui prior descendisset in piscinam post motionem aquæ, sanus fiebat a quacunque detinebatur infirmitate. Erat autem quidam homo ibi triginta & octo annos habens in infirmitate sua. Hunc cum vidisset Iesus iacentem, & cognouisset, quia multum iam tempus haberet, dicit ei: Vis sanus fieri? Respondit ei languidus: Domine hominem non habeo, vt cum turbata fuerit aqua, mittat me in piscinam: dum venio enim ego, alius ante me descendit. Dicit ei Iesus: Surge, tolle grabatum tuum, & ambula. Et statim sanus factus est homo ille: & sustulit grabatum suum, & ambulabat. Erat autem Sabbatum in die illo. Dicebant ergo Iudæi illi, qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum & ambula. Interrogauerunt ergo eum. Quis est ille homo, qui dixit tibi: Tolle grabatum tuum, & ambula? Is autem qui sanus fuerat effectus nesciebat, quis esset: Iesus enim declinavit à turba, constituta in loco. Postea inuenit eum Iesus in templo, & dixit illi: Ecce sanus factus es: iam noli peccare, ne deterius tibi aliquid contingat.

O remus.

Oratio.

Respice Domine famulum tuum in infirmitate sui corporis laborantem, & animam refoue quam creasti; vt castigationibus emendata, continuò se sentiat tua medicina saluatam. Per Christum Dominum nostrum. *R. Amen.*

Psalmus xc.

Qui habitat in adiutorio Altissimi, in protectione Dei cœli commorabitur.

Dilect Domino, susceptor meus es tu, & refugium meum, Deus meus sperabo in eum.

Quoniam ipse liberabit me de laqueo venantium, & à verbo aspero.

Scapulis suis obumbrabit tibi, & sub pennis eius sperabis.

Scuto circumdabit te veritas eius, non timebis à timore nocturno.

A sa-

- A** sagitta volante in die, à negotio perambulante in tenebris, ab incurfu & dæmonio meridiano.
- C**adent à latere tuo mille, & decem millia à dextris tuis: ad te autem non appropinquabit.
- V**eruntamen oculis tuis considerabis, & retributionē peccatorū videbis.
- Q**uoniam tu es Domine spes mea: Altissimum posuisti refugium tuum.
- N**on accedet ad te malum, & flagellum non appropinquabit tabernaculo tuo.
- Q**uoniam angelis suis mandauit de te, vt custodiant te in omnibus vijs tuis.
- I**n manibus portabunt te: ne forte offendas ad lapidem pedem tuum.
- S**uper aspidem & basiliscum ambulabis, & conculcabis leonem & draconem.
- Q**uoniam in me sperauit liberabo eum: protegam eum, quoniam cognouit nomen meum.
- C**lamabit ad me, & exaudiam eum: cum ipso sum in tribulatione: eripiam eum, & glorificabo eum.
- L**ongitudine dierum replebo eum: & ostendam illi salutare meum.
- G**loria patri.

Antiphona.

Media vita in morte sumus: quem quærimus adiutorem nisi te Domine, qui pro peccatis nostris iuste irasceris? Sancte Deus, Sancte fortis, Sancte & misericors Saluator, amaræ morti ne tradas nos. **✠** Ne proicias nos in tempore senectutis: cū defecerit virtus nostra, ne derelinquas nos Domine. **R.** Sancte Deus, Sancte fortis, Sancte & misericors Saluator, amaræ morti ne tradas nos. **✠** Muro tuo inexpugnabili circumcinge nos Domine: & armis tuæ potentiæ protege nos semper Deus noster. **R.** Sancte Deus, Sancte fortis, Sancte & misericors Saluator, amaræ morti ne tradas nos. **✠** Aspice Domine de sede sancta tua, & cogita de nobis: inclina Deus meus aurem tuam & audi: aperi oculos tuos, & vide tribulationem nostram. **R.** Sancte Deus, Sancte fortis, Sancte & misericors Saluator, amaræ morti ne tradas nos. **G**loria Patri, & Filio, & Spiritui sancto. **R.** Sancte Deus, Sancte fortis, Sancte & misericors Saluator, amaræ morti ne tradas nos. **K**yrie eleison. **C**hriste eleison. **K**yrie eleison. **P**ater noster. **✠** Et ne nos. **R.** Sed libera nos à malo. **✠** Misere mei Domine, quoniam infirmus sum. **R.** Sana me Domine, quoniam conturbata sunt omnia ossa mea. **✠** Post partum Virgo inuiolata permansisti. **R.** Dei genitrix intercede pro nobis. **✠** Angelis suis Deus mandauit de te. **R.** Vt custodiant te in omnibus vijs tuis. **✠** Saluum fac seruum tuum. **R.** Deus meus sperantem in te. **✠** Mitte ei Domine auxilium de sancto. **R.** Et de Sion tuere eum. **✠** Nihil proficiat inimicus in eo. **R.** Et filius iniquitatis non apponat nocere ei. **✠** Esto ei Domine turris fortitudinis. **R.** A facie inimici. **✠** Domine exaudi. **R.** Et clamor. **✠** Dominus vobiscum. **R.** Et cum spiritu tuo.

Oratio.

Oratio.

Omnipotens sempiternus Deus, infirmitatem famuli tui propitius respice: atque ad protegendum eum dexteram tuæ maiestatis extende.

Oratio.

Concede hunc famulum tuum, quæsumus Domine Deus, perpetua mentis & corporis sanitate gaudere: & gloriosâ Beatæ Mariæ semper Virginis intercessione à præsentī liberari tristitia, & æterna perfrui lætitia.

Oratio.

Deus qui miro ordine Angelorum ministeria hominumq. dispensas: concede propitius, ut quibus tibi ministrantibus in cœlo semper assistitur, ab his in terra vita nostra muniatur.

Oratio.

TE Domine deprecamur, ut intercedentibus omnibus sanctis tuis famulo tuo N. indulgentiam concedas: fide, spe, & charitate eum repleas: mentē eius ad cœlestia desideria erigas: & ab omni aduersitate eum defendas, & in bono & sancto proposito facias perseuerare.

Oratio.

Deus qui facturæ tuæ semper pio dominaris affectu, inclina aurem tuam supplicationibus nostris, & famulum tuum N. ex aduersa valetudine sui corporis laborantem placatus respice, & visita in salutari tuo, & cœlestis gratiæ præsta ei medicinam. Per Christum Dominum nostrum. *R.* Amen.

Completa ultima oratione, Sacerdos imponat dexteram manum super caput infirmi, & dicat sequentem orationem super eum.

Super agros manus imponent, & benè habebunt. Iesus Mariæ filius mundi salus & Dominus, meritis & intercessione sanctorum Apostolorum suorum Petri & Pauli *vel* sancti N. *patroni loci, vel infirmi, aut etiam* beati Vincentij Confessoris sui, sit tibi clemens, & propitius. Amen.

Postea dicat. Dominus vobiscum. *R.* Et cum spiritu tuo.

Ps. Initium sancti Euangelij secundum Ioannem.

R. Gloria tibi Domine.

IN principio erat verbum, & verbum erat apud Deum, & Deus erat *Ioan. 1.* verbum. Hoc erat in principio apud Deum. Omnia per ipsum facta sunt: & sine ipso factum est nihil quod factum est. In ipso vita erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognouit. In propria venit, & sui eum non receperunt: quotquot autem receperunt eum, dedit eis potestatem filios Dei fieri, his qui credunt in nomine eius: qui non ex sanguinibus,

nibus, neque ex voluntate carnis, neque ex voluntate viri; sed ex Deo nati sunt. ET VERBUM CARO factum est, & habitauit in nobis, & vidimus gloriam eius, gloriam quasi vnigeniti à Patre, plenum gratiæ & veritatis.

Postea benedicens infirmum subiungat dicens.

Dominus Iesus Christus apud te sit, vt te defendat. Intra te sit, vt te conseruet. Ante te sit, vt te deducat. Post te sit, vt te custodiat. Super te sit, vt te benedicat; **+ Qui cum Patre, & Spiritu sancto, in vnitæte perfecta viuunt & regnat in sæcula seculorum. Amen.**

Benedictio Dei omnipotentis Patris + & Filij + & Spiritus sancti + descendat super te, & maneat semper. R. Amen.

Deinde aspergat eum aqua benedicta.

Si fuerint plures infirmi in eodem cubiculo vel loco, preces & orationes prædictæ dicantur super eos in numero plurali.

Quæ etiam poterunt arbitrio Sacerdotis breuiari.

DE FIDEI CATHOLICAE

professione ab aliquibus infirmis

fieri consueta.



Vm aliquando ægrotantes viri pij & Orthodoxæ fidei zelatores confueuerunt, vel in testamento, vel extra illud fidem Catholicam profiteri iuxta Symbola, quibus vtitur sancta mater Ecclesia, vel etiam iuxta formam ex decreto sacri generalis Concilij Tridentini, à sancta Sede Apostolica traditam, ad testationem atque declarationem fidei Orthodoxæ, in qua vixerunt, & in qua decedunt, seu decedere intendunt: valdè laudanda est, his præsertim temporibus, pia hæc consuetudo; atque ad eam faciendam fideles Catholici, qui decumbunt, inuitandi & adhortandi sunt, vt vel voce, vel etiam scripto, sanctam Orthodoxam fidem profiteantur, & protestentur. Quæ de causa & eandem formam hic inferere visum est; cuius tenor is est.

EGO N. firma fide credo, & profiteor omnia, & singula, quæ continentur in Symbolo fidei, quo sancta Romana Ecclesia vtitur, videlicet.

CREDO in vnum DEVM Patrem omnipotentem, factorem coeli & terræ, visibilium omnium & inuisibilium. Et in vnum Dominum IESVM CHRISTVM Filium Dei vnigenitum. Et ex Patre natum ante omnia secula: Deum de Deo, lumen de lumine, Deum verum de Deo vero: Genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de cœlis. Et incarnatus est de Spiritu sancto ex Maria Virgine, & homo factus est. Crucifixus etiam pro nobis sub Pontio Pilato, passus & sepultus est. Et resurrexit tertia die secundum scripturas. Et ascendit in cœlum, sedet ad dexteram Patris. Et iterum venturus est cum gloria iudicare viuos & mortuos, cuius regni non erit finis. Et in Spiritum sanctum Dominum, & viuificantem, qui ex Patre Filioq. procedit. Qui cum Patre & Filio, simul adoratur, & conglorificatur, qui locutus est per Prophetas. Et vnam sanctam Catholicam, & Apostolicam Ecclesiam. Confiteor vnum baptisma in remissionem peccatorum. Et expecto resurrectionem mortuorum. Et vitam venturi seculi. Amen.

Apostolicas & Ecclesiasticas traditiones, reliquasq. eiusdem Ecclesiæ obseruationes, & constitutiones firmissimè admitto, & amplector.

Item sacram Scripturam iuxta eum sensum, quem tenuit, & tenet sancta Mater Ecclesia, cuius est iudicare de vero sensu, & interpretatione sacrarum Scripturarum admitto, nec eam vnuquam, nisi iuxta vnanimem consensum Patrum, accipiam, & interpretabor.

Profiteor quoque septem esse verè & propriè Sacramenta nouæ legis à Iesu Christo Domino nostro instituta, atque ad salutem humani gene-

ris, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam vñctionem, Ordinem, & Matrimonium, illaq̃. gratiam conferre: & ex his Baptismum, Confirmationem, & Ordinem sine sacrilegio reiterari non posse.

Receptos quoque & approbatos Ecclesiæ Catholicæ ritus in supradictorum omnium Sacramentorum solemnī administratione recipio & admitto.

Omnia & singula, quæ de peccato originali, & de iustificatione in sacrosancta Tridentina Synodo definita & declarata fuerunt, amplector & recipio.

Profitetur pariter in Missa offerri Deo verum, proprium, & propitiatorium sacrificium pro viuis & defunctis: atque in sanctissimo Eucharistiæ Sacramento esse verè, realiter, & substantialiter corpus & sanguinem, vnà cum anima & diuinitate Domini nostri Iesu Christi, fieriq̃. conuersionem totius substantiæ panis in corpus, & totius substantiæ vini in sanguinem, quam conuersionem Catholica Ecclesia transubstantiationem appellat.

Fateor etiam sub altera tantùm specie totum atque integrum Christum verumq̃. Sacramentum sumi.

Constantè teneo Purgatorium esse, animasq̃. ibi detētas fidelium suffragijs iuuari: similiter & Sanctos, vnà cum Christo regnantes, venerandos, atque inuocandos esse, eosq̃. orationes Deo pro nobis offerre, atque eorum reliquias esse venerandas.

Firmissimè assero Imagines Christi, ac Deiparæ semper Virginis, necnon aliorum Sanctorum habendas, & retinendas esse, atque eis debitum honorem, ac venerationem impertiendam.

Indulgentiarum etiam potestatem à Christo in Ecclesia relictam fuisse, illarumq̃. vsum Christiano populo maximè salutarem esse affirmo.

Sanctam Catholicam, & Apostolicam Romanam Ecclesiam omnium Ecclesiarum matrem & magistram agnosco, Romanoq̃. Pontifici beati Petri Apostolorum Principis, successorī, ac Iesu Christi Vicario, veram obedientiam spondeo, ac iuro.

Cætera item omnia à sacris Canonibus, & Oecumenicis Concilijs, ac præcipuè à sacrosancta Tridentina Synodo tradita, definita, & declarata, indubitanter recipio, atque profiteor: simulq̃. contraria omnia, atque hæreses quascunque ab Ecclesia damnatas, & reiectas, & anathematizatas, ego pariter damno, rejicio, & anathematizo.

Hanc veram Catholicam fidem, extra quam nemo saluus esse potest, quam in præfenti sponte profiteor, & veraciter teneo, eandem integram, & inuiolatam vsque ad extremum vitæ spiritum, constantissimè (Deo adiuuante) retinere, & confiteri, atque à meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit curaturum, ego idem N. spondeo, voueo, ac iuro. Sic me Deus adiuuet, & hæc sancta Dei Euangelia.

**Aut fiat sequens protestatio, seu testamentum
quoddam fidei cuiuslibet Christiano iam
morituro valdè vtile.**

IN nomine Patris, & Filij, & Spiritus sancti. Ego **N.** infelix peccator redemptus pretiosissimo sanguine Domini nostri Iesu Christi, per magnam ipsius erga me dilectionem, non per meum meritum, fateor, & agnosco publicè **vel** hoc chirographo, **vel** his verbis meis coràm omnipotenti Deo, & Beatissima semper Virgine Dei genitrice Maria, & sancto Angelo Dei, cuius custodiæ ab ortu meo traditus fui, atque omnibus Angelis, & Sanctis, qui in cœlo sunt, & coràm vobis quotquot hic adestis, quod ego sum & esse volo verè obediens sanctæ Matris Ecclesiæ filius, quemadmodum sincerè Christianum & Catholicum oportet; atque in ea sancta fide Catholica, quam sancta Romana Catholica & Apostolica Ecclesia proficitur, docet & prædicat; & in qua omnes sancti decesserunt, decedere, & mori volo & intendo: Nec ad momentum temporis diutiùs viuere affecto, nisi quantum diuinæ placuerit pietati, cui in omnibus conformiter meam subijcio voluntatem.

Credoq. & fateor generatim omnes & singulos articulos fidei Christianæ, quibus credendis vnusquisque Christi fidelis & verè Catholicus obligatus existit, præcipuè vniuersas particulas in duodecim articulis fidei Christianæ, vel apertè expressas, vel rationabiliter inclusas, secundum quod à Spiritu sancto per sanctos duodecim Apostolos ex veritate Euangelica nobis traditi sunt.

Ad hæc credo, & adhæreo illorum interpretationibus, siue declarationibus, non quorumuis, aut quibusuis: sed ijs quæ per sanctos Patres editæ, à sanctissimis Concilijs receptæ, admittæ, approbatæ, confirmatæq. sunt.

Et vt breuiter dicam: Credo quicquid verè Christianus, & Orthodoxus credere debet, & tenetur.

In hac tam immobili, tamq. firma fide gaudeo ego ex toto corde mori, tenens, ac offerens hanc scripturam, quam habeo in manibus meis, tanquàm firmissimum & tutissimum aduersus omnes insultus, insidias, ac fraudes diaboli, scutum.

Et si (quod Deus auertat) fieret, vt ego, vel ex pusillanimitate propter tremendum diuinum iudicium, cui astare habeo, vel impugnatione, aut suggestionem diaboli, aut debilitate rationis, aut grauitate morbi, seu violentia ægritudinis quicquam aduersus prædicta cogitarem, loquerer, facerem, aut in aliquid perfidiæ, diffidentiæ, seu desperationis, vel dubitationis caderem, hoc ipsum qualecunque futurum esset, ex nunc prout ex tunc sana mente existens, reuoco, annullo, ac pro reuo-

cato & annullato, & pro non dicto & facto habere volo, intendo, & declaro, eo quod non animo sano & deliberato id eueniret; me penitus submittens diuinæ pietati, illudq. maledico, detestor & anathematizo hic nunc in vestra omnium præsentia, quemadmodum facerem, si tunc compos mentis essem, & bene valerem.

Super quibus omnibus appello & rogo vos omnes, quicumque hic præsentés estis, teq. sancte Angele Dei meum custodem; vñ huius protestationis coram omnipotente iudice; & curia cœlesti testimonium feratis.

Quod verò in me est, ignosco & remitto omnes iniurias mihi quomocunque irrogatas, id ipsum petens mihi fieri ab his, quos vel verbis, vel factis vnquam offendi.

Petoq. & ex toto corde desidero particeps fieri omnium bonorum operum, quæ à sanctis hominibus per totam Ecclesiam, vel hætenus facta sunt, vel adhuc fient: præcipue autem amarissimæ passionis, & innocentissimæ mortis Domini nostri Iesu Christi: cum qua, & mea naturalis, ac voluntaria mors stet pro omnibus peccatis meis.

Atque vtinam, neque contra Deum, neque contra leges eius, neque contra superiores, neque contra proximum, aut me ipsum vnquam peccassent.

Postremò gratias ago omnipotenti Deo pro omnibus beneficijs ipsius mihi collatis, cōmendoq. corpus & animam in manus eius, & in amaritudinem passionis Domini nostri Iesu Christi, cui laus, honor, & gloria, nunc & in æternum. Amen.

DE ADMINISTRATIONE

Sacramenti Extremæ Vnctionis.



Vaniuis apud veteres aliquandò consuetudo fuerit, vt post pœnitentiam & reconciliationem infirmorum, Extrema primùm eis vnctio, ac deinde sacra Communio exhiberetur; (vt ex diuersis sacris canonibus, ac vetustis codicibus, Pontificalibus, & Ordinibus administrandorum Sacramentorum manifestè liquet) postea tamen ex generali consuetudine, quæ & hodiè vniuersaliter in Latina & Occidentali Ecclesia viget, factum est, vt prius sacra Communio, postmodum verò Extremæ Vnctionis Sacramentum infirmis exhibeatur. Atque idè & hunc ordinem hic seruare oportet.

Parochus in eo quammaximam adhibeat curam, ne quis in sua parochia sine Ecclesiæ Sacramentis decedat. Itaque infirmos frequenter visitet, super eos manus imponat, pro illis oret, sacrificium offerat, & cùm viderit aliquos graui morbo laborare, non longè absit ab Ecclesia, sed præstò sit & paratus nocte ac die absque mora ad eos accedere, & cùm opus fuerit, non nimium differat Sacramentum Extremæ Vnctionis illis præbere: quos etiam & alios fideles hortetur, vt hoc Sacramentum sana mente quoad fieri potest, suscipiant; eisq; significet illud gratiam conferre, & reliquias peccatorum tollere, & ad corporis sanitatē, si animæ expedierit, consequendam prodesse, iuxta illud Iacobi Apostoli: Infirmatur quis in vobis? inducat presbyteros Ecclesiæ, & orent super eum, vngentes eum oleo in nomine Domini, & oratio fidei saluabit infirmum, & alleuiabit eum Dominus: & si in peccatis sit, remittentur ei. Proinde doceat non modò non esse parupèdendam huiuscemodi medicinam, quæ animæ, corporisq; medetur languoribus, verum etiam fideliter seruandam, & libentissimè suscipiendam. Quamuis autem de presbyteris loquatur Apostolus, quibus oleo sanctificato permittitur vngere infirmos: non est tamen, vt S. Innocentius Papa respondit, ambigendum de Episcopo an possit, quod presbyteris licere non dubium est. Nam idcirco de presbyteris dictum est, quia Episcopi alijs occupationibus impediti ad omnes languidos ire non possunt. Cæterum si Episcopus aut potest, aut dignum ducit aliquem ægrotum à se visitandum, & benedicere, & tangere chrisimate, siue cunctione potest, cuius est ipsum Chrisma consicere.

Iacob. 5. c

Innoc. I. epist. 9. ad Decretum Gregor. cap. 8. Tit. 1. c. 10.

Nec quispiam offendatur, si Innocentius & qui eum referunt, oleum infirmorum Chrisma appellent: non enim ita vocant quòd idem sit, quod sacrum oleum Chrismatis seu Confirmationis, in quo balsamum admiscetur, quod speciali nomine Chrisma nuncupatur; sed quòd generali voce Chrisma ab eis pro vnctione accipitur & vsurpetur.

Habeat parochus in loco tuto cum alijs oleis benedictis sub eadè custodia, siue etiam seorsum in peculiari loco nitido, ornato vel depicto, sub clauē & serra, & sub simili custodia oleum infirmorum in maiori phiala seu vase argenteo vel stanneo, quod distinctum & seiunctum sit ab alijs phialis seu vasis olei Catechumenorum & Chrismatis, characteribus maiusculis inscriptum OLEVM INFIRMORVM, cum operculo, quod sit in medio paululum concauum, & ita vasi affixum & aptatum, vt cùm aperitur non disungatur.

Oleum verò quotannis ab Episcopo seria quinta in Cœna Domini renouatum, vetere combusto, cum alijs sacris oleis accipiat ab eo, siue ab eius Cathedrali Ecclesia, in quod quidem vas, si quando vsu deficere videretur, & aliud benedictum haberi non posset, infundatur modicum olei non consecrati, & commisceatur.

Habeat etiam aliud vasculum minus cum simili operculo, similiter argenteum, vel saltem stanneum, ad quotidianum vsu vngendi infirmos, & in illud de maiori phiala infundat ipsum oleum: & seruetur siue solum siue in gossipio seu bambacio aut in-

- stupa, vt superius dictum est de sacro Chrismate & oleo Catechumenorum.
- Ad vitandum autem periculum eusionis vel effusionis ipsius olei propter fortuitum lapsum seu casum presbyteri in itinere, habeatur sacculus seu bursa de serico, seu armesino, siue cymatili violaceo, aut alia simili tela, vel materia, intra quem dictum vasculum olei inclusum, cum chordulis etiam sericeis oblongis, quibus sacculus constringitur, & collo presbyteri appendi possit, vt ipse manibus comprehensum tutius & commodius deferat ad infirmos.
- Nouerit autem parochus, quibus hoc Sacramentum tribuatur; non enim præbendum est, nisi adultis infirmis moribundis, seu in periculo mortis constitutis; vel ijs qui præ senio deficiunt, & in diem videntur morituri etiam sine alia infirmitate.
- Probatur etiam vt adultis Neophytis in articulo mortis seu paulò ante baptizatis, hoc Extremæ Vnctionis Sacramentum debeat exhiberi.
- Non ministretur prægrium inuitis, peregrinationem suscepturis, nec nauigatoris, neque reis mox ultimo supplicio plectendis; non mulieribus in partu laborantibus, nec pueris non habentibus vsum rationis.
- Impenitentibus quoque omnino denegatur.
- Infirmis autem, qui dum sana mente & integris sensibus essent, illud petierunt, seu verisimiliter petissent, etiam si deinde amentes effecti sint, vel delirent aut non sentiant, nihilominus præbeatur.
- Si infirmus dum præfens aut amentia laborat verisimiliter posset facere irreuerentiam Sacramento, vel aliquam immundiciam; non inungatur, nisi firmiter teneatur.
- Si laborat in extremis, citò vngatur, ne sine vñctione decedat, incipiendo ab eo loco, Per istam sanctam Vñctionem &c. vt infra: deinde, si adhuc superuiuat, dicantur orationes prætermittæ, & aliæ suo loco positæ.
- Si autem dum inungitur infirmus decedat, non prosequatur presbyter Vñctionem in alijs locis non vñctis, & prædictas orationes omittat.
- Quòd si acciderit aliquem post peccatorum suorum confessionem, aut vi morbi, aut grauitate vulnerum, aut alia causa ad exitum vitæ properare; ideoq; confessum, ipsum communicari atque etiam inungi oportere; tunc cum communione, quæ ad eum deferretur, poterit & oleum infirmorum simul deferri; non tamen per ipsum, presbyterum qui deferret sacram Eucharistiam, si alius presbyter vel Diaconus haberi possit qui deferat, superpelliceo & stola pro suo quisque ordine indutus, qui cum sacro oleo infirmorum sequatur etiam præcedente cruce sine hasta vt infra. Et postquam infirmus suscepit sacram Eucharistiam, mox imminente periculo debet inungi oleo infirmorum.
- In eadem infirmitate hoc Sacramentum iterari non debet, nisi diuturna sit, & infirmus cum visus esset melius habere, iterum in periculum mortis incidat.
- Sacerdos, vbi commodè fieri potest, vt in Ecclesijs Collegiatis, plures secum adhibeat presbyteros cum vngit infirmum: in alijs verò Ecclesijs saltem vno clerico præsentem, aut alijs pueris scholaribus vel confratribus Ecclesiæ, & urgente necessitate ipse solus ministret.
- Sciat autem formam huius Sacramenti esse verba illa deprecatoria, quæ in Vñctionibus proferuntur, veluti secundum vsum Romanæ Ecclesiæ. **P**er istam sanctam Vñctionem & suam piissimam misericordiam [parcat vel] indulgeat tibi Dominus quicquid per visum, [seu oculorum vitio] deliquisti.
- Tum etiam nouerit formam non seruari & nihil agi per verba indicatiua tantum, puta, Vngo oculos tuos, vel manus tuas & similia sine verbis deprecatiuis, cuiusmodi hæctenus ego non reperi.
- Et quamuis ea occasione aliqui Theologi referant, quòd multæ Ecclesiæ habent pro forma verba diuina, vt Vngo oculos tuos &c. & ideo quæsierint, an valeant, & de ea re plura rem dixerint: cum nusquam reperitur talis forma.

ma per verba indicatiua tantum, seu per orationem indicatiuam tantum siue verbis deprecatiuis hoc Sacramentum conferri. Sed & libri & ritus Ecclesiarum, qui pro ea parte citantur, quod habent verba indicatiua, paulo post habent etiam verba deprecatiua, vt, Per istam vnctionem & suam pijsimam misericordiam indulgeat tibi Dominus quicquid deliquisti per visum, vel similia verba secundum loca inuncta. Et sic non adest diuersitas, nisi quod superadditur verbum indicatiuum, Vngo. Quare questio inanis, & frustranea est.

Quoniam autem huiusmodi forma varijs verbis traditur in diuersis Ecclesijs, etiam præmittendo verba indicatiua, & subiungendo deprecatiua, vnaquæque Ecclesia suam potest retinere formam, modò semper adhibeantur verba deprecatiua; vt, Vngo hos oculos oleo sanctificato, in nomine Patris + & Filij + & Spiritus sancti + & postea sequitur. Per istam vnctionem suam pijsimam misericordiam indulgeat tibi Deus quicquid deliquisti per visum. Et similiter ad manus, & ad pedes, & ad os, & ad cætera loca vnctionis.

Cæterum apud sanctam Romanam Ecclesiam vnam tantum in hoc Sacramento deprecandi formulam traditam, & passim in Italia & toto orbe receptam esse communissimum & exploratissimum est; quæ pauculis quibuldam vocibus immutatis, eundem tamen sensum duobus modis exprimentibus, profertur; quorum alter est.

Ad oculos.

Per istam sanctam Vnctionem, & suam pijsimam misericordiam parcat vel indulgeat tibi Dominus quicquid oculorum vitio deliquisti.

Ad aures. quicquid aurium vitio deliquisti.

Ad nares. quicquid narium vitio deliquisti.

Ad os. quicquid linguæ, vel oris vitio deliquisti.

Ad manus. quicquid tactus vitio deliquisti.

Ad pedes. quicquid incessus vitio deliquisti.

Ad lumbos. quicquid lumborum, aut carnis vitio deliquisti.

Alter verò modus est priori similis: licet paucis in verbis dissimilis, videlicet

Ad oculos.

Per istam sanctam Vnctionem, & suam pijsimam misericordiam indulgeat tibi Dominus quicquid deliquisti per visum. & sic fit, quæ, variando per sensus.

Ad aures. quicquid deliquisti per audiam.

Ad nares. quicquid deliquisti per odoratum.

Ad os. quicquid deliquisti per gustum & locutionem.

Ad manus. quicquid deliquisti per tactum.

Ad pedes. quicquid deliquisti per gressum, vel secundum alios, per incessum.

Ad lumbos vel renes. quicquid lumborum delectatione deliquisti.

Quare & in huius Sacramenti exhibitione prædicta forma secundum ritum Romanæ Ecclesiæ alterutro modo seruanda est, aut vt hic ponitur, sicut & apud alias Ecclesias propria, si deprecatiua etiam verba continet, seruari potest.

Quod autem apud aliquos immutentur aliqua verba, vt pro, indulgeat tibi Deus, dicatur parcat, vel remittat, vel dimittat, aut ignoscat (quod magis Latine diceretur) aut sanet quicquid deliquisti, aut commisisisti, non variat essentiam: sed quoniam nulla sit sententiæ immutatio, constat eandem ab omnibus formam religiosè seruari.

Si quis careat aliquo membro, vt oculis, nihilominus vngatur in viciniore parte, & dicatur, quicquid oculorum vitio deliquisti. Et idem seruetur in mutilatis, vt si quis careat manibus vel pedibus, vngatur in parte illi membro, quo caret, propinquiores; & nihilominus dicatur, quicquid tactus vel incessus vitio deliquisti.

In mulieribus autem Vnctio ad lumbos, siue ad renes, honestatis gratia potest omitti.

Igitur Sacerdos accersitus ad vngendum infirmum, omnibus vt supra animaduertis, dicat ijs à quibus accersitur, vt (vbi commodè fieri potest) iuxta lectum infirmi parent paruam mensam, coopertam mappa candida, cum lance seu vase, in quo sit bambacium, seu stupa ad abstergendas vñctiones, & medulla panis ad abstergendos digitos, vas cum aqua ad abluendas manus ipsius Sacerdotis, cū linteolo seu mantili, candela parua cerea, quæ deinde accensa ipsi vngenti lumen præbeat.

Moneat etiam, vt quoad fieri potest, lintea infirmi sint munda; & si absque eius incommodò fieri poterit, aqua tepida vel tela de ea madida laucentur eius manus & pedes, ad vñctionem suscipiendam.

Facto consueto signo campanæ, vocet alios presbyteros Ecclesiæ, si adsint, vt superpelliceis seu cortis induti adiuuent, atque acoluthos & clericos, vel saltem scholares Ecclesiæ, vt ministrent quoad fieri potest cortis induti, aut ijs deficientibus saltem Confratres alicuius piæ Confraternitatis seu Societatis saccis indutos. Vnus eorum deferat crucem sine hasta (quæ crux deinde relinquenda erit in cubiculo infirmi) duo accipiant duo candelabra cum candelis accensis, vel duas laternas cum luminibus, noctis præsertim tempore, & pluuia & ventorum. Alius deferat vas cum aqua benedicta & aspersorio, & is, vel alius librum Ritualem, seu Sacerdotalem.

Campanula autem seu tintinnabulum non deferitur.

Ipsè verò Curatus superpelliceo & stola violacei, vel, si desit, alterius coloris, prout potest, desuper indutus, genuflexus ad altare aliquantisper, si vacat, ore, ac deuotè præsequentem orationem.

Oratio. Dominus vobiscum. **R.** Et cum spiritu tuo.

Oremus.

Oratio.

Adesto Domine supplicationibus nostris, & me indignum, qui primum misericordia tua indigeo, clementer exaudi; & quem non electione meriti, sed dono gratiæ tuæ constituisti huius operis ministrum, da fiduciam tui muneris exequendi, & ipsè in nostro ministerio, quod tuæ virtutis est, operare. Per Christum Dominum nostrum. **R.** Amen.

Tunc appendat sibi ad collum sacculum seu bursam sericam cum chorodulis etiam sericeis, & accipit vas cum sacro oleo infirmorum, & illud aptè ponit intra dictum sacculum seu bursam; & sic sacco inclusum & manibus comprehensum ferat ad infirmum.

Deinde omnes absque sonitu campanulæ seu tintinnabuli procedant, & festinent, dicendo Psalmum 1. Misere mei Deus. infra pag. 330.

Cum autem peruentum fuerit ad locum, vbi iacet infirmus, Sacerdos intrans cubiculum, dicit: Pax huic domui. **R.** Et omnibus habitantibus in ea.

Deinde cruce & candelabris seu luminaribus depositis in parua mensa parata, ipsè deponit de collo suo bursam, & ex ea depromit vasculum olei, illudq. in eadem mensa ponit, & stans ante ægrotum, illum humaniter

maniter & benignè salutet, & accipiens crucem, cum veneratione illam ei porrigat deosculandam.

Postea, si vacat, ægroti ceterisq. præsentibus, huius Sacramenti vim, & utilitates explicet, & antequàm illud ministret, eundem ægrotum paucis consoletur & hortetur bono esse animo, & potius gaudere debere, quòd à Deo in cœlestem patriam vocetur, quàm si in hac misera vita diutius morandum esset; & denique eum à cogitatione præsentis vitæ remouere, & ad gaudium futuræ inducere studeat.

Dicat vers. Adiutorium nostrum in nomine Domini. *R.* Qui fecit cœlum & terram. *V.* Dominus voluit. *R.* Et cum spiritu tuo.

Oremus.

Oratio.

Introcat Domine Iesu Christe domum hanc sub nostræ humilitatis ingressu æterna felicitas, diuina prosperitas, serena lætitia, charitas fructuosa, sanitas sempiterna: effugiat ex hoc loco accessus dæmonum, adsint Angeli pacis, domumq. hanc deserat effugata discordia. Magnifica Domine super nos nomen sanctum tuum, & benedic + nostræ conuersationi: sanctifica + nostræ humilitatis ingressum, qui sanctus & pius es, & permanes cum Patre & Spiritu sancto in secula seculorum. *R.* Amen.

Oremus & deprecemur Dominum nostrum Iesum Christum, vt benedicendo benedicat + hoc tabernaculum, & omnes habitantes in eo, & det eis Angelum bonum custodem, & faciat eos sibi seruire ad considerandum mirabilia de lege sua: auertat ab eis omnes contrarias potestates: eripiat eos ab omni formidine, & ab omni perturbatione, ac sanos in hoc tabernaculo custodire cœletur. Qui cum Patre & Spiritu sancto viuít, & regnat in secula seculorum. *R.* Amen.

Oremus.

Oratio.

Exaudi nos Domine sancte Pater omnipotens, æterne Deus, & mitte re digneris sanctum angelum tuum de cœlis, qui custodiat, foueat, protegat, visitet atque defendat omnes habitantes in hoc habitaculo. Per Christum Dominum nostrum. *R.* Amen.

Deinde in modum crucis aspergit infirmum aqua benedicta, postea cubiculum, dicendo antiphonam. Asperges me Domine, cum primo versu Psalmi. Miserere mei Deus. cum Gloria Patri. & repetitur Antiphona. Asperges me Domine. vt suprà de Communione Infirmorum.

Deinde si ægrotus voluerit confiteri seu reconciliari, audiatur & absolua-
tur. Postea faciat confessionem communem Latino vel vulgari sermone, secundum personæ qualitatem, dicens: Confiteor Deo omni-
potenti. vel alius pro eo.

Quo dicto, Sacerdos dicat.

Dominus noster Iesus Christus, qui dixit discipulis suis, Quæcunque ligaueritis super terram, erunt ligata & in cœlo, & quæcunque solueritis super terram, erunt soluta & in cœlo: de quorû numero quamuis indignos nos esse voluit, ipse te absoluat per ministerium nostrum

Nolite fieri sicut equus & mulus: quibus non est intellectus.

In camo & freno maxillas eorum constringe: qui non approximant ad te.

Multa flagella peccatoris: sperantem autem in Domino misericordia circumdabit.

Letamini in Domino, & exultate iusti: & gloriamini omnes recti corde.

Gloria Patri. *Psalmus xxxvij.*

Domine ne in furore tuo arguas me: neque in ira tua corripas me. Quoniam sagittæ tuæ infixæ sunt mihi: & confirmasti super me manum tuam.

Non est sanitas in carne mea à facie iræ tuæ: non est pax ossibus meis à facie peccatorum meorum.

Quoniam iniquitates meæ supergressæ sunt caput meum: & sicut onus graue grauata sunt super me.

Putruerunt & corruptæ sunt cicatrices meæ: à facie insipientiæ meæ.

Miser factus sum, & curuatus sum vsque in finem: tota die contristatus ingrediebar.

Quoniam lumbi mei impleti sunt inulsiombus: & non est sapitas in carne mea.

Afflictus sum, & humiliatus sum nimis: rugiebam à gemitu cordis mei.

Domine, ante te omne desiderium meum: & gemitus meus à te non est absconditus.

Cor meum conturbatum est, dereliquit me virtus mea: & lumen oculorum meorum, & ipsum non est in me.

Amici mei, & proximi mei: aduersus me appropinquaerunt, & deriderunt me.

Et qui iuxta me erant, de longè steterunt: & vim faciebant qui habebant animam meam.

Et qui inquirebant mala mihi, locuti sunt vanitates: & dolores meos meditabantur.

Ego autem tanquàm surdus non audiebam: & sicut mortuus sum non respondi os suum.

Et factus sum sicut homo non audiens: & non habebam rationes.

Quoniam in te Domine speraui: tu exaudies me.

Quia dixi, nequando supergandeant mihi uentur pedes mei, super me magna locutus es.

Quoniam ego in flagella paratus sum semper.

Quoniam iniquitatem meam non abscondi.

Inimici autem mei viuunt, & non timeo: sunt qui oderunt me iniquitatem meam non abscondi.

Qui retribuunt mala pro bonis.

Ne derelinquas me Domine Deus meus : ne discefferis à me.

Intende in adiutorium meum : Domine Deus salutis meæ .

Gloria Patri.

Psalmus L.

Miserere mei Deus : secundum magnam misericordiam tuam .
Et secundum multitudinem miserationum tuarum : dele iniquitatem meam .

Amplius laua me ab iniquitate mea : & à peccato meo munda me.

Quoniam iniquitatem meam ego cognosco : & peccatum meum contra me est semper .

Tibi soli peccaui , & malum coram te feci : vt iustificeris in sermonibus tuis , & vincas cum iudicaris .

Ecce enim in iniquitatibus conceptus sum : & in peccatis concepit me mater mea .

Ecce enim veritatem dilexisti : incerta , & occulta sapientiæ tuæ manifestasti mihi .

Asperges me Domine hyssopo , & mundabor : lauabis me , & super niuem dealbabor .

Auditui meo dabis gaudium & lætitiā : & exultabunt ossa humiliata .

Auerte faciem tuam à peccatis meis : & omnes iniquitates meas dele .

Cor mundum crea in me Deus : & spiritum rectum innoua in visceribus meis .

Ne proijcias me à facie tua : & spiritum sanctum tuum ne auferas à me .

Redde mihi lætitiā salutaris tui : & spiritu principali confirma me .

Docebo iniquos vias tuas : & impii de conuerterentur .

Libera me de sanguinibus Deus : & salus meæ : & exultabit lingua iustitiarum tuarum .

Domine labia mea aperies : & os meum annuntiabit laudem tuam .

Quoniam si voluisses sacrificium , dedissem vtique : holocaustis non delectaberis .

Sacrificium Deo spiritus contribulatus : cor contritum , & humiliatum Deus non despicies .

Benignè fac Domine in bona voluntate tua Sion : vt ædificentur muri Hierusalem .

Tunc acceptabis sacrificium iustitiæ , oblationes , & holocausta : tunc imponent super altare tuum vitulos .

Gloria Patri.

Psalmus cx.

Domine exaudi orationem meam : & clamor meus ad te veniat .

Non auertas faciem tuam à me : in quacunque die tribulor , inclina ad me aurem tuam .

In quacunque die inuocauero te : velociter exaudi me .

Quia defecerunt sicut fumus dies mei : & ossa mea sicut cremum aruerunt .

Percussus sum vt foenum , & aruit cor meum : quia oblitus sum comedere panem meum .

A voce

- A** voce gemitus mei: adhæsit os meum carni meæ.
- S**imilis factus sum pelicano solitudinis: factus sum sicut nycticorax in domicilio.
- V**igilaui: & factus sum sicut passer solitarius in tecto.
- T**ota die exprobrabant mihi inimici mei: & qui laudabant me, aduersum me iurabant.
- Q**uia cinerem tanquàm panem manducabam: & potum meum cum fletu miscebam.
- A** facie iræ indignationis tuæ: quia eleuans allisisti me.
- D**ies mei sicut umbra declinauerunt: & ego sicut cinis arui.
- T**u autem Domine in æternum permanes: & memoriale tuum in generationem, & generationem.
- T**u exurgens misereberis Sion: quia tempus miserendi eius, quia venit tempus.
- Q**uoniam placuerunt seruis tuis lapides eius: & terræ eius miserebuntur.
- E**t timebunt gentes nomen tuum Domine: & omnes reges terræ gloriam tuam.
- Q**uia ædificauit Dominus Sion: & videbitur in gloria sua.
- R**espexit in orationem humilium: & non spreuit preces eorum.
- S**cribantur hæc in generatione altera: & populus qui creabitur laudabit Dominum.
- Q**uia prospexit de excelso sancto suo: Dominus de cœlo in terram aspexit.
- V**t audiret gemitus compeditorum: & solueret filios interemptorum.
- V**t annunciet in Sion nomen Domini: & laudem eius in Hierusalem.
- I**n conueniendo populos in vnum: & ego vt seruiant Domino.
- R**espondit ei in via virtutis suæ: paucitatem dierum meorum nuncia mihi.
- N**e reuoces me in dimidio dierum meorum: in generationem, & generationem anni tui.
- I**nitio tu Domine terram fundasti: & opera manuum tuarum sunt cœli.
- I**psi peribunt, tu autem permanes: & omnes sicut vestimentum veterascant.
- E**t sicut opertorium mutabis eos, & mutabuntur: tu autem idem ipse es, & anni tui non deficient.
- F**ilij seruorum tuorum habitabunt: & semen eorū in seculum dirigetur.
- G**loria patri. **Psalmus cxxix.**
- D**E profundis clamaui ad te Domine: Domine exaudi vocem meam. Fiant aures tuæ intendentes: in vocem deprecationis meæ.
- S**i iniquitates obseruaueris Domine: Domine quis sustinebit?
- Q**uia apud te propitiatio est: & propter legem tuam sustinui te Domine.
- S**ustinuit anima mea in verbo eius: sperauit anima mea in Domino.
- A** custodia matutina vsque ad noctem: speret Israel in Domino.
- Q**uia apud Dominum misericordia: & copiosa apud eum redemptio.

Et ipse redimet Israel: ex omnibus iniquitatibus eius.

Gloria patri.

Psalmus cxlii.

Domine exaudi orationem meam, auribus percipe obsecrationem meam in veritate tua: exaudi me in tua iustitia.

Et non intres in iudicium cum seruo tuo: quia non iustificabitur in conspectu tuo omnis viuens.

Quia persecutus est inimicus animam meam: humiliavit in terra vitam meam.

Collocauit me in obscuris sicut mortuos seculi: & anxius est super me spiritus meus, in me turbatum est cor meum.

Memor fui dierum antiquorum; meditatus sum in omnibus operibus tuis: in factis manuum tuarum meditabar.

Expandi manus meas ad te: anima mea sicut terra sine aqua tibi.

Velociter exaudi me Domine: defecit spiritus meus.

Non auertas faciem tuam à me: & similis ero descendentibus in lacum.

Auditam fac mihi mane misericordiam tuam: quia in te speraui.

Notam fac mihi viam, in qua ambulabo: quia ad te leuaui animam meam.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Spiritus tuus bonus deducet me in terram rectam: propter nomen tuum Domine viuificabis me in æquitate tua.

Educes de tribulatione animam meam: & in misericordia tua disperdes omnes inimicos meos.

Et perdes omnes, qui tribulant animam meam: quoniam ego seruus tuus sum.

Gloria Patri &c. **Antiph.** Ne committaris Domine delicta nostra, vel parentum nostrorum, neque vindictam sumas de peccatis nostris.

LITANIAE.

Kyrie eleison. **C**hriste eleison. **Kyrie eleison.** **C**hriste audi nos.

Christe exaudi nos.

Pater de coelis Deus, miserere nobis.

Fili redemptor mundi Deus, miserere nobis.

Spiritus sancte Deus, miserere nobis.

Sancta Trinitas vnus Deus, miserere nobis.

Sancta Maria ora pro nobis.

Sancta Dei genitrix ora.

Sancta virgo virginum ora.

Sancte Michael ora.

Sancte Gabriel ora.

Sancte Raphael ora.

Omnes sancti Angeli, & Archangeli, orate pro nobis.

Omnes sancti beatorum spirituum ordines, orate.

Sancte Ioannes Baptista ora.

Omnes sancti Patriarchæ, & Prophetæ, orate.

Sancte

S ancte Petre	ora.
S ancte Paule	ora.
S ancte Andrea	ora.
S ancte Iacobe	ora.
S ancte Ioannes	ora.
S ancte Thoma	ora.
S ancte Iacobe	ora.
S ancte Philippe	ora.
S ancte Bartholomæ	ora.
S ancte Marthæ	ora.
S ancte Simon	ora.
S ancte Thadæ	ora.
S ancte Matthia	ora.
S ancte Barnaba	ora.
S ancte Luca	ora.
S ancte Marce	ora.
O mnes sancti Apostoli, & Euangelistæ,	orate.
O mnes sancti discipuli Domini,	orate.
O mnes sancti Innocentes,	orate.
S ancte Stephane	ora.
S ancte Laurenti	ora.
S ancte Vincenti	ora.
S ancti Fabiane, & Sebastiane,	orate.
S ancti Ioannes, & Paule,	orate.
S ancti Cosma, & Damiane,	orate.
S ancti Geruasi, & Protasi,	orate.
O mnes sancti Martyres,	orate.
S ancte Syluester	ora.
S ancte Gregori	ora.
S ancte Ambrosi	ora.
S ancte Augustine	ora.
S ancte Hieronyme	ora.
S ancte Martine	ora.
S ancte Nicolae	ora.
O mnes sancti Pontifices & Confessores,	orate.
O mnes sancti Doctores,	orate.
S ancte Benedicte	ora.
S ancte Antoni	ora.
S ancte Bernarde	ora.
S ancte Dominice	ora.
S ancte Francisce	ora.
O mnes sancti Sacerdotes & Leuitæ,	orate.
O mnes sancti Monachi, & Eremitæ,	orate.
S ancta Maria Magdalena	ora.

S ancta Agatha	ora.
S ancta Lucia	ora.
S ancta Agnes	ora.
S ancta Cæcilia	ora.
S ancta Catharina	ora.
S ancta Anastasia	ora.
O mnes sanctæ virgines, & viduæ,	orate.
O mnes sancti, & sanctæ Dei,	intercedite pro nobis.
P ropitius esto,	parce nobis Domine.
P ropitius esto,	exaudi nos Domine.
A b omni malo,	libera nos Domine.
A b omni peccato,	libera.
A b ira tua,	libera.
A subitanea, & improuisa morte,	libera.
A b insidijs diaboli,	libera.
A b ira, odio, & omni mala voluntate,	libera.
A spiritu fornicationis,	libera.
A fulgure, & tempestate,	libera.
A morte perpetua,	libera.
P er mysterium sanctæ incarnationis tuæ,	libera.
P er aduentum tuum,	libera.
P er natiuitatem tuam,	libera.
P er Baptismum, & sanctum ieiunium tuum,	libera.
P er crucem & passionem tuam,	libera.
P er mortem, & sepulturam,	libera.
P er sanctam resurrectionem,	libera.
P er admirabilem ascensionem tuam,	libera.
P er aduentum Spiritus sancti paracliti,	libera.
I n die iudicij,	libera.
P eccatores,	te rogamus audi nos.
V t nobis parcas,	te rog.
V t nobis indulgeas,	te rog.
V t ad veram poenitentiam nos perducere digneris,	te rog.
V t ecclesiam tuam sanctam regere, & conseruare digneris,	te rog.
V t Domnum Apostolicum, & omnes ecclesiasticos ordines in sancta religione conseruare digneris,	te rog.
V t inimicos sanctæ Ecclesiæ humiliare digneris,	te rog.
V t regibus, & principibus Christianis pacem, & veram concordiam donare digneris,	te rog.
V t cuncto populo Christiano pacem, & vnitatē largiri digneris,	te rog.
T t nosmetipsos in tuo sancto seruitio confortare, & conseruare di- gneris,	te rog.
V t mentes nostras ad cœlestia desideria erigas,	te rog.
V t omnibus benefactoribus nostris sempiterna bona retribuas,	te rog.
V t	V t

Vt animas nostras, fratrum, propinquorum, & benefactorum nostrorum ab æterna damnatione eripias, te rog.
Vt fructus terræ dare, & conseruare digneris, te rog.
Vt omnibus fidelibus defunctis requiæ æternâ donare digneris, te rog.
Vt nos exaudire digneris, te rog.
Fili Dei, te rog.
Agnus Dei, qui tollis peccata mundi, parce nobis Domine.
Agnus Dei, qui tollis peccata mundi, exaudi nos Domine.
Agnus Dei, qui tollis peccata mundi, miserere nobis.
Christe audi nos. **C**hriste exaudi nos. **K**yrie eleison. **C**hriste eleison.
Kyrie eleison. **P**ater noster. **S**ecr. **V**. Et ne nos inducas in tentationem. **R**. Sed libera nos à malo. **P**salmus **LXIX**.

Deus in adiutorium meum intende: Domine ad adiuuandum me festina.

Confundantur, & reuereantur: qui quærunt animam meam.

Auertantur retrorsum, & erubescant: qui volunt mihi mala.

Exultent & latentur in te omnes qui quærunt te: & dicant semper, magnificetur Dominus, qui diligunt salutare tuum.

Ego verò egenus, & pauper sum: Deus adiuua me.

Adiutor meus, & liberator meus es tu: Domine ne moreris.

Gloria Patri. **V**. Saluos fac seruos tuos. **R**. Deus meus sperantes in te.

V. Esto nobis Domine turris fortitudinis. **R**. A facie inimici.

V. Nihil proficiat inimicus in nobis.

V. Et filius iniquitatis non apponat nocere nobis.

V. Domine non secundum peccata nostra facias nobis.

R. Neque secundum iniquitates nostras retribuas nobis.

V. Oremus pro Pontifice nostro **N**.

R. Dominus conseruet eum, & viuificet eum, & beatum faciat eum in terra, & non tradat eum in animam inimicorum eius.

V. Oremus pro benefactoribus nostris.

R. Retribuere dignare Domine omnibus nobis bona facientibus propter nomen tuum vitam æternam.

V. Oremus pro fidelibus defunctis.

R. Requiem æternam dona eis Domine, & lux perpetua luceat eis.

V. Requiescant in pace. **R**. Amen.

V. Pro fratribus nostris absentibus.

R. Saluos fac seruos tuos, Deus meus sperantes in te.

V. Mitte eis Domine auxilium de sancto.

R. Et de Sion tuere eos.

V. Domine exaudi orationem meam.

R. Et clamor meus ad te veniat. **O**remus. **O**ratio pro peccatis.

Deus cui proprium est misereri semper, & parcere, suscipe deprecationem nostram: vt nos, & omnes famulos tuos, quos delictorum catena constringit, misratio tuæ pietatis clementer absoluat.

Exaudi

Igitur Sacerdos accersitus ad vngendum infirmum, omnibus vt su præ animaduersis, dicat ijs à quibus accersitur, vt (vbi commodè fieri potest) iuxta lectum infirmi parent paruam mensam, coopertam mappa candida, cum lance seu vase, in quo sit bambacium, seu stupa ad abstergendas vnctiones, & medulla panis ad abstergendos digitos, vas cum aqua ad abluendas manus ipsius Sacerdotis, cū linteolo seu mantili, candela parua cerea, quæ deinde accensa ipsi vngenti lumen præbeat.

Moneat etiam, vt quoad fieri potest, linteæ infirmi sint munda; & si absque eius incommodis fieri poterit, aqua tepida vel tela de ea madida lauentur eius manus & pedes, ad vnctionem suscipiendam.

Facto consueto signo campanæ, vocet alios presbyteros Ecclesiæ, si adsint, vt superpelliceis seu cortis induti adiuuent, atque acoluthos & clericos, vel saltem scholares Ecclesiæ, vt ministrent quoad fieri potest cortis induti; aut ijs deficientibus saltem Confratres alicuius piæ Confraternitatis seu Societatis saccis indutos. Vnus eorum deferat crucem sine hasta (quæ crux deinde relinquenda erit in cubiculo infirmi) duo accipiant duo candelabra cum candelis accensis, vel duas laternas cum luminibus, noctis præsertim tempore, & pluuiæ & ventorum. Alius deferat vas cum aqua benedicta & aspersorio, & is, vel alius librum Ritualem, seu Sacerdotalem.

Campanula autem seu tintinnabulum non deferitur.

Ipsæ verò Curatus superpelliceo & stola violacei, vel, si desit, alterius coloris, prout potest, desuper indutus, genuflexus ad altare aliquantisper, si vacat, ore ac deuotè faciat sequentem orationem.

Oratio. Dominus vobiscum. **R.** Et cum spiritu tuo.

Oramus.

Oratio.

Adesto Domine supplicationibus nostris, & me indignum, qui primum misericordia tua indigeo, clementer exaudi; & quem non electione meriti, sed dono gratiæ tuæ constituisti huius operis ministrum, da fiduciam tui muneris exequendi, & ipse in nostro ministerio, quod tuæ virtutis est, operare. Per Christum Dominum nostrum. **R.** Amen.

Tunc appendat sibi ad collum sacculum seu bursam sericam cum chorulis etiam sericeis, & accipit vas cum sacro oleo infirmorum, & illud aptè ponit intra dictum sacculum seu bursam; & sic sacco inclusum & manibus comprehensum ferat ad infirmum.

Deinde omnes absque sonitu campanulæ seu tintinnabuli procedant, & festinent, dicendo Psalmum l. Misere mei Deus. infra pag. 330.

Cum autem peruentum fuerit ad locum, vbi iacet infirmus, Sacerdos intrans cubiculum, dicit: Pax huic domui. **R.** Et omnibus habitantibus in ea.

Deinde cruce & candelabris seu luminaribus depositis in parua mensa parata, ipse deponit de collo suo bursam, & ex ea depromit vasculum olei, illudq. in eadem mensa ponit, & stans ante ægrotum, illum humaniter

maniter & benignè salutet, & accipiens crucem, cum veneratione illam ei porrigat deosculandam.

Postea, si vacat, ægroti cæterisq. præsentibus, huius Sacramenti vim, & utilitates explicet, & antequàm illud ministret, eundem ægrotum paucis consoletur & hortetur bono esse animo, & potius gaudere debere, quòd à Deo in coelestem patriam vocetur, quàm si in hac misera vita diutius morandum esset, & denique eum à cogitatione præsentis vitæ remouere, & ad gaudium futuræ inducere studeat.

Dicat vers. Adiutorium nostrum in nomine Domini. *R.* Qui fecit coelum & terram. *V.* Dominus voluit. *R.* Et cum spiritu tuo.

Oramus.

Oratio.

Introeat Domine Iesu Christe domum hanc sub nostræ humilitatis ingressu æterna felicitas, diuina prosperitas, serena lætitia, charitas fructuosa, sanitas sempiterna: effugiat ex hoc loco accessus dæmonum, adsint Angeli pacis, domumq. hanc deserat effugata discordia. Magnifica Domine super nos nomen sanctum tuum, & benedic + nostræ conuersationi: sanctifica + nostræ humilitatis ingressum, qui sanctus & pius es, & permanes cum Patre & Spiritu sancto in secula seculorum. *R.* Amen.

O Remus & deprecemur Dominum nostrum Iesum Christum, vt benedicendo benedicat + hoc tabernaculum, & omnes habitantes in eo, & det eis Angelum bonum custodem, & faciat eos sibi seruire ad considerandum mirabilia de lege sua: auertat ab eis omnes contrarias potestates: eripiat eos ab omni formidine, & ab omni perturbatione, ac sanos in hoc tabernaculo custodire auctoretur. Qui cum Patre & Spiritu sancto viuunt, & regnat in secula seculorum. *R.* Amen.

Oramus.

Oratio.

Exaudi nos Domine sancte Pater omnipotens, æterne Deus, & mitte re digneris sanctum angelum tuum de coelis, qui custodiat, foueat, protegat, visitet atque defendat omnes habitantes in hoc habitaculo. Per Christum Dominum nostrum. *R.* Amen.

Deinde in modum crucis aspergit infirmum aqua benedicta, postea cubiculum, dicendo antiphonam. Asperges me Domine, cum primo versu Psalmi. Miserere mei Deus. cum Gloria Patri. & repetitur Antiphona. Asperges me Domine. vt suprâ de Communione Infirmorum. Deinde si ægrotus voluerit confiteri seu reconciliari, audiatur & absoluitur. Postea faciat confessionem communem Latino vel vulgari sermone, secundum personæ qualitatem, dicens: Confiteor Deo omnipotenti. vel alius pro eo.

Quo dicto, Sacerdos dicat.

Dominus noster Iesus Christus, qui dixit discipulis suis, Quæcunque ligaueritis super terram, erunt ligata & in coelo, & quæcunque solueritis super terram, erunt soluta & in coelo: de quorû numero quamuis indignos nos esse voluit, ipse te absoluat per ministerium nostrum

ab omnibus peccatis tuis quæcunque cogitatione, locutione, operatione, & negligenter egisti, & à peccatorum nexibus absolutum perducere dignetur ad regna cœlorum. Qui cum Patre & Spiritu sancto uiuit & regnat in secula seculorum. *Be. Amen.*

Deinde presbyteri astantes, seu alij clerici in cubiculo infirmi vel in alio proximo, vt poterunt dicant distinctè & moderatè, legendo septem Psalmos poenitentiales cum Litanij & Preeibus sequentibus: vel si alij abfuerint, ipse Sacerdos incipiat, & tunc vel postea proseguatur.

Antiphona. Ne reminiscaris.

Psalmus vii.

Domine, ne in furore tuo arguas me: neque in ira tua corripas me. Misere mei Domine, quoniam infirmus sum: sana me Domine, quoniam conturbata sunt ossa mea.

Et anima mea turbata est valde: sed tu Domine vsquequo?

Conuertere Domine, & eripe animam meam: saluum me fac propter misericordiam tuam.

Quoniam non est in morte qui memor sit tui: in inferno autem quis confitebitur tibi?

Laborauit in gemitu meo, lauabo per singulas noctes lectum meum, lacrymis meis stratum meum rigabo.

Turbatus est à furore oculus meus, inueteraui inter omnes inimicos meos.

Discedite à me omnes qui operamini iniquitatem: quoniam exaudiuit Dominus vocem fletus mei.

Exaudiuit Dominus deprecationem meam, Dominus orationem meam suscepit.

Rubescant & conturbentur vehementer omnes inimici mei, conuertantur & erubescant valde velociter.

Gloria Patri.

Psalmus xxxj.

Beatissimi, quorum remissa sunt iniquitates: & quorum testa sunt peccata. **B**eatus vir, cui non imputauit Dominus peccatum: nec est in spiritu eius dolus.

Quoniam tacui, inueterauerunt ossa mea: dum clamarem tota die.

Quoniam die ac nocte grauata est super me manus tua: conuersus sum in ærumna mea, dum configitur spina.

Dilectum meum cognitum tibi feci: & iniustitiam meam non abscondi.

Dixi, confitebor aduersum me iniustitiam meam Domino: & tu remisisti impietatem peccati mei.

Pro hac orabit ad te omnis sanctus in tempore opportuno.

Veruntamen in diluuio aquarum multarum ad eum non approximabunt.

Tu es refugium meum à tribulatione, quæ circumdedit me: exultatio mea erue me à circumdantibus me.

In intellectum tibi dabo, & instruam te in via hac, qua gradieris: firmabo super te oculos meos.

Nolite

Nolite fieri sicut equus & mulus: quibus non est intellectus.

In camo & freno maxillas eorum constringe: qui non approximant ad te.

Multa flagella peccatoris: sperantem autem in Domino misericordia circumdabit.

Lætamini in Domino, & exultate iusti: & gloriamini omnes recti corde.

Gloria Patri.

Psalmus xxxvij.

Domine ne in furore tuo arguas me: neque in ira tua corripas me. Quoniam sagittæ tuæ infixæ sunt mihi: & confirmasti super me manum tuam.

Non est sanitas in carne mea à facie ire tuæ: non est pax ossibus meis à facie peccatorum meorum.

Quoniam iniquitates meæ supergressæ sunt caput meum: & sicut onus graue grauata sunt super me.

Putruerunt & corruptæ sunt cicatrices meæ: à facie insipientiæ meæ.

Miser factus sum, & curuatus sum vsque in finem: tota die contristatus ingrediebar.

Quoniam lumbi mei impleti sunt illationibus: & non est sanitas in carne mea.

Afflictus sum, & humiliatus sum nimis: rugiebam à gemitu cordis mei.

Domine, ante te omne desiderium meum: & gemitus meus à te non est absconditus.

Cor meum conturbatum est, dereliquit me virtus mea: & lumen oculorum meorum, & ipsum non est in me.

Amici mei, & proximi mei: aduersus me appropinquauerunt, & detulerunt.

Et qui iuxta me erant, de longè steterunt: & vim faciebant qui quærebant animam meam.

Et qui inquirebant mala mihi, locuti sunt vanitates: & dolos tota die meditabantur.

Ego autem tanquàm surdus non audiebam: & sicut mutus non aperiens os suum.

Et factus sum sicut homo non audiens: & non habens in ore suo redargutiones.

Quoniam in te Domine speraui: tu exaudies me Domine Deus meus.

Quia dixi, nequando supergandeant mihi inimici mei: & dum commouentur pedes mei, super me magna locuti sunt.

Quoniam ego in flagella paratus sum: & dolor meus in conspectu meo semper.

Quoniam iniquitatem meam annuntiabo: & cogitabo pro peccato meo.

Inimici autem mei viuunt, & confirmati sunt super me: & multiplicati sunt qui oderunt me iniquè.

Qui retribuunt mala pro bonis, detrahebant mihi: quoniam sequebar bonitatem.

Ne derelinquas me Domine Deus meus : ne discesseris à me .

Intende in adiutorium meum : Domine Deus salutis meæ .

Gloria Patri .

Psalmus L.

Miserere mei Deus : secundum magnam misericordiam tuam .
Et secundum multitudinem miserationum tuarum : dele iniquitatem meam .

Amplius laua me ab iniquitate mea : & à peccato meo munda me .

Quoniam iniquitatem meam ego cognosco : & peccatum meum contra me est semper .

Tibi soli peccaui , & malum coram te feci : vt iustificeris in sermonibus tuis , & vincas cum iudicaris .

Ecce enim in iniquitatibus conceptus sum : & in peccatis concepit me mater mea .

Ecce enim veritatem dilexisti : incerta , & occulta sapientiæ tuæ manifestasti mihi .

Asperges me Domine hyssopo , & mundabor : lauabis me , & super niuem dealabor .

Auditui meo dabis gaudium & lætitiā : & exultabunt ossa humiliata .

Auerte faciem tuam à peccatis meis : & omnes iniquitates meas dele .

Cor mundum crea in me Deus : & spiritum rectum in noua in visceribus meis .

Ne proicias me à facie tua : & spiritum sanctum tuum ne auferas à me .

Redde mihi lætitiā salutaris tui : & spiritu principali confirma me .

Docebo iniquos vias tuas : & impii & ne conuertentur .

Libera me de sanguinibus Deus : Deus salutis meæ : & exultabit lingua iustitiarum tuarum .

Domine labia mea aperies : & os meum annuntiabit laudem tuam .

Quoniam si voluisses sacrificium , dedissem utique : holocaustis non delectaberis .

Sacrificium Deo spiritus contribulatus : cor contritum , & humiliatum Deus non despicies .

Benignè fac Domine in bona voluntate tua Sion : vt ædificentur muri Hierusalem .

Tunc acceptabis sacrificium iustitiæ , oblationes , & holocausta : tunc imponent super altare tuum vitulos .

Gloria Patri .

Psalmus cx.

Domine exaudi orationem meam : & clamor meus ad te veniat .

Non auertas faciem tuam à me : in quacunque die tribulor , inclina ad me aurem tuam .

In quacunque die inuocauero te : velociter exaudi me .

Quia defecerunt sicut fumus dies mei : & ossa mea sicut cinis aruerunt .

Percussus sum vt fœnum , & aruit cor meum : quia oblitus sum comedere panem meum .

A voce

A voce gemitus mei: adhæsit os meum carni meæ.
Similis factus sum pellicano solitudinis: factus sum sicut nycticorax in domicilio.
Vigilaui: & factus sum sicut passer solitarius in tecto.
Tota die exprobrabant mihi inimici mei: & qui laudabant me, aduersum me iurabant.
Quia cinerem tanquam panem manducabam: & potum meum cum fletu miscebam.
A facie iræ indignationis tuæ: quia eleuans allisisti me.
Dies mei sicut umbra declinauerunt: & ego sicut ignem arui.
Tu autem Domine in æternum permanes: & memoriale tuum in generationem, & generationem.
Tu exurgens misereberis Sion: quia tempus miserendi eius, quia venit tempus.
Quoniam placuerunt seruis tuis lapides eius: & terræ eius miserebuntur.
Et timebunt gentes nomen tuum Domine: & omnes reges terræ gloriam tuam.
Quia ædificauit Dominus Sion: & videbitur in gloria sua.
Respexit in orationem humilium: & non spreuit preces eorum.
Scribantur hæc in generatione altera: & populus qui creabitur laudabit Dominum.
Quia prospexit de excelsu sancto suo: Dominus de coelo in terram aspexit.
Vt audiret gemitus compeditorum: & solueret filios interemptorum.
Vt annunciet in Sion nomen Domini: & laudem eius in Hierusalem.
In conueniendo populos in vnum: & ego vt seruiant Domino.
Respondit ei in via virtutis suæ: paucitatem dierum meorum nuncia mihi.
Ne reuoces me in dimidio dierum meorum: in generationem, & generationem anni tui.
Initio tu Domine terram fundasti: & opera manuum tuarum sunt coeli.
Ipsi peribunt, tu autem permanes: & omnes sicut vestimentum veterascent.
Et sicut opertorium mutabis eos, & mutabitur: tu autem idem ipse es, & anni tui non deficient.
Filij seruorum tuorum habitabunt: & semen eorū in seculum dirigetur.
Gloria patri. Psalms cxxix.
De profundis clamaui ad te Domine: Domine exaudi vocem meam.
Fiant aures tuæ intendentes: in vocem deprecationis meæ.
Si iniquitates obseruaueris Domine: Domine quis sustinebit?
Quia apud te propitiatio est: & propter legem tuam sustinui te Domine.
Sustinuit anima mea in verbo eius: sperauit anima mea in Domino.
A custodia matutina usque ad noctem: speret Israel in Domino.
Quia apud Dominum misericordia: & copiosa apud eum redemptio.

Et ipse redimet Israel: ex omnibus iniquitatibus eius.

Gloria patri.

Psalmus cxlii.

Domine exaudi orationem meam, auribus percipe obsecrationem meam in veritate tua: exaudi me in tua iustitia.

Et non intres in iudicium cum seruo tuo: quia non iustificabitur in conspectu tuo omnis viuens.

Quia persecutus est inimicus animam meam: humiliavit in terra vitam meam.

Collocavit me in obscuris sicut mortuos seculi: & anxius est super me spiritus meus, in me turbatum est cor meum.

Memor fui dierum antiquorum; meditatus sum in omnibus operibus tuis: in factis manuum tuarum meditabar.

Expandi manus meas ad te: anima mea sicut terra sine aqua tibi.

Velociter exaudi me Domine: defecit spiritus meus.

Non auertas faciem tuam à me: & similis ero descendentibus in lacum.

Auditam fac mihi mane misericordiam tuam: quia in te speravi.

Notam fac mihi viam, in qua ambulam: quia ad te leuavi animam meam.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Spiritus tuus bonus deducet me in terram rectam: propter nomen tuum Domine viuificabis me in æquitate tua.

Educes de tribulatione animam meam: & in misericordia tua disperdes omnes inimicos meos.

Et perdes omnes, qui tribulant animam meam: quoniam ego seruus tuus sum.

Gloria Patri &c. *Antiph.* Ne commiscaris Domine delicta nostra, vel parentum nostrorum, neque vindictam sumas de peccatis nostris.

LITANIAE.

Kyrie eleison. **C**hriste eleison. **K**yrie eleison. **C**hriste audi nos.

Christe exaudi nos.

Pater de coelis Deus, miserere nobis.

Fili redemptor mundi Deus, miserere nobis.

Spiritus sancte Deus, miserere nobis.

Sancta Trinitas vnus Deus, miserere nobis.

Sancta Maria ora pro nobis.

Sancta Dei genitrix ora.

Sancta virgo virginum ora.

Sancte Michael ora.

Sancte Gabriel ora.

Sancte Raphael ora.

Omnes sancti Angeli, & Archangeli, orate pro nobis.

Omnes sancti beatorum spirituum ordines, orate.

Sancte Ioannes Baptista ora.

Omnes sancti Patriarchæ, & Prophetae, orate.

Sancte

S ancte Petre	ora.
S ancte Paule	ora.
S ancte Andrea	ora.
S ancte Iacobe	ora.
S ancte Ioannes	ora.
S ancte Thoma	ora.
S ancte Iacobe	ora.
S ancte Philippe	ora.
S ancte Bartholomæ	ora.
S ancte Marthæ	ora.
S ancte Simon	ora.
S ancte Thadæ	ora.
S ancte Matthia	ora.
S ancte Barnaba	ora.
S ancte Luca	ora.
S ancte Marce	ora.
O mnes sancti Apostoli, & Euangelistæ	orate.
O mnes sancti discipuli Domini,	orate.
O mnes sancti Innocentes,	orate.
S ancte Stephane	ora.
S ancte Laurenti	ora.
S ancte Vincenti	ora.
S ancti Fabiane, & Sebastiane,	orate.
S ancti Ioannes, & Paule,	orate.
S ancti Cosma, & Damiane,	orate.
S ancti Geruasi, & Protasi,	orate.
O mnes sancti Martyres,	orate.
S ancte Syluester	ora.
S ancte Gregori	ora.
S ancte Ambrosi	ora.
S ancte Augustine	ora.
S ancte Hieronyme	ora.
S ancte Martine	ora.
S ancte Nicolae	ora.
O mnes sancti Pontifices & Confessores,	orate.
O mnes sancti Doctores,	orate.
S ancte Benedicte	ora.
S ancte Antoni	ora.
S ancte Bernarde	ora.
S ancte Dominice	ora.
S ancte Francisce	ora.
O mnes sancti Sacerdotes & Leuitæ,	orate.
O mnes sancti Monachi, & Eremitæ,	orate.
S ancta Maria Magdalena	ora.

S ancta Agatha	ora.
S ancta Lucia	ora.
S ancta Agnes	ora.
S ancta Cæcilia	ora.
S ancta Catharina	ora.
S ancta Anastasia	ora.
O mnes sanctæ virgines, & viduæ,	orate.
O mnes sancti, & sanctæ Dei,	intercedite pro nobis.
P ropitius esto,	parce nobis Domine.
P ropitius esto,	exaudi nos Domine.
A b omni malo,	libera nos Domine.
A b omni peccato,	libera.
A b ira tua,	libera.
A subitanea, & improuisa morte,	libera.
A b insidijs diaboli,	libera.
A b ira, odio, & omni mala voluntate,	libera.
A spiritu fornicationis,	libera.
A fulgure, & tempestate,	libera.
A morte perpetua,	libera.
P er mysterium sanctæ incarnationis tuæ,	libera.
P er aduentum tuum,	libera.
P er natiuitatem tuam,	libera.
P er Baptismum, & sanctum ieiunium tuum,	libera.
P er crucem & passionem tuam,	libera.
P er mortem, & sepulturam,	libera.
P er sanctam resurrectionem,	libera.
P er admirabilem ascensionem tuam,	libera.
P er aduentum Spiritus sancti paracliti,	libera.
I n die iudicij,	libera.
P eccatores,	te rogamus audi nos.
V t nobis parcas,	te rog.
V t nobis indulgeas,	te rog.
V t ad veram poenitentiam nos perducere digneris,	te rog.
V t ecclesiam tuam sanctam regere, & conseruare digneris,	te rog.
V t Domnum Apostolicum, & omnes ecclesiasticos ordines in sancta religione conseruare digneris,	te rog.
V t inimicos sanctæ Ecclesiæ humiliare digneris,	te rog.
V t regibus, & principibus Christianis pacem, & veram concordiam donare digneris,	te rog.
V t cuncto populo Christiano pacem, & vnitatem largiri digneris,	te rog.
T t nosmetipsos in tuo sancto seruitio confortare, & conseruare di- gneris,	te rog.
V t mentes nostras ad cœlestia desideria erigas,	te rog.
V t omnibus benefactoribus nostris sempiterna bona retribuas,	te rog.
	V t

Vt animas nostras, fratrum, propinquorum, & benefactorum nostrorum ab æterna damnatione eripias, te rog.
Vt fructus terræ dare, & conseruare digneris, te rog.
Vt omnibus fidelibus defunctis requiæ æternâ donare digneris, te rog.
Vt nos exaudire digneris, te rog.
Fili Dei, te rog.
Agnus Dei, qui tollis peccata mundi, parce nobis Domine.
Agnus Dei, qui tollis peccata mundi, exaudi nos Domine.
Agnus Dei, qui tollis peccata mundi, miserere nobis.
Christe audi nos. **C**hriste exaudi nos. **K**yrie eleison. **C**hriste eleison.
Kyrie eleison. **P**ater noster. **Secr.** ✠ Et ne nos inducas in tentationem. **R.** Sed libera nos à malo. **Psalmus LXXIX.**

Deus in adiutorium meum intende: Domine ad adiuuandum me festina.

Confundantur, & reuereantur: qui quærunt animam meam.
Auertantur retrorsum, & erubescant: qui volunt mihi mala.
Exultent & latentur in te omnes qui quærunt te: & dicant semper, magnificetur Dominus, qui diligunt salutare tuum.
Ego verò egenus, & pauper sum: Deus adiuua me.
Adiutor meus, & liberator meus es tu: Domine ne moreris.
Gloria Patri. ✠ Saluos fac seruos tuos. **R.** Deus meus sperantes in te.
 ✠ Esto nobis Domine turris fortitudinis. **R.** A facie inimici.
 ✠ Nihil proficiat inimicus in nobis.
 ✠ Et filius iniquitatis non apponat nocere nobis.
 ✠ Domine non secundum peccata nostra facias nobis.
 ✠ Neque secundum iniquitates nostras retribuas nobis.
 ✠ Oremus pro Pontifice nostro **N.**
 ✠ Dominus conseruet eum, & viuificet eum, & beatum faciat eum in terra, & non tradat eum in animam inimicorum eius.
 ✠ Oremus pro benefactoribus nostris.
 ✠ Retribuere dignare Domine omnibus nobis bona facientibus propter nomen tuum vitam æternam.
 ✠ Oremus pro fidelibus defunctis.
 ✠ Requiem æternam dona eis Domine, & lux perpetua luceat eis.
 ✠ Requiescant in pace. **R.** Amen.
 ✠ Pro fratribus nostris absentibus.
 ✠ Saluos fac seruos tuos, Deus meus sperantes in te.
 ✠ Mitte eis Domine auxilium de sancto.
 ✠ Et de Sion tuere eos.
 ✠ Domine exaudi orationem meam.
 ✠ Et clamor meus ad te veniat. **O**remus. **Oratio pro peccatis.**

Deus cui proprium est misereri semper, & parcere, suscipe deprecationem nostram: vt nos, & omnes famulos tuos, quos delictorum catena constringit, miseratio tuæ pietatis clementer absoluat.

Exaudi

Exaudi, quæsumus Domine, supplicum preces, & confitentium tibi parce peccatis: vt pariter nobis indulgentiam tribuas benignus & pacem.

Ineffabilem nobis Domine misericordiam tuam clementer ostende: vt simul nos, & à peccatis omnibus exuas, & à pœnis, quas pro his meremur, eripias.

Deus, qui culpa offenderis, pœnitentia placaris: preces populi tui supplicantis propitius respice: & flagella tuæ iracundiæ, quæ pro peccatis nostris meremur, auerte.

Pro Pontifice.

Omnipotens sempiterne Deus, miserere famulo tuo Pontifici nostro **N.** & dirige eum secundum tuam clementiam in viam salutis æternæ, vt te donante tibi placita cupiat, & tota virtute perficiat.

Pro pace.

Deus à quo sancta desideria, recta consilia, & iusta sunt opera: da seruis tuis illam, quam mundus dare non potest pacem: vt & corda nostra mandatis tuis dedita, & hostium sublata formidine, tempora sint tua protectione tranquilla.

Pro tuenda castitate.

Vre igne sancti Spiritus renas nostros & cor nostrum Domine: vt tibi casto corpore seruiamus, & mundo corde placeamus.

Pro fidelibus defunctis.

Fidelium Deus omnium conditor, & redemptor, animabus famulorum, famularumq. tuarum remissionem cunctorum tribue peccatorum: vt indulgentiam, quam semper optauerunt, pijs supplicationibus consequantur.

Pro nostris actionibus.

Actiones nostras, quæsumus Domine, aspirando præueni, & adiuvando prosequere: vt cuncta nostra oratio & operatio à te semper incipiat, & per te cœpta finiatur.

Pro viuis & defunctis.

Omnipotens sempiterne Deus, qui viuorum dominaris, simul & mortuorum, omniumq. misereris, quos tuos fide, & opere futuros esse prænoscis, te supplices exoramus: vt pro quibus effundere preces decreuimus, quosque vel præsens seculum adhuc in carne retinet, vel futurum iam exutos corpore suscepit, intercedentibus omnibus sanctis tuis, pietatis tuæ clementia omnium delictorum suorum veniam consequantur. Per Dominum nostrum. **R.** Amen.

V. Domine exaudi orationem meam.

R. Et clamor meus ad te veniat.

V. Exaudiat nos omnipotens & misericors Dominus. **R.** Amen.

V. Fidelium animæ per misericordiam Dei, requiescant in pace.

R. Amen.

Qui presentes sunt, omnes Deo pro infirmo preces fundant, & ad eas habendas, à Sacerdote piè inducantur.

Interim dum Psalmi recitantur, vel cum recitati fuerint secundum temporis opportunitatem, Sacerdos intincto pollice in sancto Oleo infirmorum, dicat absolute.

IN nomine Patris + & Filij + & Spiritus sancti + extinguatur in te omnis virtus diaboli per impositionem manuum nostrarum, imò per inuocationem omnium sanctorum Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum. *R.* Amen.

Quo dicto, faciat signum Crucis de Oleo prædicto in corpore ægri in septem locis subscriptis, ad vnamquamque Crutem, & in quolibet loco propriam orationem dicendo.

Ad oculos.

Per istam sanctam Vnctionem + & suam piissimam misericordiam indulgeat tibi Dominus quicquid oculorum vitio deliquisti. *R.* Amen.

Minister vero qui sit in sacris, vel ipsemet Presbyter tergat locum inunctum bambacio vel stupa: quod faciat post quamlibet Vnctionem: & bambacium seu stupa ponatur in vase mundo, quod deferatur ad Ecclesiam, vbi comburitur, & cineres projiciuntur in sacrarium.

Ad aures.

Per istam sanctam Vnctionem + & suam piissimam misericordiam indulgeat tibi Dominus quicquid aurium vitio deliquisti. *R.* Amen.

Ad nares.

Per istam sanctam Vnctionem + & suam piissimam misericordiam indulgeat tibi Dominus quicquid narium vitio deliquisti. *R.* Amen.

Ad labia, siue ad os.

Per istam sanctam Vnctionem + & suam piissimam misericordiam indulgeat tibi Dominus quicquid linguæ vel oris vitio deliquisti. *R.* Amen.

Ad manus.

Per istam sanctam Vnctionem + & suam piissimam misericordiam indulgeat tibi Dominus quicquid tactus vitio deliquisti. *R.* Amen.

Et aduerte quod Sacerdotibus manus non inunguntur interiùs, sed exterius.

Ad pedes.

Per istam sanctam Vnctionem + & suam piissimam misericordiam indulgeat tibi Dominus quicquid incessus vitio deliquisti. *R.* Amen.

Ad lumbos, siue ad renes.

Per istam sanctam Vnctionem + & suam piissimam misericordiam indulgeat tibi Dominus quicquid lumborum seu carnis vitio deliquisti. *R.* Amen.

Hæc autem vnctio ad lumbos omittitur in muliere infirma, vt dictum est, Peractis Vnctionibus, & locis Inunctis abstergis, & Psalmis cum Litanij & precibus perlectis, Sacerdos dicit:

K yrie eleison. **C** hriste eleison. **K** yrie eleison.

P

Pater

Pater noster. Et ne nos inducas:

✠ Saluum fac seruum tuum. *R.* Deus meus sperantem in te.

✠ Mitte ei Domine auxilium de sancto. *R.* Et de Sion tuere eum.

✠ Esto ei Domine turris fortitudinis. *R.* A facie inimici. ✠ Nihil proficiat inimicus in eo. *R.* Et filius iniquitatis non apponat nocere ei.

✠ Domine exaudi orationem meam. *R.* Et clamor meus ad te veniat.

✠ Dominus vobiscum. *R.* Et cum spiritu tuo.

Oremus.

Oratio.

Domine Deus, qui per Apostolum tuū locutus es: Infirmatur quis in vobis? inducat presbyteros Ecclesiæ, & orent super eum; vngentes eum oleo in nomine Domini; & oratio fidei saluabit infirmum, & alleuiabit eum Dominus, & si in peccatis sit remittentur ei: cura quæsumus redemptor noster gratia sancti Spiritus languores istius infirmi, eiusq. sana vulnera, & dimitte peccata, atque dolores cunctos mentis & corporis ab eo expelle; plestiq. ei interius exteriusq. sanitatem; misericorditer redde; vt ope misericordiæ tuæ restitutus ad pristina reparetur officia. Qui cum Patre & Spiritu sancto viuus & regnas in secula seculorum. *R.* Amen.

Oremus.

Oratio.

Respice quæsumus Domine famulum tuum **N.** in infirmitate sui corporis fatiscentem, & animam resoue quam creasti; vt castigationibus emendatus, se tua sentiat medicina saluatum. Per Christum Dominum nostrum. *R.* Amen.

Oremus.

Oratio.

Domine sancte Pater omnipotens æternæ Deus, qui benedictionis tuæ gratiam ægris infundendo corporibus, facturam tuam multiplici pietate custodis, ad invocationem tui nominis benignus assiste, vt famulum tuum **N.** ab ægritudine liberatum & sanitati donatum, dextera tua erigas, virtute confirmes, potestate tuearis, atque Ecclesiæ tuæ, sanctisq. altaribus tuis cum omni desiderata prosperitate restituas. Per Christum Dominum nostrum. *R.* Amen.

Oremus.

Oratio, seu benedictio.

Dominus Iesus Christus apud te sit, ✠ vt te defendat; intra te sit, ✠ vt te reficiat; circa te sit, ✠ vt te conseruet; ante te sit, ✠ vt te deducat; post te sit, ✠ vt te custodiat; super te sit, ✠ vt te benedicat. Qui in Trinitate perfecta viuit & regnat in secula seculorū. *R.* Amen.

Alia benedictio, si per tempus licet.

Oremus.

Benedicat te Deus Pater, sanctificet te Deus Filius, illuminet te Deus Spiritus sanctus, corpus tuum custodiat, animam tuam saluet, cor tuum irradiet, sensum tuum dirigat, gratiam suam ad profectū animæ tuæ in te augeat, dextera sua te defendat; qui sanctos suos semper adiuvat, ipse te adiuuare & consolari dignetur. Qui in Trinitate perfecta viuit & regnat Deus in secula seculorum. *R.* Amen.

Alia benedictio.

Oremus.

Benedicat te Deus Pater, qui in principio cuncta creauit; benedicat te Deus Filius, qui de supernis sedibus pro nobis Saluator descendis; benedicat

nedicat te Deus Spiritus sanctus qui in similitudine columbæ in flumine Iordanis requieuit in Christo; ipseq. te in Trinitate sanctificet, quem omnes gentes venturum expectant ad iudicium. Qui cum Patre & Spiritu sancto uiuit & regnat Deus in secula seculorum. *Re. Amen.*

Quibus peractis faciat ei, si videbitur, pro qualitate personæ, & si sensum, auditus non amisit, ardentibus seu efficacibus verbis aliquas monitiones, vt speret & confidat in Domino, hoc præsertim Sacramento munitus, non cedat nec consentiat tentationibus inimici, sed semper habeat memoriam passionis Domini nostri Iesu Christi, quam pertulit in corpore suo pro peccatis nostris. Et ad auertendas & fugandas diaboli insidias sapius se signet signo Crucis, & ex corde inuocet dulcissimum nomen Iesu nostri Saluatoris, in quo solo nos oportet saluos fieri, excitando cum ad desiderium vitæ æternæ, & ad spem de diuina misericordia retinendam.

Tum relinquat crucē, vt maneat coram infirmo, qui in eam aspiciat, cuiq. sui administri & domestici præbeant sæpè complectendā & osculandā. Illos etiam admoneat, vt si morbus ingrauescat ad mortem, vel infirmus incipiat agonizare, ipsi significant, vel statim accersant ad eius animam Domino commendandam.

Et demum, vt venerat, reuertitur ad Ecclesiam.

Benedictio Cineris & cilicij pro moriente vel mortuo.

Benedictio cineris & cilicij cū aliquis religiosus vel clericus moriens, ex instituto seu consuetudine illa suscipere debet: vel aliquis vir pius decedens, ex pœnitentia aut deuotione, suscipere optat, aut postulat, vt sibi morienti vel mortuo imponantur.

Benedictio cinerum, qui in aliquo vase habeantur.

Sacerdos superpelliceo & stola indutus, dicit.

- ✠. Adiutorium nostrū in nomine Domini. *Re. Qui fecit cœli & terram.*
- ✠. Domine exaudi orationem meam. *Re. Et clamor meus ad te veniat.*
- ✠. Dominus vobiscum. *Re. Et cum spiritu tuo.*

O remus.

Oratio.

Deus, qui non mortem, sed pœnitentiam desideras peccatorum, fragilitatem conditionis humanæ benignissimè respice, & hos cineres, quos causa præferenda humilitatis, atque promerenda veniæ suscepturus est famulus tuus, benedicere ✠ pro tua pietate digneris vt qui fecerem esse ob prauitatis suæ meritum, & in puluerem reuersurus cognoscit, peccatorum omnium veniam, & præmia pœnitentibus repromissa à te misericorditer consequi mereatur. Per Christum Dominum nostrum. *Re. Amen.*

Exorcismus cineris.

Exorcizo te cinis, in nomine Dei Patris + omnipotentis, & in nomine Iesu Christi + filij eius, & Spiritus sancti, + qui te per ignem in famulam conuertij præcepit, vt sicut iussione Dei per sanctum famulum suum Moysen cinis vitulæ in populo aspersus, omnem congregationem Israel sanctificauit; ita & tu exorcizatus in nomine sanctæ Trinitatis, & in terra & cilicio aspersus, efficias vt in famulo Dei non lateat diabolus, sed manifestetur atque expellatur, vt purus & sincerus inueniatur. Per eundem Christum Dominum nostrum, qui venturus est indicare viuos & mortuos, & seculum per ignem. *R. Amen.*

Benedictio Cilicij.

Benedic + Domine hoc cilicium, quod famulus tuus pro humilitate & poenitudinis suæ deuotione indui appetit, vt sicut Niniuitarum populo in cinere & cilicio poenitenti pepercisti: ita famulus tuus humiliationis & professionis suæ hoc indurus vestimento, à te creatore suo omnium percipiat incrementa virtutum, & cunctorum indulgentiam consequatur delictorum. Per Christum Dominum nostrum.

R. Amen.

Tunc aspergat cinerem & cilicium aqua benedicta. Deinde extendatur cilicium in terra, & Sacerdos faciat crucem super illud de cinere benedicto, & aspergat aqua benedicta: tum plicet illud & ostendat ipsi infirmo cognoscendum & præbeat osculandum.

Deinde aspergat cineres super infirmum, & tunc faciat crucem de cinere cum aqua benedicta mista cineri super pectus eius & dicat.

Recordare quia cinis es, & in cinerem reuerteris.

Et rursus Sacerdos dicit ad illum.

Placent tibi cinis & cilicium ad testimonium poenitentiae tuæ ante Deum in die iudicij? *R. Placent.*

Et tunc Sacerdos superponens ei cilicium, dicit.

Cilicium confessionis & poenitentiae indumentum tibi imponimus, vt per confessionem & poenitentiam, omnium peccatorum sordibus emundari merearis: quatenus vestimentis indutus exultationis atque laticitiae, in palatium Regis æterni securus & gaudens valseas introire. Per Christum Dominum nostrum. *R. Amen.*

Postea Sacerdos subdit.

Apus Dominum misericordia est, & copiosa apud eum redemptio: Ita enim lapsis hominibus subuenit, vt non solum per Baptismi & Confirmationis gratiam, sed etiam per Poenitentiae & Vnctionis medicinam spiritus humanus vitæ reparetur æternæ. **I**nfirmus, vel alius pro eo respondet: Deo gratias.

Si autem infirmus iam mortuus fuerit, similiter eum cineribus aspergat, cilicio induat, vel illud super eum, vel sub eo ponat.

ORDO COMMENDATIONIS

animæ.



Eracta vnctione, fiat commendatio animæ, si infirmus est ad eò grauatus, vt de eius vtra dubitetur: si verò non dubitatur, quòd citò moriatur; expectetur aliquantum, & postea ita fiat.

Primum dicuntur Litanie breues in hunc modum.

Kyrie eleison.

Christe eleison.

Kyrie eleison.

Sancta Maria

Et si est fœmina, dicatur, pro ea.

ora pro eo.

Sancte Michael Archangele

ora.

Omnes sancti Angeli & Archangeli

orate.

Sancte Abel

ora.

Omnis chorus iustorum

orate.

Sancte Abraham

ora.

Sancte Ioannes Baptista

ora.

Omnes sancti Patriarchæ & Prophetæ

orate.

Sancte Petre

ora.

Sancte Petre

ora.

Sancte Paule

ora.

Sancte Paule

ora.

Sancte Andrea

ora.

Sancte Ioannes

ora.

Omne sancti Apostoli & Euangelistæ.

orate.

Omnes sancti Discipuli Domini

orate.

Omnes sancti Innocentes

orate.

Sancte Stephane

ora.

Sancte Laurenti

ora.

Omnes sancti Martyres

orate.

Sancte Siluester

ora.

Sancte Gregori

ora.

Sancte Augustine

ora.

Omnes sancti Pontifices & Confessores

orate.

Omnes sancti Doctores

orate.

Sancte Antoni

ora.

Sancte Benedicte

ora.

Sancte Dominice

ora.

Sancte Francisce

ora.

Omnes sancti Sacerdotes & Leuitæ

orate.

Omnes sancti Monachi & Eremitæ

Sancta Maria Magdalena

Sancta Lucia

Sancta Agnes

Sancta Cæcilia

Omnes sanctæ virgines & viduæ,

Omnes sancti & sanctæ Dei,

Propitius esto,

Propitius esto,

Ab ira tua

A mala morte

A periculo mortis

A poenis inferni

A potestate diaboli

Ab omni malo

Per Natiuitatem tuam

Per crucem & passionem tuam

Per mortem & sepulturam tuam

Per gloriosam resurrectionem tuam

Per admirabilem ascensionem tuam

Per gratiam Spiritus sancti paracliti

In die iudicii

Peccatores,

Vt ei parcas

Kyrie eleison.

Christe eleison.

Kyrie eleison.

Deinde cum in agone sui exitus anima visa fuerit anxii, dicantur sequentes orationes.

Oratio.

Proficiſcere anima Christiana de hoc mundo, in nomine Dei Patris omnipotentis, qui te creauit; in nomine Iesu Christi filij Dei viui, qui pro te passus est: in nomine Spiritus sancti, qui in te effusus est: in nomine Angelorum & Archangelorum: in nomine Thronorum & Dominationum: in nomine Principatum & Potestatum: in nomine Cherubim & Seraphim: in nomine Patriarcharum & Prophetarum: in nomine sanctorum Apostolorum & Euangelistarum: in nomine sanctorum Martyrum & Confessorum: in nomine sanctorum Sacerdotum & Leuitarum: in nomine sanctorum Monachorum & Eremitarum: in nomine sanctarum Virginum & omnium Sanctorum & Sanctarum Dei: hodieſit in pace locus tuus, & habitatio tua in sancta Sion. Per eundem Christum Dominum nostrum. **℟.** Amen.

Oremus.

Oratio.

Deus misericors, Deus clemens, Deus qui secundum multitudinem miserationum tuarum peccata penitentium deles; & preteritorum

rum

orate pro eo.

ora.

ora.

ora.

ora.

orate.

intercedite pro eo.

parce ei Domine.

libera eum Domine.

libera.

libera.

libera.

libera.

libera.

libera.

libera.

libera.

libera.

libera.

libera.

libera.

libera.

te rogamus audi nos.

te rogamus exaudi nos.

rum criminum culpas venia remissionis euacuas: respice propitius super hunc famulum tuum **N.** & remissionem omnium peccatorum suorum tota cordis confessione poscentem, deprecatus exaudi. Renoua in eo piissime pater quicquid terrena fragilitate corruptum, vel quicquid diabolica fraude violatum est; & vnitati corporis Ecclesiæ membrum redemptionis annecte. Misere Domine gemitum, misere lacrymarum eius, & non habentem fiduciam nisi in tua misericordia, ad tuæ Sacramentum reconciliationis admitte. Per Christum Dominum nostrum **R.** Amen.

Oramus.

Oratio.

Commendo te omnipotenti Deo, charissime frater, vel charissima soror, & ei cuius es creatura committo, ut cum humanitatis debitum morte interueniente persolueris, ad auctorem tuum, qui te de limbo terræ formauerat, reuertaris. Egrediens itaque animæ tuæ de corpore splendidus Angelorum cœtus occurrat: iudex Apostolorum tibi Senatus adueniat: candidatorum tibi Martyrum triumphator exercitus obuiet: liliata rutilantium te Confessorum turba circundet: iubilantium te Virginum chorus excipiat, & beatæ quietis in sinu Patriarcharum te complexus adstringat: mitis atque testius Christi Iesu tibi aspectus appareat, qui te inter assistentes sibi iugiter interesse decernat. Ignoret omne quod horret in tenebris, quod stridet in flammis, quod cruciat in tormentis. Cedat tibi terribilissimus Satanas cum satellitibus suis, in aduentu tuo te comitantibus Angelis contremiscat, atque in æternæ noctis chaos immane diffugiat. Exurgat Deus, & dissipentur inimici eius, & fugiant qui oderunt eum à facie eius. Sicut deficit fumus, deficiant: sicut fluit cera à facie ignis, sic pereant peccatores à facie Dei, & iusti epulentur & exultent in conspectu Dei. Confundantur igitur & erubescant omnes Tartaræ legiones, & ministri Satanae iter tuum impedire non audeant. Liberet te à cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Filius Dei viui intra paradisi sui semper amœna virentia, & inter oues suas te verus ille pastor agnoscat. Ille ab omnibus peccatis tuis te absoluat, atque ad dexteram suam in electorum suorum te sorte constituat. Redemptorem tuum facie ad faciem videas, & præsens semper assistens, manifestissimam beatis oculis aspicias veritatem. Constitutus igitur inter agmina beatorum, contemplationis diuinæ dulcedine potiaris in secula seculorum. **R.** Amen.

Oramus.

Oratio.

Suscipe Domine seruum tuum vel ancillam tuam in locum sperandæ sibi saluationis à misericordia tua. **R.** Amen.

Libera Domine animam serui tui, vel ancillæ tuæ, ex omnibus periculis inferni, & de laqueis poenarum, & ex omnibus tribulationibus.

R. Amen.

- L**ibera Domine animam serui tui, sicut liberaſti Enoch & Eliam de communi morte mundi. *R.* Amen.
- L**ibera Domine animam serui tui, sicut liberaſti Noe de diluuiio. *R.* Amen.
- L**ibera Domine animam serui tui, sicut liberaſti Abraham de Vr Chaldæorum. *R.* Amen.
- L**ibera Domine animam serui tui, sicut liberaſti Iob de passionibus suis. *R.* Amen.
- L**ibera Domine animam serui tui, sicut liberaſti Isaac de hostia, & de manu patris sui Abraham. *R.* Amen.
- L**ibera Domine animam serui tui, sicut liberaſti Lot de Sodomis & de flamma ignis. *R.* Amen.
- L**ibera Domine animam serui tui, sicut liberaſti Moysen de manu Pharaonis Regis Aegyptiorum. *R.* Amen.
- L**ibera Domine animam serui tui, sicut liberaſti Daniele de lacu leonum. *R.* Amen.
- L**ibera Domine animam serui tui, sicut liberaſti tres pueros, Sidrach, Misach, & Abdenago de camino ignis ardentis, & de manu Regis iniqui. *R.* Amen.
- L**ibera Domine animam serui tui, sicut liberaſti Susannam de falso crimine. *R.* Amen.
- L**ibera Domine animam serui tui, sicut liberaſti Dauid de manu Regis Saul, & de manu Goliath. *R.* Amen.
- L**ibera Domine animam serui tui, sicut liberaſti Petrum & Paulum de carceribus. *R.* Amen.
- E**t sicut beatissimam Theclam virginem & martyrem tuam de tribus atrocissimis tormentis liberaſti; sic liberare digneris animam serui tui huius, & tecum facias in bonis congaudere celestibus. *R.* Amen.

O remus.

Oratio.

Commendamus tibi Domine animam famuli tui *N.* precamurq. te Domine Iesu Christe Saluator mundi; vt propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à dijs alienis creatam; sed à te solo Deo viuo & vero; quia non est alius Deus præter te, & non est secundum opera tua. Lætifica Domine animam eius in conspectu tuo; & ne memineris iniquitatum eius antiquarum, & ebrietatum quas suscitauit furor siue feruor mali desiderij: licet enim peccauerit; tamen Patrem & Filium & Spiritum sanctum non negauit, sed credidit, & zelum Dei in se habuit, & Deum qui fecit omnia fideliter adorauit.

O remus.

Oratio.

Delecta iuuentutis & ignorantias eius quæsumus ne memineris Domine; sed secundum magnam misericordiam tuam memor esto illius in gloria claritatis tuæ. Aperiuntur ei coeli: collatentur illi Angelis in regnum tuum Domine seruum tuum suscipe. Suscipiat eum sanctus

ctus Michael Archangelus Dei, qui militiæ cœlestis meruit principatum. Veniant illi obuiam sancti Angeli Dei, & perducant eum in Civitatem cœlestem Hierusalem. Suscipiat eum beatus Petrus Apostolus, cui à Deo clauis regni cœlestis traditæ sunt. Adiuuet eum sanctus Paulus Apostolus, qui dignus fuit esse vas electionis. Intercedat pro eo sanctus Ioannes, electus Dei Apostolus, cui reuelata sunt secreta cœlestia. Orent pro eo omnes sancti Apostoli, quibus à Domino data est potestas ligandi atque soluendi. Intercedant pro eo omnes sancti & electi Dei, qui pro Christi nomine tormenta in hoc seculo sustinuerunt, vt vinculis carnis exutus peruenire mereatur ad gloriam regni cœlestis: præstante Domino nostro Iesu Christo, qui cum Patre & Spiritu sancto viuit & regnat in secula seculorum. *Et. Amen.*

Si anxietur adhuc anima, dicuntur hi Psalmi sequentes, cum deuotione & clara voce, vt moriens saltem aliqua intelligere valeat, videlicet.

Psalmus CXVII.

Confitemini Domino quoniam bonus: quoniam in seculum misericordia eius.

Dicat nunc Israel quoniam bonus: quoniam in seculum misericordia eius.

Dicat nunc domus Aaron: quoniam in seculum misericordia eius.

Dicant nunc omnes qui timent Dominum: quoniam in seculum misericordia eius.

De tribulatione inuocaui Dominum: & exaudiuit me in latitudine Dominus.

Dominus mihi adiutor: non timebo quid faciat mihi homo.

Dominus mihi adiutor: & ego despiciam inimicos meos.

Bonum est confidere in Domino, quàm confidere in homine.

Bonum est sperare in Domino, quàm sperare in principibus.

Omnes gētes circuierunt me: & in nomine Domini quia ultus sum in eos.

Circumdantes circumdederunt me: & in nomine Domini quia ultus sum in eos.

Circumdederunt me sicut apes, & exarserunt sicut ignis in spinis: & in nomine Domini quia ultus sum in eos:

Impulsus euerfus sum vt caderem: & Dominus suscepit me.

Fortitudo mea, & laus mea Dominus: & factus est mihi in salutem.

Vox exultationis, & salutis in tabernaculis iustorum.

Dextera Domini fecit virtutem: dextera Domini exaltauit me, dextera Domini fecit virtutem.

Non moriar, sed viuam: & narrabo opera Domini.

Castigans castigauit me Dominus: & morti non tradidit me.

Aperite mihi portas iustitiæ, ingressus in eas confitebor Domino: hæc porta Domini, iusti intrabunt in eam.

Confitebor tibi quoniam exaudisti me: & factus es mihi in salutem.

Lapidem, quē reprobaauerunt ædificantes: hic factus est in caput anguli.

A Do-

A Domino factum est istud : & est mirabile in oculis nostris.

Hæc est dies, quam fecit Dominus : exultemus, & lætemur in ea.

O Domine saluum me fac, ò Domine benè prosperare : benedictus qui venit in nomine Domini.

Benediximus vobis de domo Domini : Deus Dominus, & illuxit nobis.

Constituite diem solemnem in condensis, vsque ad cornu altaris.

Deus meus es tu, & confitebor tibi : Deus meus es tu, & exaltabo te.

Confitebor tibi quoniam exaudisti me : & factus es mihi in salutem.

Confitemini Domino quoniam bonus : quoniam in seculum misericordia eius.

Gloria Patri.

Psalmus cxviii.

Beatissimi immaculati in via : qui ambulant in lege Domini.

Beatissimi, qui scrutantur testimonia eius : in toto corde exquirunt eum.

Non enim qui operantur iniquitatem, in vijs eius ambulauerunt.

Tu mandasti mandata tua custodiri nimis.

Vtinam dirigantur viæ meæ, ad custodiendas iustificationes tuas.

Tunc non confundar, cum perspexero in omnibus mandatis tuis.

Confitebor tibi in directione cordis : in eo quod didici iudicia iustitiæ tuæ.

Iustificationes tuas custodiam : non me derelinquas vsquequaque.

Retribue seruo tuo, viuifica me : & custodiam sermones tuos.

Reuela oculos meos : & considerabo mirabilia de lege tua.

Incola ego sum in terra : non abscondas à me mandata tua.

Concupiuit anima mea desiderare iustificationes tuas, in omni tempore.

Increpasti superbos : maledicti qui declinant à mandatis tuis.

Aufer à me opprobrium, & contemptum : quia testimonia tua exquisiui.

Etenim sederunt principes, & aduersum me loquebantur : seruus autem tuus exercebatur in iustificationibus tuis.

Nam & testimonium tua meditatio mea est : & consilium meum iustificationes tuæ.

Legem pone mihi Domine viam iustificationum tuarum : & exquiram eam semper.

Dada mihi intellectum, & scrutabor legem tuam : & custodiam illam in toto corde meo.

Deduc me in semitam mandatorum tuorum : quia ipsam volui.

Inelina cor meum in testimonia tua : & non in auaritiam.

Auerte oculos meos ne videant vanitatem, in via tua viuifica me.

Statue seruo tuo eloquium tuum, in timore tuo.

Amputa opprobrium meum, quod suspicatus sum : quia iudicia tua iucunda.

Ecce concupiui mandata tua : in æquitate tua viuifica me.

Memor esto verbi tui seruo tuo, in quo mihi spem dedisti.

Hæc

Hæc me consolata est in humilitate mea : quia eloquium tuum viuificauit me .

Superbi iniquè agebant vsquequaque : à lege autem tua non declinaui .

Memor fui iudiciorum tuorum à seculo Domine : & consolatus sum .

Defectio tenuit me , pro peccatoribus derelinquentibus legem tuam .

Cantabiles mihi erant iustificationes tuæ , in loco peregrinationis meæ .

Memor fui nocte nominis tui Domine : & custodiui legem tuam .

Hæc facta est mihi : quia iustificationes tuas exquisiui .

Bonitatem fecisti cum seruo tuo Domine , secundum verbum tuum .

Bonitatem , & disciplinam , & scientiam doce me : quia mandatis tuis credidi .

Priusquàm humiliarer ego deliqui : propterea eloquium tuum custodiui .

Bonus es tu : & in bonitate tua doce me iustificationes tuas .

Multiplicata est super me iniquitas superborum : ego autem in toto corde meo scrutabor mandata tua .

Coagulatum est sicut lac cor eorū : ego verò legem tuam meditatus sum .

Bonum mihi quia humiliasti me : vt discam iustificationes tuas .

Bonum mihi lex oris tui , super millia auri , & argenti .

Defecit in salutare tuum anima mea : & in verbum tuum supersperaui .

Defecerunt oculi mei in eloquium tuum , dicentes : quando consolaberis me ?

Quia factus sum sicut vter in pruina : iustificationes tuas nō sum oblitus .

Quot sunt dies serui tui : quando facies de persequentibus me iudicium ?

Narrauerunt mihi iniqui fabulationes : sed non vt lex tua .

Omnia mandata tua veritas : iniquè persecuti sunt me , adiuua me .

Paulominus consummauerunt me in terra : ego autem non dereliqui mandata tua .

Secundum misericordiam tuam viuifica me : & custodiam testimonia oris tui .

Quomodo dilexi legem tuam Domine ? tota die meditatio mea est .

Super inimicos meos prudentem me fecisti mandato tuo : quia in æternum mihi est .

Super omnes docentes me intellexi : quia testimonia tua meditatio mea est .

Super senes intellexi : quia mandata tua quæsiui .

Ab omni via mala prohibui pedes meos : vt custodiam verba tua .

Aiudicijs tuis non declinaui : quia tu legem posuisti mihi .

Quam dulcia faucibus meis eloquia tua , super mel ori meo .

Amandatis tuis intellexi : propterea odiui omnem viam iniquitatis .

Iniquos odio habui : & legem tuam dilexi .

Adiu-

Adiutor, & susceptor meus es tu: & in verbum tuum superperseraui.
Decline à me maligni: & scrutabor mandata Dei mei.
Suscipe me secundum eloquium tuum, & viam: & non confundas me
 ab expectatione mea.
Adiuva me, & saluus ero: & meditabor in iustificationibus tuis semper.
Spreuisti omnes discedentes à iudicijs tuis: quia iniusta cogitatio eorum.
Prauaricantes reputaui omnes peccatores terræ: ideo dilexi testimonio
 tua.
Confige timore tuo carnes meas: à iudicijs enim tuis timui.

Mirabilia testimonia tua: ideo scrutata est ea anima mea.
Declaratio sermonum tuorum illuminat: & intellectum dat paruulis.
Os meum aperui, & attraxi spiritum: quia mandata tua desiderabam.
Aspice in me, & miserere mei, secundum iudicium diligentium nomen
 tuum.
Gressus meos dirige secundum eloquium tuum: & non dominetur mei
 omnis iniustitia.
Redime me à calumnijs hominum: vt custodiam mandata tua.
Faciem tuam illumina super seruum tuum: & doce me iustificationes
 tuas.
Exitus aquarum deduxerunt oculi mei: quia nō custodierunt legē tuam.

Clamaui in toto corde meo, exaudi me Domine: iustificationes tuas re-
 quiram.
Clamaui ad te, saluum me fac: vt custodiam mandata tua.
Preueni in maturitate, & clamaui: quia in verba tua superperseraui.
Praeuerunt oculi mei ad te diluculo: vt meditarer eloquia tua.
Vocem meam audi secundum misericordiam tuam Domine: & secun-
 dum iudicium tuum viuifica me.
Appropinquauerunt persequentes me iniquitati: à lege autem tua longē
 facti sunt.
Prope es tu Domine: & omnes viæ tuæ veritas.
Initiō cognoui de testimonijs tuis: quia in æternum fundasti ea.

Principes persecuti sunt me gratis: & à verbis tuis formidauit cor meum.
Lætabor ego super eloquia tua: sicut qui inuenit spolia multa.
Iniquitatem odio habui, & abominatus sum: legem autem tuam dilexi.
Septies in die laudem dixi tibi, super iudiciā iustitiæ tuæ.
Pax multa diligentibus legem tuam: & non est illis scandalum.
Expectabam salutare tuum Domine: & mandata tua dilexi.
Custodiuit anima mea testimonia tua: & dilexit ea vehementer.
Seruauī mandata tua, & testimonia tua: quia omnes viæ meæ in con-
 spectu tuo.
Gloria Patri, &c.

Et si

Et si tempus adhuc superest, dicantur etiam Psalmi Graduales.

Psalmus cxix.

AD Dominum cum tribularetur clamaui: & exaudiuit me.

Domine libera animam meam à labijs iniquis, & à lingua dolosa.

Quid detur tibi, aut quid apponatur tibi ad linguam dolosam?

Sagittæ potentis acutæ, cum carbonibus desolatorijs.

Heu mihi, quia incolatus meus prolongatus est: habitauit cum habitantibus Cedar: multum incola fuit anima mea.

Cum his, qui oderunt pacem, eram pacificus: cum loquebar illis, impugnabant me gratis.

Gloria Patri.

Psalmus cxx.

Leuauit oculos meos in montes, vnde veniet auxilium mihi.

Auxilium meum à Domino, qui fecit cælum & terram.

Non det in commotionem pedem tuum: neque dormitet qui custodit te.

Ecce non dormitabit, neque dormiet, qui custodit Israel.

Dominus custodit te, Dominus protectio tua, super manum dexteram tuam.

Per diem sol non vret te: neque luna per noctem.

Dominus custodit te ab omni malo: custodiat animam tuam Dominus.

Dominus custodiat introitum tuum, & exitum tuum: ex hoc nunc, & usque in seculum.

Gloria Patri.

Psalmus cxiii.

Lætatus sum in his, quæ dicta sunt mihi: In domum Domini ibimus.

Stantes erant pedes nostri, in atrijs tuis Hierusalem.

Hierusalem, quæ ædificatur vt ciuitas: cuius participatio eius in idipsum.

Illuc enim ascenderunt tribus, tribus Domini: testimonium Israel ad confitendum nomini Domini.

Quia illic federunt sedes in iudicio, sedes super domum David.

Rogate quæ ad pacem sunt Hierusalem: & abundantia diligentibus te.

Fiat pax in virtute tua: & abundantia in turribus tuis.

Propter fratres meos, & proximos meos, loquebar pacem de te.

Propter domum Domini Dei nostri, quæ suæ bona tibi.

Gloria Patri.

Psalmus cxxii.

AD te leuauit oculos meos, qui habitas in cælis.

Ecce sicut oculi seruorum, in manibus dominorum suorum.

Sicut oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri.

Miserere nostri Domine, miserere nostri: quia multum repleti sumus despectione.

Quia multum repleta est anima nostra: opprobrium abundantibus, & despectio superbis.

Gloria Patri.

Nisi quia Dominus erat in nobis, dicat nunc Israel: nisi quia Dominus erat in nobis.

Cum exurgerent homines in nos, fortè viuos deglutissent nos.

Cum iraceretur furor eorum in nos, forsitan aqua absorbuisset nos.

Torrentem pertransiuit anima nostra: forsitan pertransisset anima nostra aquam intolerabilem.

Benedictus Dominus qui non dedit nos, in captionem dentibus eorum.

Anima nostra sicut passer erepta est de laqueo venantium.

Laqueus contritus est, & nos liberati sumus.

Adiutorium nostrum in nomine Domini, qui fecit coelum & terram.

Gloria Patri.

Psalmus cxxiii.

Qui confidit in Domino, sicut mons Sion: non commouebitur in æternum, qui habitat in Hierusalem.

Montes in circuitu eius: & Dominus in circuitu populi sui, ex hoc nunc & vsque in seculum.

Quia non relinquet Dominus virgam peccatorum super sortem iustorum: vt non extendant iusti ad iniquitatem manus suas.

Benefac Domine bonis, & rectis corde.

Deuclnantes in obligationes, adducet Dominus cum operantibus iniquitatem: pax super Israel.

Gloria Patri.

Psalmus cxxv.

In conuertendo Dominus captiuitatem Sion: facti sumus sicut consolati.

Tunc repletum est gaudio os nostrum: & lingua nostra exultatione.

Tunc dicent inter gentes: Magnificauit Dominus facere cum eis.

Magnificauit Dominus facere nobiscum: facti sumus letantes.

Conuertere Domine captiuitatem nostram, sicut torrens in Austro.

Qui seminant in lacrymis, in exultatione metent.

Euntes ibant & flebant, mittentes semina sua.

Venientes autem venient cum exultatione, portantes manipulos suos.

Gloria Patri.

Psalmus cxxvi.

Nisi Dominus edificauerit domum, in vanum laborauerunt qui edificauit eam.

Nisi Dominus custodierit ciuitatem, frustra vigilat qui custodit eam.

Vanum est vobis ante lucem surgere: surgite postquam sederitis, qui manducatis panem doloris.

Cum dederit dilectis suis somnum: ecce hereditas Domini filij: merces, fructus ventris.

Sicut sagittæ in manu potentis: ita filij excussorum.

Beatus vir qui impleuit desiderium suum ex ipsis: non confundetur cum loquetur inimicis suis in porta.

Gloria Patri.

Psal-

Psalmus cxxvii.

BEati omnes, qui timent Dominum, qui ambulant in vijs eius.
 Labores manuum tuarum quia manducabis: beatus es, & benè tibi erit.

Vxor tua sicut vitis abundans, in lateribus domus tuæ.

Filij tui sicut nouellæ oliuarum, in circuitu mensæ tuæ.

Ecce sic benedicetur homo, qui timet Dominum.

Benedicat tibi Dominus ex Sion: & videas bona Hierusalem omnibus diebus vitæ tuæ.

Et videas filios filiorum tuorum, pacem super Israel.

Gloria Patri.

Psalmus cxxviii.

Sæpè expugnauerunt me à iuuentute mea, dicat nunc Israel.

Sæpè expugnauerunt me à iuuentute mea: etenim non potuerunt mihi.

Supra dorsum meum fabricauerunt peccatores: prolongauerunt iniquitatem suam.

Dominus iustus concidit ceruices peccatorum: confundantur, & conuertantur retrorsum omnes, qui oderunt Sion.

Fiant sicut foenum tectorum: quod priusquam euellatur, exaruit.

De quo non impleuit manum suam qui metit, & sinum suum qui manipulos colligit.

Et nō dixerunt qui præteribant: Benedictio Domini super vos: benediximus vobis in nomine Domini.

Gloria Patri.

Psalmus cxxix.

DE profundis clamaui ad te Domine: Domine exaudi vocem meā.
Fiant aures tuæ intendentes, in vocem deprecationis meæ.

Si iniquitates obseruaueris Domine: Domine quis sustinebit?

Quia apud te propitiatio est: & propter legem tuam sustinui te Domine.

Sustinuit anima mea in verbo eius: sperauit anima mea in Domino.

Acustodia matutina vsque ad noctem: speret Israel in Domino.

Quia apud Dominum misericordia: & copiosa apud eum redemptio.

Et ipse redimet Israel, ex omnibus iniquitatibus eius.

Gloria Patri.

Psalmus cxxx.

Domine non est exaltatum cor meum: neque elati sunt oculi mei.

Neque ambulauit in magnis: neque in mirabilibus super me.

Si non humiliter sentiebam: sed exaltaui animam meam.

Sicut ablactatus est super matre sua: ita retributio in anima mea.

Speret Israel in Domino, ex hoc nunc & vsque in seculum.

Gloria Patri.

Psalmus cxxxi.

Memento Domine Dauid, & omnis mansuetudinis eius.

Sicut iurauit Domino, votum vouit Deo Iacob.

Si introiero in tabernaculum domus meæ, si ascendero in lectum strati mei.

Si dederō somnum oculis meis, & palpebris meis dormitationem.

Requiem temporibus meis: donec inueniam locum Domino, tabernaculum Deo Iacob.

Ecce audiuiamus eam in Ephrata: inuenimus eam in campis sylue.

Introuibimus in tabernaculum eius: adorabimus in loco, ubi steterunt pedes eius.

Surge Domine in requiem tuam, tu & arca sanctificationis tue.

Sacerdotes tui induantur iustitiam: & sancti tui exultent.

Propter Daud seruum tuum, non auertas faciem Christi tui.

Iurauit Dominus Daud veritatem, & non frustrabitur eam: de fructu ventris tui ponam super sedem tuam.

Si custodierint filij tui testamentum meum, & testimonia mea hæc, quæ docebo eos.

Et filij eorum vsque in seculum, sedebunt super sedem tuam.

Quoniam elegit Dominus Sion: elegit eam in habitationem sibi.

Hæc requies mea in seculum seculi: hic habitabo quoniam elegi eam.

Viduam eius benedicens benedicam: pauperes eius saturabo panibus.

Sacerdotes eius induam saluari: & sancti eius exultatione exultabunt.

Illuc producam cornu Daud, paraui lucernam Christo meo.

Inimicos eius induam confusione: super ipsum autem efflorescit sanctificatio mea.

Gloria Patri.

Psalmus cxxxii.

Ecce quàm bonum, & quàm iucundum habitare fratres in vnum.

Sicut ynguentum in capite, quod descendit in barbam, barbam Aaron.

Quod descendit in oram vestimenti eius: sicut ros Hermon, qui descendit in montem Sion.

Quoniam illic mandauit Dominus benedictionem, & vitam vsque in seculum.

Gloria Patri.

Psalmus cxxxiii.

Ecce nunc benedicite Dominum, omnes serui Domini.

Qui statis in domo Domini, in atrijs domus Dei nostri.

In noctibus extollite manus vestras in sancta, & benedicite Dominum.

Benedicat te Dominus ex Sion, qui fecit cælum & terram.

Gloria Patri.

His deuotè & cum magno animi affectu pronuntiatis, poterit ante vel post, vt expedit visum fuerit, dici seu legi, vel etiam sapiùs repeti Symbolum Apostolorum, scilicet **Credo in Deum Patrem**, aut Symbolum Nicæni & Constantinopolitani Conciliorum, quo vtimur in Missa: & habetur suprà in forma professionis fidei Catholice pag. 319.

Item & Symbolum S. Athanasij.

Quicumque vult saluus esse: ante omnia opus est, vt teneat catholicam fidem.

Quam nisi quisque integram inuiolatamq. seruauerit: absque dubio in æternum peribit.

Fides

- F**ides autem Catholica hæc est, vt vnum Deum in Trinitate, & Trinitatem in vnitatem veneremur.
- N**eque confundentes personas: neque substantiam separantes.
- A**lia est enim persona Patris, alia Filij, alia Spiritus sancti.
- S**ed Patris, & Filij, & Spiritus sancti vna est diuinitas: æqualis gloria, cœterna maiestas.
- Q**ualis Pater, talis Filius, talis Spiritus sanctus.
- I**ncreatus Pater, increatus Filius, increatus Spiritus sanctus.
- I**mmensus Pater, immensus Filius, immensus Spiritus sanctus.
- A**ternus Pater, æternus Filius, æternus Spiritus sanctus.
- E**t tamen non tres æterni, sed vnus æternus.
- S**icut non tres increati, nec tres immensi: sed vnus increatus, & vnus immensus.
- S**imiliter omnipotens Pater, omnipotens Filius, omnipotens Spiritus sanctus.
- E**t tamen non tres omnipotentes, sed vnus omnipotens.
- I**ta Deus Pater, Deus Filius, Deus Spiritus sanctus.
- E**t tamen non tres Dij: sed vnus est Deus.
- I**ta Dominus Pater, Dominus Filius, Dominus Spiritus sanctus.
- E**t tamen non tres Domini: sed vnus est Dominus.
- Q**uia sicut singillatim vnamquamque personam Deum, ac Dominum, confiteri Christiana veritate compellimur: ita tres Deos, aut Dominos dicere, catholica religione prohibetur.
- P**ater à nullo est factus, nec creatus, nec genitus.
- F**ilius à Patre solo est, non factus, nec creatus: sed genitus.
- S**piritus sanctus à Patre, & Filio: non factus, nec creatus, nec genitus, sed procedens.
- V**nus ergo Pater, non tres Patres: vnus Filius, non tres Filij: vnus Spiritus sanctus, non tres Spiritus sancti.
- E**t in hac Trinitate, nihil prius, aut posterius: nihil maius aut minus: sed totæ tres personæ cœternæ sibi sunt, & cœquales.
- I**ta vt per omnia, sicut iam supra dictum est, & vnitas in Trinitate, & Trinitas in vnitatem veneranda sit.
- Q**ui vult ergo saluus esse: ita de Trinitate sentiat.
- S**ed necessarium est ad æternam salutem, vt incarnationem quoque Domini nostri Iesu Christi fideliter credat.
- E**st ergo fides recta, vt credamus, & confiteamur, quia Dominus noster Iesus Christus Dei Filius, Deus & homo est.
- D**eus est ex substantia Patris ante secula genitus: & homo est ex substantia matris in seculo natus.
- P**erfectus Deus, perfectus homo: ex anima rationali, & humana carne subsistens.
- A**equalis Patri secundum diuinitatem: minor Patre secundum humanitatem.

Qui licet Deus sit & homo: non duo tamen, sed vnus est Christus.

Vnus autem non conuersione diuinitatis in carnem: sed assumptione humanitatis in Deum.

Vnus omnino non confusione substantiæ: sed vnitæ personæ.

Nam sicut anima rationalis, & caro vnus est homo: ita Deus & homo vnus est Christus.

Qui passus est pro salute nostra, descendit ad inferos, tertia die resurrexit à mortuis.

Ascendit ad cœlos, sedet ad dexteram Dei Patris omnipotentis: inde venturus est iudicare viuos & mortuos.

Ad cuius aduentum omnes homines resurgere habent cum corporibus suis: & redditori sunt de factis proprijs rationem.

Et qui bona egerunt, ibunt in vitam æternam: qui verò mala in ignem æternum.

Hæc est fides catholica, quam nisi quisque fideliter, firmiterq. crediderit: saluus esse non poterit.

Præterea, si opportunitas dabitur, poterunt de passione Domini legi quæ sequuntur.

Sermo Domini in Cœna.

Iam. 73.



An te diem festum Paschæ sciens Iesus, quia venit hora eius, vt transeat ex hoc mundo ad Patrem: cum dilexisset suos qui erant in mundo, in finem dilexit eos. Et cœna facta, cum diabolus iam misisset in cor, vt traderet eum Iudas Simonis Iscariotes: sciens quia omnia dedit ei Pater in manus, & quia à

Deo exiuit, & ad Deum vadit: surgit à cœna, & ponit vestimenta sua: Et cum accepisset linteam, præcinxit se. Deinde mittit aquam in peluim, & coepit lauare pedes discipulorum, & extergere linteo, quo erat præcinctus. Venit ergo ad Simonem Petrum. Et dicit ei Petrus: Domine tu mihi lauas pedes? Respondit Iesus, & dixit ei: Quod ego facio, tu nescis modum, scies autem postea. Dicit ei Petrus: Non lauabis mihi pedes in æternum. Respondit ei Iesus: Si non lauero te, non habebis partem mecum. Dicit ei Simon Petrus: Domine non tantum pedes meos, sed & manus, & caput, Dicit ei Iesus: Qui lotus est, non indiget nisi, vt pedes lauet, sed est mundus totus. Et vos mundi estis, sed non omnes. Sciebat enim quisnam esset, qui traderet eum: propterea dixit: Non estis mundi omnes. Postquam ergo lauit pedes eorum, & accepit vestimenta sua: cum recubuisset iterum dixit eis: Scitis quid fecerim vobis? Vos vocatis me Magister, & Domine, & benè dicitis: Sum etenim. Si ergo ego laui pedes vestros Dominus & Magister: & vos debetis alter alterius lauare pedes. Exemplum enim dedi vobis, vt quemadmodum: ego feci vobis, ita & vos faciatis. Amen amen dico vobis: non est seruus maior Domino suo: neque Apostolus maior eo, qui misit illum. Si hæc scitis, beati eritis, si feceritis ea. Non de omnibus vobis dico: ego scio

quos

quos elegerim: Sed ut impleatur Scriptura: Qui māducat mecum panem, leuabit contra me calcaneum suū. Amodō dico vobis priuſquā fiat: ut cū factum fuerit, credatis, quia ego ſum. Amen amen dico vobis: qui accipit, ſi quem miſero, me accipit: qui autem me accipit, accipit eum, qui me miſit. Cū hæc dixiſſet Ieſus, turbatus eſt ſpiritu: & profeſtatur eſt, & dixit. Amen amen dico vobis: quia vnus ex vobis tradet me. Aſpiciebant ergo ad inuicem diſcipuli, hæſitantes, de quo diceret. Erat ergo recubens vnus ex diſcipulis eius in ſinu Ieſu, quem diligebat Ieſus. Innuit ergo huic Simon Petrus, & dixit ei: Quis eſt de quo dicit? Itaque cū recubiſſet ille ſupra pectus Ieſu, dixit ei: Domine quis eſt? Reſpondit Ieſus: Ille eſt cui ego intinctum panem porrexero. Et cū intinxiſſet panem, dedit Iudæ Simonis Iſcariotæ. Et poſt buccellam introiuit in eum Satanas, Et dixit ei Ieſus: Quod facis fac citiùs. Hoc autem nemo ſciuit diſcumbentium, ad quid dixerit ei. Quidam enim putabant, quia oculos habebat Iudas, quod dixiſſet ei Ieſus: Eme ea, quæ opus ſunt nobis ad diem Feſtum, aut egenis ut aliquid daret? Cū ergo accepiſſet ille buccellam, exiuit continuò. Erat autem nox. Cū ergo exiſſet, dixit Ieſus: Nunc clarificatus eſt filius hominis: & Deus clarificatus eſt in eo. Si Deus clarificatus eſt in eo, & Deus clarificabit eum in ſemetipſo: & continuò clarificabit eum. Filioli adhuc modicum vobiſcum ſum. Quæretis me, & ſicut dixi Iudæis: quò ego vado, vos non poteſtis venire; & vobis dico modò. Mandatū nouum do vobis: Ut diligatis inuicem, ſicut dilexi vos, vt & vos diligatis inuicem. In hoc cognoscent omnes, quia diſcipuli mei eſtis, ſi dilectionem habueritis ad inuicem. Dicit ei Simon Petrus: Domine quò vadis? Reſpondit Ieſus: Quò ego vado, non poteſ me modò ſequi: ſequeris autem poſteà. Dicit ei Petrus: Quare non poſſum te ſequi modò? animā meam pro te ponam. Reſpondit ei Ieſus: Animam tuam pro me pones? Amen amen dico tibi: non cantabit hodie gallus, donec ter me neges. Et ait diſcipulis ſuis. Non turbetur cor veſtrum. Creditis in Deum, & in me credite. In domo Patris mei manſiones multæ ſunt. Si quo minùs dixiſſem vobis: Quia vado parare vobis locum. Et ſi abiero, & præparauero vobis locum: iterum venio, & accipiam vos ad me ipſum, ut vbi ſum ego, & vos ſitis. Et quò ego vado ſcitis, & viam ſcitis. Dicit ei Thomas: Domine neſcimus quò vadis: & quomodò poſſumus viam ſcire? Dicit ei Ieſus: Ego ſum via, & veritas, & vita. Nemo venit ad Patrem niſi per me. Si cognouiſſetis me, & Patrem meum utique cognouiſſetis: & amodò cognoscetis eum, & vidiftis eum. Dicit ei Philippus: Domine oſtende nobis Patrem & ſufficit nobis. Dicit ei Ieſus: Tanto tempore vobiſcum ſum, & non cognouiſtis me? Philippe, qui videt me, vidit & Patrem. Quomodò tu dicis: Oſtende nobis Patrem? Non creditis, quia ego in Patre, & Pater in me eſt? Verba, quæ ego loquor vobis, à me ipſo non loquor. Pater autem in me manens, ipſe facit opera. Non creditis, quia ego in Patre, & Pater in me eſt? Alioquin,

Cap. 14.

propter opera ipsa credite. Amen amen dico vobis: qui credit in me, opera, quæ ego facio, & ipse faciet, & maiora horum faciet: quia ego ad Patrem vado. Et quodcunque petieritis Patrem in nomine meo, hoc faciam: ut glorificetur Pater in Filio. Si quid petieritis me in nomine meo, hoc faciam. Si diligitis me, mandata mea seruare. Et ego rogabo Patrem, & alium Paraclitum dabit vobis, ut maneat vobiscum in æternum, spiritum veritatis, quem mundus non potest accipere, quia non videt eum, nec scit eum: Vos autem cognoscetis eum, quia apud vos manebit, & in vobis erit. Non relinquam vos orphanos, veniam ad vos: adhuc modicum, & mundus me iam non videt. Vos autem videtis me, quia ego viuo, & vos viuētis. In illo die vos cognoscetis, quia ego sum in Patre meo, & vos in me, & ego in vobis. Qui habet mandata mea, & seruatur ea: ille est, qui diligit me. Qui autem diligit me, diligitur à Patre meo: & ego diligam eum, & manifestabo ei meipsum. Dicit ei Iudas, non ille Iscariotes: Domine, quid factum est, quia manifestaturus es nobis te ipsum, & non mundo? Respondit Iesus, & dixit ei: Si quis diligit me, sermonem meum seruabit, & Pater meus diliget eum, & ad eum veniemus, & mansionem apud eum faciemus: Qui non diligit me, sermones meos non seruatur. Et sermonem, quem audistis, non est meus: sed eius, qui misit me Patris. Hæc loquutus sum vobis, apud vos manens. Paraclitus autem, Spiritus sanctus, quem mittet Pater in nomine meo, ille vos docebit omnia. & suggeret vobis omnia quæcunque dixerō vobis. Pacem relinquo vobis, pacem meā do vobis: non quomodo mundus dat, ego do vobis. Non turbetur cor vestrum, neque formidet. Audistis quia ego dixi vobis: Vado, & venio ad vos. Si diligeretis me, gauderetis utique quia vado ad Patrem, quia Pater maior me est. Et nūc dixi vobis priusquam fiat: ut cū factum fuerit credatis. Iam non multa loquar vobiscum. Venit enim Princeps mundi huius, & in me non habet quicquam. Sed ut cognoscat mundus, quia diligo Patrem, & sicut mandatum dedit mihi Pater, sic facio. Surgite eamus hinc. Ego sum vitis vera: & Pater meus agricola est. Omnem palmitem in me non ferentem fructum purgabit eum, & omnem, qui fert fructum, purgabit eum, ut fructum plus afferat. Iam vos mundi estis, propter sermonem, quem locutus sum vobis. Manete in me, & ego in vobis: sicut palmes non potest ferre fructum à semetipso, nisi manserit invite: sic nec vos, nisi in me manseritis. Ego sum vitis, vos palmites: Qui manet in me, & ego in eo, hic fert fructum multum, quia sine me nihil potestis facere. Si quis in me non manserit: mittetur foras, sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque volueritis, petetis, & fiet vobis. In hoc clarificatus est Pater meus, ut fructum plurimum afferatis, & efficiamini mei discipuli. Sicut dilexit me Pater, & ego dilexi vos. Manete in dilectione mea. Si præ-

cepta

cepta mea seruaueritis, manebitis in dilectione mea, sicut & ego praecepta Patris mei seruauimus, & maneo in eius dilectione. Hæc locutus sum vobis: vt gaudium meum in vobis sit, & gaudium vestrum impleatur. Hoc est præceptum meum, vt diligatis inuicem, sicut dilexi vos. Maiorem hac dilectionem nemo habet, quam vt animam suam ponat quis pro amicis suis. Vos amici mei estis, si feceritis quæ ego præcipio vobis. Tam non dicam vos seruos: quia seruus nescit quid faciat Dominus eius. Vos autem dixi amicos: quia omnia quæcunque audiui à Patre meo nota feci vobis. Non vos me elegistis: sed ego elegi vos, & posui vos, vt eatis, & fructum afferatis, & fructus vester maneat: Vt quodcunque petieritis Patrem in nomine meo det vobis. Hæc mando vobis, vt diligatis inuicem. Si mundus vos odit: scitote quia me priorem vobis odio habuit. Si de mundo fuissetis: mundus quod suum erat: diligeret: Quia verò de mundo non estis, sed ego elegi vos de mundo, propterea odit vos mundus. Mementote sermonis mei, quem ego dixi vobis: Non est seruus maior Domino suo. Si me persecuti sunt, & vos persequentur: si sermonem meum seruauerunt, & vestrum seruabunt. Sed hæc omnia facient vobis propter nomen meum: quia nesciunt eum, qui misit me. Si non venissem, & locutus fuissem eis, peccatum non haberent. Nunc autem excusationem non habent de peccato suo. Qui me odit, & Patrem meum odit. Si opera non fecissem in eis, quæ nemo alius fecit, peccatum non haberent: Nunc autem & viderunt, & oderunt, & me & Patrem meum. Sed vt impleatur sermo, qui in lege eorum scriptus est: Quia odio habuerunt me gratis: Cum autem venerit Paraclitus, quem ego mittam vobis à Patre, spiritum veritatis, qui à Patre procedit, ille testimonium perhibebit de me: & vos testimonium perhibebitis, quia ab initio mecum estis. Hæc lo- *Cap. 16.* cutus sum vobis, vt non scandalizemini: Absque synagogis facient vos: sed venit hora, vt omnis, qui interficit vos, arbitretur obsequium se præstare Deo. Et hæc facient vobis: quia non nouerunt Patrem, neque me. Sed hæc locutus sum vobis: vt cum venerit hora, eorum reminiscamini, quia ego dixi vobis. Hæc autem vobis ab initio non dixi, quia vobiscum eram: & nunc vado ad eum, qui misit me; & nemo ex vobis interrogat me: Quò vadis? Sed quia hæc locutus sum vobis, tristitia impleuit cor vestrum. Sed ego veritatem dico vobis: expedit vobis, vt ego vadam: Si enim non abiero, Paraclitus non veniet ad vos: si autem abiero, mittam eum ad vos: Et cum venerit ille, arguet mundum de peccato, & de iustitia, & de iudicio. De peccato quidem, quia non crediderunt in me: De iustitia verò, quia ad Patrem vado, & iam non videbitis me: De iudicio autem, quia Princeps huius mundi iam iudicatus est. Adhuc multa habeo vobis dicere, sed non potestis portare modò. Cum autem venerit ille Spiritus veritatis, docebit vos omnem veritatem. Non enim loquetur à semetipso: sed quæcunque audiet loquetur, & quæ ventura sunt, annuntiabit vobis. Ille me clarificabit, quia de meo

accipiet, & annuntiabit vobis. Omnia quæcunque habet Pater, mea sunt. Propterea dixi: Quia de meo accipiet, & annuntiabit vobis. Modicum, & iam non videbitis me: & iterum modicum & videbitis me, quia vado ad Patrem. Dixerunt ergo ex discipulis eius adinuicem: Quid est hoc quod dicit nobis: Modicum & non videbitis me: & iterum modicum, & videbitis me, & quia vado ad Patrem? Dicebant ergo: Quid est hoc quod dicit modicum, nescimus quid loquitur. Cognouit autem Iesus, quia volebant eum interrogare, & dixit eis: De hoc quæritis inter vos, quia dixi modicum, & non videbitis me: & iterum modicum, & videbitis me. Amen amen dico vobis, quia plorabitis, & flebitis vos, mundus autem gaudebit, vos autem contristabimini, sed tristitia vestra vertetur in gaudium. Mulier cum parit tristitiam habet, quia venit hora eius: cum autem peperit puerum, iam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis. Iterum autem videbo vos, & gaudebit cor vestrum, & gaudium vestrum nemo tollet à vobis. Et in illo die, me non rogabitis quicquam. Amen amen dico vobis; si quid petieritis Patrem in nomine meo, dabit vobis. Vtique modò non petistis quicquam in nomine meo: Petite & accipietis, vt gaudium vestrum sit plenum. Hæc in prouerbijs locutus sum vobis. Venit hora cum iam non in prouerbijs loquar vobis, sed palàm de Patre annuntiabo vobis. In illo die in nomine meo petetis: & non dico vobis, quia ego rogabo Patrem de vobis: Ipse enim Pater amat vos, quia vos me amastis, & credidistis, quia ego à Deo exiui. Exiui à Patre, & veni in mundum: iterum relinquo mundum & vado ad Patrem. Dicunt ei discipuli eius: Ecce nunc palàm loqueris, & prouerbum nullum dicis. Nunc scimus, quia scis omnia, & non opus est tibi, vt quis te interroget: In hoc credimus, quia à Deo existis. Respondit eis Iesus: Modò creditis? Ecce venit hora, & iam venit, vt dispergami vniuscuique in propria, & me solum relinquatis: Et non sum solus, quia Pater mecum est. Hæc locutus sum vobis, vt in me pacem habeatis. In mundo pressuram habebitis: sed confidite, ego vici mundum. Hæc locutus est Iesus: & subleuatis oculis in cœlum dixit: Pater venit hora clarifica filium tuum, vt filius tuus clarificet te: sicut dedisti ei potestatem, omnis carnis, vt omne quod dedisti ei, det eis vitam æternam. Hæc est autem vita æterna: vt cognoscant te solum Deum verum, & quem misisti Iesum Christum. Ego te clarificaui super terram: opus consummaui, quod dedisti mihi, vt faciam: Et nunc clarifica me tu Pater apud temetipsum claritate quàm habui priùs quàm mundus esset apud te. Manifestaui nomen tuum hominibus, quos dedisti mihi de mundo: Tui erant, & mihi eos dedisti, & sermonem tuum seruauerunt. Nunc cognouerunt, quia omnia, quæ dedisti mihi, abs te sunt: Quia verba, quæ dedisti mihi, dedi eis; & ipsi acceperunt, & cognouerunt verè, quia à te exiui, & crediderunt, quia tu me misisti. Ego pro eis rogo:

Non

Non pro mundo rogo, sed pro his, quos dedisti mihi, quia tui sunt, & mea omnia tua sunt, & tua mea sunt, & clarificatus sum in eis: Et iam non sum in mundo, & hi in mundo sunt, & ego ad te venio. Pater sancte serua eos in nomine tuo, quos dedisti mihi, vt sint vnum, sicut & nos. Cùm essem cum eis ego seruabam eos in nomine tuo. Quos dedisti mihi ego custodiui: & nemo ex eis periit, nisi filius perditionis, vt scriptura impleatur. Nunc autem ad te venio: & hæc loquor in mundo, vt habeant gaudium meum impletum in semetipsis. Ego dedi eis sermonem tuum, & mundus eos odio habuit, quia non sunt de mundo, sicut & ego non sum de mundo. Non rogo vt tollas eos de mundo, sed vt serues à malo. De mundo non sunt, sicut & ego non sum de mundo. Sanctifica eos in veritate. Sermo tuus veritas est. Sicut tu me misisti in mundum, ita & ego misi eos in mundum. Et pro eis ego sanctifico me ipsum: vt sint & ipsi sanctificati in veritate. Non pro eis autem rogo tantum, sed & pro eis, qui credituri sunt per verbum eorum in me: vt omnes vnum sint, sicut tu Pater in me, & ego in te, vt & ipsi in nobis vnum sint: vt credat mundus, quia tu me misisti. Et ego claritatem, quam dedisti mihi dedi eis: vt sint vnum, sicut & nos vnum sumus. Ego in eis, & tu in me: vt sint consummati in vnum, & cognoscat mundus, quia tu me misisti, & dilexisti eos, sicut & me dilexisti. Pater quos dedisti mihi, volo, vt vbi sum ego, & illi sint mecum, vt videant claritatem meam, quam dedisti mihi: quia dilexisti me ante constitutionem mundi. Pater iuste mundus te non cognouit, ego autem te cognoui, & hi cognouerunt, quia tu me misisti. Et notum feci eis nomen tuum, & notum faciam: vt dilectio, qua dilexisti me, in ipsis sit, & ego in ipsis.

Passio Domini nostri Iesu Christi secundum Ioannem.

IN illo tempore: Egressus est Iesus cum discipulis suis trans *Cap. 18*
torrentem Cedron, vbi erat hortus, in quem introiuit ipse
& discipuli eius: Sciebat autem & Iudas, qui tradebat eum,
locum: quia frequenter Iesus conuenerat illuc cum disci-
pulis suis. Iudas ergo cùm accepisset cohortem, & à Ponti-
ficibus, & Phariseis ministros, venit illuc cū laternis & facibus & armis.
Iesus itaque sciens omnia, quæ ventura erant super eum, processit, &
dixit eis: Quem quæritis? Responderunt ei: Iesum Nazarenum. Dicit
eis Iesus: Ego sum. Stabat autem & Iudas, qui tradebat eum cum ipsis.
Vt ergo dixit eis. Ego sum: abierunt retrorsum, & ceciderunt in terrā.
Iterum ergo interrogauit eos: Quem quæritis? Illi autem dixerunt:
Iesum Nazarenum. Respondit Iesus: Dixi vobis, quia ego sum: Si er-
go me quæritis, sinite hos abire. Vt impleretur sermo, quem dixit:

Quia quos dedisti mihi, non perdidisti ex eis quenquam. Simon ergo Petrus habens gladium, eduxit eum, & percussit Pontificis seruum, & abscidit auriculam eius dexteram. Erat autem nomen seruo Malchus. Dixit ergo Iesus Petro: Mitte gladium tuum in vaginam. Calicem quem dedit mihi Pater non bibam illum? Cohors ergo, & Tribunus & ministri Iudæorum comprehenderunt Iesum, & ligauerunt eum: & adduxerunt eum ad Annam primum. Erat enim socer Caiphæ, qui erat Pontifex anni illius. Erat autem Caiphæ, qui consilium dederat Iudæis: Quia expedit vnum hominem mori pro populo. Sequebatur autem Iesum Simon Petrus, & alius discipulus: Discipulus autem ille erat notus Pontifici, & introiuit cum Iesu in atrium Pontificis. Petrus autem stabat ad ostium foris. Exiuit ergo discipulus alius, qui erat notus Pontifici, & dixit ostiariæ, & introduxit Petrum. Dicit ergo Petro ancilla ostiaria: Nunquid & tu ex discipulis es hominis istius? Dixit ille: non sum. Stabant autem serui & ministri ad prunas, quia frigus erat, & calefaciebant se: Erat autem cum eis & Petrus stans & calefaciens se. Pontifex ergo interrogauit Iesum de discipulis suis, & de doctrina eius. Respondit ei Iesus: Ego palàm locutus sum mundo, ego semper docui in synagoga, & in templo, quod omnes Iudæi conueniunt, & in occulto locutus sum nihil. Quid me interrogas? Interroga eos, qui audierunt, quid locutus sim ipsis: Ecce hi sciunt, quæ dixerim ego. Hæc autem cum dixisset, vnus assistens ministrorum dedit alapam Iesu, dicens: Sic respondes Pontifici? Respondit ei Iesus: Si malè locutus sum, testimonium perhibe de malo: si autem benè, quid me cædis? Et misit eum Annas ligatum ad Caiphæ Pontificem. Erat autem Simon Petrus stans & calefaciens se. Dixerunt ergo ei: Nunquid & tu ex discipulis eius es? Negauit ille, & dixit: Non sum. Dicit ei vnus ex seruis Pontificis, cognatus eius, cuius abscidit Petrus auriculam: Nonne ego te vidi in horto cum illo? Iterum ergo negauit Petrus: & statim gallus cantauit. Adducunt ergo Iesum à Caiphæ in prætorium. Erat autem manè: & ipsi non introierunt in prætorium, vt non contaminarentur, sed vt manducarent Pascha. Exiuit ergo Pilatus ad eos foras, & dixit. Quam accusationem afferis aduersus hominem hunc? Responderunt, & dixerunt ei: Si non esset hic malefactor, non tibi tradidissemus eum. Dixit ergo eis Pilatus: Accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quenquam. Vt sermo Iesu impleretur, quem dixit, significans qua morte esset moriturus. Introiuit ergo iterum in prætorium Pilatus, & vocauit Iesum, & dixit ei: Tu es Rex Iudæorum? Respondit Iesus: A temetipso hoc dicis, an alij dixerunt tibi de me? Respondit Pilatus: Nunquid ego Iudæus sum? Gens tua & Pontifices tradiderunt te mihi: Quid fecisti? Respondit Iesus: Regnum meum non est de hoc mundo. Si ex hoc mundo esset Regnum meum, ministri mei vtique decertarent, vt non traderer Iudæis: Nunc autem Regnum meum

meum non est hinc. Dixit itaque ei Pilatus: Ergo Rex es tu? Respondit Iesus: Tu dicis, quia Rex sum ego. Ego in hoc natus sum, & ad hoc veni in mundum, ut testimonium perhibeam veritati: Omnis, qui est ex veritate, audit vocem meam. Dicit ei Pilatus: Quid est veritas? Et cum hoc dixisset, iterum exiit ad Iudæos, & dicit eis: Ego nullam inuenio in eo causam. Est autem consuetudo vobis, ut vnum dimittam vobis in Pascha: Vultis ergo dimittam vobis Regem Iudæorum? Clamauerunt rursus omnes dicentes: Non hunc, sed Barabbam. Erat autem Barabbas latro. Tunc ergo apprehendit Pilatus Iesum, & flagellauit. Et milites plectentes coronam de spinis, imposuerunt capiti eius, & veste purpurea circumdederunt eum. Et veniebant ad eum, & dicebant: Aue Rex Iudæorum: & dabant ei alapas. Exiit iterum Pilatus foras, & dicit eis: Ecce adduco vobis eum foras, ut cognoscatis, quia nullam inuenio in eo causam. (Exiit ergo Iesus foras portans coronam spineam, & purpureum vestimentum:) Et dicit eis: Ecce homo. Cum ergo vidissent eum Pontifices, & ministri, clamabant dicentes: Crucifige, crucifige eum. Dicit eis Pilatus: Accipite eum vos, & crucifigite: Ego enim non inuenio in eo causam. Responderunt ei Iudæi: Nos legem habemus, & secundum legem debet mori, quia filium Dei se fecit. Cum ergo audiisset Pilatus hunc sermonem magis timuit. Et ingressus est prætorium iterum: Et dicit ad Iesum: Vnde es tu? Iesus autem responsum non dedit ei. Dicit ergo ei Pilatus: Mihi non loqueris? Nescis, quia potestatem habeo crucifigere te, & potestatem habeo dimittere te? Respondit Iesus: Non haberes potestatem aduersus me vllam: nisi tibi datum esset desuper. Propterea qui me tradidit tibi maius peccatum habet. Et exinde quærebat Pilatus dimittere eum. Iudæi ergo clamabant, dicentes: Si hunc dimittis, non es amicus Cæsaris. Omnis enim, qui se Regem facit, contradicit Cæsari. Pilatus autem cum audisset hos sermones, adduxit foras Iesum: & sedit pro tribunali in loco, qui dicitur Lithóstratos, Hebraicè autem Gabbatha. Erat autem pasceue Paschæ hora quasi sexta, & dicit Iudæis: Ecce Rex vester. Illi autem clamabant: Tolle, tolle, crucifige eum. Dicit eis Pilatus. Regem vestrum crucifigam? Responderunt Pontifices: Non habemus Regem nisi Cæsarem. Tunc ergo tradidit eis illum, ut crucifigeretur. Susceperunt autem Iesum, & duxerunt, & baiulans sibi crucem exiit in eum, qui dicitur Caluariæ locum, Hebraicè autem Golgotha: vbi crucifixerunt eum, & cum eo alios duos hinc & hinc, medium autem Iesum. Scripsit autem & titulum Pilatus: & posuit super Crucem. Erat autem scriptum: Iesus Nazarenus Rex Iudæorum. Hunc ergo titulum multi Iudæorum legerunt: quia propè Ciuitatem erat locus, vbi crucifixus est Iesus: Et erat scriptum Hebraicè, Græcè, & Latinè. Dicebant ergo Pilato Pontifices Iudæorum: Noli scribere Rex Iudæorum: sed quia ipse dixit: Rex sum Iudæorum. Respondit Pilatus: Quod scripsi, scripsi. Milites ergo cum crucifixissent eum, acceperunt

perunt vestimenta eius (& fecerunt quatuor partes : unicuique militi partem) & tunicam. Erat autem tunica inconfutilis, desuper contexta per torum. Dixerunt ergo adinuicem: Non scindamus eam, sed fortiamur de illa, cuius sit. Vt scriptura impleteretur dicens: Partiti sunt vestimenta mea sibi, & in vestem meam miserunt sortem. Et milites quidem hæc fecerunt. Stabant autem iuxta crucem Iesu Mater eius, & soror Matris eius, Maria Cleophæ, & Maria Magdalene. Cùm vidisset ergo Iesus Matrem, & discipulum stantem, quem diligebat, dicit Matri suæ: Mulier ecce filius tuus. Deinde dicit discipulo: Ecce Mater tua. Et ex illa hora accepit eam discipulus in suam. Postea sciens Iesus, quia omnia consummata sunt, vt consummaretur scriptura, dixit: Sitio. Vas ergo erat positum aceto plenum. Illi autem spongiam plenam aceto, hyssopo circumponentes, obtulerunt ori eius. Cùm ergo accepisset Iesus acetum, dixit: Consummatum est. Et inclinato capite tradidit spiritum. Iudæi ergo (quoniam parasceue erat) vt non remanerent in cruce corpora Sabbato (erat enim magnus dies ille Sabbati) rogauerunt Pilatum, vt frangerentur eorum crura, & tollerentur. Venerunt ergo milites, & primi quidem frerunt crura, & alterius, qui crucifixus est cum eo. Ad Iesum autem cùm venissent, vt viderunt eum iam mortuum, non frerunt eius crura: sed vnus militum lancea latus eius aperuit, & continuò exiuit sanguis & aqua. Et qui vidit, testimonium perhibuit; & verum est testimonium eius. Et ille scit, quia vera dicit; vt & vos credatis. Facta sunt enim hæc vt scriptura impleteretur: Os non comminuetis ex eo. Et iterum alia scriptura dicit. Videbunt in quem transfixerunt.

Post hæc autem rogauit Pilatum Ioseph ab Arimathia (eo quòd esset discipulus Iesu, occultus autem propter metum Iudæorum) vt tolleret corpus Iesu. Et permisit Pilatus. Venit ergo & tulit corpus Iesu. Venit autem & Nicodemus, qui venerat ad Iesum nocte primùm ferens mixturam myrrhæ, & aloes quasi libras centum. Acceperunt ergo corpus Iesu, & ligauerunt illud linteis cum aromatibus, sicut mos est Iudæis sepelire. Erat autem in loco vbi crucifixus est, hortus: & in horto monumentum nouum, in quo nondum quisquam positus erat. Ibi ergo propter parasceuen Iudæorum, quia iuxta erat monumentum, posuerunt Iesum.

Et si adhuc decumbens viuít, & adsit commoditas, presbyter vel alius clericus poterit legere passionem Domini secundum alios tres Euangelistas, Matthæum, Marcum, & Lucam: vel etiam repetere, si opus est, vt infra.

Passio Domini nostri Iesu Christi secundum Matthæum.



N illo tempore : Dixit Iesus discipulis suis . Scitis quia post *Cap. 26.*

biduum Pascha fiet, & filius hominis tradetur, vt crucifigatur . Tunc congregati sunt Principes Sacerdotum, & Seniores populi in atrium Principis Sacerdotum, qui dicebatur Caiphas : & consilium fecerunt, vt Iesum dolo tenerent &

occiderent . Dicebant autem : Non in die festo, ne forte tumultus fieret in populo . Cùm autem Iesus esset in Bethania in domo Simonis leprosi, accessit ad eum mulier habens alabastrum vnguenti pretiosi, & effudit super caput ipsius recumbentis . Videntes autem discipuli, indignati sunt, dicentes : Vt quid perditio hæc ? potuit enim istud vendundari multo, & dari pauperibus . Sciens autem Iesus, ait illis : Quid molesti estis huic mulieri ? opus enim bonum operata est in me : nam, semper pauperes habetis vobiscum ; me autem non semper habetis . Mittens enim hæc vnguentum hoc in corpus meum : ad sepeliendum me fecit . Amen dico vobis, vbicumque prædicatum fuerit hoc Euangelium in toto mundo dicetur, & quòd hæc fecit in memoriam eius . Tunc abiit vnus de duodecim, qui dicebatur Iudas Iscariotes ad Principes Sacerdotum : & ait illis : Quid vultis mihi dare, & ego vobis eum tradam ? At illi constituerunt ei triginta argenteos . Et exinde quærebat opportunitatem, vt eum traderet . Prima autem die Azymorum, accesserunt discipuli ad Iesum, dicentes : Vbi vis paremus tibi comedere Pascha ? At Iesus dixit : Ite in ciuitatem ad quendam, & dicite ei : Magister dicit : Tempus meum propè est, apud te facio Pascha cum discipulis meis . Et fecerunt discipuli sicut constituit illis Iesus, & parauerunt Pascha . Vespere autem facto, discumbebat cum duodecim discipulis suis . Et edentibus illis dixit : Amen dico vobis, quia vnus vestrum me traditurus est . Et contristati valdè, coeperunt singuli dicere : Nunquid ego sum Domine ? At ipse respondens ait : Qui intingit mecum manum in paropside, hic me tradet . Filius quidem hominis vadit sicut scriptum est de illo : vñ autem homini illi, per quem filius hominis tradetur : bonum erat ei, si natus non fuisset homo ille . Respondens autem Iudas qui tradidit eum, dixit : Nunquid ego sum Rabbi ? Ait illi . Tu dixisti . Cœnantibus autem eis ; accepit Iesus panem & benedixit, ac fregit, deditq. discipulis suis & ait : accipite, & comedite : hoc est corpus meum . Et accipiens calicem gratias egit : & dedit illis dicens : Bibite ex hoc omnes . Hic est enim sanguis meus noui testamenti, qui pro multis effundetur in remissionem peccatorum . Dico autem vobis : non bibam amodò de hoc genimine vitis vsque in diem illum, cùm illud bibam vobiscum nouum in Regno Patris mei . Et hymno dicto, exierunt in montem Oliueti . Tunc dicit illis Iesus : Omnes vos

scan-

scandalum patiemini in me in ista nocte . Scriptum est enim : Percutiam pastorem, & dispergentur oves gregis . Postquam autem resurrexero, præcedam vos in Galilæam . Respondens autem Petrus, ait illi . Et si omnes scandalizati fuerint in te, ego nunquam scandalizabor : Ait illi Iesus : amen dico tibi, quia in hac nocte, antequam gallus cantet, ter me negabis . Ait illi Petrus : Etiam si oportuerit me mori tecum, non te negabo . Similiter & omnes discipuli dixerunt . Tunc venit Iesus cum illis in villam, quæ dicitur Gethsemani, & dixit discipulis suis : Sedete hic donec vadam illuc, & orem : Et assumpto Petro, & duobus filiis Zebedæi, coepit contristari, & moestus esse . Tunc ait illis : Tristis est anima mea usque ad mortem : sustinete hic, & vigilate mecum . Et progressus pusillum procidit in faciem suam, orans & dicens : Pater mi, si possibile est, transeat à me calix iste . Veruntamen non sicut ego volo, sed sicut tu . Et venit ad discipulos suos, & inuenit eos dormientes, & dicit Petro : Sic non potuisti vna hora vigilare mecum ? Vigilare & orate, ut non intretis in tentationem . Spiritus quidem promptus est, caro autem infirma . Iterum secundò abiit, & orauit dicens : Pater mi, si non potest hic calix transire, nisi bibam illum, fiat voluntas tua . Et venit iterum, & inuenit eos dormientes : erant enim oculi eorum grauati . Et relictis illis, iterum abiit & orauit tertio eundem sermonem, dicens . Tunc venit ad discipulos suos, & dicit illis : Dormite iam, & requiescite : ecce appropinquauit hora, & Filius hominis tradetur in manus peccatorum . Surgite eamus : ecce appropinquauit, qui me tradet . Adhuc eo loquente, ecce Iudas vnus de duodecim venit, & cum eo turba multa cum gladijs & fustibus, missi à Principibus Sacerdotum, & senioribus populi . Qui autem tradidit eum, dedit illis signum, dicens : Quemcunque osculatus fuero, ipse est, tenete eum . Et confestim accedens ad Iesum, dixit : Aue Rabbi . Et osculatus est eum . Dixitq. illi Iesus : Amice ad quid venisti ? Tunc acceperunt, & manus iniecerunt in Iesum, & tenuerunt eum . Et ecce vnus ex his, qui erant cum Iesu, extendens manum exemit gladium suum, & percussit seruum Principis Sacerdotum, amputauit auriculam eius . Tunc ait illi Iesus : Conuertere gladium tuum in locum suum . omnes enim, qui acceperint gladium, gladio peribunt . An putas, quia non possum rogare Patrem meum, & exhibebit mihi modò plusquam duodecim legiones Angelorum ? Quomodo ergo implebuntur scripturæ, quia sic oportet fieri ? In illa hora dixit Iesus turbis : Tanquam ad latronem existis cum gladijs & fustibus comprehendere me : quotidie apud vos sedebam docens in templo, & non me tenuistis . Hoc autem totum factum est, ut adimplerentur scripturæ Prophetarum . Tunc discipuli omnes, relicto eo fugerunt . At illi tenentes Iesum, duxerunt ad Caipham Principem Sacerdotum, ubi Scribæ & Seniores conuenerant . Petrus autem sequebatur eum à longè usque in atrium Principis Sacerdotum . Et ingressus intrò sedebat cum ministris, ut videret finem . Principes autem Sacerdotum,

dorum, & omne concilium quærebant falsum testimonium contra Iesum, vt eum morti traderent. Et non inuenerunt, cum multi falsi testes accessissent. Nouissimè autem venerunt duo falsi testes, & dixerunt: Hic dixit: Possum destruere templum Dei, & post triduum reedificare illud. Et surgens Princeps Sacerdotum, ait illi: Nihil respondes ad ea, quæ isti aduersum te testificantur? Iesus autem tacebat. Et Princeps Sacerdotum ait illi: Adiuro te per Deum viuum, vt dicas nobis, si tu es Christus filius Dei. Dicit illi Iesus: Tu dixisti. Veruntamen dico vobis, amodò videbitis filium hominis sedentem à dextris virtutis Dei, & venientem in nubibus cœli. Tunc Princeps Sacerdotum scidit vestimenta sua, dicens: Blasphemauit, quid adhuc egemus testibus? ecce nunc audistis blasphemiam, quid vobis videtur? At illi respondentes dixerunt: Reus est mortis. Tunc expuerunt in faciem eius, & colaphis eum cæciderunt, alij autem palmas in faciem eius dederunt, dicentes: Prophetiza nobis Christe, quis est, qui te percussit? Petrus verò sedebat foris in atrio, & accessit ad eum vna ancilla dicens: Et tu cum Iesu Galilæo eras. At ille negauit coram omnibus dicens: Nescio quid dicis. Exeunte autem illo ianuam, vidit eum alia ancilla, & ait his, qui erant ibi: Et hic erat cum Iesu Nazareno. Et iterum negauit cum iuramento, quia non noui hominem. Et post pusillum accesserunt qui stabant, & dixerunt Petro: Verè & tu ex illis es: nam & loquela tua manifestum te facit. Tunc cœpit detestari, & iurare, quia non nouisset hominem: & continuo gallus cantauit: Et recordatus est Petrus verbi Iesu, quòd dixerat: Priusquam gallus canteat, ter me negabis. Et egressus foras, fleuit amarè. Mane autem factò consilium ini- Cap. 27.
runt omnes Principes Sacerdotum, & seniores populi aduersus Iesum, vt eum morti traderent. Et vinctum adduxerunt eum, & tradiderunt Pontio Pilato Præsidi. Tunc videns Iudas, qui eum tradidit, quòd damnatus esset, poenitentia ductus, retulit triginta argenteos Principibus Sacerdotum, & Senioribus, dicens: Peccaui tradens sanguinem iustum. At illi dixerunt: Quid ad nos? tu videris. Et proiecitis argenteis in templo recessit, & abiens, laqueo se suspendit: Principes autem Sacerdotum, acceptis argenteis, dixerunt: Non licet eos mittere in corbonam, quia pretium sanguinis est. Consilio autem inito, emerunt ex illis agrù figuli in sepulturam peregrinorum. Propter hoc vocatus est ager ille Haceldama, hoc est ager sanguinis, vsque in hodiernum diem. Tunc impletum est, quod dictum est per Ieremiam Prophetam, dicentem: Et acceperunt triginta argenteos pretium appretiati, quem appretiauerunt à filiis Israel: & dederunt eos in agrum figuli, sicut constituit mihi Dominus. Iesus autem stetit ante Præsidem, & interrogauit eum Præsides, dicens: Tu es Rex Iudæorum? Dicit illi Iesus: Tu dicis. Et cum accusaretur à Principibus Sacerdotum, & Senioribus, nihil respondit. Tunc dicit illi Pilatus: Non audis quanta aduersum te dicunt testimonia? Et non respondit ei ad vllum verbum, ita vt miraretur Præsides

vehe-

vehementer. Per diem autem solennem consueuerat Præses populo
 dimittere vnum vincum, quem voluissent. habebat autem tunc vin-
 ctum insignem, qui dicebatur Barabbas. Congregatis ergo illis, dixit
 Pilatus: Quem vultis dimittam vobis, Barabbam, an Iesum, qui dici-
 tur Christus? Sciebat enim quod per inuidiam tradidissent eum. Se-
 dente autem illo pro tribunali, misit ad eum vxor eius, dicens: Nihil
 tibi & iusto illi. multa enim: passa sum hodie per visum propter eum.
 Principes autem Sacerdotum, & seniores persuaferunt populis, vt pe-
 terent Barabbam, Iesum verò perderent. Respondens autem Præses,
 ait illis: quem vultis vobis de duobus dimitti? At illi dixerunt, Barab-
 bam. Dicit illis Pilatus: Quid igitur faciam de Iesu, qui dicitur Chri-
 stus? Dicunt omnes: Crucifigatur. Ait illis Præses: Quid enim mali
 fecit? At illi magis clamabant, dicentes: Crucifigatur. Videns autem
 Pilatus, quia nihil proficeret, sed magis tumultus fieret: accepta aqua,
 lauit manus coram populo, dicens: Innocens ego sum à sanguine iusti
 huius: vos videritis. Et respondens vniuersus populus, dixit: Sanguis
 eius super nos, & super filios nostros. Tunc dimisit illis Barabbam:
 Iesum autem flagellatum tradidit eis, vt crucifigeretur. Tunc milites
 Præsidis suscipientes Iesum in Prætorium, congregauerunt ad eum vni-
 uersam cohortem: & exuentes eum, chlamydem coccineam circunde-
 runt ei, & plectentes coronam de spinis, posuerunt super caput eius,
 & arundinem in dextera eius. Et genu flexo ante eum, illudebant ei,
 dicentes: Aue Rex Iudæorum. Et expuentes in eum acceperunt arun-
 dinem, & percutiebant caput eius. Et postquam illuserunt ei, exuerunt
 eum chlamyde, & induerunt eum vestimentis eius, & duxerunt eum,
 vt crucifigerent. Exeuntes autem inuenerunt hominem Cyrenæum,
 nomine Simonem: hunc angariauerunt, vt tolleret crucem eius. Et
 venerunt in locum, qui dicitur Golgotha, quod est Caluarie locus. Et
 dederunt ei vinum bibere cum felle mistum. Et cum gustasset, noluit
 bibere. Postquam autem crucifixerunt eum, diuiserunt vestimenta
 eius, sortem mittentes: vt impleretur quod dictum est per Prophetam,
 dicentem: Diuiserunt sibi vestimenta mea, & super vestem meam mi-
 serunt sortem. Et sedentes, seruabant eum. Et imposuerunt super
 caput eius causam ipsius scriptā. HIC EST IESVS REX IVDÆO-
 RVM. Tunc crucifixi sunt cum eo duo latrones, vnus à dextris, & vnus
 à sinistris. Prætereuntes autem blasphemabant eum mouentes capita
 sua, & dicentes: Vah qui destruis templum Dei, & in triduo illud re-
 edificas: Salua te ipsum, si Filius Dei es, descende de cruce. Simili-
 ter & Principes Sacerdotum illudentes eum Scribis & Senioribus dice-
 bant: Alios saluos fecit, se ipsum non potest saluum facere: si Rex Is-
 rael est, descendat nunc de cruce, & credimus ei: confidit in Deo: libe-
 ret nunc, si vult, eum: dixit enim: Quia filius Dei sum. Id ipsum autem
 & latrones, qui crucifixi erant cum eo, improperebant ei. A sexta au-
 tem hora tenebræ factæ sunt super vniuersam terram vsque ad horam
 nonam.

nonam. Et circa horam nonam clamauit Iesus voce magna, dicens: Eli, Eli, lammaſabaſethani? Hoc eſt: Deus meus, Deus meus, vt quid dereliquiſti me? Quidam autem illic ſtantes, & audientes, dicebant. Eliam vocat iſte. Et continuò currens vnus ex eis acceptam ſpongiam impleuit aceto, & poſiuit arundini, & dabat ei bibere. Cateri verò dicebant: Sine videamus, an veniat Elias liberans eum. Iesus autem iterum clamans voce magna, emiſit ſpiritum. Et ecce velum templi ſciſſum eſt in duas partes à ſummo vſque deorſum, & terra mota eſt, & petre ſciſſe ſunt, & monumenta aperta ſunt: & multa corpora Sanctorum, qui dormierant, ſurrexerunt. Et exeuntes de monumentis poſt reſurrectionem eius, venerunt in ſanctam Ciuitatem, & apparuerunt multis. Centurio autem, & qui cum eo erant, cuſtodientes Ieſum, viſo terræmotu, & his quæ fiebant, timuerunt valdè, dicentes: Verè filius Dei erat iſte. Erant autem ibi mulieres multæ à longè, quæ ſecutæ erant Ieſum à Galilæa, miniſtrantes ei; inter quas erat Maria Magdalene, & Maria Iacobi, & Ioseph mater, & mater filiorum Zebedæi. Cùm autem ſerò factum eſſet, venit quidam homo diues ab Arimathia nomine Ioseph, qui & ipſe diſcipulus erat Ieſu, hic acceſſit ad Pilatum, & petijt corpus Ieſu. Tunc Pilatus iuſſit reddi corpus. Et accepto corpore, Ioseph inuoluit illud in ſindone munda, & poſiuit illud in monumento ſuo nouo, quod exciderat in petra. Et aduoluit ſaxum magnum ad oſtium monumenti, & abiit. Erat autem ibi Maria Magdalene, & altera Maria ſedentes contra ſepulchrum.

Altera autem die, quæ eſt poſt Paraſceuen, conuenerunt Principes Sacerdotum, & Phariſæi ad Pilatum, dicentes: Domine, recordati ſumus, quia ſeducor ille dixit adhuc viuens: Poſt tres dies reſurgam. Iube ergo cuſtodiri ſepulchrum vſque in diem tertium: ne fortè veniant diſcipuli eius, & furentur eum, & dicant plebi: Surrexit à mortuis; & erit nouiſſimus error peior priore. Ait illis Pilatus: Habetis cuſtodiam, ite cuſtodite, ſicut ſcitis. Illi autem abeuntes, munierunt ſepulchrum, ſignantes lapidem cum cuſtodibus.

Pafſio Domini noſtri Ieſu Chriſti ſecundum Marcum.



IN illo tempore: Erat Paſcha & Azyma poſt biduum, & quæ- Cap. 14
rebant ſummi Sacerdotes, & Scribæ quomodò eum dolo tenerent & occiderent. Dicebant autem: non in die feſto, ne fortè tumultus fieret in populo. Et cùm eſſet Bethaniæ in domo Simonis leproſi, & recumberet; venit mulier habens alabaſtrum vnguenti nardi ſpicati pretioſi, & fracto alabaſtro effudit ſuper caput eius. Erant autem quidam indignè ferentes intra ſemetipſos, & dicentes: Vt quid perditio iſta vnguenti facta eſt? Poterat enim

vnguen-

vnguentum istud venundari plusquam trecentis denarijs, & dari pauperibus. Et fremebant in eam. Iesus autem dixit: Sinite eam, quid illi molesti estis? Bonum opus operata est in me. Semper enim pauperes habetis vobiscum, & cum volueritis potestis illis benefacere: me autem non semper habetis. Quod habuit hæc, fecit: præuenit vngere corpus meum in sepulturam. Amen dico vobis: Vbicunque prædicatum fuerit Euangelium istud in vniuerso mundo, & quod fecit hæc narrabitur in memoriam eius. Et Iudas Iscariotes vnus de duodecim abiit ad summos Sacerdotes, vt proderet eum illis. Qui audientes gauisi sunt: & promiserunt ei pecuniam se daturos. Et quærebat quomodo illum opportunè traderet. Et primo die Azymorum, quando Pascha immolabant, dicunt ei discipuli: Quò vis eamus, & paremus tibi, vt manducēs Pascha? Et mittit duos ex discipulis suis, & dicit eis: Ite in Ciuitatem, & occurret vobis homo lagenam aquæ baiulus, sequimini eum: & quocunque introierit, dicite domino domus, quia Magister dicit: Vbi est refectio mea, vbi Pascha cum discipulis meis manducem? Et ipse vobis demonstrabit coenaculum grande stratum, & illic parate nobis. Et abierunt discipuli eius, & venerunt in Ciuitatem: & inuenerunt sicut dixerat illis, & parauerunt Pascha. Vespere autem facto venit cum duodecim. Et discumbentibus eis, & manducantibus, ait Iesus: Amen dico vobis, quia vnus ex vobis tradet me, qui manducat mecum. At illi cœperunt contristari, & dicere ei singulatim: Nunquid ego? Qui ait illis: Vnus ex duodecim, qui intingit mecum manum in catino. Et filius quidem hominis vadit, sicut scriptum est de eo: Væ autem homini illi, per quem filius hominis tradetur: bonum erat ei, si non esset natus homo ille. Et manducantibus illis, accepit Iesus panem: & benedicens, fregit, & dedit eis, & ait: Sumite, hoc est corpus meum. Et accepto calice gratias agens dedit eis: & biberunt ex illo omnes. Et ait illis: Hic est sanguis meus noui testamenti, qui pro multis effundetur: Amen dico vobis, quia iam non bibam de hoc genimine vitis vsque in diem illum, cum illud bibam nouum in Regno Dei. Et hymno dicto exierunt in montem Oliuarum. Et ait eis Iesus: Omnes scandalizabimini in me nocte ista, quia scriptum est: Percutiam pastorem, & dispergentur oves. Sed postquam resurrexero, præcedam vos in Galilæam. Petrus autē ait illi: Et si omnes scandalizati fuerint in te: Sed non ego. Et ait illi Iesus: Amen dico tibi, quia tu hodie in nocte hac priusquam gallus vocem bis dederit, ter me es negaturus. At ille ampliùs loquebatur: Et si oportuerit me simul commori tibi, non te negabo: Similiter autem & omnes dicebant. Et veniunt in prædium, cui nomen Gethsemani. Et ait discipulis suis: Sedete hic donec orem. Et assumit Petrum & Iacobum & Ioannem secum: Et cœpit pauere, & tædere. Et ait illis: Tristis est anima mea vsque ad mortem: Sustinete hic & vigilate. Et cum processisset paululum, procidit super terram: & orabat, vt, si fieri posset, transiret ab eo hora: & dixit, Abba Pater, omnia tibi

possibili

possibilia sunt, transfer calicem hunc à me: sed non quod ego volo, sed quod tu. Et venit, & inuenit eos dormientes. Et ait Petro: Simon, dormis? non potuisti vna hora vigilare? Vigilate & orate, vt non in-
tretis in tentationem: Spiritus quidem promptus est, caro verò infirma. Et iterum abiens orauit, eundem sermonem dicens. Et reuersus
denuò inuenit eos dormientes, (erant enim oculi eorum grauati) &
ignorabant, quid responderent ei. Et venit tertio, & ait illis: Dormite
iam, & requiescite. Sufficit, venit hora, ecce Filius hominis tradetur in
manus peccatorum, Surgite eamus. Ecce qui me tradet, prope est. Et
adhuc eo loquente, venit Iudas Iscariotes vnus de duodecim, & cum eo
turba multa cū gladijs & lignis missi à summis Sacerdotibus & Scribis,
& Senioribus. Dederat autē traditor eius signum eis, dicens: Quemcum-
que osculatus fuero, ipse est: tenete eū, & ducite cautē. Et cū venisset,
statim accedens ad eum, ait: Aue Rabbi: & osculatus est eum. At illi
manus iniecerunt in eum, & tenuerunt eum. Vnus autem quidam de
circumstantibus educēs gladium percussit seruum summi Sacerdotis,
& amputauit illi auriculam. Et respondens Iesus ait illis: Tanquā ad
latronē existis cum gladijs & lignis comprehendere me? quotidie eram
apud vos in templo docēs, & non me tenuistis. Sed vt impleantur Scrip-
turae. Tunc discipuli eius relinquentes eum, omnes fugerunt. A dole-
scens autem quidam sequebatur eum amictus sindone super nudo, &
tenuerunt eum. At ille reiecta sindone nudus profugit ab eis. Et addu-
xerunt Iesum ad summum Sacerdotē: & conuenerunt omnes Sacerdo-
tes, & Scribæ, & Seniores. Petrus autem à longē secutus est eum vsque
intro in atrium summi Sacerdotis, & sedebat cum ministris ad ignem,
& calefaciebat se. Summi verò Sacerdotes, & omne conciliū querebant
aduersus Iesum testimonium, vt eum morti traderent, nec inueniebant.
Multi enim testimonium falsum dicebant aduersus eum: & conueniē-
tia testimonia non erant. Et quidam surgentes, falsum testimonium fe-
rebant aduersus eum, dicentes: Quoniam nos audiui eum dicentē:
Ego dissoluam templum hoc manu factum, & per triduum aliud non
manufactum ædificabo. Et non erat conueniens testimonium illorum.
Et exurgens summus Sacerdos in medium interrogauit Iesum, dicens:
Non respondes quidquam ad ea, quæ tibi obijciuntur ab his? Ille autem
tacebat, & nihil respondit. Rursus summus Sacerdos interrogabat
eum, & dixit ei: Tu es Christus filius Dei benedicti? Iesus autem dixit
illi: Ego sum, & videbitis Filium hominis sedentem à dextris virtutis
Dei, & venientem cum nubibus cœli. Summus autem Sacerdos, scin-
dens vestimenta sua, ait: Quid adhuc desideramus testes? Audistis bla-
phemiam, quid vobis videtur? Qui omnes condemnauerunt eum esse
reum mortis. Et cœperunt quidam conspuere eum, & velare faciem
eius, & colaphis eum cedere, & dicere ei: Prophetiza. & ministri ala-
pis eum cædebant. Et cū esset Petrus in atrio deorsum, venit vna ex an-
cillis summi Sacerdotis: & cū vidisset Petrum calefacientem se, aspi-

Cap. 25.

ciens illum, ait: Et tu cum Iesu Nazareno eras. At ille negauit, dicens: Neque scio, neque noui, quid dicas. Et exiit foras ante atrium, & gallus cantauit. Rursus autem cum uidisset illum ancilla, coepit dicere circumstantibus: Quia hic ex illis est. At ille iterum negauit. Et post pusillum rursus qui astabant, dicebant Petro. Verè ex illis es. Nam & Galilæus es. Ille autem coepit anathematizare & iurare. Quia nescio hominem istum, quem dicitis. Et statim gallus iterum cantauit. Et recordatus est Petrus verbi, quod dixerat ei Iesus: Priusquam gallus cantet bis, ter me negabis. Et coepit flere. Et confestim mane consilium facientes summi Sacerdotes cum Senioribus & Scribis, & vniuerso concilio vincientes Iesum duxerunt & tradiderunt Pilato. Et interrogauit eum Pilatus: Tu es Rex Iudæorum? At ille respondens ait illi: Tu dicis. Et accusabant eum summi Sacerdotes in multis. Pilatus autem rursus interrogauit eum, dicens: Non respondes quidquam? Vide in quantis te accusant. Iesus autem ampliùs nihil respondit, ita ut miraretur Pilatus. Per diem autem festum solebat dimittere illis vnum ex vincētis, quemcunque petissent. Erat autem qui dicebatur Barabbas, qui cum seditiosis erat vincētus, qui in seditione fecerat homicidium. Et cum ascendisset turba coepit rogare, sicut semper faciebat illis. Pilatus autem respondit eis, & dixit: Vultis dimittam vobis Regem Iudæorū? Sciebat enim quod per inuidiam tradidissent eum summi Sacerdotes. Pontifices autē concitauerunt turbam, ut magis Barabbam dimitteret eis. Pilatus autem iterum respondens, ait illis: Quid ergo vultis faciam Regi Iudæorum? At illi iterum clamauerunt: Crucifige eum. Pilatus verò dicebat illis: Quid enim mali fecit? At illi magis clamabant: Crucifige eum. Pilatus autem volens populo satisfacere, dimisit illis Barabbam, & tradidit Iesum flagellis casum, ut crucifigeretur. Milites autem duxerunt eum in atrium prætorij, & conuocant totam cohortem, & induunt eum purpura, & imponunt ei plectentes spineam coronam. Et coeperunt salutare eum: Ave Rex Iudæorum. Et percutiebant caput eius arundine: & cōspuebant eum, & ponentes genua adorabant eum. Et postquam illuserunt ei, exuerunt illum purpura, & induerunt eum vestimentis suis, & educunt illum, ut crucifigeret eum. Et angariauerunt prætereuntē quempiam Simonem Cyrenæum venientē de villa, patrem Alexandri, & Rufi, ut tolleret crucē eius. Et perducunt illum in Golgotha locum, quod est interpretatum Caluarie locus. Et dabant ei bibere myrrhatum vinum, & nō accepit: Et crucifigentes eū, diuiserunt vestimenta eius, mittentes sortē super eis, quis quid tolleretur: erat autem hora tertia: & crucifixerunt eum. Et erat titulus causæ eius inscriptus: Rex Iudæorum. Et cum eo crucifigunt duos latrones: vnum à dextris, & alium à sinistris eius. Et impleta est Scriptura, quæ dicit: Et cum iniquis reputatus est. Et prætereuntes blasphemabant eum, moventes capita sua, & dicentes: Vah qui destruis templum Dei, & in tribus diebus reedificas: Saluum fac te ipsum descendens de cruce. Simili-

ter & summi Sacerdotes illudentes ad alterutrū cum Scribis dicebant : Alios saluos fecit, seipsum nō potest saluum facere. Christus Rex Israel descendat nunc de cruce, vt videamus, & credamus. Et qui cum eo crucifixi erant, conuitiabantur ei. Et facta hora sexta, tenebræ factæ sunt per totam terram, vsque in horā nonam. Et hora nona exclamauit Iesus voce magna, dicens: Eloi, Eloi lammafabacthani? Quod est interpretatum: Deus meus, Deus meus, vt quid dereliquisti me? Et quidā de circumstantibus audientes, dicebant: Ecce Eliam vocat. Currens autem vnus, & implens spongiam aceto, circumponensq. calamo, potum dabat ei, dicens: Sinite videamus si veniat Elias ad deponendum eum. Iesus autem emissa voce magna expirauit. Et velum tēpli scissum est in duo à summo vsque deorsum. Videns autē Centurio, qui ex aduerso stabat, quia sic clamans expirasset, ait: Verè hic homo Filius Dei erat. Erant autē & mulieres de longē aspicientes: inter quas erat Maria Magdalene & Maria Iacobi minoris, & Ioseph mater & Salome: quæ cū esset in Galilæa, sequebantur eum, & ministrabant ei, & aliæ multe, quæ simul cum eo ascenderant Hierosolymam. Et cū iam serò esset factum, (quia erat parasceue, quod est ante Sabbatum) venit Ioseph ab Arimathia nobilis decurio, qui & ipse erat expectans Regnū Dei, & audacter introiuit ad Pilatum, & petijt corpus Iesu. Pilatus autem mirabatur, si iam obiisset. Et accersito Centurione interrogauit eum, si iam mortuus esset. Et cū cognouisset à Centurione, donauit corpus Ioseph. Ioseph autem mercatus sindonem, & deponens eum inuoluit sindone, & posuit eum in monumento, quod erat excisum de petra, & aduoluit lapidem ad ostium monumenti.

Passio Domini nostri Iesu Christi secundum Lucam.



IN illo tempore: Appropinquabat dies Festus Azymorum, *Cap. 12* qui dicitur Pascha: & quærebant Principes Sacerdotum, & Scribæ quomodo Iesum interficerēt: timebant verò plebem. Intrauit autem Satanas in Iudam, qui cognominabatur Iscariotes, vnum de duodecim: & abiit & locutus est cum Principibus Sacerdotum, & magistratibus quemadmodum illum traderet eis. Et gauisi sunt, & pacti sunt pecuniā illi dare. Et spondit. Et quærebat opportunitatem, vt traderet illum sine turbis. Venit autem dies Azymorum, in qua necesse erat occidi Pascha. Et misit Petrum & Ioannem, dicens: Euntes parate nobis Pascha, vt manducemus. At illi dixerunt: Vbi vis paremus? Et dixit ad eos. Ecce introeuntibus vobis in Ciuitatem, occurret vobis homo quidam amphoram aquæ portans: sequimini eum in domū, in quam intrat, & dicetis patrifamilias domus: Dicit tibi magister: Vbi est diuerforiū, vbi Pascha cum discipulis meis manducem? Et ipse ostendet vobis coenaculum magnū stratum, & ibi

parate. Euntes autem inuenerūt sicut dixit illis, & parauerunt Pascha. Et cū facta esset hora, discubuit, & duodecim Apostoli cum eo: & ait illis: Desiderio desiderauī hoc Pascha manducare vobiscum, antequā pati. Dico enim vobis, quia ex hoc non manducabo illud, donec impleatur in regno Dei. Et accepto calice gratias egit & dixit: Accipite & diuidite inter vos. dico enim vobis, quod non bibam de generatione vitis, donec regnum Dei veniat. Et accepto pane gratias egit & fregit, & dedit eis, dicens: Hoc est corpus meū, quod pro vobis datur: hoc facite, in meam commemorationem. Similiter & calicem, postquā cœnauit, dicens: Hic est calix nouum testamentum in sanguine meo, qui pro vobis fundetur. Veruntamen ecce manus tradentis me, mecum est in mensa. Et quidem Filius hominis secundū quod definitum est, vadit: veruntamen vā homini illi, per quem tradetur. Et ipsi cœperunt querere inter se, quis esset ex eis, qui hoc facturus esset. Facta est autem, & contentio inter eos, quis eorum videretur esse maior. Dixit autem eis a Reges Gentium dominantur eorum, & qui potestatem habent super eos benefici vocantur. Vos autem non sic: sed qui maior est in vobis fiat sicut minor, & qui p̄cessor est, sicut ministrator. Nam quis maior est, qui recūbit, an qui ministrat? nonne qui recumbit? Ego autem in medio vestrum sum, sicut qui ministrat: Vos autem estis, qui permanistis mecum in tentationibus meis: Et ego dispono vobis sicut disposuit mihi Pater meus regnum, vt edatis, & bibatis super mensam meam in regno meo: & sedeat is super thronos iudicantes duodecim tribus Israel. Ait autem Dominus, Simō, Simō, ecce satanas expetiuit vos, vt cribraret sicut triticum: ego autem rogaui pro te, vt non deficiat fides tua: & tu aliquando conuersus, confirma fratres tuos. Qui dixit ei: Domine tecum paratus sum, & in carcerem & in mortem ire. At ille dixit. Dico tibi Petre, non cantabit hodie gallus donec ter abneges nosse me. Et dixit eis: Quando misi vos sine sacco & pera, & calceamentis, nunquid aliquid defuit vobis? At illi dixerunt nihil. Dixit ergo eis: Sed nunc qui habet sacculum, tollat similiter & peram: & qui non habet vendat tunicam suam, & emat gladium. Dico enim vobis, quoniā adhuc hoc, quod scriptū est, oportet impleri in me: Et cum iniquis depuratus est. Etenim ea quæ sunt de me finem habent. At illi dixerunt: Domine ecce duo gladij hic. At ille dixit eis: Satis est. Et egressus ibat secundū consuetudinem in montem Oliuarum. Secuti sunt autem illum & discipuli. Et cū peruenisset ad locū, dixit illis: Orate ne intretis in tentationem: Et ipse auulsus est ab eis, quantū iactus est lapidis: & positis genibus orabat, dicens: Pater, si vis, transfer calicem istum a me: Verūta-men non mea voluntas, sed tua fiat. Apparuit autē illi Angelus de cœlo confortans eum. Et factus in agonia prolixius orabat. Et factus est sudor eius sicut guttæ sanguinis decurrens in terram. Et cū surrexisset ab oratione, & venisset ad discipulos suos, inuenit eos dormientes p̄ tristitia. Et ait illis: Quid dormitis? Surgite, orate, ne intretis in tentationem.

nem. Adhuc eo loquente, ecce turba, & qui vocabatur Iudas, vnus de duodecim, antecedeat eos, & appropinquauit Iesu, vt oscularetur eum. Iesus autem dixit illi: Iuda osculo Filium hominis tradis? Videntes autem hi, qui circa ipsum erant, quod futurum erat, dixerunt ei: Domine si percutimus in gladio? Et percussit vnus ex illis seruum Principis Sacerdotum, & amputauit auriculam eius dexteram. Respondens autem Iesus ait: Sinite vsque huc. Et cum tetigisset auriculam eius, sanauit eum. Dixit autem Iesus ad eos, qui venerant ad se Principes Sacerdotum, & magistratus templi, & seniores: Quasi ad latronem existis cum gladijs & fustibus? Cum quotidie vobiscum fuerim in templo, non extendistis manus in me: sed hæc est hora vestra, & potestas tenebrarum. Comprehendentes autem eum, duxerunt ad domum Principis Sacerdotum: Petrus verò sequebatur à longè. Accenso autem igne in medio atrij, & circumfidentibus illis, erat Petrus in medio eorum: Quem cum vidisset ancilla quædam sedentem ad lumen, & eum fuisset intuita, dixit: Et hic cum illo erat. At ille negauit eum, dicens: Mulier, es noui illum. Et post pusillum alius videns eum, dixit. Et tu de illis es. Petrus verò ait: O homo, non sum. Et interuallo facto quasi horæ vnus, alius quidam affirmabat, dicens: Verè & hic cum illo erat: nam & Galilæus est. Et ait Petrus: Homo, nescio quid dicis. Et continuo adhuc illo loquente cantauit gallus. Et conuersus Dominus respexit Petrum: Et recordatus est Petrus verbi Domini, sicut dixerat: Quia priusquam gallus cantet, ter me negabis. Et egressus foras Petrus fleuit amarè. Et viri qui tenebant illum, illudebant ei cædentes. Et velauerunt eum, & percutiebant faciem eius, & interrogabant eum, dicentes: Prophetiza quis est qui te percussit? Et alia multa blasphemantes dicebant in eum. Et vt factus est dies, conuenerunt seniores plebis, & Principes Sacerdotum, & Scribæ, & duxerunt illum in concilium suum, dicentes: Si tu es Christus, dic nobis. Et ait illis: Si vobis dixero, non creditis mihi: si autem & interrogauero, non respondebitis mihi, neque dimittetis. Ex hoc autem erit filius hominis sedens à dextris virtutis Dei. Dixerunt autem omnes: Tu ergo es Filius Dei? Qui ait: Vos dicitis, quia ego sum. At illi dixerunt: Quid adhuc desideramus testimonium? ipsi enim audiuius de ore eius. Et surgens omnis multitudo eorum, duxerunt illum ad Pilatum. Coeperunt autem illum accusare, dicentes. Hunc inuenimus subuertentem gentem nostram, & prohibentem tributa dare Cæsari, & dicentem se Christum Regem esse. Pilatus autem interrogauit eum, dicens: Tu es Rex Iudeorum? At ille respondens ait: Tu dicis. Ait autem Pilatus ad Principes Sacerdotum, & turbas: Nihil inuenio causæ in hoc homine. At illi inualescebant, dicentes: Commouet populum docens per vniuersam Iudæam, incipiens à Galilæa vsque huc. Pilatus autem audiens Galilæam, interrogauit, si homo Galilæus esset. Et vt cognouit, quod de Herodis potestate esset, remisit eum ad Herodè, qui & ipse Hierosoly-

mis erat illis diebus. Herodes autem viso Iesu, gaudens est valde. Erat enim cupiens ex multo tempore videre eum, eo quod audierat multa de eo, & sperabat signum aliquod videre ab eo fieri. Interrogabat autem eum multis sermonibus. At ipse nihil illi respondebat. Stabant autem Principes Sacerdotum, & Scribæ constanter accusantes eum. Spreuit autem illum Herodes cum exercitu suo: & illi induit vestem albam, & remisit ad Pilatum. Et facti sunt amici Herodes, & Pilatus in ipsa die: nam antea inimici erant adinuicem. Pilatus autem conuocatis Principibus Sacerdotum & magistratibus, & plebe, dixit ad illos: Obtulistis mihi hunc hominem quasi auertentem populum, & ecce ego coram vobis interrogans nullam causam inueni in homine isto ex his, in quibus eum accusatis. Sed neque Herodes: nam remisi vos ad illum, & ecce nihil dignum morte actum est ei. Emendatum ergo illum dimittam. Necessè autem habebat dimittere eis per diem festum vnum. Exclamauit autem simul vniuersa turba, dicens: Tolle hunc, & dimitte nobis Barabbam, qui erat propter seditionem quãdam factum in Ciuitate, & homicidium missus in carcerem. Iterum autem Pilatus locutus est ad eos, volens dimittere Iesum. At illi succlamabant, dicentes: Crucifige, crucifige eum. Ille autem tertio dixit ad illos. Quid enim mali fecit iste? nullam causam mortis inuenio in eo: corripiam ergo illum & dimittam. At illi instabant vocibus magnis postulantes, vt crucifigeretur, & inualescebant voces eorum. Et Pilatus adiudicauit fieri petitionem eorum. Dimisit autem illis eum, qui propter homicidium, & seditionem missus fuerat in carcerem, quem petebant, Iesum verò tradidit voluntati eorum. Et cum ducerent eum, apprehenderunt Simonem quendam Cyrenensem venientem de villa: & imposuerunt illi crucem portare post Iesum. Sequebatur autem illum multa turba populi, & mulierum, quæ plangebant, & lamentabantur eum. Conuersus autem ad illas Iesus, dixit: Filie Ierusalem, nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beata steriles, & ventres, qui non genuerunt, & vbera, quæ non lactauerunt. Tunc incipient dicere montibus: Cadite super nos, & collibus, operite nos. Quia si in viridi ligno hæc faciunt, in arido quid fiet? Ducebantur autem & alij duo nequam cum eo, vt interficerentur. Et postquam venerunt in locum, qui vocatur Caluarie, ibi crucifixerunt eum, & latrones, vnum a dextris, & alterum à sinistris. Iesus autem dicebat: Pater dimitte illis: non enim sciunt quid faciunt. Diuidentes verò vestimenta eius, miserunt sortes: Et stabat populus spectans, & deridebant eum Principes cum eis, dicentes: Alios saluos fecit, se saluum faciat, si hic est Christus Dei electus. Illudebant autem ei, & milites accedentes, & acetum offerentes ei, & dicentes: Si tu es Rex Iudæorum, saluum te fac. Erat autem & superscriptio scripta super eum litteris Græcis, & Latinis, & Hebraicis: Hic est Rex Iudæorum. Vnus autem de his, qui pendebant latronibus, blas-

phemabat eum, dicens: Si tu es Christus, saluum fac te metipsum, & nos. Respondens autem alter increpabat eum, dicens: Neque tu times Deum, quod in eadem damnatione es? Et nos quidem iuste, nam digna factis recipimus; hic verò nihil mali gessit. Et dicebat ad Iesum: Domine memento mei cum veneris in regnū tuum. Et dixit illi Iesus: Amen dico tibi: Hodie mecum eris in Paradiso. Erat autem ferè hora sexta, & tenebræ factæ sunt super vniuersam terram vsque in horam nonam, & obscuratus est sol, & velum templi scissum est medium. Et clamans voce magna Iesus, ait: Pater in manus tuas commendo spiritum meum. Et hæc dicens expirauit. Videns autem Centurio quod factum fuerat, glorificauit Deum, dicens: Verè hic homo iustus erat. Et omnis turba eorum, qui simul aderant ad spectaculum istud, & videbant quæ fiebant, percutientes pectora sua reuertebantur. Stabant autem omnes noti eius à longè, & mulieres, quæ secutæ eum erant à Galilæa, hæc videntes. Et ecce vir nomine Ioseph, qui erat decurio, vir bonus, & iustus: hic non consenserat consilio & actibus eorum, ab Arimathia ciuitate Iudææ, qui expectabat & ipse Regnum Dei. hic accessit ad Pilatum & petijt corpus Iesu: & depositum inuoluit sindone, & posuit eum in monumento exciso, in quo nondum quisquam positus fuerat.

Oratio ad Dominum Iesum Christum, de singulis articulis passionis eius dicenda à moriente, vel ab alio pro eo.

✠ Adoramus te Christe, & benedicimus tibi.

✠ Quia per sanctam crucem tuam redemisti mundum.

DEus, qui pro redemptione mundi voluisti nasci, circumcidi, à Iudæis reprobari, à Iuda traditore osculo tradi, vinculis alligari, sicut agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri, à falsis testibus accusari, flagellis & opprobrijs vexari, sputis conspui, spinis coronari, colaphis cædi, arundine percuti, facie velari, vestibus exui, cruci clauis affigi, in cruce leuari, inter latrones deputari, felle & aceto potari, & lancea vulnerari: tu Domine per has sanctissimas poenas tuas, quas ego indignus recolo, & per sanctam crucem & mortem tuam, libera me [*vel si alius dicit pro eo*, libera famulum tuum **N.**] à poenis inferni, & perducere digneris, quò perduxisti latronem tecum crucifixum. Qui cum Patre & Spiritu sancto viuis & regnas in secula seculorum. Amen.

MODVS IUVANDI MORIENTES.

De prouidendis assistentibus mori morituro,
deq. eorum officio.



Hora tantæ necessitatis, atque instantis mortis discrimine, debet vnusquisque fidelis charitatem suam erga proximum migraturum tanto feruentius, abundantiusq. monstrare, quantò tunc maior est indigentia; & præsertim omnis Prælati parochus, siue eius Vicarius erga sibi commissos, ne ex sua negligentia, ovis sibi credita ab infernalibus illis lupis, crudelissimisq. prædonibus, & procacissimis & fallacissimis hostibus deuoretur, decipiat, ac omnium Creato-

ri, saluatoriq. animarum æternaliter auferatur. Pastor ergo & custos, ac medicus animarum, tunc præcipuè curet adesse migraturo, pro quo & ipse coram Deo rationem reddere obligatur. Quòd si impeditus, vel aliàs personaliter adesse cõuenienter nequiverit, summa cū diligentia prouideat, & disponat, vt deuotæ & religiosæ & prudentes personæ illi assistant quoad emisit spiritum. Et primum quidem ægrotus ipse opportunè & satis tempestiuè est admonendus, præsertim à suo Pastore parochi, seu superiore, vt dum adhuc benè compos est mentis plenè & integrè confiteatur sua peccata, si nondum est confessus, vel si iam confessus est, & opus sit, iterum confiteatur, siue (vt loquuntur) reconcilietur; & quoties opus fuerit, peccatorum confessionem repetat.

Ac vt si nondum sacram communionem percepit, illam reuerenter suscipiat.

Item vt si extremam Vnctionem non accepit, illam deuotè petat, & accipiat.

Curet præterea parochus, seu assilens, vt præter deuotas orationes & pias historias, quæ ipsi ægroti perleguntur, recenscantur etiam illi Dei & Ecclesiæ præcepta; vt profundius meditetur, si quid aduersus ea deliquerit, quod negligenter oblitus fuerit confiteri: vel similis coram eo instructio recitetur.

Aduertat etiã, vt non detur ei nimia spes corporalis salutis recuperandæ, ne ea ex morientis animo salutis spiritualis curam excutiat aut imminuat. Sæpe namque per huiusmodi inanem & falsam consolationem, & incertam sanitatis corporeæ confidentiam, certam incurrit homo damnationem: quinimò moneatur, vt per contritionem & confessionem, animæ sanitatem procuret; quod & ad salutem corporis, si sibi expediens fuerit, valere poterit; & ita securior atque quietior erit.

Corporis autem incolunitatem à Deo postulare licebit ea conditione, si tamen expediat gloriæ eius diuinæ maiestatis, & ipsius animæ salutis.

Quare admonetur, vt omni vana spe recuperandæ valetudinis abiecta, omnia sua disponat, cūctis ignoscat, & sibi ab omnibus ignoscei precetur: ablata & cūcta bona iniuste adeptæ, sua habita restituat, vel cū effectu restitui mandet, & debita sua persoluat, atque in remissionè peccatorum suis ipsius, & suorum aliqua bona iuxta facultates sibi à Domino cõcessas, Ecclesiæ, & Christi pauperibus pro ipsorum subuentione largiatur.

Itemque vt mentem conuertat ad Dominum, eius misericordiam inuocando, eius pietati & gratiæ se commendando; diuinæ liberalitati, ac beneficentiæ gratias ex corde de vniuersis beneficijs sibi collatis deuotè agendo; diuinæ voluntati suam humiliter voluntatem conformando, & subiiciendo; diuinæ quoque iustitiæ rigorem sapienter meruat; in sola Dei pietate, & gratia confidat, omne bonum ac meritum Deo plenè, & integrè adscribendo.

Insuper attendat ad acerbissimam passionem Domini nostri Iesu Christi, & illam recolat & meditetur (præsertim cū illius historia legitur) & cetera eius beneficia, & omnem charitatem ipsius ad homines, & ipsum, pro se passum, saltem mente adoret, amplectatur, & benedicat. Inuocet quoque ex corde gloriosam eius genitricem semper Virginem Mariam, & Sanctos; eos præsertim ad quos maiorem habet deuotionem,

uotionem, patronos suos, vel Ciuitatis, aut loci, aut parochiz, & sanctum Angelum suum custodem. Patientiam in omnibus seruet. Omnem item pranam suggestionem prorsus abiciat, atque ei omnino dissentiat & contradicat, potissimum curando, vt in seruente, ac pura charitate & amore in Deum, seu in sincera conuersione ad eum perseuerans ex hac vita discedat; certus quod in ea conuersione, seu auersione, in qua à corpore suo recesserit, in æternum permanebit, iuxta id quod scriptum est: si ceciderit lignum ad Austrum aut ad Aquilonem, in quocunque loco ceciderit, ibi erit.

Eccles. 11. 2.

Curandum præterea est, ne coniux liberi, & alij propinqui, & amici carnales, quos valde dilexit, aut pecuniæ, & bona, ac aliæ res temporales, quibus nimium additus videbatur, ei in memoriam reducantur: nisi quantum id exigit infirmi spiritualis salus, & cum aliis conuenienter omitti non potest: multoque minus res aut personæ, quæ ei peccandi occasionem præbuerunt.

Prouidendum quoque est, vt vel hic liber, vel Sacerdotalis, vel Ioannis Gersonis, aut Dionysij Carthusiani, vel Methodi confessionis, aut pij alicuius viri de arte bene moriendi, Codex seu opusculum habeatur.

Item vt si sancta Crux apud infirmum relicta post exhibitam Extremam Vnctionem coram non habeatur; tunc illa, vel alia ante morientis oculos collocetur, vt semper coram se habeat, & ipsa vel sacra alia crucifixi imago ei deosculanda sæpius præsentetur, seu porrigatur.

Sic etiam imago Beatæ Mariæ semper Virginis, aut alicuius Sancti, cui magis deuotus est, seu quem peculiari veneratione colebat, dum esset incolumis.

Item vt & vasculum cum aqua benedicta in eodem cubiculo, in quo iacet ægrotus habeatur, atque ea illud, & ipse ægrotus, & lectulus eius circumquaque sæpius aspergantur ad pellendos dæmones & eorum auertendos incursus.

Insuper aliquis vir pius, seu religiosus qui ad id magis idoneus videbitur, sedeat assidue iuxta ægrum, mox decessurum, & cum diligenter, & opportunè, seruenter & deuotè exhortetur de necessarijs, ac pertinentibus ad salutem, quamdiu intelligit, & capax esse videtur. Specialiter verò admoneatur, vt nulli diabolicæ suggestioni, nulli mortiferæ tentationi præstet consensum, imò omnibus illis viriliter reluctetur, & resistat, in infinita Dei misericordia confidendo, ac viscera diuinæ pietatis humiliter inuocando.

Et si assidens deprehendere poterit, qua tentatione moriens impugnetur, debet eum specialiter contra illam tentationem armare, commemorando ei congrua remedia aduersus eam. [vt etiam inferius traditur.]

Vniuersi demum, qui adsunt, debent pro eius defensione, & salute indefinenter cum omni compunctione, & seruo orare, excluso omni carnali & inordinato amore, omniq. aliena & ad rem non pertinente occupatione.

Curabit etiam sacerdos curatus aut assistens, vt si commodum fuerit pro salute animæ morientis in Ecclesijs, vel in Monasterijs & Conuentibus vtriusque sexus religiosorum, atque in alijs pijs locis Ciuitatis, Oppidi aut Terræ triduanæ, vel biduanæ seu quadraginta horarum iuges orationes instituantur, aut alie ad Deum supplicationes, & deprecationes fiant, suppeditatis etiam elemosynis vel impensis pro qualitate personarum.

Necnon vt priuatæ, seu peculiare Missæ pro ipso infirmo seu proximo morti, aut cum eiusmodi collectis Missæ de sanctissima Trinitate, de Spiritu sancto, de cruce, vel de passione Domini, aut de beata Maria semper Virgine, aut de Angelis, aut etiam de sanctis Apostolis Petro & Paulo, aut de alijs mysterijs & sanctis iuxta deuotionem morientis, & suorum celebrentur: iudicio etiam ipsius Sacerdotis; qui & ipse pro eo orabit, & Missas itidem celebrabit.

Item vt pro modo facultatum Christi pauperibus, & pijs locis indigentibus elemosinæ largiùs erogentur.

Et demum faciet & præstabit erga morientem alia pietatis officia, quæ sequuntur.

Exhor-

Exhortationes morientibus faciendæ.

Si infirmus in extremis laboret, & adhuc sensus vigeat, poterit Sacerdos placidis, lenibusq; verbis vulgari aut alio sermone (secundum conditionem personæ) eum hortari, vt infra.

Hebr. 9. 2

Considera frater charissime [vel soror charissima] omnibus, etiam Regibus, Principibus, diuitibus & pauperibus, & alijs cuiuscunque sint conditionis & status constitutum esse semel mori (alijs tardiùs, alijs citiùs) vt naturæ debitum soluamus, cum Domino Deo nostro visum fuerit, qui in hoc mundo commorandi non habitandi dedit diuersorium. Non est ergo cur vitam istam tantopere desideres, in qua quantò diutiùs viuatur, tantò plus peccatur. Itaque tibi potiùs est gaudendum, quòd per hanc mortem à Dei offensâ liberaberis, & ex hac temporali & misera vita ad æternam beatamq; Dei misericordia commigrabis.

Agnosce charissime frater [vel charissima soror] cum gratiarum actione Dei beneficia in te collata. Quòd tibi hastenus etiam in hac extrema vitæ tuæ periodo sui cognitionem benignè indulserit. Quòd morte repentina te opprimi noluerit. Quòd te creaturam suam per orthodoxæ fidei religionem ad cœlestem hæreditatem misericorditer vocauerit. De quibus, alijsq; innumeris beneficijs Domino Deo nostro habere gratiam, teq; ingratum recognoscens, ad inextinguitam eius misericordiam confugas, & de peccatis tuis veniam humiliter postula.

Considera frater charissime [vel soror charissima] quòd Deus Pater Filium suum dilectum, infontem & innoxium, in quo sibi benè complacuit, pro nobis miseris peccatoribus tot & tantas tribulationes sustinere voluit. Vnde cum in tuæ vitæ decursu multa & grauissima peccata commiseris, pro quibus pœnas his longè acerbiores commeruisti, huius morbi & mortis dolores patienter tolerare debes; Deum humiliter rogans, vt præsens dolor tibi valeat ad peccatorum tuorum remissionem; & vt Purgatorij horribiles cruciatus in istam afflictionem tuam per suam misericordiam commutare dignetur; & pro pœnis futuris det præsentes tribulationes, quæ nullæ sunt ad futuras. Quod si contrito corde petieris, pœnam necessariam tanquàm voluntariam feres, & Purgatorium tuum facies hîc in mundo, videlicet has pœnas, alioquin necessarias, & quas nulla ratione posses euitare, pro peccatis tuis soluendo; alioquin per impatientiam in æternam pœnam & damnationem incurres.

Patienter tolerauerunt mortem Christus & eius Martyres, tu quicquid in carne toleras leuius esse credas eorum tormentis. Velis nolis morieris: Fac igitur de necessitate virtutem, vt dum tributum naturæ perfoluis, apud Deum inuenias meritum.

Si diu te in hac agonia Deus esse velit, patienter sustine, dicens: Domine adauge dolorem; sed adauge patientiam. Et cum beato Augustino:

gustino: Hic vre, hic seca; dummodò in æternum parcas.

Super omnia autem in hac extrema hora constitutus meditare circa, etiam spiritualem salutem: nunquam enim fortassis in futurum huius meditationis occurret opportunitas. Omnem aliam sollicitudinem & rerum terrenarum curam relinque, quas nihilominus relinqui necesse est: quæ nec ab inferni præcipitio corruentem eripere valent. Plena, fide te Deo committe, & ei qui omnipotens, summè bonus, summè sapiens est, te & tua & tuorum negotia regenda præbe & remitte. . . Omnem præterea cogitatum tuum in eum dirige: adstantes solum & superstites rogans, vt pro salute tua Deum suppliciter precibus exorent.

Considera etiam, quòd etsi Deum ex te dignè non promereris, ei tamen per ipsius gratiam coniungi poteris, sed non perfectè, nisi debitum naturæ persolueris. Itaque de Dei misericordia, non de proprijs meritis confisus, cum Apostolo dicas: Cupio dissolui & esse cum Christo. Et cum Propheta: Quemadmodum desiderat ceruus ad fontes aquarum; ita desiderat anima mea ad te Deus. Et iterum: Concupiscit & deficit anima mea in atria Domini: teq. totum Deo offeras, sicut & Sancti fecerunt, quos & tu imitari debes, contremiscens ob peccata commissa de Dei iudicio; sed non diffidens de illius misericordia. . .

Philip. x.

Psal. 41.

Psal. 83.

Interrogationes seu protestationes, aut monitiones morientibus faciendæ, omnes, vel aliquæ pro loco, tempore & qualitate personarum, ne vel prolixitate defatigentur, vel per importunitatem, tædio aut molestia afficiantur.

Nonne frater charissime [vel soror charissima] firmiter credis omnes articulos fidei: & quicquid in tota sacra Scriptura continetur, per omnia secundum sanctorum Catholicorum atque orthodoxorum Patrum, & sanctæ Ecclesiæ Doctorum expositionem: & insuper quicquid sancta Romana Catholica & Apostolica Ecclesia credit, docet & prædicat? **Respondeat infirmus.** Credo.

Nonne detestaris, reprobas, & anathematizas omnes hæreses, errores, & superstitiones, & quicquid eadem detestatur, reprobatur & anathematizat Catholica sancta mater Ecclesia? **Respondeat.** Detestor, reprobo, & anathematizo.

Nonne vis mori in soliditate Christianæ & Catholicæ fidei, vt verus & Catholicus Christianus, & obediens Ecclesiæ filius? **Respondeat.** Volo.

Nonne gaudes mori in fide Domini nostri Iesu Christi, & in vnitatem & obedientiam sanctæ matris Ecclesiæ? **Respondeat.** Gaudeo.

Fateris te non tam bonè vixisse sicut debuisses? **Respondeat.** Fateor & poeniter.

Cognoscisne te grauiter & sæpius offendisse Dominum Deum creatorem tuum, à quo tot & tanta beneficia accepisti, & à quo habes quicquid boni habes? **Respondeat.** Cognosco, & poeniter.

Cogno-

Cognoscis etiam multum offendisse animam tuam & proximum tuum? **Respondet.** Cognosco.

Doles ex corde de omni offensa contra Dominum Deum tuum, teipsum & proximum tuum qualitercunque commissa? **Respondet.** Doleo.

Doles de omni negligentia & omissione bene operandi, & de contemptu gratiarum à Domino Deo tuo tibi collatarum? **Respondet.** Doleo.

Nonne petis à Deo veniam peccatorum, quæ commisisti contra eius summam maiestatem, & quòd eum dignè non honorasti? **Respondet.** Peto.

Nonne te poenitet ingratum fuisse Deo de compluribus beneficijs ab eo in te collatis ad salutem animæ tuæ? **Respondet.** Poenitet.

Nonne doles, quòd postquam veniam & misericordiam de peccatis tuis per Sacramentum poenitentiae à Domino Deo consecutus es, recidens reuersus es ad eadem vel similia, vel etiam ad maiora peccata? **Respondet infirmus.** Doleo.

Doles de his non mortis, nec cuiusvis poenæ timore; sed solùm propter Deum, & considerationem offensionis eius diuinæ bonitatis? **Respondet.** Ita doleo.

Proponis in posterum, si Deo placuerit, te ab hac ægritudine liberare, toto tempore vitæ tuæ à peccatis mortalibus cauere, & vitam tuam in melius commutare atque corrigere; & potius quodcunque damnum temporale, aut mortem corporalem sustinere, quàm Deum per peccatum mortale offendere? **Respondet.** Propono.

Num es tibi conscius aut memor alicuius peccati mortalis, de quo Sacerdoti non sis confessus? **Respondet.** Sum, vel non sum.

Nonne de peccatis oblitis libens confitereris, si in mentem venirent? **Respondet.** Confiterer.

Desideras recordari omnium peccatorum tuorum oblatorum, vt de ipsis habere possis specialem contritionem & dolorem & poenitentiam? **Respondet infirmus.** Desidero.

Doles quòd non potes recordari de omnibus peccatis tuis non confessis, quibus Dominum Deum offendisti in quocunque loco & cum quauis persona, quæ si recordareris, integrè confitereris? **Respondet infirmus.** Doleo.

Nonne optas cor tuum à Deo illuminari, vt oblita peccata in memoriam reuoces, & de ijs specialiter valeas poenitere, & ea confiteri? **Respondet.** Opto.

Nonne credis, quòd Dominus noster Iesus Christus mortuus sit pro nostra omniumque salute, & quòd nemo saluari possit, nisi in virtute & merito passionis eius? **Respondet.** Credo.

Nonne ex corde parcis omnibus, qui tibi quoquomodo fuerunt molesti, infesti vel aduersi? **Respondet.** Parco.

Parcis omnibus inimicis tuis, qui verbo vel facto, tibi vel tuis in te aliqua

nocue-

nocuerunt, amore Domini Dei tui, à quo etiam tu veniam tuorum peccatorum petis & speras; & hoc non solum verbo, sed corde & firma voluntate? *Respondeat infirmus*. Parco.

Nonne omnibus veteribus inimicijs ex tuo expunctis animo, cum inimicis paratus es in gratiam redire? *Respondeat*. Sum paratus.

Nonne ab ijs veniam postulas, quos aliquando dictis aut factis offendisti? *Respondeat*. Postulo.

Nonne vis omnia per te vel alios iniuste ac indebite ablata integre restituere illis à quibus habuisti, & propterea omnes facultates tuas, si aliter satisfacere non posses, exponere & erogare, veniam petens coram Deo & hominibus de huiusmodi iniurijs commissis? *Respondeat infirmus*. Volo & paratus sum.

Nonne omnem quem pateris dolorem propter Deum, in poenitentiam tuorum peccatorum patienter & æquanimiter toleras? *Respondeat*. Deo adiuuante tolero.

Age gratias Christo Domino; ipsumque inuoca Saluatorem, & quantum potes toto corde eius passionem recale, & de ea cogita. *Respondeat infirmus*. Ago & cogitabo.

Si occurrerit tibi diabolus, ei semper appone merita Domini Iesu Christi. *Respondeat infirmus*. Apponam.

Si te tentauerit de fide, dicas te omnia credere & confiteri, quæ credit & confiteretur sancta Catholica & Apostolica Ecclesia. *Respondeat infirmus*. Dicam.

Si occurrerit tibi seueritas diuinæ iustitiæ, quasi Dominus Deus velit te secundum tua peccata iudicare, dicas: Non intres in iudicium cum seruo tuo Domine: quia non iustificabitur in conspectu tuo omnis viuens.

Item Domine Deus, ego pono passionem crucem & mortem Domini mei Iesu Christi inter me & iudicium tuum; & quamuis meruerim æternam mortem propter peccata mea; interpono tamen meritum passionis eiusdem loco meriti, quod ego miser habere deberem, & non habeo.

Item Domine pono eandem passionem & mortem Domini mei Iesu Christi inter me & iram tuam; & In manus tuas Domine commendo spiritum meum. *Respondeat infirmus*. Dicam.

Orationes breues in morte dicendæ.

Cum diuersis hominibus diuersæ orationes conueniant: ideo plures & breues siue iaculatoriæ, & ex Psalmis nonnullæ proponuntur. Verum inter omnes breuis & communis illa, sed grauissima & præclarissima est oratio Dominica, quam Dominus & Saluator noster proprio ore docuit discipulos suos, dicens: Sic orabitis, **P**ater noster qui es in coelis &c. Hanc ergo orationem sanctissimam tam infirmus, quantum qui ei assistunt, possunt frequentius Deo offerre, ac iterare.

Aliqui

Aliqui magnam percipiunt consolationem in lectione passionis Domini, vel vitarum Sanctorum.

**Aliquibus autem infirmis magis sapiunt Psalmi, & eos libentiùs legunt, & faciunt coram se legi, quoad spiritum emittant, exemplo S. Augusti-
ni, qui agens in extremis septem Psalmos poenitentiales fecit in pariete scribi, & oculis suis apponi, quos legens ac intuens vberimè fleuit.**

Aliqui verò in quibusdam Psalmorum versibus ampliùs delectantur. Idcirco infra notandi & consimiles versùs aliqui vel omnes, vt per tempus & statum ægrotantis licebit, à morituro sunt proferendi: vel si eos proferre non valet, ab aliquo præsentè sunt ipso audiente pronuntiandi, & qui morientis dispositioni magis conueniunt, sunt ei specialiter proponendi.

In primis itaque dicatur vers. ille dignissimùs à Christo Domino in cruce prolatus: In manus tuas Domine commendo spiritum meum, (qui morienti & agonizanti, etiamsi exaudire vel percipere nequeat, sæpissimè est recitandus & ingerendus) in hunc modum.

Psal. 30.

*Ibidem. &
Lucæ 33.*

Dicas frater charissime, vel charissima soror, ex toto corde: In manus tuas Domine commendo spiritum meum: redemisti me Domine Deus veritatis. Et dicat ter.

Quòd si non potest loqui, dicant pro eo Sacerdos, & astantes:

In manus tuas Domine commendo spiritum meum.

Psal. 3.

Exurge Domine, saluum me fac Deus meus.

Psal. 6. & 37.

Domine ne in furore tuo arguas me; neque in ira tua corripias me.

Psal. 12.

Vsquequo exaltabitur inimicus meus super me? respice & exaudi me, Domine Deus meus.

Illumina oculos meos, ne vnquam obdormiam in morte: ne quando dicat inimicus meus, præualui aduersus eum.

Qui tribulant me, exultabunt si motus fuero: ego autem in misericordia tua speraui.

Psal. 16.

Miserifica misericordias tuas, qui saluos facis sperantes in te.

A resistētibus dexteræ tuæ custodi me vt pupillam oculi.

Sub vmbra alarum tuarum protege me; à facie impiorum qui me afflixerunt.

Psal. 37.

Ne derelinquas me Domine Deus meus; ne discefferis à me.

Intende in adiutorium meum, Domine Deus salutis meæ.

Psal. 43.

Exurge Domine adiuua me; & redime me propter nomen tuum.

Psal. 50.

Miserere mei Deus, secundùm magnam misericordiam tuam; & secundùm multitudinem miserationum tuarum dele iniquitatem meam, cum sequētibz versibus.

Amplius laua me ab iniquitate mea; & à peccato meo munda me.

Quoniam iniquitatem meam ego cognosco; & peccatum meum contra me est semper.

Tibi soli peccaui & malum coram te feci; vt iustificeris in sermonibus tuis, & vincas cùm iudicaris.

Ecce enim in iniquitatibus conceptus sum; & in peccatis concepit me, mater mea.

Auerte faciem tuam à peccatis meis; & omnes iniquitates meas dele.

Cor mundum crea in me Deus; & spiritum rectum innoua in visceribus meis.

Ne proijcias me à facie tua: & Spiritum sanctum tuum ne auferas à me.

Redde mihi lætitiā salutaris tui: & spiritu principali confirma me.

Eripe me Domine de inimicis meis Deus meus: & ab insurgentibus in me libera me. *Psal. 58.*

Non me demergat tempestas aquæ: neque absorbeat me profundum; neque vrgeat super me puteus os suum. *Psal. 68.*

Exaudi me Domine, quoniam benigna est misericordia tua: secundum multitudinem miserationum tuarum respice in me.

Et ne auertas faciem tuam à puero tuo: quoniam tribulor, velociter exaudi me.

Intende animæ meæ, & libera eam: propter inimicos meos eripe me.

Deus in adiutorium meum intende: Domine ad adiuuandum me festina. *Psal. 69.*

Confundantur & reuereantur, qui quærunt animam meam.

Auertantur retrorsum erubescences: qui dicunt mihi euge, euge.

Adiutor meus & liberator meus es tu: Domine ne moreris.

In te Domine speraui non confundar in æternum: in iustitia tua libera me, & eripe me. *Psal. 70.*

Inclina ad me aurem tuam, & salua me.

Esto mihi in Deum protectorem, & in locum munitum.

Deus ne elongeris à me: Deus meus in auxilium meum respice.

Confundantur & deficiant detrahentes animæ meæ: operiantur confusione & pudore, qui quærunt mala mihi.

Domine ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis. *Psal. 78.*

Et hi quidem versus valdè delectantur poenitentibus & imperfectis; ac etiam perfectioribus & charitate seruientibus: quibus tamen speciatim videntur conuenire alij versus, vt

Lætatus sum in his quæ dicta sunt mihi: in domum Domini ibimus. *Psal. 122.*

Domine dilexi decorem domus tuæ: & locum habitationis gloriæ tuæ. *Psal. 25.*

Credo videre bona Domini in terra viuentium. *Psal. 26.*

Illustra faciem tuam super seruum tuum: saluum me fac in misericordia tua: Domine non confundar, quoniam inuocaui te. *Psal. 30.*

Quam dilecta tabernacula tua Domine virtutum: Rex meus, & Deus meus. *Psal. 33.*

Dirupisti vincula mea, tibi sacrificabo hostiam laudis, & nomen Domini inuocabo. *Psal. 124.*

Qui versus potest pluries repeti, vel saltem ter.

Defecit in salutare tuum anima mea: & in verbum tuum supersperaui.

Cia.

Psal. 141.

Clamaui ad te Domine, dixi, tu es spes mea: portio mea in terra viuentium.

Educ de custodia animam meam, ad confitendum nomini tuo: me expectant iusti, donec retribuas mihi.

Psal. 142.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Spiritus tuus bonus deducet me in terram rectam: propter nomen tuum Domine viuificabis me in æquitate tua.

Educes de tribulatione animam meam: & in misericordia tua disperdes omnes inimicos meos.

Et perdes omnes qui tribulant animam meam: quoniam ego seruus tuus sum.

Et confimiles.

Lucæ 23.

Sonet in mentis meæ auribus vox illa tua dulcis: Hodie mecum eris in paradiso.

Tunc etiam infirmus accipere aut tangere poterit proprijs manibus, si valet, carnes pectoris sui circa cor, & papillas, & cum lachrymis seu gemitu dicere.

Domine Iesu Christe fili Dei viui, & Beatæ Mariæ semper virginis, totis visceribus meis confiteor & credo, quod tu Redemptor meus viuis: & in nouissimo die de terra surrecturus sum, & rursus circumdabor pelle mea, & in ista carne mea videbo te Deum Saluatorem meum.

Iob 19. d

Inde ponat digitos suos super oculos, & dicat:

Et oculi isti te conspecturi sunt.

Postea eleuatis oculis ad cælum se signet signo sanctissime crucis, præcipuè faciem pectus & corpus, & dicat:

Omnia mihi terrena vilescant. Ad te Deus meus propero, qui quod oculus non vidit, nec auris audiuit, nec in cor hominis ascendit præparasti diligentibus te. Et ecce in manus tuas Domine commendo spiritum meum; redemisti me Domine Deus veritatis: Qui cum Patre & Spiritu sancto viuis & regnas per omnia secula seculorum. *Be. Amen.*

Isaia 64. &
1. Cor. 8.

Dicat etiam, si potest, infirmus infrascriptas orationes. Si autem inualecente morbo dicere non potest, dicat eas Sacerdos, aut aliquis de assistentibus mutatis mutandis.

Oratio ad sanctissimam Trinitatem.

O Summa Deitas, immensa bonitas, clementissima & gloriosissima Trinitas; summa dilectio, amor & charitas, miserere mihi misero Peccatori: tibi enim commendo spiritum meum.

Oratio ad Patrem.

Deus meus, piissime Pater, Pater misericordiarum, misericordiam fac huic pauperclæ creaturæ tuæ. Adiua nunc eam in hac extrema necessitate: Succurre iam Domine animæ egenti & desolatæ, sed in te solum speranti; vt à canibus infernalibus non deuoretur.

Oratio

Oratio ad Filium.

Dilectissime & amantissime Domine Iesu Christe fili Dei viui ob honorem & virtutem tuæ sanctissimæ passionis, iube me recipi in numerum electorum tuorum.

Saluator & redemptor meus redde me totum tibi, non me renuas; ad te venio, non me repellas.

Oratio ad eundem Filium.

Domine Iesu Christe, paradysum tuum postulo, non ob valorem meritorum meorum, cum sim pulvis & cinis, atque peccator miserrimus: sed in virtute & efficacia tuæ sacratissimæ passionis, per quam me miserum redimere voluisti, & mihi paradysum tuo pretioso sanguine emere dignatus es.

Oratio ad eundem Filium.

Domine Iesu Christe, propter illam amaritudinem, quam pro me sustinuisti in cruce, maxime in illa hora, quando nobilissima anima tua egressa est de corpore tuo, miserere animæ meæ in egressu suo.

Oratio ad beatissimam semper Virginem Dei genitricem Mariam.

O Regina cœlorum, mater misericordiæ, refugium peccatorum, reconcilia me vnigenito Filio tuo, eius clementiam pro me indigno peccatore interpella, vt ob amorem tui mea peccata remittat, & me perducatur in gloriam suam.

Item.

Maria mater gratiæ,

Mater misericordiæ,

Tu nos ab hoste protege

Et hac hora mortis suscipe.

Oratio ad Angelos.

Spiritus cœlorum Angeli beatissimi, assistite quæso mihi migranti ex hoc seculo, & potenter eripite & custodite me ab omnibus immundorum spirituum insidijs & inuasiõne, atque animam meam in vestrum consortium assumite.

Tu præcipuè Angele Dei custos meus à Domino deputatus.

Inuocando cum etiam his verbis:

Angele Dei, qui custos es mei, me tibi commissum pietate superna, hodie & hac hora illumina, serua, rege & gubernam.

Oratio ad alios Sanctos.

Sancti Dei omnes [præsertim quorum hodie natalis dies commemoratur] vestro nunc mihi opus est patrocinio, vestris orationibus, citò mihi succurrite, citò subuenite.

Tum inquiratur ab infirmo vel eius domesticis, cui Sanctorum vel Sanctarum magis deuotus fuerit, & dicatur:

Specialiter verò te commenda Sanctis, quibus deuotus fuisti, dicens:

Gloriosissime sancte **N.** vel sancta **N.** in quem vel quam singularem, dum viuerem, spem & confidentiam semper habui, me in hoc extremo necessitatis articulo laborantem nõ deseras; sed tuis precibus apud

B b Deum

Deum adiuvā. Nam si vnquam, hūc maximē supra modum angor:
tāpius mihi instat & horā, iam in adiutorium meum intende. IV
si plures sunt Sancti, ad quos specialem deuotionem habuit ipse infir-
mus, prædicta dicantur in numero plurali.

Pax Domini nostri Iesu Christi, & virtus passionis eius, & signum san-
ctæ crucis, & integritas beatissimæ semper Virginis Mariæ, & bene-
dictio omnium Sanctorum, & custodia Angelorum; necnon suffragia
omnium electorum; sint inter me, & omnes inimicos meos visibiles, &
inuisibiles in hac hora mortis meæ.

Postea subjungat etiam rei dicendo hunc versum.

Largire clarum vesperē,

Quo vita nusquam decedit:

Sed premium mortis sacre

Premiis instet gloria.

Si egrotus ex morte lingua præpedita ad interrogationes, & admoni-
tiones respondere non valeat, sit tamen mente sana & integrā. Monea-
tur saltem signo aliquo exteriori vel nutu, aut solo cordis consensu re-
spondere: hoc enim sufficit ad salutem.

Semper curae eo sermō sit de rebus spiritualibus, de quibus bene disponendo ad æter-
nam auique salutem capessendam; ut se totum Deo committat, affectum omnem
ex mundo & rebus temporalibus auellendo, & in manibus Domini se liberè resignan-
do, eiusq; passionem assidue meditando, & de suis peccatis ab eo veniam ex corde
petendo; ab eius fide exemplo sanctorum Martyrum, qui in ea vsque ad mortem
perseuerarunt, nunquam deuiando; & postremò de illius misericordia, quæ omnium
peccatorum numerum & grauitatem excedit, nunquam desperando.

Quoniam verò his duobus postremis diabolus plerumque variis tentationi-
bus morientes aggreditur, potissimum verò ut vel in fide deficiant, vel in despera-
tionem diuinæ misericordiae incurrant: ideirco cautus sit & prudens Sacerdos, ut si
in alteram istarum tentationum viderit morientem labi vel induci, statim prom-
ptas & opportunas habeat exhortationes sacre scripturæ, doctrinæ & Sanctorum
exemplis refertas, quibus ab errore eum reuocet; eumq; piorum orationibus com-
mendet, ut ab huiusmodi tentatione quamcitiùs liberetur.

Itaque si diabolus suggerente à fidei orthodoxæ regulæ & veritate Catholica cum de-
nuari, seu quoquomodo declinare viderit, curet diligenter presbyter eum de fide
Catholica instruere, & in ea confirmare, primum ei proponens irrefragabilem ve-
ritatem ex diuina reuelatione, & firmitatem fidei Christianæ, quam Christus ipse
edocuit, & innumeris ac maximis miraculis confirmauit; quamq; per Apostolos
prædicari fecit, ac etiam miraculis confirmari, & pro qua Sancti Martyres omnes
cruciatu & tormenta, ac etiam mortem ipsam libentissimè subierunt; quam qui-
dem sancta vniuersalis & Catholica Ecclesia columna & firmamentum veritatis,
Apostolo teste, ac toto orbe diffusa Spiritu sancto edocente ac in dies illustrante,
semper & omni tempore prædicauit, ac tenet, docet & prædicat; & aduersus quam
nec portæ inferi, iuxta Christi promissā, vnquam præualebunt. Ac licet quampluri-
mæ hæreses diuersis temporibus contra eam insurrexerint, & his superatis vel ex-
tinctis aliæ sibi non consentientes indies insurgant, vna tamen eadem semper sibi
constans permanet in ea fides, quam sancta Romana Catholica & Apostolica Ec-
clesia, & illius summus Pontifex verus Christi Vicarius tenet, profitetur & docet.
Et hæc quidem Ecclesia quamuis varijs & assiduis infidelium & hæreticorum oppu-
gnationibus quætiatur; tamen velut turris fortissima non subruitur nec eueritur.

Et

1. Tim. 3. d

Matth. 16. c

Et quamvis in hoc mundo tanquam nauicula in fluctuoso mari periclitari quandoque videatur, imperat tamen Christus vento & mari, qui pro ea rogauit, cum Petro dixit: Rogauit pro te Petre, vt non deficiat fides tua; & tu aliquando conuerfus confirma fratres tuos. *Matth. 16. c. Luca 22. d.*

Hoc autem munus alios Episcopos & Ecclesias in fide confirmandi, exequitur Petrus in suo successore Romano Pontifice, à cuius obedientia & fide nullus est vnquam vocatus Catholicus seiuuix: nec quisquam sine æternæ salutis iactura recedit. Hæc & similia Sacerdos pro loco, & tempore, & personarum qualitate dicere poterit.

Si autem eodem infligante humanæ salutis hoste, ægrotus in aliquam desperationem veniæ suorum peccatorum incurrat, proponat ei Sacerdos infinitam Dei misericordiam, qui quoniam vult omnes homines saluos fieri, filium suum vnigenitum tradidit pro nobis in mortem crucis, cuius merito nullum est tam graue peccatum, quod per penitentiam non deleatur, sicut dicit per Prophetam: Si impius egerit penitentiam ab omnibus peccatis eius quæ operatus est, omniū iniquitatū eius, quas operatus est, non recordabor. Et Christus etiam in Euangelio dixit: Eum qui venit ad me, non eiciam foras. Cuius rei plurā vtriusque Testamenti poterit exemplū adducere, vt Dauid, & Manassis Regum, latronis in cruce pendentis, cui Dominus dixit: Hodie mecum eris in paradiso: Petri Christum negantis, & Pauli eundem persequentis, in quos tanta Christi misericordia exuberavit, vt illum suum Vicarium, hunc vas electionis & Doctorem gentium constituerit. Item mulieris peccatricis, cui Dominus dixit: Remittuntur tibi peccata tua. Mariæ Aegyptiacæ, Pelagiæ & Thaidis, & aliarum similium, quibus ob penitentiam Dominus & peccata dimisit, & ex meretricibus sanctas mulieres effecit; & quod magnum est gaudium in cœlis super vno peccatore penitentiam agente, & maximum peccatum est de immensa Dei misericordia desperare; & quod magis peccauit Iudas de Christi misericordia desperando, quam ipsum Iudæis tradendo. Et demum, quod est articulus fidei, credere remissionem peccatorum. *1. Tim. 3. a. Ezech. 18. e. Ioan. 6. d. Luca 23. e. Luca 7. g.*

Insuper valde expedit & vile est, vt in ipso mortis agone, instante præsertim transitu ægroti, ab ijs qui assunt alta voce legatur, ac sæpius repetatur Symbolum Apostolorum, Credo in Deum Patrem; vel Symbolum Nicæni & Cōstantinopolitani Conciliorum, Credo in vnum Deum, sicut fieri mos est in aliqua Religione; vt per fidei Catholicæ confessionem ipse moriens in eius constantia & firmitate roboretur & confirmetur; & dæmones, qui tunc maximè morientes de fide tentare solent, confundantur & repellantur.

Si mors diutius differatur, & moriturus prolixum temporis spatium ad sui recollectionem habeat, nec morte festina præueniatur: poterunt coram eo ab astantibus legi vel etiam repeti aliquæ historiæ & orationes ex prædictis, vel aliæ piæ & deuotæ, quibus dum esset sanus obligabatur, seu aliæ orationes & preces pro morientibus, & psalterium assidue perlegi.

Piæ aliquæ speciales orationes pro morientibus.

Oratio ad Deum Patrem.

O Pater omnipotens & æterne, Pater misericordiarum, & Deus totius consolationis, tuam deprecamur bonitatem superpiissimam & immensam, per ineffabilem illam charitatem, qua dilexisti genus humanum, quando vnigenitum atque charissimum filium tuum misisti in

hunc mundum pro nostra redemptione, & ipsum ex sacratissima ac mundissima Virgine Maria voluisti incarnari, & inter homines conuersari, ac tandem acerbissimam ac ignominiosissimam mortem subire. Ostende Domine in hac hora pietatis tue abyssum, & charitatis tue dulcedinem in hac tua rationali creatura nunc mortaliter infirmante, & ad te Patrem coelestium spirituum redeunte. Ostende ei o clementissime ac supergloriosissime Deus Pater lucem miserationum tuarum. O Deus sancte, fortis, & immortalis conforta mentem eius in te, intellectum eius illumina, voluntatem eius accende, & conserua in te omnium vltimo ac beatifico fine summo & incommutabili infinito, & incomparabili bono: protege eum o praestantissime Pater ab omni potestate aduersaria, ab omni occurso contrario, a temptationibus vniuersis, non secundum peccata sua facias ei: sed secundum tue benignissimae bonitatis immensitatem, secundum tuam charitatem affluentissimam, & paternam, secundum multitudinem miserationum tuarum ei nunc, o superdulcissime Deus pater misere, & indulgere, parcere ac adesse digneris: & suscipe spiritum eius in brachijs tue dilectionis, per vnigenitum tuum Dominum nostrum Iesum Christum, per vniuersa mysteria & beneficia eius, per omnia quae in ipso pro nostra salute assumpsit, fecit ac passus est, qui tecum viuit & regnat in vnitae Spiritus sancti Deus, per omnia secula seculorum. Amen.

Oratio ad Filium Dei.

Domine Iesu Christe vnigenite Patris summi, ob tuam te obsecramus dignissimam incarnationem, sanctissimam in hoc mundo conuersionem, atque plenissimam charitatem, quam omnibus vobis in coena nouissima demonstraisti, corpus tuum purissimum, ac preciosissimum sanguinem tribuendo discipulis in escam & potum: & per vehementem illam anxietatem, qua contremuisti quando post trinam tuam orationem factus est sudor ex tenebrimo corpore tuo erumpens sicut gutta sanguinis decurrentis in terram, atque per omnem mansuetudinem, humilitatem & patientiam, quas tempore passionis habuisti, dum a scelestissimis transgressoribus captus, ligatus, conspuratus, irrisus, blasphematus, & a lapis cecus fuisti: per omnem quoque dolorem, quem sustinuisti quando tam inhumaniter es flagellatus, spinis coronatus, proprijs humeris crucem baiulans ductus, diris clauis confossus, & in crucis patibulo violentissime es distentus, & ipsam mortem perpeffus: per omnem etiam compassionem, qua tibi tunc condoluerunt discipuli, & amici tui astantes, specialiter sanctus Ioannes, & deuota mulieres te secutae, specialissime tua dilectissima genitrix virgo Maria: esto in hora hac pijsimus miserator huius animae a suae carnis ergastulo recedentis, ad cuius deuorationem concurrerunt, & astant tor lupi & dracones, belluae infernales, a quorum rabie, importunitate, atque ferocia eam erueret modò digneris: circunda & imple
eam

eam lumine tuæ clementiæ, virtute constantiæ, charitatis ardore, & omni pietate ac gratia ei necessaria ad salutem. O Domine, & Saluator, Rex, iudex ac legifer noster, propter charitatem illam perfectam, ineffabilem pietatem, qua in cruce pendens pro tuis crucifixoribus exorasti: indulge pijsſime huic mox migraturo, & nos pauperes seruos tuos exaudi nunc misericordiſſime Domine deprecantes pro illo, vt Angelica ope protectus, tuo metuendo tribunali præſentetur ſaluandus, ac clementer tractandus. Qui cum Patre & Spiritu ſancto vnus es Deus æternaliter viuens, & omnium dominator. Amen.

Oratio ad Spiritum ſanctum.

O Bſecramus bonitatem tuam munificentiſſimã atque dulciſſimam, ò Spiritus ſancte, qui es laborantium ſubleuator, periclitantium liberator, errantiumq. reductor, vt propter mutuum illum ardentiffimum & immenſum amorem, quo tu verus Deus, Patrem æternum, & vnigenitum eius filium æternaliter & inuariabiliter amas, & ab eis amaris. Oſtende nunc charitatem tuam in anima agonizantis iſtius. In hoc laborioſiſſimo eius conſictu gratioſiſſimè ſubleua eam, in tanto conſtitutam periculo miſericordiſſimè adiuua: ſi in aliquo deuiat, ne differas eam reducere, ſeptiformem gratiam tuam effunde in eam. Eſto ei ductor & finis, beatificator & cuſtos, propter ſuperliberaliſſimam illam donationem, qua tibi à Patre & Filio data eſt, Deitatis plenitudo per æternam ſpirationem, inenarrabilem magnitudinem tuæ liberaliſſimæ benignitatis declara in anima iſta hoc ſeculum relinquentem, quatenus educta de carcere huius exilij, inueniat hodie receptaculum gratioſum conſolatoriumq. hoſpitium. O ſuperdigniſſime conſolator Spiritus ſancte, qui cum Patre & Filio, vniuerſorum es conditor, iudex ac Dominus. Amen.

Oratio ad ſuperbeatiffimam Trinitatem.

O Trinitas adoranda, vnitas ſumma, & Deitas ſimpliciſſima, ob tuam inſeparabilem vnionem coniunge tibi per charitatem perpetuam gratiamq. ſinalem ſpiritum huius nunc morientis, vt per gloriæ vnionem plenariam, vnus tecū ſit ſpiritus per feruentiſſimæ dilectionis intimiſſimam transformationem. O Trinitas conſubſtantialis cõæqualis & cõæterna, ob tuam ſubſtantialem identitatem, eſſentialemq. vnitatem, animam iſtam Chriſto incorpora, & myſtico eius corpori inſere eam, vt tanquã oliua fructifera plantetur in paradifo cœleſti, & choris inferatur Angelicis. O ſuperglorioſiſſima Trinitas propter communicationem & emanationem tuam ad intra, effunde ſuper iſtum, agonizantem dona gratiæ tuæ, & abundantiam pietatis ac largitatis tuæ in hac hora in ipſo demonſtra, ne abducatur aut ſeparetur à te. O Pater æterne, ò vnigenite Dei ſuperpulcherriſſime, ò ſuauiſſime paraclete Spiritus ſancte Deus, vnus & trinus, ob tuam mutuam intuituionem plenè comprehenſiuam, & infinitè iucundam, fac animam iſtam ac nunc per fidem ſinceriter intueri: ob tuam mutuam dilectionem ſu-

per ardentissimam, ac intensiue immensam, accende eam tuo sancto amore: ob tuam mutuam fruitionem, beatissimam & æternam perduc eam ad tui beatificam fruitionem: propter omnem charitatem, misericordiam & gratiam tuam super genus humanum, educ eam de corpore omni virtute ornatam, per vniuersa mysteria, merita ac beneficia Iesu Christi, per preces & merita Virginis gloriosæ Mariæ, omniumq; Sanctorum, & electorum tuorum. Amen.

Oratio ad Virginem gloriosam, & ad omnes Sanctos.

Beatissima Virgo Maria totius humani generis fidelissima aduocata. O Regina misericordiæ, cui regnum misericordiæ à Deo omnipotente commissum est. O affectuosissima hominum miseratrix, & ardentissima eorum amatrix: ob incarnationem, natiuitatem, & educationem vnigeniti Filij Dei ex te: ob omnem tui & eius mutuam in hac vita conuersationem, mutuamq; dilectionem: propter omnem charitatem, perfectionem, virtutem, & excellentiam gratiam & gloriam tibi à superbeatissima Trinitate exhibita. O vniuersa triumphans Ecclesia, o omnes Angelici chori, & cuncti Ciues cœlestes, sancti Patriarchæ, illuminati Prophetæ, gloriosi Apostoli, Martyres victoriosi, Confessores fideles, Virgines sacræ. O sancte Michael Princeps Ecclesiæ, & tu Angele sancte custos huius infirmi, clementer succurrite animæ hinc migranti, eam consolari ac adiuuare dignemini, quousque ad vestræ beatissimæ societatis admittatur ingressum. Amen.

Commendatio animæ emigrantis.

O Dilecta nobis in Christo anima, adorandæ Trinitatis imagine, ac similitudine insignita, sanguine Filij Dei redempta ad æternam beatitudinem condita, & nunc Ecclesiasticis Sacramentis munita, egredere confidenter de corpore mortis huius, & ad tuum perge creatorem ac iudicem, qui te misericorditer dignetur suscipere, ac mititer iudicare. Occurrant atque subueniant tibi omnes Sancti & ciues cœlestis Hierusalem, nec tibi auxiliari desistant, donec ad locum habitationis gloriæ eorum, ad paradysum cœlestem, ad regnum felicitatis æternæ introducaris ad laudem & gloriam omnipotentis Dei. Amen.

Deinde si adhuc agonizans viuit, & tempus suppetit, dicantur siue repetantur Litanie ordinariæ, quæ habentur supra de Sacramento Extremæ Vnctionis pag. 332. vel etiam breues, quæ etiam habentur supra in principio Commendationis animæ, pag. 341.

Kyrie eleison. Christe eleison, &c. cum sequentibus versibus, & prosequantur.

O mnes Sancti & Sancte Dei

Proptius esto

Proptius esto

A morte perpetua

A visione diaboli

A terrore dæmonum

intercedite pro eo.

parce ei Domine.

libera eum Domine.

libera.

libera.

libera.

A gelu

- A** gelu horrido, & calore nimio libera.
- A** diffidentia mentis libera.
- A** tenebris mentalibus libera.
- A** loco poenarum & pondere peccatorum libera.
- A** b omni malo & auditu maledictionis æternæ libera.
- P**er annuntiationem & natiuitatem tuam libera.
- P**er vincula, opprobria & conuitia tua libera.
- P**er flagella, alapas & sputa, quæ pro nobis sustinuisti libera.
- P**er coronam spineam, derisiones, passionem, & crucem tuam libera.
- P**er sacratissimam mortem tuam libera.
- P**er gloriosam resurrectionem tuam libera.
- P**er admirabilem ascensionem tuam libera.
- P**er gratiam Spiritus sancti Paracliti libera.
- I**n die iudicii libera.
- P**er intercessionem omnium Sanctorum libera.
- P**eccatores te rogamus audi nos.
- V**t iracundiæ flagella ab eo remoueas te rog.
- V**t eum ab omnibus erroribus absoluas te rog.
- V**t spiritum eius à loco horroris & tenebrarum liberes te rog.
- V**t eum in numerum electorum tuorum assumes te rog.
- V**t à consortio malorum eum discerni facias te rog.
- V**t eum in regione viuorum cum sanctis Angelis collocare digneris. te rogamus audi nos.
- V**t eum præmia vitæ æternæ adipisci facias te rog.
- V**t eum à mortifero diabolo defendere digneris te rog.
- F**ili Dei te rog.
- D**omine Iesu Christe pro nobis crucifixe te rog.
- D**omine Iesu Christe de aduersarijs triumphator te rog.
- D**omine Iesu Christe aduocate noster clementissime te rog.
- A**gnus Dei, qui tollis peccata mundi parce ei Domine.
- A**gnus Dei, qui tollis peccata mundi miserere ei Domine.
- A**gnus Dei, qui tollis peccata mundi dona ei pacem.
- K**yrie eleison. **C**hriste eleison. **K**yrie eleison.
- P**ater noster. Et ne nos inducas in tentationem.
- R.** Sed libera nos à malo.
- V.** Saluum fac seruum tuum.
- R.** Deus meus sperantem in te.
- V.** Esto ei Domine turris fortitudinis.
- R.** A facie inimici.
- V.** Nihil proficiat inimicus in eo.
- R.** Et filius iniquitatis non apponat nocere ei.
- V.** Domine exaudi orationem meam. **R.** Et clamor meus ad te veniat.
- V.** Dominus vobiscum. **R.** Et cum spiritu tuo.
- Et subdantur orationes sequentes, vel aliquæ illarum.**

Oremus .

Oratio .

Misericordiam tuam Domine sancte pater omnipotens æterne Deus pietatis affectu pro alijs orare cogimur, qui pro nostris peccatis nequaquam sufficimus: tamen de tua gratuita pietate confisi, clementiam tuam deprecamur, ut animam huius famuli tui ad te reuertentem cum pietate suscipias. Adsit ei Angelus Michael, & per manus sanctorum Angelorum inter Sanctos & electos tuos in sinu Abraham, Isaac, & Iacob Patriarcharum tuorum eam collocare digneris: quatenus à Principibus tenebrarum, & de locis poenarum liberata, nullius ignorantie aut propriæ voluntatis seu fragilitatis confundatur erroribus; sed potius agnoscatur à tuis, & sanctæ beatitudinis requie perfruatur, atque cum magni iudicii aduenerit dies, inter Sanctos tuos resuscitatus, gloria beatissimæ tuæ visionis perpetuò satiatur. Per Dominum nostrum Iesum Christum. *R.* Amen.

Oremus .

Oratio .

Suauissime Domine Iesu per illum ineffabilem amorem, qui te dignissimum, innocentissimum & delicatissimū paternæ charitatis filium pro nobis factum hominem, vulnerari ac crudeliter mori pro hominibus redimendis fecit: indulge elementissime Domine Iesu huic famulo tuo omne quod cogitatu, verbo & facto, affectionibus, motibus & sensibus animæ & corporis deliquit, & veram omnium peccatorum suorum remissionem concede. Sacratissime Domine Iesu tribue illi spirituale lumen tuæ ardentissimæ charitatis, qua totius mundi culpas diluisti; ac in plenam suppletionem omnium negligentiarum suarum, meritum tuæ sacratissimæ passionis adde. Et insuper tribue illi fructum omnium bonorum operum per electos tuos, qui tibi placuerunt, factorum: qui cum Patre & Spiritu sancto uiuis & regnas in secula seculorum. *R.* Amen.

Oremus .

Oratio .

Gloriosissime Domine Iesu, in unione feruentissimi amoris, qui te cōegit incarnari, & anxio spiritu in cruce mori, ad medullam dulcissimi amoris tui pulsamus, ut famulo tuo omnia peccata, quæ quocunque modo commisit, dimittas; & tuo perdignissimo passionis merito omnia suppleas, faciasq. illi secundum superabundantissimam multitudinem miserationum tuarum. Disponas eum placidissimo tibi modo sibi utilissimo, suauis patientia, vera pœnitentia, plena remissione, recta fide, spe firma, ardenti charitate, & perfectissimo statu, quatenus inter dulcissimum amplexum, & suauissimum osculum tuum, o clementissime Domine Iesu, eius anima lætanter expiret, ad tuam æternam laudem & gloriam laudandam, cognoscendam & fruendam. Qui cum Patre.

Oremus .

Oratio .

Sacratissime Domine Iesu Christe, in manus inextinguibilis misericordie tuæ commendamus spiritum huius famuli tui secundum amoris
tui

tui magnitudinem, quo se anima tua sanctissima in cruce glorioso Patri commendauit: suppliciter deprecantes, quatenus per illam ineffabilem charitatem, qua diuina paternitas in se totam traxit illam sanctissimam animam tuam, in ista hora famuli tui in eodem feruentissimo amore spiritum suscipias. Eia dulcissime Domine Iesu Christe, animarum redemptor, benignissime Domine, per illam lacrymabilem vocem, qua secundum humanitatem pro nobis moriturus, laboribus & doloribus passionis aded consumptus es, vt te à Patre derelictum, clamares: ne longè, suauiissime Iesu, facias à famulo tuo tuæ miserationis auxilium in hac hora afflictionis suæ, præ defectione & cōsumptione spiritus te inuocare non valente; sed propter triumphum sanctæ crucis, & per virtutem salutiferæ passionis & gratiosæ mortis tuæ, cogita de eo cogitationes pacis, misericordiæ, consolationis, & non afflictionis. Et libera eum ab omnibus angustijs, & tua solita benignitate, bone Iesu dulcissime Pater, erue illum à tormentis sibi deputatis, & ad æternam requiem illum perducere digneris cum voce exultationis. *R.* Amen.

Oremus.

Oratio.

Misericordissime Domine Iesu Christe, fili Dei viui, in vnione illius commendationis, qua tuam sanctissimam animam in cruce moriens Patri tuo coelesti commendasti, misericordissimam bonitatem tuam, humiliter exorantes petimus; quatenus per omnem honorem & meritum eiusdem animæ tuæ sanctissimæ, per quam omnes saluantur animæ, & à morte perpetua liberantur, animæ famuli tui miserearis; eam misericorditer liberans ab insidijs diaboli, à miserijs & pœnis, & illam per sanctissimæ passionis tuæ meritum, & beatissimæ ac gloriosissimæ semper Virginis & matris tuæ Mariæ intercessionem, ad contemplationem beatissimæ visionis perducere digneris. *R.* Amen.

Oremus.

Oratio.

Opijsime Domine Iesu Christe decus & gloria Sanctorum & Rex seculorum, qui in cruce pendens pro tuis crucifixoribus Patrem rogasti, dicens: Pater dimitte illis, quia nesciunt quid faciunt: deprecamur maiestatem tuam Domine Iesu Christe, vt in mente huius serui tui, tuæ orationis affectum renouare digneris, quatenus omnes eius offensas illi dimittas: & sicut tunc tu exauditus es, sic nunc cum Patre ipsum, nosq. pro illo orantes exaudire digneris: nescit enim quid faciat, dum ex fidei tarditate tepidus coram te existit. Exoramus te bone Iesu, vt in hoc obitu suo omnia peccata illi dimittas, & pro tuæ sacratissimæ passionis merito, ad Angelorum societatem eum clementer perducas. *R.* Amen.

Oremus.

Oratio.

O Gloriosissime Domine Iesu Christe, dulcedo Angelorum, qui in cruce pro nobis pendens, veram fidei lucem in cor latronis infudisti, vt te verum Deum & hominem cognosceret, dum clamauit: Me-

mento

mento mei Domine, dum veneris in regnum tuum: maiestatem tuam suppliciter exoramus, vt in hoc famulo tuo in extremis laborante venerabile fidei Sacramentum & dignitatem conseruare digneris: quatenus tua sanctissima passione mediante, sic in cor eius tuum amorem imprimas, vt in suo obitu, tuo ardens amore, ab immundis spiritibus liberetur, & ad tuam beatā gloriam cum iubilo perducatur. *R. Amen.*

Oremus.

Oratio.

O Clementissime Domine Iesu Christe verbum aeterni Patris, ac filii gloriosissimæ Mariæ virginis matris, qui mundum visibiliter deserens, & maternæ solitudini compatiens, ei prædilectum discipulum tuum in filium dedisti, supplicamus humiliter maiestati tuæ per merita passionis tuæ, per preces & merita eiusdem dilectæ matris tuæ, & prædilecti discipuli tui, quatenus digneris in animam huius serui tui spiritum tuæ charitatis infundere, quo tibi coherens, Deo Patri adoptetur in filium. Committe quæsumus Domine de throno gloriæ tuæ curam huius animæ, gloriosæ matri tuæ: quatenus in mortis agone, aspectus dæmonum non paueat, sed in te læta mente confidentem clementer suscipias, & ad cœlestem gloriam deducente sacratissima matre tua, facias peruenire. *R. Amen.*

Oremus.

Oratio.

O Pijsime Iesu Christe Dei & hominum mediator, qui pro salute nostra poenas nobis debitas in tuo passibili corpore sustinuisti, & vt grauiores poenarum amaritudines gustares, sponte voluisti in horarum tuæ passionis à tua humanitate dulcedinem vnitæ tibi deitatis subtrahere, cum clamaſti: Deus meus, Deus meus, vt quid dereliquisti me? oramus clementiam tuam, quatenus suauissime Domine Iesu Christe, huius serui tui animam protegendo, tua suauis consolatione lætifices: nam si ipsum ipse pastor deseris, mox aduersarius tuus in ipsum irruet & occidet. Si propter demerita sua tribulari & deseri meretur, quæsumus suauissimam bonitatem tuam, ne illum aduersarijs tradas, diffidentia & desperationis tenebris tribulandum, nec insensibilem ad gratiam facias: sed per charitatis tuæ gratiam viuens, & tuæ absentia amaritudinem sentiens, pia voce gemendo ad te clamet: Deus meus, Deus meus, vt quid dereliquisti me? Tu autem pijsime Pater & bone pastor, tua suauis pietate subueni, quem pretioso sanguine tuo redemisti: nec tua gratia diu ipsum in hoc obitu patiaturs affligi, donec ad cœlestem patriam tuorum merito dolorum clementer perducas. *R. Amen.*

Oremus.

Oratio.

O Suauissime Domine Iesu Christe Dei & hominum mediator, qui inter cætera tormenta, quæ in cruce pertulisti, corporaliter sitire voluisti vehementer, dum clamaſti, sitio: deprecamur maiestatem tuā, quatenus animam serui tui in illo nunc igne digneris vrere, quæm in terras mittere venisti, quo cunctis vitijs exsiccatis, illius anima & caro charitatis tuæ igne succensa, te solum sentiat, te diligat, te quærat, reperiatur.

periat & fruatur, & ipsam ad æternam beatitudinem sanctissimæ passionis tuæ merito gaudenter adducere digneris. *R.* Amen.

O remus.

Oratio.

O Sacratissime Domine Iesu Christe, omne bonum consummans, qui cum acetum gustasses, dixisti: Consummatum est: & inclinato capite spiritum emisisti: obsecramus maiestatem tuam pro anima huius famuli tui in extremis existentis, quatenus gratiæ tuæ dulcedinem, & splendidum fidei lumen illi infundas; vt extremam horam in sanctæ charitatis tuæ brachijs finire, & tibi dicere valeat: Ecce clementissime Domine Iesu, nunc ad te venio, tua suauis voce iube suscipi spiritum meum in æternam tuam claritatem. *R.* Amen.

O remus.

Oratio.

O Sacratissime Domine Iesu Christe, corona certantium, qui in cruce pro nobis pendens docuisti nos compendiosè in extremis nostris orare, dum tu nobis exemplum tribuens, clamasti: Pater; in manus tuas commendo spiritum meum: exoramus maiestatem tuam, quatenus in virtute Spiritus sancti eandem digneris orationem in corde huius famuli tui imprimere, vt eam personet, & in hac eius extrema hora illius sentiat effectum, in tuas sacratissimas manus animam suam humiliter commendando. *R.* Amen.

O remus.

Oratio.

O Misericordissime Domine Iesu Christe, humani generis reparator, qui in die passionis tuæ in neruorum & ossium contractione poenam acerbissimam sensisti, & pretiosissimum caput tuum spinarum densitate punctum fuit, & latus tuum lancea perforatum, vnde fluxit sanguis & aqua: deprecamur maiestatem tuam, quatenus animam huius famuli tui, virtutum luminoso splendore illustres, & tribuas illi tuarum acerbissimarum spinarum merito de offensis ab eo tibi illatis vehementer dolere & poenam habere, vt omnia eius delicta tuæ pretio sacratissimæ passionis deleantur, & ad Angelorum societatem te trahente, valeat peruenire. *R.* Amen.

O remus.

Oratio.

O Clementissime Domine Iesu Christe solamen miserorum, qui peccata nostra in tuo corpore portasti, verè tu es Deus, qui dolores nostros pertulisti, & à perpetua morte nos liberaisti, quia in sacratissimo corpore tuo à planta pedis vsque ad verticem non fuit sanitas; & qui eras præ filiis hominum speciosus, quasi leprosus reputatus fuisti: deprecamur suauissimam charitatem tuam, quatenus omnia huius serui tui peccatorum vulnera sanes, vt omnibus vitijs emundatus, ad te clementissimum Patrem & Dominum spirituali solatio roboratus, lætante valeat peruenire. Et quia tuo pretiosissimo sanguine est redemptus, & tuæ passionis insignia gestat, ad gloriosissimam visionem tuam, omnium passionum tuarum merito, comitantibus sanctis Angelis euna deducere digneris. *R.* Amen.

Oremus.

Oratio.

O Suauissime Domine Iesu Christe beatorum requies, & omnium in te sperantium salus iucundissima, qui in nocte passionis tuæ ad Patrem orasti: Pater, si possibile est, transeat à me calix iste: veruntamen non mea voluntas, sed tua fiat: & illa hora in tanta angustia fuisti, vt de pretioso corpore tuo sanguis efflueret: deprecamur te bone Iesu, quatenus solita pietate tua adiuues animam huius famuli tui, vt pro delictis & offensionibus, quæ commisit, terreatur, & moueatur ad veram poenitentiam, vt in hac extrema hora in occurso aduersarij non paueat, nec in aduentu & aspectu tui, iudex tremende, accusante conscientia contremiscat; sed potiùs faciem tuam in iubilo videns deleatur: præstante te Domino nostro Iesu Christo, cuius passione redemptus est. *R.* Amen.

Oremus.

Oratio.

O Dulcissime Domine Iesu Christe, misericordiarum pater, & totius consolationis Deus, qui in horrenda nocte tuæ amarissimæ passionis à discipulis tuis derelictus, inter aduersarios tuos solus remansisti: supplicamus pietati tuæ, vt nunc in obitu huius serui tui, animam eius non derelinquas in manibus dæmonum, auxilio tuo destitutam: sed ad locum quietis & tuæ beatissimæ visionis ipsam per tuæ mortis virtutem perducas. *R.* Amen.

Oremus.

Oratio.

O Sacratissime Domine Iesu Christe Saluator mundi, qui ob peccata nostra abolenda crudeliter verberari, spinis turpiter coronari, ab æmulis tuis enormiter illudi, & in cruce nudus, vt latro affigi voluisti: exoramus te Domine Iesu Christe per has passionem tuas, vt animam huius famuli tui in extremis laborantis vera contritione in peccatorum commissorum dolore verberes, & vero timore corones, & in cruce tua omnes eius mentales sensus crucifigas, quatenus sic totus à te spiritualiter vulneratus, tuorum vulnerum merito omnium delictorum suorum veniam consequatur, & ad gaudia cœlestia peruenire mereatur. *R.* Amen.

Oremus.

Oratio.

O Mnipotens sempiternus Deus, qui es semper per omnia Deus benedictus in secula, quem omnis spiritus laudat, te suppliciter exoramus; vt per meritum illius ineffabilis & excellentissimæ charitatis, quas dilectissimus filius tuus Dominus noster Iesus Christus homo fieri dignatus est, & qua etiam pro salute nostra vincula, opprobria, conuitia, flagella, alapas, coronam spineam, ac immanissimam mortem amantissimè passus est. Ac etiam per meritum gloriosissimæ & beatissimæ semper Virginis matris eius Mariæ, & omnium Sanctorum, qui tibi ab initio mundi placuerunt; necnon per virtutem clauium spiritualium, quas, clementissime bone Iesu, Ecclesiæ tuæ ministris tradidisti, vt huic famulo tuo in extremis laboranti misericorditer indulgere digneris omnia

omnia peccata sua, quæ ab hora sacri baptismatis vsque ad præsens quoquomodo malitia, miseria, ignorantia, ac fragilitate commisit. Et ipsum per sanctas indulgentias & absolutiones ex thesauris tuæ immensæ charitatis concessas, reddere digneris in illa puritate, innocentia, ac spiritali claritate, quas in baptismo donare dignatus es.

Dignare etiam suauissime Domine Iesu ab omni aspectu & terrore dæmonum ipsum tueri, & propter gloriosi nominis tui honorem, ipsum in conspectu diuinæ maiestatis tuæ gratum reddere; quatenus dulcissime ac amabilissime redemptor bone Iesu, merito omnium Sanctorum tuorum, & præsertim sacratissimæ passionis tuæ, animam eius in vlnas sanctæ charitatis tuæ clementer suscipias, te perenni iubilo in cælorum beatissimo regno fruituram. *Hy. Amen.*

Oratio.

Domine Deus omnipotens, qui trinus & vnus es, tua eximia compulsi charitate te humiliter exoramus pro anima serui tui nunc in extremis laborantis, quam sacratissime Domine commendamus piissimæ omnipotentis tuæ, vt illam ab aspectu & terrore dæmonum custodias & tuearis, ne in desperationem labatur, nec diffidentis tentationibus obnubiletur, ac præteritarum culparum recordatione maculetur. Exaudi nos Domine gloriose tuam suauissimam bonitatem interpellantes pro illa, & exaudi per orationes Patriarcharum, per merita Prophetarum, per suffragia Apostolorum, per victoriam Martyrum, per fidem Confessorum, per castitatem Virginum, per deuotam intercessionem omnium, qui tibi ab initio placuerunt.

Suauissime Domine, ab istius anima repelle iactantiam, & compunctionem tribue, superbiam minue & confice humilitatem, sctum suscita, & cor eius mollifica: ab omnibus insidijs inimici illam clementer libera, & in lumine fidei conferua. Lumen gratiæ tuæ infunde illi, vt de omnibus suis peccatis veram contritionem obtineat.

Clementissime Domine, omnia desideria mala tolle ab ipsa, omnia diaboli tela ignea extingue. Dona illi lacrymas ex tuo ardenti affectu, quæ peccatorum suorum dissoluant vincula.

Audi Domine quæ petit, & celeriter exaudi: si despicias prorsus perit: si prospicis, viuit: si iustitiam requiris, ante te mortua foetet: si cum misericordia respexeris, ipsam peccatis foetentem de desperationis barathro suscitabis. Quod in ea odisti, longè fac ab ipsa, & spiritum tuæ spiritalis lætitiæ illi tribue.

Bone Iesu, animæ eius parce malis, criminibus & peccatis: visita istum infirmum, ægrotum cura, languidum sana.

Domine Iesu, da illi cor, quod timeat te; sensum, qui intelligat te, & oculos spirituales, qui videant te.

Domine Iesu, miserere illi, & de sede maiestatis tuæ clementer respice, & animæ eius tenebras tui splendoris radio illumina.

Clementissime Domine Iesu à te peccatorum eius remissionem humiliter

liter petimus, à quo & per quem est omnis propitiatio.

Sancta & immaculata virgo Maria Domini nostri Iesu Christi mater, te obnixè deprecamur, quatenùs pro anima huius serui tui interuenire digneris apud illum, cuius templum effici meruisti.

Sancte Michael, sancte Gabriel, sancte Raphael, sancte Angele custos eius, cum omnibus choris Angelorum, Patriarcharum, Prophetarum, Apostolorum, Martyrum, Confessorum, Sacerdotum, Leuitarum, Eremitarum, Doctorum, Monachorum, Virginum, omniumq. iustorum, per eximium Domini nostri Iesu Christi amorem, qui vobis elegit, de cuius contemplatione gaudetis, vos orare præsumimus, vt pro huius fratris nostri **vel** sororis nostræ anima supplicare dignemini, vt de diaboli faucibus, & de morte perpetua liberari mereatur.

Domine Iesu, perpetuam vitam secundùm magnam misericordiam tuam ei largiri digneris.

O clementissime Domine Iesu, qui omnium misereris, famulum tuum à tua misericordia fieri alienum non patiaris; quatenùs in sacratissimæ passionis tuæ merito, ab omnibus peccatis suis abluatur, & tecum æternaliter in beatissimo cœlorum regno gloriatur. Amen.

Orationes dicendæ in agone mortis ad beatissimam semper virginem Dei genitricem Mariam.

Oremus.

Oratio.

Mediatrix Dei & hominum & fons misericordiæ, indefinenter effundens riuos copiosæ gratiæ, Maria, te rogo dulcissima Mater Domini nostri Iesu Christi, per illam perturbationem, quam habuisti in corde tuo pijsimo tunc & deinceps cùm Simeon sanctus & senex prophetando diceret: tuam ipsius animam pertransibit gladius; vt petas quatenùs idem benedictus filius tuus de largissima clementia sua donet huic famulo tuo per eandem perturbationem tuam indulgentiam omnium peccatorum suorum; & vt eum liberet ab omnibus malis præteritis, præsentibus, & futuris. Amen.

Oremus.

Oratio.

Avxiatrix Dei & hominum, & pacis æternæ condimentum Maria, te interpello speciosissima Regina cœli, per illam dolorosam perturbationem, quam habuisti in corde tuo benignissimo, cùm filium tuum amantissimum per triduum amisisti: vt roges eum, quatenùs ipse propter eandem turbationem tuam, huic famulo tuo dignetur dare plenam cognitionem, perfectam contritionem, puram confessionem, spem firmam, certam securitatem à Deo nunquàm separari, & ita perfectum & verum amorem, vt cum illo amore tantā mereatur mercedem

cedem in cœlo acquirere; ac si ei multis annis cum perfectione sanctissimæ vitæ diligentius seruauisset. Amen.

Oramus.

Oratio.

O Maria beatissima, propter illius terroris commotionem, quo cor tuum contremuit, quando filium tuum dulcissimum Dominum nostrum Iesum Christum Filium Dei viui ab impijs captum, ligatum, ad supplicia tractum, & ab omnibus derelictum audisti: adiuua nunc seruum tuum in extremis laborantem, vt de præteritis delictis veram contritionem habeat & dolorem, & cor illius illustratû superno splendore sit in seruida pœnitentia, ne fortè in hoc obitu suo in occurſu aduersarij pauceat, aut in aduentu tremendi iudicis accusante conscientia contremiscat: sed potiùs precibus tuis interuenientibus, ipsius faciem in iubilo videns delectetur. Amen.

Oramus.

Oratio.

Reparatrix debiliũ & vulneratæ animæ efficacissima medicina. Maria, te peto gloriosa Domina per eandem perturbationem, quam tunc habuisti in clementissimo corde tuo, cùm perfidi Iudæi comprehenderunt & detinuerunt desiderabilem vnigenitum vteri tui filium, de quo in spiritu cognoueras, quod pro salute humani generis pati volebat & debebat: quatenus deprecis eundem filium propitiorem seculi, vt ipse propter eandem turbationem tuam, de omni captiuitate, & ab omni tribulatione corporis, & animæ angustiarum & periculorum, & tentationibus dæmonum famulum tuum clementer eripiat, & ab omnibus malis in perpetuum tueatur. Amen.

Oramus.

Oratio.

O Virgo dulcissima Dei genitrix Maria, propter planctus & lacrymas, quibus afficiebaris, quando filium tuum Dominum nostrum Iesum Christum filium Dei vidisti Præsidi præsentari, ab iniquis innocentem accusari, & opprobrijs affici, impetra huic famulo tuo lacrymarum gratiam, & sacræ fidei indelebile lumen, quo offensionis maculas ablueri valeat. Et tu mater gloriosa eum nunc adiuua, ne fatanas ei illudere possit, ac diuersis tentationibus pro libito suo flagellare, deuictumq. reum statuere terribili iudici, sed potiùs seipsum in lumine fidei iudicet in præsentem, ac disciplinis veræ pœnitentiæ deuotè flagellet. Amen.

Oramus.

Oratio.

O Maria suauissima Dei genitrix ob cruciatus & angustias, quas sustinuit cor tuum, quando filius tuus Dominus noster Iesus Christus Filius Dei viui clamantibus Iudæis, crucifige, crucifige, morti adiudicatus, & crucis supplicio condemnatus est: subueni pijsima mater huic seruo tuo in extremis laboranti, quia corpus illius dolore infirmitatis torquetur, & anima hinc per dæmonum insidias, hinc per terrorem districtæ discussionis angustiat. Subueni, inquam, suauissima Domina, ne æternæ mortis sententia contra illum feratur, aut
flam-

flammis æternalibus tradatur perpetuò cruciandus: verùm te pro ipso intercedente, ad cœlestem gloriam potiùs peruenire mereatur. Amen.

Oremus.

Oratio.

Illuminatrix cæcorum & lucerna salutiferæ gratiæ Maria, te flagito dulcissima bona Mater Dei, per illam turbationem tuam, quam habuisti in corde tuo propitiatissimo quando amantissimus filius tuus à ludæis crudelissimis in conspectu tuo clavis acutissimis absque vlla miseratione viuificæ crucis patibulo fuit affixus; vt postules ab eodem filio tuo, vt per eandem turbationem tuam, ignem veri amoris, ignem amoris & passionis suæ in corde huius famuli tui accendat: quo ipse, summus Sacerdos ligno crucis ipsum subijciat, nutriat, & in altari cordis eius iugiter ardeat & flammescat: & vt in commemoratione suæ sanctissimæ passionis & mortis, eiusdem sacratissimæ passionis suæ non obliuiscatur. **Et si ex** infirmitate valida, vel **ex alia** causa quacunque impediende memor esse nequiuert; per eundem acerbæ passionis suæ dolorem, in hora mortis suæ, ex multiplici misericordia sua tantam mercedem in cœlis percipere mereatur, ac si omnes dies suos consumpsisset in memoria suæ sacratissimæ passionis. Amen.

Oremus.

Oratio.

O Virgo clemētissima Dei genitrix Maria, ob illius doloris gladium, qui tuam felicissimam animam pertransiuit, quando cernebas filium tuum dilectissimū Dominum nostrum Iesum Christum Filium Dei viui nudum in cruce leuatum, clavis perforatum, cruore perfusum, ac plagis & vulneribus laceratum: Adiuua nunc beatissima Domina, animam huius famuli tui, vt compassionis gladius eam perfodiat, diuini timoris & amoris lancea vulneret: ita vt omnis peccati sanguis noxius à pectore effluat, atque à vitijs mundetur, & diuinis virtutibus decoretur: quatenus desiderio & toto affectu terrena despiciens, ad cœlestia subleuetur, ad quæ te deducente cum iubilo peruenire mereatur. Amen.

Oremus.

Oratio.

O Maria virgo sanctissima ob tormentum & grauamen, quod cor tuum sustinuit, quando filium tuum sanctissimum Dominum nostrum Iesum Christum Filiū Dei viui præ dolore voce magna clamantem, te matrem dilectam Ioanni commendantem, deficientemq. attendebas, ita vt nimio doloris gladio loqui non posses: subueni ò gloriosa Domina famulo tuo nunc, quia lingua eius ad te inuocandum se mouere non potest, oculi eius lumine priuantur, aures eius surdesunt & obturantur, omnesq. vires ac sensus deficiunt.

O pijsima mater exaudi preces nostras, quas ad aures tuæ pietatis fundimus; & subueni huic famulo tuo in hoc obitu suo, ac suauissimo filio tuo eius spiritum commenda; vt tuo pio interuentu à terroribus & tormentis liberatus, ad desideratam cœlestis patriæ requiem te comitante gaudens peruenire mereatur. Amen.

Ore-

Oremus.

Oratio.

A Duocatrix omnium peccatorum, quos damnabiliter moles vitiorum deprimit, sinisq. nostræ miseriæ Maria, te deprecor venerabilissima mundi Domina, per illam intolerabilem turbationem, quam habuisti in corde tuo benignissimo, in illa hora cùm filius tuus cunctis desideratus gentibus, ac omnibus verè amabilis, de cruce depositus cum recentibus vulneribus & proprio sanguine rubricatus, datus fuit à Ioseph in sinum tuum, qui est corona iucunditatis omnium beatorum in coeli solio; vt propter eandem perturbationem tuam, ipse famulum suum præuenire dignetur abundantia gratiarum suarum, & copiosæ misericordiæ suæ, vt det corpus suum & animam suam in potestatem tuam, & in sinum piissimæ misericordiæ tuæ, quam cunctis deuotè postulanti bus clementer aperis in æternum. Et ad illum sinum gemebundum sic eum recipi affectuosissimè deprecor, propter illum dulcissimum infantulum tuum candidum & rubicundum, electum ex millibus: qui thesaurus totius felicitatis tuæ existit: quem in sinu tuo delicatissimo proprijs lactasti vberibus, vt in præsentī vita, & præcipuè in extremis suis te videre mereatur cum gaudio, & tuæ miserationi gratias agere valeat in secula seculorum. Amen.

Oremus.

Oratio.

O Maria virgo castissima decus & corona virginum, ob acerbi ciulatus planctum, quem de profundo pectoris erumpentem abscondere non valebas, quando in amplexus filij tui de cruce depositi ruebas, cuius genas ante nidentes & ora mortis palloribus perfusa conspiciebas: auxiliare suauissima mater huic seruo tuo, quatenus de delictis commissis sic doleat, vt anima eius mellifluis osculis & charis amplexibus Domini nostri Iesu Christi in beatorum regno fruatur. Amen.

Oremus.

Oratio.

O Maria virgo gloriosissima ob singultus & suspiria indicibiliaq. lamenta, quibus afficiebatur virgineum cor tuum, quando cernebas filium tuum Dominum nostrum Iesum Christum Filium Dei viui, animæ tuæ vnicum solatium sepeliri: adiuua ò sacratissima mater, animā serui tui in hac lacrymarum valle laborātem, vt cùm de corpore egressa fuerit, tuis suffragantibus meritis cum corusco charitatis lumine te comitante Domino nostro Iesu Christo glorificanda præsentetur. Amen.

Oremus.

Oratio.

O Intemerata & in æternum benedicta virgo Maria, omnis angustię & miseriæ adiutrix, famulo tuo succurre dulciter, & tuam gloriosam faciem ostende illi in hac vltima necessitate sua, & omnes inimicos eius virtute suauissimi filij tui Domini nostri Iesu Christi & sanctę crucis disperse; & à potente dracone infernali, & ab eius horribili visione, & ab omni fraude malorum spirituum defende & protege famulum tuum, & ab omni angustia libera eum, quatenus tecum cum

beatissimis spiritibus Domino Deo in cœlorum beatissimo regno laudes persoluat spirituales. Amen.

Ad sanctum Michaelem Archangelum

Oratio.

Sancte Michael Archangele huic animæ succurre apud altissimum iudicem. O inuictissime pugil, assiste nunc huic famulo Dei fratri, vel sorori, nostro in extremis laboranti, & cum potenter à dracone infernali defende, & à visione, ac ab omni fraude spirituum malignorum. Insuper exoramus te præclarum signiferum cœlestis militiæ, vt in hac extrema hora vitæ ipsius fratris, vel sororis, nostri, animam eius benignè suscipias, ac suauiter in sinum tuum recipias: illamq. in locum refrigerij, lucis, pacis & quietis perducas, cum Domino Iesu Christo æternaliter regnaturam. Amen.

Ad proprium Angelum.

O Sancte Angele Dei, ab eodem huic famulo tuo in custodem, in protectorem & gubernatorem assignate, quas gratias possumus tibi dignas, vel ipse per se, vel nos pro illo tuis beneficijs agere? qui à tam multis periculis illum præseruasti, tanto tempore protexisti, tantoq. tempore ei salutaria procurasti. Profectò nullas possumus dignas: beneficia enim Dei excedunt. Oramus tamen humiliter de omnibus huius infirmi negligentij, irreuerentij, atque inobedientij veniam illi supplicantes, vt qui tanto tempore indefessus eius salutem procuraui, in hac vltima necessitate illum non deferas, sed ab omni formidine, ab omni pusillanimitate, ab omnibus hostium insidijs, ab omni tentatione, & ab omni malo illum protegas ac liberes.

Asta ei nunc fidelissimus amicus & custos, quia præter te non habet alium, qui sui curam gerat, qui se defendat, quive suam zeletur salutem. Non illum deferas, donec reconciliatum Deo offeras in misericordia & non in iudicio. Eia custos omnium fidelissime, lucretur nunc per te Christus hanc animam, à qua non cesses, donec compuncta, contrita, atque à Deo in sui gratiam recepta confirmetur, qui sit benedictus in secula. Amen.

**Oratio oblationis Christi & meritorum eius
ad Patrem.**

Omnipotens clementissime Pater, omnes poenas & dolores, opprobria & verbera, iniurias, conuitia & contumelias, omnes aduersitates, incommoda & labores, quæ vnigenitus tuus Dominus noster Iesus Christus agnus immaculatus in suo corpore sustinuit propter me: omnes etiam artus & singula membra eius propter me afflicta, sanguinem eius propter me effusum & pedibus conculcatum: animam quoque eius nobilissimam & piissimam propter me à dilecto corpore separatam: virtutes etiam & merita eius infinita: item vires animæ & corporis eius, & omnia in eo vitalia propter me in mortem tradita, & nihilominus inseparabiliter diuinitati vnita, imò ipsum Christum totum bene-

benedictum filium tuum Deum & hominem, omnipotentem & infirmum, despectum & gloriosum, miracula facientem & in cruce pendentem, tibi offero in expiationem & satisfactionem omnium peccatorum meorum, atque totius mundi, & in mortificationem atque extinctionem malarum omnium passionum, affectionum ac vitiorum meorum, in suppletionem omnium negligentiarum mearum, & in laudem & gratiarum actionem omnium beneficiorum tuorum. Deus propitius esto mihi, miserissimo peccatori propter illum miserere mei ob amorem Iesu Christi dilecti filij tui. Amen.

Alia oratio ad Filium.

O Amator fidelissime misericordissime Domine Iesu Christe, da mihi, vt ex corde & animo sentiam quod dico: Quemadmodum desiderat ceruus ad fontes aquarum, ita desiderat anima mea ad te Deus. *Psal. 41.*
 Elegi abiectus esse in domo Dei mei magis, quàm habitare in tabernaculis peccatorum. Beati qui habitant in domo tua Domine: in secula seculorum laudabunt te. *Psal. 83.*
 Sitiuit anima mea ad te Deus, quando veniam & apparebo ante faciem tuam? Quare tristis es anima mea, & quare conturbas me? Spera in Deo, quoniam adhuc confitebor illi salutare vultus mei & Deus meus. *Ibidem.*
 Illustra faciem tuam super seruum tuum, saluum me fac in misericordia tua: Domine non confundar in æternum quoniam inuocaui te. Deus ne elongeris à me, Deus meus in auxilium meum respice. Tibi derelictus est pauper, orphano tu eris adiutor. Tu es refugium à tribulatione, quæ circumdedit me, exultatio mea erue me à circumdantibus me. *Psal. 41. & 68.*
 Intende in adiutorium meum Domine Deus salutis meæ. Quoniam fortitudo mea & refugium meum es tu, adiutor meus & protector meus. Ne igitur derelinquas me, neque despicias me Deus salutaris meus. *Psal. 30.*
 Ecce venio ad te, quem despexi & offendi Deus meus, quia misericordia tua plena est omnis terra. Ad misericordissimum igitur te patrem confugio: suscipe me secundum eloquium tuum, quo dicis: Nolo mortem peccatoris; & viuam, & non confundas me ab expectatione mea. Pro vita temporali non rogo Deus meus; sed te, qui es vita æterna, in animam meam inuoco. Heu dulcis amator, heu Domine Deus meus quòd sæpe offendi te: quòd tuas inspirationes & monita neglexi: quòd vnquam aliud præter te aut extra te amaui, pro hoc doleo Domine Deus: atque vtinam des mihi, vt ex toto corde meo doleam, & lugeam per omnia momenta vitæ meæ. Vtinam omnes sanguinis mei guttas cum lacrymis præ dolore & amore in suauissimum cor tuum tibi profundere & offerre possem. Dulcis Iesu, neque vitam, neque mortem, sed tuum beneplacitum desidero & expecto: fiat mihi secundum voluntatem tuam. Si vis vt moriar, dulcis Iesu, suscipe spiritum meum: & licet ad vesperam venerim omnium nouissimus, da mihi vt tecum & in te requiem accipiam sempiternam. Si verò vis vt diutius viuam, dulcis Iesu, hoc propono, & pro hoc gratiæ tuæ suffragium

rogo, reliquum vitæ meæ corrigere atque in holocaustum tibi totum offerre in gloriam tuam, & secundum beneplacitum tuum. O desiderabilissime Iesu, quia vitam meam in peccatis consumpsi, ad contumeliam nominis tui gloriosi, nec tibi hætenus seruire coepi: da mihi vt vel nunc perfectè incipiam, & omnes vires animæ & corporis mei; omneq. residuum vitæ tempus mihi abs te concedendum, in gloriam, & secundum optimam ac perfectissimam voluntatem tuam expendam. Misericordissime Iesu adesto mihi propitius in his poenis ac miserijs quibus teneor, & si quæ grauiiores super me venerint, quia & grauiora & grauissima commerui pro peccatis meis, fac vt patientissimè tolerem. Dulcis Iesu, si nihil vnquam deliquissem, aut nihil mali apud te commeruissem: nihilominus ad gloriam tuam, & in tui amorem, ac beneplacitum in has, & in quaslibet alias poenas me tibi pro tua voluntate offero atque resigno: non in mea virtute, sed in misericordiarum tuarum multitudine quibus innitor, & quas inuoco, vt fragilitatem carnis meæ, pusillanimitatem ac instabilitatem spiritus mei tua virtute erigas, longanimitate confortes, ac patientia robores, vt nulla aduersitate aut tentatione victus succumbam, nulla pusillanimitate deficiam: sed amoris tui æstuantissimo incendio absorptus, ad te solum suspirem, ad te sitiente corde anhelem: te solum cogitem, te solum desiderem, & mundum cum vniuersis quæ in eo sunt, relinquam, fastidiam & contemniam: tibi verò pro omnibus & lætis & tristibus ex toto corde gratias agam.

Amabilissime Iesu te eligo, te opto, te desidero, tibi occurro, atque omni, quod tu non es, abrenuntio: quicquid vis, volo: quicquid non vis, nolo: quicquid execraris, auerfor. Et si aliud huic voluntati contrarium mihi vnquam inciderit: rogo te, Deus meus, non imputes mihi: neque secundum illud, sed secundum hanc animi mei electionem iudices me: quia & omnibus quæ nolle debeo, contradico: & si etiam (quod misericordia tua auertat) posthac victus consentirem, nunc tamen execror & detestor.

Amabilissime Iesu, si tibi placet, & ad gloriam tuam fuerit, da mihi in hac vita à peccatis & poenis omnibus (in quæ post mortem alioqui venire deberem, aut quibus obnoxius essem) præseruari, vt animam meam per manus misericordiæ tuæ, immediatè de hac vita ad gaudia recipias sempiterna.

Domine Iesu Christe, suscipe spiritum meum. Amen.

Tres piæ & vtilēs morientibus orationes, cum tribus Pater noster, & tribus Aue Maria, in agone mortis deuotè recitandæ.

Primò dicitur *K* yrie eleison. *C* hriste eleison. *K* yrie eleison.

P ater noster. *A* ue Maria.

Oratio.

.v2a1 .v2a1 .v2a1

Domine Iesu Christe per tuam sanctissimam agoniam & orationem, qua orasti pro nobis in monte Oliueti, quando factus est sudor tuus sicut gutta sanguinis decurrentis in terram: obsecro te, vt multitudinem sudoris tui sanguinei, quem præ timoris angustia copiosissimè pro nobis effudisti, offerre & obtendere digneris Deo Patri omnipotenti contra multitudinē omnium peccatorum huius famuli tui *N*, & libera eum in hac hora mortis suæ ab omnibus poenis & angustijs, quas pro peccatis suis se timer meruisse. Qui cum Patre & Spiritu sancto viuus & regnas Deus in secula seculorum. *R*. Amen.

Secundò dicitur *K* yrie eleison. *C* hriste eleison. *K* yrie eleison.

P ater noster. *A* ue Maria.

Oratio.

Domine Iesu Christe, qui pro nobis mori dignatus es in cruce, obsecro te, vt omnes amaritudines passionum & poenarum tuarū, quas pro nobis miseris peccatoribus sustinuisti in cruce, maxime in illa hora quando sanctissima anima tua egressa est de sanctissimo corpore tuo, offerre & obtendere digneris Deo Patri omnipotenti pro anima huius famuli tui *N*. & libera eum in hac hora mortis ab omnibus poenis & passionibus, quas pro peccatis suis se timer meruisse. Qui cum Patre & Spiritu sancto viuus & regnas Deus, in secula seculorum. *R*. Amen.

Tertiò dicitur *K* yrie eleison. *C* hriste eleison. *K* yrie eleison.

P ater noster. *A* ue Maria.

Oratio.

Domine Iesu Christe, qui per os Prophetæ dixisti: In charitate perpetua dilexi te, ideo attraxi te miserans: obsecro te, vt eandem charitatem tuam, quæ te de cœlis in terram ad tolerandas omnium passionū tuarum amaritudines attraxit, offerre & obtendere digneris Deo Patri omnipotenti pro anima huius famuli tui *N*. & libera eum ab omnibus passionibus & poenis, quas pro peccatis suis timer se meruisse, & saluam animam eius in hac hora exirus sui. Aperi ei ianuam vitæ, & fac eam gaudere cum Sanctis tuis in gloria æterna. Et tu piissime Domine Iesu Christe, qui redemisti nos pretiosissimo sanguine tuo, miserere animæ huius famuli tui, & eam introducere digneris ad semper virentia & amœna loca paradisi, vt viuat tibi amore indiuisibili, qui à te & ab electis tuis nunquàm separari potest. Qui cum Patre & Spiritu sancto viuus & regnas Deus in secula seculorum. *R*. Amen.

In expiratione.

Cum verò tempus expirandi institerit, ut cùm moriens singultire, seu anhelare incipit aut rigere, tunc maxime ab omnibus circumstantibus flexis genibus vehementer orationi instandum est. Ipse verò moriens, si potest, dicat, vel si non potest, assistens siue Sacerdos pro eo clara voce pronuntiet:

I E S V, I E S V, I E S V.

Quod & ad illius aures, si videbitur, etiam sæpius repetat.

Item, I E S V S Nazarenus Rex Iudæorum.

Item, In manus tuas Domine commendo spiritum meum.

Item, Domine Iesu suscipe spiritum meum.

Item, Sancta Maria ora pro me.

Item, Maria mater gratiæ, mater misericordiæ, tu me ab hoste protege, & hac hora mortis suscipe.

Tunc iuxta piam aliquarum Ecclesiarum consuetudinem pulsetur solita campana parochialis Ecclesiæ aliquibus ictibus, ad significandam fidelibus in Urbe, vel loco, aut extra in suburbanis existentibus instantem mortem expirantis ægroti, ut pro eo Deum rogare possint.

Post egressum animæ de corpore.

Egressa autem anima mox dicatur sequens Responsorium.

R. Subuenite Sancti Dei, occurrите Angeli Domini; suscipientes animam eius; offerrentes eam in conspectu Altissimi.

V. Suscipiat te Christus, qui vocauit te, & in sinum Abrahæ Angeli deducant te.

R. Suscipientes animam eius, offerrentes eam in conspectu Altissimi.

V. Requiem æternam dona ei Domine, & lux perpetua luceat ei.

R. Offerrentes eam in conspectu Altissimi.

Deinde:

K yrie eleison.

C hriste eleison.

K yrie eleison.

P ater noster. *secretò.*

V. Et ne nos inducas in tentationem.

R. Sed libera nos à malo.

V. Requiem æternam dona ei Domine.

R. Et lux perpetua luceat ei.

V. A porta inferi.

R. Erue Domine animam eius.

V. Requiescat in pace.

R. Amen.

V. Domine exaudi orationem meam.

R. Et

R. Et clamor meus ad te veniat.

V. Dominus vobiscum.

R. Et cum spiritu tuo.

O remus.

Oratio.

Tibi Domine commendamus animam famuli tui **N.** vt defunctus seculo tibi viuat; & quæ per fragilitatem humanæ conuersationis peccata commisit; tu venia misericordissimæ pietatis absterge. Per Christum Dominum nostrum. **R.** Amen.

O remus:

Alia Oratio.

Commendamus tibi Domine animam famuli tui in manibus sanctorum Abraham, Isaac & Iacob, & omnium Patriarcharum. Commendamus tibi Domine animam famuli tui in manibus sanctorum Isaia, Hieremia, & omnium Prophetarum. Commendamus tibi Domine animam famuli tui in manibus sanctorum Petri, & Pauli, & Ioannis, & omnium Apostolorum. Commendamus tibi Domine animam famuli tui in manibus sanctorum Stephani, Laurentij, Vincentij, Sauini, Georgij, Sebastiani, & omnium Martyrum. Commendamus tibi Domine animam famuli tui in manibus sanctorum Siluestri, Leonis, Martini, & omnium Confessorum. Commendamus tibi Domine animam famuli tui in manibus sanctorum Antonij, Benedicti, Aegidij, & omnium sanctorum Monachorum. Commendamus tibi Domine animam famuli tui in manibus sanctarum virginum Mariæ matris Domini, Agnetis, Cæciliæ, Agathæ, & Catharinæ & **N.** omnium Virginum tuarum. Commendamus in manus tuas Domine spiritum famuli tui, ne princeps ei noceat tenebrarum: sed tu Domine misericorditer eum protegas in omnia secula seculorum. **R.** Amen.

Post expirationem defuncti accurratur ad Ecclesias, Monasteria, & pia loca, vt pro eius anima orationes & deprecationes fiant; etsi de manè & congrua hora fuerit, Missæ de Requiem celebrentur, aut saltem collectæ fiant, atque eis & Christi pauperibus elemosynæ pro viribus hereditatis & pietate suorum liberaliter erogentur.

Tunc quoque pulsetur ad signum transitus defuncti vna campana tribus vicibus pro viro, pro muliere verò duabus, modico interiecto spatio inter ipsas pulsationes: vel etiam pluribus vicibus, vt pro insigni viro aut Sacerdote vel Prælate septem aut nouem, aut aliàs iuxta laudabiles consuetudines diuersarum Ecclesiarum campana pulsetur, vt audientes ad Dominum conuersi, pro anima defuncti illum humiliter deprecantur.

Tunc lauetur corpus, & induatur vestibus pro qualitate personæ sexui, gradui, officio & ordini congruentibus: ita vt si sint clerici seculares, cum superpelliceis, vestibus sacris, vel paramentis ordinibus minoribus vel maioribus, in quibus constituti fuerint, conuenientibus. Si verò regulares, in habitu regulari tantum, secundum proprium cuiusque Religionis institutum, & ponantur in loco ad id parato.

Cc 4

Presby-

Presbyter quidem secularis, & qui simili habitu vtitur vtitur religiosus, induatur omnibus suis paramentis ad Missam celebrandam ordinatis, videlicet amictu, alba, cingulo, manipulo, stola, & casula seu planeta; & ponatur in terra super aliquem pannum siue tapetum, vel etiam ferebrum, cum cruce à capite, & duobus candelabris accensis hinc inde, & duobus alijs similibus à pedibus, tenens præ manibus calicem subiecta patena de more: & ita deinde in feretro positus efferatur ad sepulturam.

Sic autem Sacerdotes & ij quorum interest, quod si defunctus sit Episcopus, induitur omnibus communibus seu quotidianis vestibus & rochetto, vel superpelliceo, si Episcopus est regularis, & desuper toto vestitu Sacerdotali violacei coloris, sicut esset in Pontificalibus Missam celebraturus, videlicet caligis, sandalijs, amictu, alba, cingulo, cruce, pectorali, stola, manipulo, tunicella, dalmatica, chirothecis, planeta, & imponitur ei anulus & mitra simplex in capite, & super eius pectus aliqua crux, quam suis manibus teneat.

Si vero sit Archiepiscopus siue Metropolitanus aut Patriarcha, similiter vt Episcopus vestitur omnibus prædictis indumentis Pontificalibus, tanquam si esset solenniter celebraturus. Sed insuper si decesserit in sua Ecclesia diocesi vel Prouincia, imponitur humeris eius pallium, quod post eius promotionem de corpore B. Petri sumptum, à sancta Sede Apostolica acceperat; quod cum eo sepelitur, & nulli alij vsui esse potest. Et si propter aliam Ecclesiam vel alias Ecclesias, quibus antea præfuisse, habuerit plura pallia, vnum quod ratione nouissimæ Ecclesie habuerit, superimponetur ei defuncto, aliud vel alia ponentur sub eius capite, plicata tamen.

Si autem extra suam Ecclesiam, diocesim vel Prouinciam obierit, non superimponetur pallium aliquod humeris eius, sed siue reliquerit vnum, siue plura, omnia plicabuntur, & plicata sub ipsius capite ponentur.

Ita prædicti Præfules defuncti, aut aliter iuxta consuetudinem suarum Ecclesiarum induantur. Cardinales autem S. R. E. cuiusque Ordinis Episcopi, Presbyteri, & Diaconi, iuxta præscriptum modum in primo libro Cœremoniarum, defuncti vestiuntur, efferuntur & sepeliuntur.

Si defunctus fuerit Prælatus, domi suæ vbi fuerit corpus, conueniant clerici ad dicendas vigilijs defunctorum cum inuitatorio, tribus nocturnis & laudibus duplicando antiphonas, vt in ordinario.

Quæ vigilie in alijs clericis, dicantur per clericos delato corpore in Ecclesiam: deinde celebretur, si opportunum fuerit, Missa de Requiem: qua expleta fiat officium sepulture vt infra.

Quod si defunctus sit Sacerdos seu Prælatus, in oratione vbi nominatur defunctus, addatur semper nomen Sacerdotij seu dignitatis in qua existit.

Postea Sacerdos vocatis clericis seu fratribus qui adsunt, incipiat, absolute dicendo:

Kyrie eleison. Christe eleison. Kyrie eleison.

Pater noster. secretò.

✠. Et ne nos inducas in tentationem.

R. Sed libera nos à malo.

✠. In memoria æterna erit iustus.

R. Ab auditione mala non timebit.

✠. Ne tradas bestiis animam confidentem tibi.

R. Et animam pauperis tui ne obliuiscaris in finem.

✠. Non intres in iudicium cum seruo tuo Domine.

R. Quia non iustificabitur in conspectu tuo omnis viuens.

✠. A porta inferi.

R. Erue Domine animam eius.

✠. Requiescat in pace.

R. Amen.

✠. Domine exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

Oratio.

Suscipe Domine animam serui tui ad te reuertentem, & veste coelesti induc eam; sancto fonte vitæ æternæ pota eam, vt inter gaudentes gaudeat, & inter sapientes sapiat: & inter Martyres Christi coronam accipiat, inter Patriarchas & Prophetas perficiatur, & inter Apostolos Christum sequi valeat; inter Angelos & Archangelos claritatem Dei videat, & inter paradisi rutilos lapides gaudium possideat, & notitiam ministrorum Dei agnoscat; & inter Cherubim & Seraphim claritatem Dei conspiciat, & inter vigintiquatuor seniores Cantica canticorum audiat; & inter lauantes stolas suas in fonte luminis, vestem lauet: & inter pulsantes portas coelestis Hierusalem apertas reperiatur, & inter videntes Deum facie ad faciem ipsum videatur: & inter canentes canticum nouum canatur, & inter audientes dulcedinem coelestis sonitus audiat. Per eundem Christum Dominum nostrum. **R.** Amen.

De Vesperis mortuorum.

Qua oratione dicta, dicantur **Vesperæ mortuorum**, si die sequenti non fuerit Dominica, vel festum duplex: & duplicantur Antiphonæ: & in fine dicantur infra scriptæ orationes. Si verò die sequenti fuerit dies Dominica, vel festum duplex, omittuntur quidem **vesperæ**; sed non orationes.

Ad Vesperas absolute incipitur.

Antiphona. Placebo Domino in regione viutorum. **Psalmus cxliii.**

Dilexi, quoniam exaudiet Dominus: vocem orationis meæ.

Quia inclinavit aurè[m] suam mihi: & in diebus meis inuocabo.

Cir-

Circumdederunt me dolores mortis : & pericula inferni inuenerunt me .

Tribulationem & dolorem inueni : & nomen Domini inuocaui .

O Domine libera animam meam : misericors Dominus, & iustus, & Deus noster miseretur .

Custodiens paruulos Dominus : humiliatus sum, & liberauit me .

Conuertere anima mea in requiem tuam : quia Dominus benefecit tibi .

Quia eripuit animam meam de morte : oculos meos à lacrymis, pedes meos à lapsu .

Placebo Domino : in regione uiuorum .

Requiem æternam, dona eis Domine : & lux perpetua luceat eis . *Sic dicitur in fine omnium Psalmorum, & repetitur Antiphona.* Placebo Domino in regione uiuorum . *Sic in sequentibus.*

Antiphona. Hei mihi Domine, quia incolatus meus prolongatus est .

Psalmus. Ad Dominum cum tribularer clamaui, &c. *suprà* pag. 349.

Antiphona. Dominus custodit te ab omni malo : custodiat animam tuam Dominus . *Psalmus.* Leuaui oculos meos in montes, &c. *suprà* pag. ead.

Antiphona. Si iniquitates obseruaueris Domine : Domine quis sustinebit ? *Psalm.* De profundis clamaui ad te Domine, &c. *suprà* pag. 351.

Antiphona. Opera manuum tuarum Domine ne despicias .

Psalmus CXXXVII.

Confitebor tibi Domine in toto corde meo : quoniam audisti verba oris mei .

In conspectu Angelorum psallam tibi : adorabo ad templum sanctum tuum, & confitebor nomini tuo .

Super misericordia tua, & veritate tua : quoniam magnificasti super omne nomen sanctum tuum .

In quacunque die inuocauero te, exaudi me : multiplicabis in anima mea virtutem .

Confiteantur tibi Domine omnes reges terræ : quia audierunt omnia verba oris tui .

Et cantent in uis Domini : quoniam magna est gloria Domini .

Quoniam excelsus Dominus, & humilia respicit : & alta à longe cognoscit .

Si ambulauero in medio tribulationis, uiuificabis me : & super iram inimicorum meorum extendisti manum tuam, & saluum me fecit dextera tua .

Dominus retribuet pro me, Domine misericordia tua in seculum : opera manuum tuarum ne despicias .

Requiem æternam, dona eis Domine : & lux perpetua luceat eis .

Ad Magnificat Antiphona. Omne quod dat mihi Pater ad me ueniet : & cum qui uenit ad me, non eijciam foras .

Deinde nexis genibus Pater noster . secretò .

✠. Et ne nos inducas in tentationem . *Rx.* Sed libera nos à malo .

✠. A por-

✠. A porta inferi.

℟. Erue Domine animam eius; *vel* eorum, *si sunt plures defuncti.*

✠. Requiescat in pace, *vel* Requiescant, *si sunt plures.*

℟. Amen.

✠. Domine exaudi orationem meam.

℟. Et clamor meus ad te veniat.

✠. Dominus vobiscum.

℟. Et cum spiritu tuo.

Oremus.

Oratio.

Suscipe Domine animam famuli tui **N.** quam de ergastulo huius seculi vocare dignatus es: & libera eam de locis poenarum: ut quietis ac lucis æternæ beatitudine perfruatur, & inter Sanctos & electos tuos in resurrectionis gloria resuscitari mereatur. Per Dominum nostrum Iesum Christum filium tuum, qui tecum vivit & regnat in unitate Spiritus sancti Deus. Per omnia secula seculorum. *℟. Amen.*

Oremus.

Alia oratio.

Absolve quæsumus Domine animam famuli tui **N.** ab omni vinculo delictorum, ut istius resurrectionis gloria inter Sanctos & electos tuos cum resuscitari præcipias. Per Dominum. *℟. Amen.*

Oremus.

Alia oratio.

Deus cui soli competit medicinam præstare post mortem; tribue quæsumus, ut anima famuli tui **N.** terrenis exuta contagijs, in tuæ redemptionis parte numeretur. Per Dominum. *℟. Amen.*

Oremus.

Alia oratio.

Partem beatæ resurrectionis obtineat Domine anima famuli tui **N.** vitamq. æternam habere mereatur in cœlis, per te Iesu Christe Saluator mundi: qui cum Patre & Spiritu sancto vivis & regnas. *℟. Amen.*

✠. Requiem æternam dona ei Domine. *℟. Et lux perpetua luceat ei.*

✠. Requiescat in pace. *℟. Amen.*

Vel loco istarum quatuor orationum dicatur una, quæ habetur in Missali in die obitus seu depositionis defuncti.

Deus cui proprium est misereri semper & parcere: te supplices exoramus, pro anima famuli tui **N.** quam de hoc seculo hodie migrare iussisti: ut non tradas eam in manibus inimici, neque obliuiscaris in finem; sed iubeas eam à sanctis Angelis suscipi, & ad patriam paradisi perduci: ut quia in te speravit & credidit, non poenas æternas sustineat, sed gaudia sempiterna possideat. Per Dominum nostrum, &c. *℟. Amen.*

✠. Requiem æternam dona ei Domine.

℟. Et lux perpetua luceat ei.

✠. Requiescat in pace. *℟. Amen.*

Si fuerint plures defuncti, prædictæ orationes dicantur in numero plurali.

DE OFFICIO SEPULTURAE.



Nimaduerrat Sacerdos quod omnes infra scriptæ personæ Ecclesiastica sepultura priuantur, Iudæi, Pagani, Ethnici, Gentiles, Mahumetani, & infideles omnes; Hæretici, credentes, receptatores, defensores, vel fautores eorum; & à Christiana fide apostatæ, schismatici, & excommunicati præsertim publicè denunciati; & qui manus violentas publicè in clericos, & personas Ecclesiasticas iniecerunt; generaliter, vel specialiter interdicti; non continent, & non communicant semel in anno saltem in Pascha; Vsurarij manifesti, publici blasphematores, raptores; Et qui in notorio peccato mortali, vel alijs imponentes decedunt; Morientes in duello, & torcamentis; qui ferro, aut veneno, aut præcipitio, aut suspendio, aut quolibet alio modo mortem sibi ipsis inferunt violentam, aut aliter ex desperatione se occidunt, nisi ex furore vel infania id accidat: Monachi, vel Fratres proprietarij; corpora truculenter exenterata, vel aquis decocta, vel membratim, & in frusta concisa, secundum extrauagantem Bonifacij Papæ VIII. quæ incipit: Detestandæ feritatis abusum: & postremò ij, quibus viuentibus interdictus est ingressus Ecclesiæ. Quorum corpora, aut ossa si de facto sepulta fuerint, exhumari debent, quando discerpi possunt ab alijs, & Ecclesia, vel cæmeterium, vbi sepulti erant reconciliari. Mortua muliere grauida, si fœtus iam animatus extrahatur mortuus, non debet cum matre sepeliri; si verò non sit extractus, sed in ventre mortuus, relinquitur cum matre, sepeliendus: & si in loco vbi sepulta est cum fœtu non baptizato consecranda est Ecclesia, ea inde non eiccta, Ecclesia poterit consecrari.

Caveat deinde Parochus, vel quicumque alij clerici seculares, vel regulares, ne contra Constitutionem eiusdem Bonifacij VIII. quæ incipit: Animarum periculis. & Clementis Papæ V. quæ incipit: Cupientes Romanorum Pontificum. aliquos ad vouendum, vel iurandum, vel fide interposita, seu alijs promittendum inducant, vt sepulturam apud eorum Ecclesias eligant, vel iam electam viterius non immutent, neque pactum de sepultura, & funeralibus cum heredibus incant.

Pro sepulturis & exequijs mortuorum pecunias indebitè & immoderatè non exigant aut extorqueant, quod non licet: sed iura tantum parochialia, & quæ iuxta laudabilem consuetudinem, pia fidelium deuotione introducunt, debentur, post humanum corpus, qua poterunt benignitate & pietate accipiant.

Pauperes verò, & destitutos gratis, ac etiam propria impensa, si opus fuerit, sepeliant. Quando corpus fuerit præsens in Ecclesia, quouis tempore poterit Missa pro defunctis celebrari, nisi in Parasceue: tunc enim non debet corpus tumulari, nec Missa pro eo cantari, quia tunc corpus Christi immolari non debet: sed vsque in crastinum reseruetur, & tunc scilicet in Sabbato potest Missa pro eo cantari, & corpus sepeliri. Similiter si quis in die Paschæ moriatur, corpus eius vsque in crastinum reseruetur super terram, & tunc cum celebratione Missæ sepeliatur. Non enim debet corpus sepeliri absque Missa: quamuis contrarium fiat in plerisque locis.

Hoc loco prætermittendum non est Prælatos & parochos admonitos esse debere, vt Ecclesiasticæ sepulturæ maiorem curam gerant, & prohibeant secundum institutionem maiorum, ne omnes passim intra Ecclesias; sed in atrio, aut in porticu, aut in excelsis Ecclesiæ sepeliantur. Nullatenus autem intra Ecclesiam & prope altare, vbi corpus & sanguis Domini conficitur, vt statuerunt Patres Concilij Nannerensis.

Nam & idem antea in Concilio Bracarensi primo, decretum fuit vt corpora defunctorum nullo modo intra Basilicam sanctorum sepeliantur: sed si necesse est de foris circa murum Basilicæ vsque adeo non abhorret. Et in Concilio Moguntiaco primo decla-

declaratum fuit, vt nullus mortuus intra Ecclesiam sepeliatur: nisi Episcopi aut Abbates, vel fideles laici.

Et quidem iustus de causis, & propter honorem Dei, & eius sacræ domus decentiam & diuini cultus rationem, & ad tollendum fetorem ex cadaueribus manantem, & ne propterea fideles ad conflendum in Ecclesiam auertantur. Sed quia consue- licentia, abusus & excessus de his sepulchris & monumentis progressa est, vt integro libro non satis sit eos explicare, prout à quopiam factum est: Ideo saltem curent res- titui vsus veterum cæmeteriorum & sepulcrarum in atrijs vel porticibus, & in claustris siue exedris Ecclesiarum, quod maxime desideratur.

Et insuper, quod ferè vbique seruatur, vt præter sepulturam Sacerdotum, & clerico- rum, quæ in presbyterio, vel ante altare siue in Choro esse debet; communes ha- beantur sepulturæ in Ecclesijs nauibus vel in cæmeterio separatæ pro viris, & sepa- ratæ pro mulieribus; nisi coniugati fuerint, qui ex sententia beati Hieronymi, in vno sepulcro ponendi videntur, exemplo sanctorum Patriarcharum, dum dicit, Ebron dicitur Ciuitas quatuor virorum, quia in ea sepulti sunt tres Patriarchæ in spelun- ca duplici, cum tribus vxoribus suis, idest Abraham & Sara, Isaac & Rebecca, Iacob & Lia; præter ipsum Adam, & Euam vxorem suam. Et Tobias dicit ad filium suum. Cum acceperit Deus animam meam, corpus meum sepelies, & honorem habebis matri tuæ omnibus diebus vitæ eius: & cum ipsa compleuerit tempus suum, sepe- lias eam iuxta me in vno sepulchro. Ibidem. Quos coniunxit vnum coniugium, coniungat vnum sepulchrum: quia vna caro sunt; & quos Deus coniunxit homo non separet. Et ex beato Augustino, dicente: Vnaquæque mulier sequatur virum suum, 9. Confess. c. 20. siue in vita, siue in morte.

S. Hieron. in
epistolâ. Paula.

Corpora defunctorum in Ecclesia vel cæmeterio ponenda sunt pro situ & loco, vt sint versa ad altare maius; vel si conduntur in Oratorijs vel Capellis, ponantur cum pe- dibus versis ad illarum altaria. Presbyteri verò & Episcopi habeant caput reposi- tum versus altare, & pedes versus populum. Et quantum fieri potest, curetur vt de- functus sepeliatur capite posito ad Occidentem, quasi pedes suos dirigat ad Orien- tem; vt & sic videatur de occasu festinare ad ortum, & de morte ad vitam.

In quocunque loco extra Ecclesiam vel cæmeterium Christianus sepeliatur, semper crux capiti illius apponi debet, ad significandum illum fuisse Christianum, & ad ex- pellendum inde diabolum, qui hoc signum valde pertimescit, & ad eum locum, qui crucis signaculo est insignitus, horret accedere.

De delatione corporis ad Ecclesiam.



Constituto igitur tempore, quo corpus ad Ecclesiam dete- rendum est, conuocetur Clerus, qui funeri interesse debet etiam à vespera seu nocte præcedente, & omnes campanæ tam parochialis, quàm alterius Ecclesiæ, ad quam deferen- dus est defunctus, pro viro ter, semel & iterum pro foemi- na; pro insigni viro, aut Sacerdote vel Prælato septies, aut nouies, vel aliter iuxta consuetudines locorum, pari sono & ictu, vt suprà simul prolixiùs pulsantur.

Tunc si à Cathedrali aut parochiali, vel alia Ecclesia, ad quam finis de- fertur, ex consuetudine aut voluntate hæredum seu executorum testa- menti, ab omnibus Confraternitatibus & Clero regulari & seculari si- mul eundem sit & ducenda processio: ad accipiendum & deferendum mortuum, ijs simul congregatis ibidem fiat processio, & omnes ordi-
nati

natim vadant, & cum silentio procedant ad funus: alioquin qualibet Confraternitas, Religio, & Clerus seorsum ire possunt ad domum defuncti, & ibi paululum morari, donec omnes conuenerint. Parochus autem indutus superpelliceo & stola nigri coloris, vel etiam pluuiali eiusdem coloris, pro consuetudine, aut si videbitur ratione loci vel personæ, alioquin sine eo, cum suo Clero ac alijs presbyteris & clericis qui adfuerint, præcedente cruce illius Ecclesiæ, ad quam corpus portandum est (quæ crux sola defertur) cum ad domum defuncti peruenerit, ipse solus cum clerico deferente vas aquæ benedictæ, ingreditur locum ubi defunctus iacet, quem prius aqua benedicta aspergit; deinde in lintheo corpus defertur ad feretrum, ordinatur processio, procedunt Confraternitates laicales, tum deferens crucem, & sequitur Clerus regularis & secularis per ordinem: ac ultimo loco parochus ut supra, indutus, qui incipit Responsorium.

Subuenite Sancti Dei, occurrите Angeli Domini: suscipientes animam eius offerentes eam in conspectu Altissimi &c. *suprà pag. 406. & Clerus prossequitur vsque ad finem.*

Deinde dicitur Psalmus c. xiii.

IN exitu Israel de Aegypto: domus Iacob de populo barbaro.

Facta est Iudæa sanctificatio eius: Israel potestas eius.

Mare vidit, & fugit: Iordanis conuersus est retrorsum.

Montes exultauerunt ut arietes: & colles sicut agni ouium.

Quid est tibi mare quod fugisti: & tu Iordanis, quia conuersus es retrorsum?

Montes exultastis sicut arietes: & colles sicut agni ouium.

A facie Domini mota est terra: à facie Dei Iacob.

Qui conuertit petram in stagna aquarum: & rupem in fontes aquarum.

Non nobis Domine, non nobis: sed nomini tuo da gloriam.

Super misericordia tua, & veritate tua: ne quando dicant gentes: ubi est Deus eorum?

Deus autem noster in coelo: omnia quæcunque voluit fecit.

Simulacra gentium argentum, & aurum: opera manuum hominum.

Os habent, & non loquentur: oculos habent, & non videbunt.

Aures habent, & non audient: nares habent, & non odorabunt.

Manus habent, & non palpabunt: pedes habent, & non ambulant: non clamabunt in gutture suo.

Similes illis fiant, qui faciunt ea: & omnes qui confidunt in eis.

Domus Israel sperauit in Domino: adiutor eorum, & protector eorum est.

Domus Aaron sperauit in Domino: adiutor eorum, & protector eorum est.

Qui timent Dominum, sperauerunt in Domino: adiutor eorum, & protector eorum est.

Dominus memor fuit nostri: & benedixit nobis.

Benedixit domui Israel: benedixit domui Aaron.

Benedixit omnibus, qui timent Dominum: pusillis cum maioribus.
Adiciat Dominus super vos: super vos, & super filios vestros.
Benedicti vos à Domino: qui fecit cœlum, & terram.
Cœlum cœli Domino: terram autem dedit filijs hominum.

Non mortui laudabunt te Domine: neque omnes, qui descendunt in infernum.

Sed nos qui viuimus, benedicimus Domino: ex hoc, nunc, & vsque in seculum.

Requiem æternam dona ei Domine: & lux perpetua luceat ei.

Et si tempus superest propter distantiam Ecclesiæ, ad quam sepeliendus deferretur, dici poterunt Psalmi Graduales suprà pag. 349. vel Psalm.

Miserere mei Deus, &c. suprà pag. 330. vel etiam Psalm. **D**e profundis clamaui, &c. suprà pag. 331. cum vers. **R**equiem æternam dona ei Domine. in fine cuiuslibet Psalmi.

Cum verò peruenerint ad ipsam Ecclesiam, & corpus in eam introducitur, omnes eiusdem Ecclesiæ campanæ pari sono & ictu, vna vice tantum, paulisper pulsantur, ad significandam defuncti sepulturam, vt ab audientibus fiat oratio ad Deum pro eo ad introitum regni coelestis. Et feretrum sistitur in medio, Ecclesiæ, ita vt pedes defuncti sint versus altare. Ingreditur Clerus & Confraternitates; ingrediantur etiam propinqui & familiares defuncti, atque omnes qui eius funus comitati sunt: sublata superstitione seu abusu de non ingrediendo Ecclesiam cum corpore defuncti, & facienda generali confessione, & accipienda absolutione foris in limine Ecclesiæ, & de redeundo per aliam viam: cum postea finito officio sepulturæ siue exequiarum si voluerint, ac eis magis commodum fuerit intra Ecclesiam in aliquo sacello seorsum, huiusmodi absolutio eis impendi possit à parochio siue alio Sacerdote, cum asperzione aquæ benedictæ: aut peractis exequijs, si malint, expectent parochum siue Sacerdotem domi, vbi ei hortationis officium mandatur vt faciat, infrà de visitatione domus defuncti pag. 441.

Deposito igitur corpore cum feretro & cereis accensis circa illud in Ecclesia, si manè vel alia hora congruens fuerit, Sacerdotes & clerici præparent se ad cantandam Vigiliam seu Matutinum mortuorum: duplicantur Antiphonæ, & in fine cuiuslibet Psalmi dicitur, **R**equiem æternam dona ei Domine. in numero singulari: nisi plures essent defuncti, quia tunc dicitur in numero plurali, **eis** &c. Duo clerici incipiant absolute sequens Inuitatorium, cum finis sit præsens.

Regem cui omnia viuunt: Venite adoremus. Et repetitur. Regem.

Psalmus xciiii.

Venite exultemus Domino, iubilemus Deo salutarì nostro: præoccupemus faciem eius in confessione, & in Psalmis iubilemus ei. Regem, cui omnia viuunt. Venite adoremus.

Quoniam Deus magnus Dominus: & rex magnus super omnes Deos: quoniam non repellet Dominus plebem suam: quia in manu eius sunt omnes

omnes fines terræ : & altitudines montium ipse conspicit. Venite adoremus.

Quoniam ipſius eſt mare : & ipſe fecit illud, & aridam fundauerunt manus eius : venite, adoremus, & procidamus ante Deum, ploremus coram Domino, qui fecit nos: quia ipſe eſt Dominus Deus noſter: nos autem populus eius, & oues paſcuæ eius. Regem, cui omnia viuunt, Venite adoremus.

Hodie ſi vocem eius audieritis, nolite obdurare corda veſtra, ſicut in exacerbatōe ſecundū diem tentationis in deſerto: vbi tentauerunt me patres veſtri: probauerunt, & viderunt opera mea. Venite adoremus.

Quadrageſima annis proximus fui generationi huic, & dixi: ſemper hi errant corde: ipſi verò non cognouerunt vias meas, quibus iuraui in ira mea, ſi introibunt in requiem meam. Regem, cui omnia viuunt, Venite adoremus.

Requiem æternam dona ei Domine, & lux perpetua luceat ei. Venite adoremus. Regem cui omnia viuunt, Venite adoremus.

Et ſic ſolemniter cantent totum Inuitatorium, & totam Vigiliam.

In primo Nocturno.

Antiphona. Dirige Domine Deus meus in conſpectu tuo viam meam.

Pſalmus v.

Verba mea auribus percipe Domine: intellige clamorem meum.

Intende voci orationis meæ: rex meus, & Deus meus.

Quoniam ad te orabo Domine: manè exaudis vocem meam.

Manè aſtabo tibi, & videbo: quoniam non Deus volens iniquitatem, tu es.

Neque habitabit iuxta te malignus: neque permanebunt iniuſti ante oculos tuos.

Odiſti omnes, qui operantur iniquitatem: perdes omnes, qui loquuntur mendacium.

Virum ſanguinum, & doſoſum abominabitur Dominus: ego autem in multitudine miſericordiæ tuæ.

Introibo in domum tuam: adorabo ad templum ſanctum tuum in timore tuo.

Domine deduc me in iuſtitia tua: propter inimicos meos: dirige in conſpectu tuo viam meam.

Quoniam non eſt in ore eorum veritas: cor eorum vanum eſt.

Sepulchrum patens eſt guttur eorum, linguis ſuis doſoſe agebant: iudica illos Deus.

Decidant à cogitationibus ſuis, ſecundū impietatem eorum expelle eos: quoniam irritauerunt te Domine.

Et lætentur omnes, qui ſperant in te: in æternū exultabunt, & habitabis in eis.

Et gloriabuntur in te omnes, qui diligunt nomen tuum: quoniam tu benedices iuſto.

Domine,

Domine, vt scuto bonæ voluntatis tuæ: coronasti nos.

Requiem æternam dona ei Domine: & lux perpetua luceat ei.

Et repetitur Antiphona. Dirige Domine Deus meus, &c.

Antiphona. Conuertere Domine, & eripe animam meam: quoniam non est in morte, qui memor sit tui. **Psalmus.** Domine ne in furore tuo arguas me: neque in ira tua corripas me, &c. **suprà** pag. 328.

Et repetitur Antiphona. Conuertere Domine, &c.

Antiphona. Ne quando rapiat vt leo animam meam, dum non est qui redimat, neque qui saluum faciat.

Psalmus vii.

Domine Deus meus in te speraui: saluum me fac ex omnibus persequentibus me, & libera me.

Nequando rapiat vt leo animam meam: dum non est qui redimat, neque qui saluum faciat.

Domine Deus meus, si feci istud: si est iniquitas in manibus meis.

Si reddidi retribuentibus mihi mala: decidam meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam: & gloriam meam in puluerem deducat.

Exurge Domine in ira tua: & exaltare in finibus inimicorum meorum.

Et exurge Domine Deus meus in præcepto, quod mandasti: & synagoga populorum circumdabit te.

Et propter hanc in altum regredere: Dominus iudicat populos.

Iudica me Domine secundum iustitiam meam: & secundum innocentiam meam super me.

Consumetur nequitia peccatorum, & diriges iustum: scrutans corda, & renes Deus.

Iustum adiutorium meum à Domino: qui saluos facit rectos corde.

Deus iudex iustus, fortis, & patiens: nunquid irascitur per singulos dies?

Nisi conuersi fueritis, gladium suum vibrabit: arcum suum tetendit, & parauit illum.

Et in eo parauit vasa mortis: sagittas suas ardentibus effecit.

Ecce parturijt iniustitiam, concepit dolorem: & peperit iniquitatem.

Lacum aperuit, & effodit eum: & incidit in foueam, quam fecit.

Conuertetur dolor eius in caput eius: & in verticem ipsius iniquitas eius descendet.

Confitebor Domino secundum iustitiam eius: & psallam nomini Domini altissimi.

Requiem æternam dona ei Domine: & lux perpetua luceat ei.

Antiphona. Nequando rapiat vt leo animam meam &c.

℣. A porta inferi. **℟.** Erue Domine animam eius.

Deinde Sacerdos dicit Pater noster. totum secretò.

Lectioes autem in officio mortuorum leguntur sine absolutione, benedictionibus, & titulo: sed Lector eas absolute incipit & terminat sine.

Tu autem Domine miserere nobis.

Parce mihi Domine: nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculo, & subito probas illum; Usquequo non parcis mihi, nec dimittis me, ut glutiam salivam meam? Peccaui, quid faciam tibi d'custos hominum? Quare posuisti me contrarium tibi, & factus sum mihi met ipsi grauis? Cur non tollis peccatum meum, & quare non auferis iniquitatem meam? Ecce, nunc in pulvere dormiam; & si manè me quaerieris, non subsistam. *R.* Credo quod redemptor meus viuit, & in nouissimo die de terra surrecturus sum; & in carne mea videbo Deum, Saluatorem meum. *✱.* Quem visurus sum ego ipse & non alius; & oculi mei conspecturi sunt. Et in carne mea.

Taedet animam meam vitæ meæ, dimittam aduersum me eloquium meum. Loquar in amaritudine animæ meæ, dicam Deo: Noli me condemnare. Indica mihi, cur me ita iudices. Nunquid bonum tibi videtur, si calumniaris me, & opprimas me opus manuum tuarum, & consilium impiorum adiuues? Nunquid oculi carni tibi sunt, aut sicut videt homo & tu videbis? Nunquid sicut dies hominis, dies tui, & anni tui sicut humana sunt tempora, ut quaeras iniquitatem meam, & peccatum meum scruteris? Et scias quia nihil impium fecerim, cum sit nemo, qui de manu tua possit eruere. *R.* Qui Lazarum resuscitasti à monumento foetidum, Tu ei Domine dona requiem & locum indulgentiæ. *✱.* Qui venturus es iudicare viuos & mortuos, & seculum per ignem. Tu ei Domine.

Manus tuæ fecerunt me, & plasmaverunt me totum in circuitu; & sic repente præcipitas me? Memento quæso, quod sicut lutum feceris me, & in puluerem reduces me. Nonne sicut lac mulsisti me, & sicut caseum me coagulasti? Pelle & carnibus vestisti me, ossibus & nervis compegisti me. Vitam & misericordiam tribuisti mihi, & visitatio tua custodiuit spiritum meum. *R.* Domine quando veneris iudicare terram, ubi me abscondam à vultu iræ tuæ? Quia peccaui nimis in vita mea. *✱.* Commissa mea Domine pauesco, & ante te erubesco: dum veneris iudicare, noli me condemnare. Quia peccaui nimis. *✱.* Requiem æternam dona ei Domine: & lux perpetua luceat ei. Quia peccauit.

Dominus regit me, & nihil mihi deerit: in loco pascuæ ibi me collocauit.

Super aquam refectiois educauit me: animam meam conuertit.

Deducit me super semitas iustitiæ: propter nomen suum.

Nam, etsi ambulauero in medio umbræ mortis, non timebo mala: quoniam tu mecum es.

Virga tua, & baculus tuus: ipsa me consolata sunt.

Parasti in conspectu meo mensam: aduersus eos, qui tribulant me.

Impinguasti in oleo caput meum: & calix meus inebrians, quàm præclarus est.

Et misericordia tua subsequetur me: omnibus diebus vitæ meæ.

Et vt inhabitem in domo Domini: in longitudinem dierum.

Requiem æternam dona ei Domine: & lux perpetua luceat ei.

Antiphona. In loco pascuæ. vt supra.

Antiphona. Delicta iuuentutis meæ, & ignorantias meas ne memineris Domine.

Psalmus xxiiii.

Ad te Domine leuavi animam meam: Deus meus in te confido, non erubescam.

Neque irrideant me inimici mei: etenim vniuersi, qui sustinent te, non confundentur.

Confundantur omnes iniqua agentes superuacue.

Vias tuas Domine demonstra mihi: & semitas tuas edoce me.

Dirige me in veritate tua, & doce me: quia tu es Deus Saluator meus, & te sustinui tota die.

Reminiscere miserationum tuarum Domine: & misericordiarum tuarum, quæ à seculo sunt.

Delicta iuuentutis meæ: & ignorantias meas ne memineris.

Secundùm misericordiam tuam memento mei tu: propter bonitatem tuam Domine.

Dulcis, & rectus Dominus: propter hoc legem dabit delinquentibus in via.

Diriget mansuetos in iudicio: docebit mites vias suas.

Vniuersæ viæ Domini misericordia, & veritas: requirentibus testamentum eius, & testimonia eius.

Propter nomen tuum Domine propitiaberis peccato meo: multum est enim.

Quis est homo, qui timet Dominum? legem statuit ei in via, quam elegit.

Anima eius in bonis demorabitur: & semen eius hæreditabit terram.

Firmamentum est Dominus timentibus eum: & testamentum ipsius vt manifestetur illis.

Oculi mei semper ad Dominum: quoniam ipse euellet de laqueo pedes meos.

Respice in me, & miserere mei: quia vnicus & pauper sum ego.

Tribulationes cordis mei multiplicatæ sunt: de necessitatibus meis erue me.

Vide humilitatem meam, & laborem meum: & dimitte vniuersa delicta mea.

Respice inimicos meos, quoniam multiplicati sunt: & odio iniquo oderunt me.

Custodi animam meam: & erue me: non erubescam, quoniam speravi in te.

Innocentes & recti adhaeserunt mihi: quia sustinui te.

Libera Deus, Israel: ex omnibus tribulationibus suis.

Requiem æternam dona ei Domine: & lux perpetua luceat ei.

Antiphona. Delicta iuventutis meæ &c.

Antiphona. Credo videre bona Domini in terra viventium.

Psalmus xxvi.

Dominus illuminatio mea, & salus mea: quem timebo?

Dominus protector vitæ meæ: à quo trepidabo?

Dum appropiant super me nocentes: ut edant carnes meas.

Qui tribulant me inimici mei: ipsi infirmati sunt, & ceciderunt.

Si consistant aduersum me castra: non timebit cor meum.

Si exurgat aduersum me prælum: in hoc ego sperabo.

Vnam petij à Domino, hanc requiram: ut inhabitem in domo Domini

omnibus diebus vitæ meæ.

Vt videam voluntatem Domini: & visitem templum eius.

Quoniam abscondit me in tabernaculo suo: in die malorum protexit me

in abscondito tabernaculi sui.

In petra exaltauit me: & nunc exaltauit caput meum super inimicos

meos.

Circuiui, & immolaui in tabernaculo eius hostiam vociferationis: canta-

bo, & psalmum dicam Domino.

Exaudi Domine vocem meam, qua clamaui ad te: miserere mei & exau-

di me.

Tibi dixit cor meum, exquisiuit te facies mea: faciem tuam Domine re-

quiram.

Ne auertas faciem tuam à me: & ne declines in ira à seruo tuo.

Adiutor meus esto, ne derelinquas me: neque despicias me Deus saluta-

ris meus.

Quoniam pater meus, & mater mea dereliquerunt me: Dominus autem

assumpsit me.

Legem pone mihi Domine in via tua: & dirige me in semitam rectam,

propter inimicos meos.

Ne tradideris me in animas tribulantium me: quoniam insurrexerunt in

me testes iniqui, & mentita est iniquitas sibi.

Credo videre bona Domini: in terra viventium.

Expecta Dominum, viriliter age: & confortetur cor tuum, & sustine-

re Dominum.

Requiem æternam dona ei Domine: & lux perpetua luceat ei.

Et sequitur Antiphona. Credo videre bona Domini &c.

℣. Collocet eum Dominus cum Principibus.

℟. Cum

✠ Cum principibus populi sui.

✠ Pater noster. totum secretò.

Lectio iij. Iob 13.

Responde mihi quantas habeo iniquitates & peccata : scelera mea & delicta ostende mihi. Cur faciem tuam abscondis, & arbitraris me inimicum tuum? Contra folium, quod vento rapitur ostendis potentiam tuam, & stipulam siccam persequeris: Scribis enim contra me amaritudines, & consumere me vis peccatis adolescentiæ meæ. Posuisti in neruo pedem meum, & obseruasti omnes semitas meas, & vestigia pedum meorum consideraisti. Qui quasi putredo consumendus sum, & quasi vestimentum quod comeditur à tineâ. ✠ Memento mei Domine, quia ventus est vita mea: nec aspiciat me visus hominis. ✠ De profundis clamaui ad te Domine: Domine exaudi vocem meam. Nec aspiciat me.

Lectio v. Iob 14.

Homo natus de muliere, breui viuens tempore, repletur multis miserijs. Qui quasi flos egreditur & conteritur, & fugit velut umbra, & nunquam in eodem statu permanet. Et dignum ducis super huiusmodi aperire oculos tuos, & adducere eum tecum in iudicium? Quis potest facere mundum de immundo conceptum semine? Nonne tu qui solus es? Breues dies hominis sunt, numerus mensium eius apud te est: constituisti terminos eius, qui præteriri non poterunt. Recede paululum ab eo ut quiescat, donec optata veniat, sicut mercenarij, dies eius. ✠ Hei mihi Domine, quia peccaui nimis in vita mea: quid faciam miser, ubi fugiam, nisi ad te Deus meus? Miserere mei dum veneris in nouissimo die. ✠ Anima mea turbata est valde: sed tu Domine succurre ei. Miserere mei.

Lectio vj. Iob 14.

Quis mihi hoc tribuat, ut in inferno protegas me, & abscondas me, donec pertranseat furor tuus, & constituas mihi tempus in quo recorderis me? Putasne mortuus homo rursus viuet? Cunctis diebus, quibus nunc milito, expecto donec veniat immutatio mea. Vocabis me, & ego respondebo tibi: operi manuum tuarum porriges dexteram. Tu quidem gressus meos dinumerasti, sed parce peccatis meis.

✠ Ne recorderis peccata mea Domine, dum veneris iudicare seculum per ignem. ✠ Dirige Domine Deus meus in conspectu tuo viam meam, dum veneris iudicare seculum per ignem.

Requiem æternâ dona ei Domine: & lux perpetua luceat ei. Dñe veneris.

In tertio Nocturno.

Antiphona. Complaceat tibi Domine, ut eruas me: Domine ad adiuvandum me respice.

Psalmus xxxix.

Expectans expectavi Dominum: & intendit mihi.

Et exaudiuit preces meas: & eduxit me de lacu miseriæ, & de luto facis.

Et statuit supra petram pedes meos : & direxit gressus meos.
Et immisit in os meum canticum nouum : carmen Deo nostro.
Videbunt multi & timebunt : & sperabunt in Domino.
Beatus vir, cuius est nomen Domini spes eius : & non respexit in vanitates, & insanias falsas.
Multa fecisti tu Domine Deus meus mirabilia tua : & cogitationibus tuis non est qui similis sit tibi.
Annunciaui & locutus sum : multiplicati sunt super numerum.
Sacrificium & oblationem nolui : aures autem perfecisti mihi.
Holocauftum & pro peccato non postulasti : tunc dixi, ecce venio.
In capite libri scriptum est de me, vt facerem voluntatem tuam : Deus meus volui, & legem tuam in medio cordis mei.
Annunciaui iustitiam tuam in ecclesia magna : ecce labia mea non prohibebo, Domine tu scisti.
Iustitiam tuam non abscondi in corde meo : veritatem tuam, & salutare tuum dixi.
Non abscondi misericordiam tuam : & veritatē tuam à concilio multo.
Tu autem Domine ne longè facias miserationes tuas à me : misericordia tua, & veritas tua semper susceperunt me.
Quoniam circumdederunt me mala, quorum non est numerus : comprehenderunt me iniquitates meæ, & non potui vt viderem.
Multiplicate sunt super capillos capitis mei : & cor meum dereliquit me.
Complaceat tibi Domine vt eruas me : Domine, ad adiuvandum me respice.
Confundantur & reuereantur simul : qui quærunt animam meam, vt auferant eam.
Conuertantur retrorsum : & reuereantur, qui volunt mihi mala.
Ferant confestim confusionem suam : qui dicunt mihi, euge, euge.
Exultent, & lætentur super te omnes quærentes te : & dicant semper, magnificetur Dominus, qui diligunt salutare tuum.
Ego autem mendicus sum, & pauper : Dominus sollicitus est mei.
Adiutor meus, & protector meus tu es : Deus meus ne tardaueris.
Requiem æternam dona ei Domine : & lux perpetua luceat ei.

Et repetitur *Antiphona*. Complaceat tibi Domine vt eruas me &c.

Antiphona. Sana Domine animam meam, quia peccaui tibi.

Psalmus XL.

Beatus qui intelligit super egenum & pauperem : in die mala liberabit eum Dominus.

Dominus conseruet eum, & viuificet eum, & beatum faciat eum in terra : & non tradat eum in animam inimicorum eius.

Dominus opem ferat illi super lectum doloris eius : vniuersum stratum eius versasti in infirmitate eius.

Ego dixi, Domine miserere mei : sana animam meam, quia peccaui tibi.

Inimici

Inimici mei dixerunt mala mihi: quādo morietur, & peribit nomen eius?
Et si ingrediebatur vt videret, vana loquebatur: cor eius congregauit iniquitatem sibi.

Egrediebatur foras: & loquebatur in idipsum.

Aduersum me susurrabant omnes inimici mei: aduersum me cogitabant mala mihi.

Verbum iniquum constituerunt aduersum me: nunquid qui dormit non adijciat vt resurgat?

Etenim homo pacis meæ, in quo speraui: quiebat panes meos, magnificauit super me supplantationem.

Tu autem Domine miserere mei, & resuscita me: & retribua eis.

In hoc cognoui, quoniam voluisti me: quoniam non gaudebit inimicus meus super me.

Me autem propter innocentiam suscepisti: & confirmaisti me in conspectu tuo in æternum.

Benedictus Dominus Deus Israel à sæculo, & vsque in seculum: fiat, fiat.

Requiem æternam dona ei Domine: & lux perpetua luceat ei.

Antiphona. Sana Domine animam meam &c.

Antiphona. Sitiuit anima mea ad Deum fontem viuum: quando veniam & apparebo ante faciem Domini.

Psalms XLII.

Quemadmodum desiderat ceruus ad fontes aquarum: ita desiderat anima mea ad te Deus.

Sitiuit anima mea ad Deum fontem viuum: quando veniam & apparebo ante faciem Dei?

Fuerunt mihi lacrymæ meæ panes die ac nocte: dum dicitur mihi quotidie; vbi est Deus tuus?

Hæc recordatus sum, & effudi in me animam meam: quoniam transibo in locum tabernaculi admirabilis, vsque ad domum Dei.

In voce exultationis, & confessionis: sonus epulantis.

Quare tristis es anima mea? & quare conturbas me?

Spera in Deo, quoniam adhuc confitebor illi: salutare vultus mei, & Deus meus.

Ad meipsum anima mea conturbata est: propterea memor ero tui de terra Iordanis, & Hermonij à monte modico.

Abyssus abyssum inuocat: in voce cataractarum tuarum.

Omnia excelsa tua: & fluctus tui super me transierunt.

In die mandauit Dominus misericordiam suam: & nocte canticum eius.

Apod me, oratio Deo vitæ meæ: dicam Deo; susceptor meus es.

Quare oblitus es mei? & quare contristatus incedo: dum affligit me inimicus?

Dum confringuntur ossa mea: exprobrauerunt mihi, qui tribulant me inimici mei.

Dum dicunt mihi per singulos dies, vbi est Deus tuus? quare tristis es anima mea? & quare conturbas me?

Spera in Deo, quoniam adhuc confitebor illi: salutare vultus mei; & Deus meus.

Requiem æternam dona ei Domine: & lux perpetua luceat ei:

Antiphona. Sitiuit anima mea ad Deum fontem viuum, &c.

✠ Ne tradas bestiis animas confitentes tibi. **R.** Et animas pauperum tuorum ne obliuiscaris in finem. **Sacerdos. P**ater noster. **totum legero.**

Lectio vij.

Iob 17.

Spiritus meus attenuabitur, dies mei breuiabuntur, & solum mihi superest sepulchrum. Non peccaui, & in amaritudinibus moratur oculus meus. Libera me Domine & pone me iuxta te, & cuiusuis manus pugnet contra me. Dies mei transierunt, cogitationes meæ dissipatæ sunt, torquentes cor meum. Noctem verterunt in diem, & rursum post tenebras spero lucem. Si sustinuero, infernus domus mea est, & in tenebris strauit lectulum meum. Putredini dixi, pater meus es, mater mea, & soror mea, vermibus. Vbi est ergo nunc præstolatio mea, & patientia mea? Tu es Domine Deus meus. **R.** Peccantem me quotidie & non me poenitentem, timor mortis conturbat me. Quia in inferno nulla est redemptio: miserere mei Deus, & salua me. ✠ Deus in nomine tuo saluum me fac, & in virtute tua libera me. Quia in inferno,

Lectio viij.

Iob 19.

Pelli meæ, consumptis carnibus, adhæsit os meum; & derelicta sunt tantummodò labia circa dentes meos. Misere mini mei, misere mini mei, saltem vos amici mei, quia manus Domini tetigit me. Quare persequimini me sicut Deus, & carnibus meis saturamini? Quis mihi tribuat vt scribantur sermones mei? Quis mihi det vt exarentur in libro stylo ferreo, vel plumbi lamina, vel celte sculpantur in silice? Scio enim quòd redemptor meus viuuit, & in nouissimo die de terra surrecturus sum: & rursum circumdabor pelle mea, & in carne mea videbo Deum Saluatorem meum. Quem visurus sum ego ipse, & oculi mei conspecturi sunt, & non alius: reposita est hæc spes mea in sinu meo. ✠ Domine secundum actum meum, noli me iudicare, nihil dignum in conspectu tuo egi: idèò deprecor maiestatem tuam, vt tu Deus deleas iniquitatem meam. ✠ Amplius laua me Domine ab iniustitia mea, & à delicto meo munda me: Vt tu.

Lectio ix.

Iob 10.

Quare de vulua eduxisti me? Qui vtinam consumptus essem, ne oculus me videret. Fuisssem quali non essem, de vtero translatus ad tumulum. Nunquid non paucitas dierum meorum finietur breui? Dimitte ergo me, vt plangam paululum dolore meum antequàm vadam, & non reuertar ad terram tenebrosam, & opertam mortis caligine, terram miseriæ & tenebrarum, vbi umbra mortis, & nullus ordo, sed sempiternus horror inhabitat. **R.** Libera me Domine de morte æterna, in die illa tremenda. Quando cœli mouendi sunt & terræ. Dum veneris iudicare seculum per ignem. ✠ Tremens factus sum ego

ego

ego & timeo: dum discussio venerit atque ventura ira. **¶** Quando
 cœli mouendi sunt & terra. **¶** Dies illa, dies iræ, calamitatis & mi-
 seriæ, diēs magna & amara valdè. **¶** Dum veneris iudicare seculum
 per ignem. **¶** Requiem æternam dona ei Domine: & lux perpetua
 luceat ei. **¶** Libera me Domine de morte æterna in die illa tremēda:
 Quando cœli mouendi sunt & terra. Dum veneris iudicare seculum
 per ignem.

**Et interim Sacerdos cum ministris præparent se ad Missam de Requiem
 decantandam solennitèr & ordinatè, si tempus congruum fuerit.**

Ad Laudes incipitur absolūtè.

Antiphona. Exultabunt Domino ossa humiliata. **Psalmus.** Miserere
 mei Deus, secundum magnam misericordiam tuam, &c. **suprà pag. 330.**

Et repetitur Antiphona. Exultabunt Domino, &c.

Antiphona. Exaudi Domine orationem meam; ad te omnis caro venit.

Psalmus LXXII.

TE decet hymnus Deus in Sion: & tibi reddetur votum in Hierusa-
 lem.

Exaudi orationem meam: ad te omnis caro venit.

Verba iniquorum præualuerunt super nos: & impietatibus nostris tu
 propitiaberis.

Beatus, quem elegisti, & assumpsisti: inhabitabit in atrijs tuis.

Replebimur in bonis domus tuæ: sanctum est templum tuum, mirabile
 in æquitate.

Exaudi nos Deus salutaris noster, spes omnium finium terræ, & in mari
 longè.

Preparans montes in virtute tua, accinctus potentia: qui conturbas pro-
 fundum maris sonum fluctuum eius.

Turbabuntur gentes, & timebunt qui habitant terminos à signis tuis:
 exitus matutini, & vespere delectabis.

Visitasti terram, & inebriasti eam: multiplicasti locupletare eam.

Flumen Dei repletum est aquis, parasti cibum illorum: quoniam ita est
 præparatio eius.

Riuos eius inebrians, multiplica genimina eius, in stillicidijs eius lætabi-
 tur germinans.

Benedices coronæ anni benignitatis tuæ: & campi tui replebuntur vber-
 tate.

Pinguescent speciosa deserti, & exultatione colles accingentur.

Induti sunt arietes ouium, & valles abundabunt frumento: clamabunt,
 etenim hymnum dicent.

Requiem æternam dona ei Domine: & lux perpetua luceat ei.

Antiphona. Exaudi Domine orationem meam.

Antiphona. Me suscepit dextera tua Domine.

Psalmus LXXII.

Deus Deus meus: ad te de luce vigilo.

Ds itiuit in te anima mea: quam multipliciter tibi caro mea.

In terra deserta, & inuia, & inaquosa, sic in sancto apparui tibi: vt viderem virtutem tuam, & gloriam tuam.

Quoniam melior est misericordia tua super vitas: labia mea laudabunt te.

Sic benedicam te in vita mea: & in nomine tuo leuabo manus meas.

Sicut adipe, & pinguedine repleatur anima mea: & labijs exultationis laudabit os meum.

Si memor fui tui super stratum meum: in matutinis meditabor in te, quia fuisti adiutor meus.

Et in velamento alarum tuarum exultabo, adhæsit anima mea post te: me suscepit dextera tua.

Ipsi verò in vanum quæsierunt animam meam: introibunt in inferiora terræ, tradentur in manus gladij, partes vulpium erunt.

Rex vero letabitur in Deo, laudabuntur omnes, qui iurant in eo, quia obstructum est os loquentium iniqua.

Eccl. Psalms l. xvi.

Deus misereatur nostri, & benedicat nobis: illuminet vultum suum super nos, & misereatur nostri.

Vt cognoscamus in terra viam tuam: in omnibus gentibus salutare tuum.

Confiteantur tibi populi Deus: confiteantur tibi populi omnes.

Lætentur, & exultent gentes, quoniam iudicas populos in æquitate: & gentes in terra dirigis.

Confiteantur tibi populi Deus, confiteantur tibi populi omnes: terra dedit fructum suum.

Benedicat nos Deus, Deus noster, benedicat nos Deus: & metuant eum omnes fines terræ.

Requiem æternam dona ei Domine: & lux perpetua luceat ei.

Antiphona. Me suscepit dextera tua Domine.

Antiphona. A porta inferi erue Domine animam meam.

Canticum Ezechie. *Id. Isaie 38.*

Ego dixi, in dimidio dierum meorum: vadam ad portas inferi.

Quæsiui residuum annorum meorum, dixi: non videbo Dominum Deum in terra viuientium.

Non aspiciam hominem ultra: & habitatorem quietis.

Generatio mea ablata est: & conuoluta est à me, quasi tabernaculum pastorum.

Precisa est velut à toxente, vita mea, dum adhuc ordiret, succidit me: de manè vsque ad vesperam finies me.

Sperabam vsque ad manè: quasi leo sic contriuit omnia ossa mea.

De manè vsque ad vesperam finies me: sicut pullus hirundinis sic clamabo, meditabor vt columba.

Atenuati sunt oculi mei: suspicientes in excelsum.

Domine vim patior: responde pro me: quid dicam? aut quid respondebit mihi, cum ipse fecerit?

Recogitabo tibi omnes annos meos: in amaritudine animæ meæ.

Domine si sic viuatur, & in talibus vita spiritus mei, corripies me, & viuificabis.

ficabis me: ecce in pace amaritudo mea amarissima.

Tu autem eruisi animam meam, vt non periret: proiecisti post tergum tuum omnia peccata mea.

Quia non infernus confitebitur tibi, neque mors laudabit te: non expectabunt, qui descendunt in lacum, veritatem tuam.

Viuens viuens, ipse confitebitur tibi, sicut & ego hodie: pater filijs notam faciet veritatem tuam.

Domine saluum me fac: & psalmos nostros cantabimus cunctis diebus vite nostre in domo Domini.

Requiem eternam, dona ei Domine: & lux perpetua luceat ei.

Antiphona. A porta inferi erue Domine animam meam.

Antiphona. Omnis spiritus laudet Dominum.

Psalmus cxlviii.

Laudate Dominum de cœlis: laudate eum in excelsis.

Laudate eum omnes Angeli eius: laudate eum omnes virtutes eius.

Laudate eum sol, & luna: laudate eum omnes stelle, & lumen.

Laudate eum cœli cœlorum: & aquæ omnes quæ super cœlos sunt, laudent nomen Domini.

Quia ipse dixit, & facta sunt: ipse mandauit, & creata sunt.

Stultitia in æternum, & in seculum seculi: præceptum posuit, & non præteribit.

Laudate Dominum de terra: dracones, & omnes abyssi.

Ignis, grando, nix, glacies, spiritus procellarum: quæ faciunt verbum eius.

Montes, & omnes colles: ligna fructifera, & omnes cedi.

Bestiae, & vniuersa pecora: serpentes, & volucres pennatæ.

Reges terræ, & omnes populi: principes, & omnes iudices terræ.

Iuuenes, & virgines, senes cum iunioribus laudent nomen Domini: quia exaltatum est nomen eius solius.

Confessio eius super cœlum, & terram: & exaltauit cornu populi sui.

Hymnus omnibus sanctis eius: filiis Israel, populo appropinquanti sibi.

Psalmus cxlix.

Cantate Domino canticum nouum: laus eius in ecclesia sanctorum.

Lætetur Israel in eo, qui fecit eum: & filij Sion exultent in rege suo.

Laudent nomen eius in choro: in tympano, & psalterio psallant ei.

Quia beneplacitum est Domino in populo suo: & exaltabit mansuetos in salutem.

Exultabunt sancti in gloria: lætabuntur in cubilibus suis.

Exultationes Dei in gutture eorum: & gladij ancipites in manibus eorum.

Ad faciendam vindictam in nationibus: incitationes in populis.

Ad alligandos reges eorum in compedibus: & nobiles eorum in manicis ferreis.

Vt faciat in eis iudicium conscriptum: gloria hæc est omnibus sanctis eius.

Psalmus cl.

Laudate Dominum in sanctis eius: laudate eum in firmamento virtutis eius.

Laudate eum in virtutibus eius : laudate eum secundum multitudinem magnitudinis eius.

Laudate eum in sono tubæ : laudate eum in psalterio, & cithara.

Laudate eum in tympano, & choro : laudate eum in chordis & organo.

Laudate eum in cymbalis bene sonantibus, laudate eum in cymbalis iubilationis : omnis spiritus laudet Dominum.

Requiem æternam dona ei Domine : & lux perpetua luceat ei.

Antiphona. Omnis spiritus laudet Dominum.

✠ Audiui vocem de cœlo dicentem mihi.

✠ Beati mortui, qui in Domino moriuntur.

Antiphona. Ego sum resurrectio & vita : qui credit in me etiam si mortuus fuerit, viuet ; & omnis qui viuit & credit in me, non morietur in æternum.

Canticum Zachariæ. Lucæ 3.

Benedictus Dominus Deus Israel : quia visitauit, & fecit redemptionem plebis suæ.

Eterexit cornu salutis nobis : in domo Dauid pueri sui.

Sicut locutus est per os sanctorum : qui à seculo sunt, prophetarum eius.

Salutem ex inimicis nostris : & de manu omnium, qui oderunt nos.

Ad faciendam misericordiam cum patribus nostris : & memorari testamenti sui sancti.

Iururandum, quod iurauit ad Abraham patrem nostrum : daturum se nobis.

Vt sine timore, de manu inimicorum nostrorum liberati : seruiamus illi.

In sanctitate, & iustitia coram ipso : omnibus diebus nostris.

Et tu puer, propheta Altissimi vocaberis : præbis enim ante faciem Domini parare vias eius.

Ad dandam scientiam salutis plebi eius : in remissionem peccatorum eorum.

Per viscera misericordiæ Dei nostri : in quibus visitauit nos, oriens ex alto.

Illuminare his, qui in tenebris, & in vmbra mortis sedent : ad dirigendos pedes nostros in viam pacis.

Requiem æternam dona ei Domine : & lux perpetua luceat ei.

Antiphona. Ego sum resurrectio & vita, &c.

Qua Antiphona finita dicitur Pater noster. secretū.

✠ Et ne nos inducas in tentationem.

✠ Sed libera nos à malo.

✠ A porta inferi.

✠ Erue Domine animam eius.

✠ Requiescat in pace. ✠ Amen.

✠ Domine exaudi orationem meam.

✠ Et clamor meus ad te veniat.

✠ Dominus vobiscum.

✠ Et cum spiritu tuo.

Et dicuntur quatuor orationes vt in Vesperis.

Oremus.

Oratio.

Suscipe Domine animam famuli tui **N.** quam de ergastulo huius seculi vocare dignatus es, & libera eam de locis poenarum: vt quietis ac lucis æternæ beatitudine perfruatur, & inter Sanctos & electos tuos in resurrectionis gloria resuscitari mereatur. Per Dominum nostrum Iesum Christum filium tuum, qui tecum viuit & regnat in vnitæte Spiritus sancti Deus. Per omnia secula seculorum. **R.** Amen.

Oremus.

Alia oratio.

Absolue quæsumus Domine animam famuli tui **N.** ab omni vinculo delictorum, vt in resurrectionis gloria inter Sanctos & electos tuos eum resuscitari præcipias. Per Dominum. **R.** Amen.

Oremus.

Alia oratio.

Deus cui soli comperit medicinam præstare post mortem; tribue quæsumus, vt anima famuli tui **N.** terrenis exuta contagijs, in tuæ redemptionis parte numeretur. Per Dominum. **R.** Amen.

Oremus.

Alia oratio.

Parrem beatæ resurrectionis obtineat Domine anima famuli tui **N.** vitamq. æternam habere mereatur in cœlis, per te Iesu Christe Saluator mundi: qui cum Patre & Spiritu sancto viuis & regnas. **R.** Amen.

✠ Requiem æternam dona ei Domine. **R.** Et lux perpetua luceat ei.

✠ Requiescat in pace.

R. Amen.

Vel loco istarum quatuor orationum, dicatur sequens, quæ habetur in Missali in die obitus, seu depositionis defuncti.

Deus cui proprium est misereri semper & parcere: te supplices exoramus, pro anima famuli tui quam de hoc seculo hodie migrare iussisti: vt non tradas eam in manibus inimici, neque obliuiscaris in finem; sed iubeas eam à sanctis Angelis suscipi, & ad patriam paradisi perducì: vt quia in te sperauit & credidit, non poenas æternas sustineat, sed gaudia sempiterna possideat. Per Dominum nostrum, &c. **R.** Amen.

✠ Requiem æternam dona ei Domine.

R. Et lux perpetua luceat ei.

✠ Requiescat in pace.

R. Amen.

Si fuerint plures defuncti, prædictæ orationes dicantur in numero plurali.

Expletis vigilijs mortuorum, si tempus congruum fuerit, Sacerdos celebraturus, ministri & Clerici procedunt ordinatè ad altare, ad Missam de **Requiem** solenniter decantandam, quæ habetur in Missali in die obitus seu depositionis defuncti, cum supradicta oratione.

Deus cui proprium est misereri semper & parcere, te supplices exoramus &c.

Finita

Finita autem Missa, Sacerdos deposita casula seu planeta, accipit pluuiiale nigri coloris, & Subdiaconus accipit crucem, & accedit ad feretrum, & se sistit ad caput defuncti cum cruce, medius inter duos Acolythos seu ceroferarios cum candelabris & candelis accensis: & omnes alij de Clero veniant ordinatè in gradu suo cum luminariis seu candelis accensis, & stent in circuitu feretri. Tum sequitur Sacerdos indutus pluuiiali cum Diacono & assistente, alijsq. ministris & facta reuerentia altari, venit & sistit se contra crucem ad pedes defuncti, retro astantibus ei à sinistris duobus Acolythis, vno cum thuribulo & acerra seu nauicula, altero cum vase aquæ benedictæ & aspersorio, & aliquo Acolytho seu Clerico tenente sibi librum, absolute & sine Oramus, dicit sequentem orationem.

Non intres in iudicium cum seruo tuo Domine; quia nullus apud te iustificabitur homo, nisi per te omnium peccatorum ei tribuatur remissio: non ergo eū quæsumus tua iudicialis sententia premat, quem tibi vera supplicatio fidei Christianæ commendat: sed gratia tua illi succurrente mereatur euadere iudicium ultionis: qui dum viueret insignitus est signaculo sanctæ Trinitatis. Qui viuus & regnas Deus in secula seculorum. *Re. Amen.*

Deinde Cantore incipiente, Clerus circumstans cantat sequens Responsorium.

Subuenitè sancti Dei, occurrite Angeli Domini, suscipientes animam eius; offerentes eam in conspectu Altissimi.

✠. Suscipiat te Christus, qui vocauit te, & in sinum Abraham Angeli deducant te. Suscipientes.

✠. Requiem æternam dona ei Domine.

Re. Et lux perpetua luceat ei. Offerentes eam.

Dum cantatur Responsorium, Sacerdos Acolutho vel Diacono ministrante accipit incensum de nauicula, & ponit in thuribulum, vt deinde cum eo incenset corpus, & finito responsorio, cantor cum primo choro dicit, Kyrie eleison. Et secundus chorus dicat, Christe eleison. Deinde omnes simul dicant, Kyrie eleison. Et eo finito, Sacerdos dicat alta voce, Pater noster. Et in silentio dicitur, & ipse interim accipit à Diacono, vel Acolutho aspersorium aquæ benedictæ, & tunc facta profunda reuerentia cruci, quæ est ex aduerso, Diacono seu ministro genuflectente, & deinde simbrias pluuiialis subleuante, circumiens feretrum aspergit corpus defuncti; deinde reuersus ad locum suum, Diacono ministrante accipit thuribulum, & facta etiam reuerentia cruci eodem modo circuit feretrum, & corpus incensat vt asperferat; postea verò reddito thuribulo, ei à quo acceperat, stans in loco suo, Acolutho seu alio ministro tenente supra pectus librum apertum ante se, subiungit.

✠. Et ne nos inducas in tentationem. Re. Sed libera nos à malo.

✠. Dominus vobiscum. Re. Et cum spiritu tuo.

O remus.

Oratio.

DEus cui omnia viuunt, & cui non pereunt moriendo corpora nostra, sed mutantur in melius: te supplices exoramus; vt suscipi iubeas animam famuli tui **N.** quam de ergastulo huius seculi vocare dignatus es, per manus sanctorum Angelorum tuorum deducendam in sinum amici tui Abrahamæ Patriarchæ, resuscitandamq. in nouissimo iudicij magni die: vt quicquid vitiorum diabolo fallente contraxit, tu pius & misericors abluas indulgendo. Per Christum Dominum nostrum. **R.** Amen.

Finita oratione Cantor incipiat sequens Responsum, & chorus prosequitur. R. Ne recorderis peccata mea Domine, dum veneris iudicare seculum per ignem. **V.** Dirige Domine Deus meus in conspectu tuo viam meam, Dum veneris. **V.** Requiem æternam dona ei Domine: & lux perpetua luceat ei. Dum veneris iudicare.

Dum cantatur supradictum Responsum, Sacerdos ponat incensum in thuribulo, & dicto Kyrie eleison. Ch. hriste eleison. Kyrie eleison. vt supra, alta voce dicit, Pater noster. & accipit aspersorium infusum aqua benedicta, & sicut prius facta reuerentia cruci, cui & à ministro genuflectitur, & Diacono subleuante fimbrias circumit feretrum, & secundo aspergit corpus; & deinde thuribulum, & illud similiter secundo incensat eodem modo, quo supra dictum est; & reuersus in locum suum, & reddito thuribulo, dicit:

V. Et ne nos inducas in tentationem. **R.** Sed libera nos à malo.

V. Dominus vobiscum. **R.** Et cum spiritu tuo.

O remus.

Oratio.

FAc quæsumus Domine hanc cum seruo tuo defuncto misericordiam, vt factorum suorum in poenis non recipiat vicem, qui tuam in votis tenuit voluntatem: vt sicut hic eum vera fides iunxit fidelium turmis ita illic eum tua miseratio societ angelicis choris. Per Christum Dominum nostrum. **R.** Amen.

Deinde Cantor incipiat sequens Responsum, & chorus prosequitur.

R. Libera me Domine de morte æterna in die illa tremenda. Quando cœli mouendi sunt & terra. Dum veneris iudicare seculum per ignem.

V. Tremens factus sum ego, & timeo, dum discussio venerit, atque ventura ira. Quando cœli mouendi sunt & terra. **V.** Dies illa, dies iræ, calamitatis & miseriæ, dies magna & amara valde. Dum veneris iudicare seculum per ignem. **V.** Requiem æternam dona ei Domine: & lux perpetua luceat ei. **Et repetitur R.** Libera me Domine de morte æterna in die illa tremenda, quando cœli mouendi sunt & terra. Dum veneris iudicare seculum per ignem.

Et dum cantatur, Sacerdos ponit incensum in thuribulo vt supra, & postea dicit alta voce, Kyrie eleison. Ch. hriste eleison. Kyrie eleison. & Pater noster.

Et tunc accipit aspersorium cum aqua benedicta, circuit feretrum, & tertio

tertiò aspergit corpus; & deinde thuribulum, & similiter circuit feretrum
& tertio incensat, vt priùs: & reddito thuribulo, stans in suo loco dicit

✠. Et ne nos inducas in tentationem. *R.* Sed libera nos à malo.

✠. A porta inferi. *R.* Erue Domine animam eius.

✠. Requiescat in pace. *R.* Amen.

✠. Domine exaudi orationē meam. *R.* Et clamor meus ad te veniat.

✠. Dominus vobiscum. *R.* Et cum spiritu tuo.

Oremus.

Oratio.

Absolve quæsumus Domine animam famuli tui *N.* & defunctus seculo tibi viuat, & peccata, quæ per fragilitatem carnis humana conuersatione commisit, tu venia misericordissimæ pietatis absterge. Per Christum Dominum nostrum. *R.* Amen.

Finita oratione Sacerdos præcipiat portatoribus, vt accipiant feretrum, cum corpore, & deferant ad tumulum: dum portatur, Clerici cantent sequentes Antiphonas.

Antiphona.

In paradysum deducant te Angeli: in tuo aduentu suscipiant te Martyrēs, & perducant te in Ciuitatem sanctam Hierusalem.

Antiphona.

Chorus Angelorum te suscipiat, & cum Lazaro quondam paupere æternam habeas requiem.

Cum autem peruenerint ad tumulum, Sacerdos cum Clericis cantatis Antiphonis benedicit sepulturam, si iam non est benedicta, dicens absolute hanc orationem.

Oremus.

Oratio.

DEus qui fundasti terram, formasti cœlos, qui loca syderibus stabilita fecisti; qui captiuum laqueo mortis hominem lauacri ablutione reparaisti: qui sepultos Abraham, Isaac, & Iacob in spelunca duplici in libro vitæ, atque totius gloriæ principes annotasti benedicendos: ita bene + dicere digneris & hunc tumulum famuli tui *N.* vt hic eum requiescere facias; & in sinu Abraham, Isaac, & Iacob collocare digneris, qui Dominum nostrum Iesum Christum, contritis laqueis infernorum, se, suorumq. membra in se credentium resurgere & resuscitare, voluisti; respice Domine super hanc fabricam sepulturæ; descendat ad eam Domine Spiritus tuus sanctus, vt te iubente sit in hoc loco famulo tuo *N.* quieta dormitio, & tempore iudicij tui cum Sanctis omnibus vera resuscitatio. Præstante eodem Domino nostro Iesu Christo, qui tecum & cum Spiritu sancto uiuit & regnat in secula seculorum. *R.* Amen.

Dicta oratione, Sacerdos accipiat aquam benedictam, & aspergat corpus defuncti & tumulum, & similiter accipiat thuribulum cum incenso, & vtrumque incenset.

His peractis dicantur in persona defuncti, sequentes Antiphonæ cum suis Psalmis, Cantorē eas incipiente, & duplicantur: & in fine cuiusque Psalmi dicatur, *R.* equiem æternam dona ci Domine: & lux perpetua luceat ei.

Anti-

Antiphona. Aperite mihi portas iustitiæ; & ingressus in eas confitebor Domino. *Et mox aperiatur sepultura.* **Psalmus.** Confitemini Domino quoniam bonus: quoniam in seculū misericordia eius &c. *suprà pag. 345.* **Requiem** æternā dona ei Domine: & lux perpetua luceat ei. **Et repetitur Antiphona.** Aperite mihi portas &c.

Antiphona. Ingrediar in locum tabernaculi admirabilis vsque ad montem Dei. **Psalmus.** Quemadmodum desiderat ceruus ad fontes aquarum: ita desiderat anima mea ad te Deus &c. *suprà in tertio Nocturno mortuorum pag. 422.* **Et repetitur Antiphona.** Ingrediar in locum tabernaculi &c. **sepeliatur defunctus.** **Et eo sepulto, in eius persona** similiter dicatur.

Antiphona. Hæc requies mea in seculum seculi: hinc habitabo, quoniam elegi eam. **Psalmus.** Memento Domine David; & omnis mansuetudinis eius &c. *suprà pag. 351.* **Antiphona.** Hæc requies mea &c.

Antiphona. De terra formasti me, carne induisti me: redemptor meus Domine resuscita me in nouissimo die. **Psalmus cxxxviii**

Domine probasti me, & cognouisti me: tu cognouisti sessionem meam, & resurrectionem meam.

In tellexisti cogitationes meas de longè: semitam meam, & funiculum meum inuestigasti.

Et omnes vias meas præuidisti: quia non est sermo in lingua mea.

Ecce Domine tu cognouisti omnia nouissima, & antiqua: tu formasti me, & posuisti super me manum tuam.

Mirabilis facta est scientia tua ex me: confortata est, & non potero ad eā.

Quò ibo à spiritu tuo: & quò à facie tua fugiam?

Si ascendero in cælum, tu illic es: si descendero in infernum, ades.

Si sumptero pennas meas diluculo: & habitauero in extremis maris.

Etenim illuc manus tua deducet me: & tenebit me dextera tua.

Et dixi, forsitan tenebræ conculcabunt me: & nox illuminatio mea in delictis meis.

Quia tenebræ non obscurabuntur à te, & nox sicut dies illuminabitur: sicut tenebræ eius, ita & lumen eius.

Quia tu possedisti renes meos: suscepisti me de utero matris meæ.

Confitebor tibi, quia terribiliter magnificatus es: mirabilia opera tua, & anima mea cognoscebat nimis.

Non est occultatum os meum à te, quod fecisti in occulto: & substantia mea in inferioribus terræ.

Imperfectum meum viderunt oculi tui, & in libro tuo omnes scribentur: dies formabuntur, & nemo in eis.

Mihi autem nimis honorificati sunt amici tui Deus: nimis confortatus est principatus eorum.

Dinumerabo eos, & super arenam multiplicabuntur: exurrexi, & adhuc sum tecum.

Si occideris Deus peccatores: viri sanguinum declinate à me.

Quia dicitis in cogitatione: accipient in vanitate ciuitates tuas.

Nonne, qui oderunt te Domine, oderam: & super inimicos tuos tabescebam.

Perfecto odio oderam illos: & inimici facti sunt mihi.

Proba me Deus, & scito cor meum: interroga me, & cognosce semitas meas.

Et vide, si via iniquitatis in me est: & deduc me in via aeterna.

Requiem aeternam dona ei Domine: & lux perpetua luceat ei.

Antiphona. De terra formasti me &c.

Antiphona. Non intres in iudicium cum seruo tuo Domine: quia non iustificabitur in conspectu tuo omnis viuens. **Psalmus.** Domine exaudi orationem meam: auribus percipe obsecrationem meam &c. **supra** pag. 332. **Antiphona.** Non intres in iudicium &c.

Antiphona. Omnis spiritus laudet Dominum. **Psalmus.** 148: cum duobus sequentibus. **L**audate Dominum de coelis: laudate eum in excelsis &c. **supra** in Laudibus defunctorum, pag. 427. **Antiph.** Omnis spiritus &c.

Antiphona. Ego sum resurrectio & vita: qui credit in me, etiam si mortuus fuerit, viuet: & omnis qui viuit & credit in me, non morietur in aeternum.

Canticum Zachariae. **Lucæ.** 3. **B**enedictus Dominus Deus Israel: quia visitauit & fecit redemptionem plebis suae &c. **habetur supra in Laudibus**, pag. 428. **Antiphona.** Ego sum resurrectio &c.

Deinde Sacerdos dicat has sequentes orationes.

Oratio.

O Remus fratres charissimi pro spiritu fratris nostri **N.** quem Dominus de laqueo huius seculi liberare dignatus est, cuius corpusculum hodie sepulture traditur: vt eum pietas Dei in sinu Abraham, Isaac & Iacob collocare dignetur, & cum iudicii dies aduenerit, inter Sanctos & electos suos eum in parte dextera collocandū resuscitari faciat. Per Christum Dominum nostrum. **R.** Amen. **Oremus.**

Oratio.

Deus, cui omnia viuunt, & cui non pereunt, moriendo fidelium corpora, sed mutantur in melius: te supplices deprecamur, vt quicquid anima famuli tui **N.** vitiorum, tuarūque voluntati contrarium, fallente diabolo, seu propria iniquitate vel fragilitate contraxit, tu pius & misericors abluas indulgendo: eamque suscipi inbeas per manus sanctorum Angelorum tuorum deducendam in sinum Patriarcharum & Prophetarum tuorum, Abraham scilicet amici tui, & Isaac electi tui, & Iacob dilecti tui: unde aufugit dolor atque tristitia, & suspirium: fidelium quoque animarū felici iucunditate lætantur: & in nouissima magni iudicii die inter Sanctos & electos tuos eam facias perpetuæ gloriæ percipere portionem, quam oculus non vidit, nec auris audiuit, nec in cor hominis ascendit, quam præparasti diligentibus te. Per Christum Dominum nostrum. **R.** Amen. **Oremus.**

Oratio.

Temeritatis quidem est Domine, vt homo hominem, cinis cinerem, mortalis mortalem tibi Domino Deo audeat commendare: sed quia terra suscipit terram, & puluis conuertitur in puluerem, donec omnis caro in suam redigatur originem: inde tuam piissime pater lacrymabiliter quaesumus pietatem, vt huius famuli tui **N.** animam, quam de
huius

huius seculi cœnulentia voragine ducis ad patriam, Abraham amici tui sinu recipias, & refrigerij rore perfundas. Sit ab æstuantis gehennæ truci incendio segregata, & beatæ requiei tuæ, te donante, coniuncta : & si quæ sunt illi, Domine, dignæ cruciatibus culpæ, tu eas gratia mitissimæ lenitatis indulge, nec peccati recipiat vicem, qui tuam in votis tenuit voluntatem : sed indulgentiæ tuæ piæ sentiat sanitatē. Cumq̃. finito mundi termino supernum cunctis illuxerit regnum, nouus homo Sanctorum omnium cœtibus aggregatus, cum electis tuis resurgat in parte dextera collocandus. Per Christum Dominum nostrum. *R.* Amen.

Oremus.

Oratio.

Opus est misericordiæ Domine sancte, Pater omnipotēs, æterne Deus rogare pro alijs : & quia pro nobis non sufficimus, suscipe, rogamus, animam serui tui *N.* reuertentem ad te. Adsit ei Angelus testamēti tui Michael, & per manus sanctorum Angelorum tuorum inter Sanctos & electos tuos in sinibus Abraham, Isaac, & Iacob Patriarcharum tuorum eam collocare digneris. Libera eam Domine de principibus tenebrarū, & de locis pœnarū, ne famulus tuus vllis iam primæuæ natiuitatis vel ignorantie confundatur erroribus : agnoscatur à tuis, & misericordia, bonitatis tuæ ad locum refrigerij & quietis in sinum Abraham transferatur. Per Christum Dominum nostrum. *R.* Amen.

Oremus.

Oratio.

Debitum humani corporis sepeliendi officium, fidelium more cōplentes: Deum, cui omnia viuūt, deprecamur, vt hoc corpus fratris nostri *N.* à nobis in infirmitate sepultū, in ordine Sanctorum suorū resuscitet, & eius spiritum Sanctis ac fidelibus aggregari iubeat, cum quibus innarrabili gloria, & perenni felicitate perfrui mereatur. Per Christum Dominum nostrum. *R.* Amen.

Oremus.

Oratio.

Omnipotens sempiternæ Deus, qui humano corpori animā inspirare dignatus es, dum te iubente puluis redit in puluerem : tu imaginem tuam cum Sanctis & electis tuis æternis sedibus præcipias sociari. Per Dominum nostrum Iesum Christum filium tuum, qui tecum viuūt & regnat in vnitæte Spiritus sancti Deus, per omnia secula seculorum. *R.* Amen.

His omnibus expletis, & postquā defunctus sepultus fuerit, Sacerdos aqua benedicta aspergat tumulum, & dicat alta voce : *O* rate omnes. & omnes sub silentio dicant, *P*ater noster. *V.* Et ne nos inducas in tentationem. *R.* Sed libera nos à malo. *V.* Non intres in iudicium cum seruo tuo Domine. *R.* Quia non iustificabitur in conspectu tuo omnis viuens. *V.* A porta inferi. *R.* Erue Domine animam eius. *V.* Requiescat in pace. *R.* Amen. *V.* Domine exaudi orationem meam. *R.* Et clamor meus ad te veniat. *V.* Dominus vobiscum. *R.* Et cū spiritu tuo.

Oremus.

Oratio.

Satisfaciat tibi quæsumus Domine Deus noster pro anima famuli tui fratris nostri, beatissimæ Dei genitricis semperq̃. virginis Mariæ, &

Ec 2 beato-

beatorum Apostolorum Petri & Pauli, & beati **N.** patroni nostri: & si fuerint plures, dicatur **NN.** patronorum nostrorum, omniumq. Sanctorum tuorum oratio, & presentis familie tue humilis & deuota supplicatio: vt peccatorum omnium veniam, quam precamur obtineamus, nec eum patiaris cruciari gehennalibus flammis, quem filij tui Domini nostri Iesu Christi pretioso sanguine redemisti. Qui tecum, & cum Spiritu sancto viuit & regnat Deus, per omnia secula seculorum. **R.** Amen.

✠ Requiem æternam dona ei Domine. **R.** Et lux perpetua luceat ei.

✠ Requiescat in pace. **R.** Amen. **Et Sacerdos dicat alta voce**

A anima eius, & animæ omnium fidelium defunctorum, per misericordiam Dei requiescant in pace. **R.** Amen.

Et statim Cantor incipiat Responsorium. Memento mei Deus, quia, ventus est vita mea. **Et illud cantantes, à coemeterio vel sepultura reuertuntur in Ecclesiam.** **R.** Memento mei Deus, quia ventus est vita mea. Nec aspiciat me visus hominis. ✠ De profundis clamaui ad te Domine, Domine exaudi vocem meam. Nec aspiciat me visus hominis. ✠ Requiem æternam dona ei Domine. **R.** Et lux perpetua luceat ei. Nec aspiciat me visus hominis.

Cum autem reuersi fuerint in Ecclesiam, ordinatè stent in choro, & finito dicto Responso, Sacerdos dicit, Pater noster. Et omnes sub silentio dicant, Pater noster.

✠ Et ne nos inducas in tentationem. **R.** Sed libera nos à malo.

✠ A porta inferi. **R.** Erue Domine animam eius.

✠ Requiescat in pace. **R.** Amen.

✠ Domine exaudi orationem meam. **R.** Et clamor meus ad te veniat.

✠ Dominus vobiscum. **R.** Et cum spiritu tuo.

O remus.

Oratio.

Tibi Domine commendamus animam famuli tui **N.** vt defunctus seculo tibi viuat: & quæ per fragilitatem mundanæ conuersationis peccata commisit, venia misericordissimæ pietatis absterge. Per Christum Dominum nostrum. **R.** Amen.

Quando dictum officium mortuorum & Missa omittuntur.

Quod si per aliquod impedimentum vel Dominicæ occurrentis, vel duplicis festi, vel alicuius magnæ solennitatis, in sero vespere mortuorum, & manè vigilie mortuorum cantari non possint, vel quia hora tardior est, quàm officium requirat, vel quia tempus sit nocturnum & importunum, tunc omittuntur, sed dicuntur preces tantum.

Sic & si Missa propter cuiusmodi impedimenta, vel quia tempus incongruum est, & extra debitam horam, puta post meridiem, cantari non possit, tunc omittitur, & dicta officia transferuntur in sequentem diem, vel alium non impeditum, quo omissa omnia, solenniter peraguntur. Nisi quod in hoc officio, eodem die quo corpus delatum fuerit

fuerit ad Ecclesiam, etiam si Vigiliæ & Missa cātatz non fuerint, dicantur ad absolutionem & tumulum defuncti Responsoria, Preces, & Orationes, & reliqua quæ dicēda sunt circa corpus defuncti eodem modo, quo suprà: Et incipitur ab Oratione: Non intres in iudicium cum seruo tuo Domine, &c. suprà pag. 430. & sequentibus paginis vsque in finem.

Supradictum officium sepulturæ sit & seruandum est pro defunctis adultis, non tam Sacerdotibus & Clericis, quàm secularibus & laicis secundum veterem ritum, S. R. E. si opportuū fuerit: & antiqua consuetudo Ecclesiarum, aut alia rationabilis causa non obstat: sublatā differentia diuersitatis officij sepulturæ vtrorumque, quæ non antiquorum auctoritate, sed neotericorum & posteriorum vsu, & studio breuitatis introducta fuit.

Ab his itaque qui secundum consuetudinem Romanæ Ecclesiæ officium celebrare tenentur, & Vesperæ & tota Vigilia cum tribus Nocturnis & nouem Lectionibus & Missa decantandæ sunt, & Responsoria, Versus, & Preces, & Orationes ad absolutionem & tumulum in habito tamē discrimine generis seu sexus & numeri, dicendæ: vel in alium diem non impeditur transferendæ, nisi iusta quandoque causa subsit omissionis, vt temporis angustia, & funerum frequentia, aut alia rationabilis causa, vel necessitas, quæ ista integrè tunc impleri, aut in alium diem transferri prohibeant aut impedian.

Ceterum quod ad Vigiliam spectat, in quibusdam Prouincijs & Ecclesijs ac antiqua consuetudine, contra rubricam Romani Breuiarij, loco Vesperarum & totius Vigiliæ, quæ ex tribus Nocturnis, & nouem Lectionibus constat, dicitur primum Nocturnum cum tribus Psalmis & tribus Lectionibus, cum Inuitatorio, Regem cui omnia viuunt &c. & Laudibus: & hæc quidem si antiqua sit supra ducentos annos, iuxta constitutionem sanctæ mem. Pij Papæ V. super reformatione Breuiarij Romani, proculdubio seruari debet. Sed si non supra ducentos annos, in casu necessitatis & angustie temporis, vel alterius rationabilis cause, vt præmittitur, ferēda videtur. At verò vt omnino omittatur officium Vigiliæ, nec postmodum dicendum transferatur, planè non probatur.

Quare quantum ex ijs, quæ ad hoc officium pertinent, in casibus prædictis sequens ordo videtur opportunus.

Postquam corpus defuncti delatum fuerit in Ecclesiam, in qua tumulari debet, deponitur super foretum in medio Ecclesiæ cum cæcis & humanaribus, dicuntur Vesperæ cum Psalmis & Antiphonis duplicatis, & tota Vigilia cum tribus Nocturnis & nouem Lectionibus, & ad Laudes, & Antiphonæ duplicantur, vt in præcedenti Officio ad Vesperas pag. 409. & ad Matutinum pag. 415. cum propria oratione in die obitus seu depurationis defuncti. Deinde cantatur Missa de Requiem;

ut tempus congruum fuerit: & sit totum Officium vt supra vsque in finem. Quod si tempus congruum non fuerit, omittitur Missa; vel in diuinum diem transfertur.

Si vero iuxta antiquam Prouinciæ aut Ecclesiæ consuetudinem, aut propter necessariam & rationabilem causam, vt temporis angustiam, & aliorum funerum instantem delationem, officium huiusmodi decurtatur, duo Clerici incipiunt Inuitatorium, Regem cui omnia viuunt, venite adoremus. Psalmus. Venite exultemus Domino &c. Et chorus respondet. Deinde dicitur primum Nocturnum, Antiphona. Dirige Domine Deus meus in conspectu tuo viam meam. Psalmus. Verba mea auribus percipe Domine, cum reliquis, & duplicantur Antiphonæ, dicuntur tres primæ Lectiones, & sequuntur Laudes &c. vt supra in præcedenti officio pag. 424. & seqq.

Et post Missam, si dicatur; vel si non dicatur, quia tempus non est opportunum, Sacerdos cum stolâ & pluuiali, cum cruce & Clero & luminariis accedit ad feretrum, & stans ad pedes defuncti contra crucem, Clero circumstante, vt supra pag. 430. incipit absolutè sine Oremus.

Non intres in iudicium cum seruo tuo Domine, quoniâ nullus apud te iustificabitur homo: nisi per te omnium peccatorum ei tribuatur remissio. Non ergo eum quæsumus Domine tua iudicialis sententia premat, quem tibi vera supplicatio fidei Christianæ commendat, sed gratia tua illi succurrente mereatur euadere iudicium vltionis, qui dum viueret, insignitus est signaculo sanctæ Trinitatis. Per Christum Dominum nostrum. *R. Amen.*

Et cantores loci incipiunt R. Subuenite sancti Dei, occurrere Angelis Domini, suscipientes animam eius, offerentes eam in conspectu Altissimi. V. Suscipiat te Christus, qui vocauit te, & in sinum Abrahæ Angeli deducant te. Suscipientes. V. Requiem æternâ dona ei Domine. R. Et lux perpetua luceat ei. Offerentes eam. Et Clerus prosequitur de more.

Dum autem cantatur prædictum Responsorium, Sacerdos ponit incensum in thuribulo: & finito Responso cantor cum primo choro dicat Kyrie eleison. & secundus chorus, Christe eleison. deinde omnes simul dicant, Kyrie eleison. Quo finito, Sacerdos dicat alta voce, Pater noster.

Et intarim circuit feretrum, & accipiens de manu ministri aquam benedictam cum aspersorio, aspergit corpus defuncti, & inde thuribulum, & similiter circumiens feretrum, corpus incensat. V. Et ne nos. R. Sed libera &c. V. Dominus vobiscum. R. Et cum spiritu tuo.

Oremus.

Oratio.

Deus cui omnia viuunt, & cui non pereunt moriendo corpora nostra, sed mutantur in melius; te supplices exoramus, vt suscipi iubeas animam famuli tui **N.** quam de ergastulo huius seculi vocare, dignatus es, per manus sanctorum Angelorum ducendam in sinum amicis tui

tui Abrahamæ Patriarchæ, resuscitandamq. in nouissimo Iudicii magni die: vt quicquid vitiorum, diabolo fallente, contraxit, tu pius & misericors abluas indulgens. Per Christum Dominum nostrum. *R.* Amen.

Finita oratione Cantores incipiant, & Clerus prosequitur R. Libera me Domine de morte æterna in die illa tremenda. Quando coeli mouendi sunt & terra. Dum veneris iudicare seculum per ignem.

✠ Tremens factus sum ego & timeo, dum discussio venerit atque ventura ira. Quando coeli mouendi sunt & terra. ✠ Dies illa dies iræ, calamitatis & miseriæ, dies magna & amara valde. Dum veneris iudicare seculum per ignem. ✠ Requiem æternam dona ei Domine: & lux perpetua luceat ei. *Et repetitur R.* Libera me Domine de morte æterna in die illa tremenda, quando coeli mouendi sunt & terra: Dum veneris iudicare seculum per ignem. *Et interim Sacerdos imponat incensum in thuribulo, vt supra. Finito verò Responsorio, dicatur vt supra. Kyrie eleison. Christe eleison. Kyrie eleison. Pater noster. Et dum dicitur, ipse accipit aqua benedictam, & circumiens feretrum, aspergit corpus; similiter accipit thuribulum, & circumiens feretrum corpus incensat.*

✠ Et ne nos inducas in tentationem. *R.* Sed libera nos à malo.

✠ A porta inferi. *R.* Erue Domine animam eius.

✠ Requiescat in pace. *R.* Amen.

✠ Domine exaudi orationem meam. *R.* Et clamor meus ad te veniat.

✠ Dominus vobiscum. *R.* Et cum spiritu tuo.

Oramus.

Oratio.

Absolve quæsumus Domine animam famuli tui N. vt defunctus seculo tibi viuat; & quæ per fragilitatem carnis humana conuersatione peccata commisit, tu venia misericordissimæ pietatis absterge. Per Christum Dominum nostrum. *R.* Amen.

Finita oratione, aliqui de circumstantibus accipiant feretrum, & deponent defunctum ad tumulum, & dum portatur, Clerici cantent sequentes Antiphonas.

Antiphona.

In paradysum deducant te Angeli; in tuo aduentu suscipiant te Martyres, & perducant te in Ciuitatem sanctam Hierusalem.

Antiphona.

Chorus Angelorum te suscipiat, & cum Lazaro quondam paupere æternam habeas requiem.

Deinde Antiphonam.

Ego sum resurrectio & vita: qui credit in me, etiam si mortuus fuerit, viuet: & omnis qui viuere & credit in me, non morietur in æternum.

Canticum Zachariæ, Lucæ 3. Benedictus Dominus Deus Israel &c. supra in Laudibus pag. 428.

Finito Cantico repetitur Antiphona. Ego sum &c.

His omnibus finitis, Sacerdos accipiat aquam benedictam, & aspergat corpus defuncti & tumulum, & postea incenset similiter, & dicat alta voce, Pater noster.

✠ Et ne nos inducas in tentationem. *R.* Sed libera nos à malo.

Ec 4

✠ Non

- ✠. Non intres in iudicium cum seruo tuo Domine. **R.** Quia non iustificabitur in conspectu tuo omnis viuens.
 ✠. A porta inferi. **R.** Erue Domine animam eius.
 ✠. Requiescat in pace. **R.** Amen.
 ✠. Domine exaudi orationem meam. **R.** Et clamor meus ad te veniat.
 ✠. Dominus vobiscum. **R.** Et cum spiritu tuo.

Oremus.

Oratio.

Satisfaciat tibi quæsumus Domine Deus noster pro anima famuli tui, Dei genitricis semperq. virginis Mariæ & sanctorum Apostolorum Petri & Pauli, & sancti **N.** patroni nostri **sive NN.** patronorum nostrorum, omniumq. Sanctorum tuorum oratio, & presentis familie tue humilis & deuota supplicatio, vt peccatorum omnium veniam, quam precamur, obtineat, nec eum patiaris cruciari gehēnalibus flammis, quem filij tui Domini nostri Iesu Christi pretioso sanguine redemisti. Qui tecum & cum Spiritu sancto viuut & regnat Deus. Per omnia secula seculorum. **R.** Amen.

✠. Dominus vobiscum. **R.** Et cum spiritu tuo.

Et idem Sacerdos dicat.

Anima eius, & animæ omnium fidelium defunctorum per misericordiam Dei requiescant in pace. **R.** Amen.

Et tunc statim Cantor incipiat, **Clero prosequente, Responsorium.**

Memento mei Deus, quia ventus est vita mea. Nec aspiciat me visus hominis. ✠. De profundis clamaui ad te Domine, Domine exaudi vocem meam. Nec aspiciat me visus hominis. ✠. Requiem æternam dona ei Domine. **R.** Et lux perpetua luceat ei. Nec aspiciat me visus hominis.

Dum prædictum Responsorium cantatur, à cœmeterio vel sepultura reuertentur in Ecclesiam. Et postquàm reuersi fuerint, stent ordinatè in choro. Et finito Responso, Sacerdos dicat alta voce, Pater noster.

- ✠. Et ne nos inducas in tentationem. **R.** Sed libera nos à malo.
 ✠. A porta inferi. **R.** Erue Domine animam eius.
 ✠. Requiescat in pace. **R.** Amen.
 ✠. Domine exaudi orationem meam. **R.** Et clamor meus ad te veniat.
 ✠. Dominus vobiscum. **R.** Et cum spiritu tuo.

Oremus.

Oratio.

Tibi Domine commendamus animam famuli tui **N.** vt defunctus seculo tibi viuât, & quæ per fragilitatem mundanæ conuersationis peccata commisit, venia misericordissimæ pietatis absterge. Per Christum Dominum nostrum. **R.** Amen.

DE VISITATIONE domus defuncti.

Expletis exequijs, tunc aut postea cum primum opportunum fuerit, Parochus, siue Sacerdos, cui incumbit, cum clerico deferente vas cum aqua benedicta, & aspersorio poterit se conferre ad domum defuncti; & ibi primo condolere, & contristari cum illius parentibus, consanguineis, propinquis, affinibus, domesticis, & familiaribus qui aderunt, de eius amissione, obitu, & migratione, & in Domino hortari, vt patienter ferant; tum propter inuitabilem moriendi necessitatem, qua cuncti, qui nascimur omnino obligamur, & cum hæc sit via vniuersæ carnis, & sicut scriptura dicit, Statutum sit hominibus semel mori, & à qua morte, nec ipse Filius Dei, pro sua misericordia carne suscepta, eximi voluit; tum propter multas eius utilitates quas secum affert, scilicet affectionem gloriæ celestis, & accelerationem visionis Dei, & in primis, quod per eam imponatur finis peccandi, & tollatur occasio de cætero offendendi Deum: tum denique propter spem resurrectionis in æterna vita.

Hebr. 9. g

Ad hæc si opportunitas dabitur, aliquid dicere poterit de memoria defunctorum, & mortis habenda; iuxta monitum Sapientis: In omnibus operibus tuis memorare nouissima tua, & in æternum non peccabis.

Deinde consolandi, sunt in Domino, & hortandi vt modeste in luctu se gerant & desistant ab immoderatis stetibus, planctibus, ciulatibus, & nimis cruciatibus, & lamentis, dicente Sapiente: Non desis plorantibus in consolatione, & cum lugentibus ambula. Et iterum: Supra mortuum modicum plora. Et cum Apostolus doceat: Nolumus autem vos ignorare fratres de dormientibus, vt non contristemini, sicut & cæteri, qui spem non habent &c. Et iuxta alia similia scripturarum loca.

Ecclesi. 7. d

Ibid. 22. b

1. Thess. 4. d

Ac vt magis pro anima defuncti fiant orationes, ieiunia, elemosynæ, peregrinationes, & alia bona opera: recitentur psalterium, officia mortuorum, & celebrentur sacrificia & Missæ de Requiem, & procurentur alia suffragia pietatis, vt Tobias filium monebat. Panem tuum, & vinum tuum super sepulturam iusti constitue; & Iudas Machabeus seruauit. Vir fortissimus Iudas collatione facta, duodecim millia drachmas argenti misit Hierosolymam offerri pro peccatis mortuorum, sacrificium, iustum & religiosè de resurrectione cogitans (nisi enim eos, qui ceciderant, resurrecturos speraret, superfluum videretur, & vanum orare pro mortuis) & quia considerabat, quod hi, qui cum pietate dormitionem acceperant, optimam haberent repositam, gratiam. Sancta ergo, & salubris est cogitatio pro defunctis orare, vt à peccatis soluantur.

Tob. 4. e

2. Mach. 12. g

Et insuper quia in ægrotatione & morte infirmorum plura peccata, & excessus admittuntur ab assistentibus & domesticis ex impatientia, dolore, aut importunitate; moneantur, vt de ijs doleant & pœniteant, ac vt modò, si velint, generalem faciant confessionem, & dicant etiam vulgari sermone, Confiteor Deo omnipotenti, & si faciunt, Sacerdos aliquam eis imponat pœnitentiam, puta vt recitent aliquoties Pater noster, vel Ave Maria pro anima defuncti; & ipse subdat Miserere vestri &c. Indulgentiam, absolutionem, &c. Et deinde aspergat omnes astantes, & domum, vel saltem cubiculum defuncti aqua benedicta, & reuertatur ad Ecclesiam, vel ad domum suam.

Præmonitiones aliquæ ad officiũ sepulturæ paruulorum.



Vm superius abundè traditum fuerit de officio fidelium defunctorum, restat vt de beatorum paruulorum, qui ex hac vita post Baptisma decesserunt, sepultura dicatur: cum ipsi non modicam, aut obscuram corporis mystici, quod est Ecclesia, constituent in vita beata portionem: pro quibus baptizatis, eorumq. afferenda salutè aduersus perditos hæreticos, complures sancti Patres, & clarissimi doctores fortiter decertarunt, & scripserunt: & olim multa de ipsorum communionè, viatico, vocatione & sepultura à patribus tradita sunt.

In primis quidem admoneantur Prælati, & Rectores Ecclesiarum, vt iuxta vetustam, & laudabilem Ecclesiarum consuetudinem, beatorum paruulorum corpuscula non sepeliantur in communibus & promiscuis cæmeteriorum & Ecclesiarum locis siue sepulturis: sed vt pro illis humanis in Cathedralibus, & Parochialibus Ecclesijs aut illarum cæmeterijs speciales, seu separatos ab alijs loculos, seu sepulturas constituent, & habeant seu fieri curent.

In his autem non sepeliantur, nisi qui baptizati fuerint, pueri vel infantes: Alij verò non baptizati, vel etiam fortis animati iam mortui, quibus Baptismus non est exhibitus, nullo modo in Ecclesia vel cæmeterio, sed extra sepeliantur. Sublato abusu (vbi is fuerit) imperitorum quorundam clericorum & mulierum, qui huiusmodi paruulos seu partus iam viuificatos, mortuos sine baptismo, sepeliunt in cæmeterio, vel subus fillicidia testorum Ecclesiarum, vel quia falsò putant cæmeterium non esse Ecclesiasticam sepulturam; vel quia non minùs supersticiosè quàm impiè opinantur illorum animas aquis & fillicidijs Ecclesiarum expiari.

In funere paruulorum communiter non pulsantur campanæ: licet alibi distinguatur super ætate, sint ne infra, vel supra septem annos: nam si infra, campanæ pulsari non debent. Quòd si pulsandæ sint, non sono lugubri, sed potiùs festino pulsari debent. Possunt & Missæ pro paruulis baptizatis defunctis celebrari, non quòd eis profint ad remissionem pœnæ, quam non tolerant, nec ad augmentum gloriæ essentialis, quæ non potest augeri; sed benè accidentalis, quæ secundum probabiliorè opinionem augeri potest vsq. ad diem iudicij: sed alijs pluribus rationibus, pro paruulis baptizatis, qui obierunt, Missam conuenit celebrari, quæ sunt, Conformitatis Ecclesiæ conseruatio in exequijs defunctorum tam adultorum, quàm paruulorum; Deuotionis fidelium, & præsertim parentum excitatio; Beneficij redemptionis recordatio, quod in paruulis saluandis solo Redemptoris maximè elucet; Connexionis seu vnitatis paruulorum cum cæteris membris corporis Christi mystici significatio; Animarum purgandarum sarcinæ subleuatio, ex eo quòd illarum pœnæ virtute eius sacrificij, quod pro ipsis paruulis offertur mitigantur. Debitæ diuinæ laudis expressio, quæ Saluatori exhibenda est, ex hoc quòd sine illorum meritis gratiæ suæ sinceritate saluantur, conuenit, vt pro illis Missarum solennia celebrentur, & hostia salutaris offeratur. Ex hoc enim quòd pœnæ animarum purgandarum illorum gratia mitigantur, & laus Deo exoluitur, & deuotio fidelium ad eorundè meritum excitatur, accrescit illis materia gaudij. Vel breuiùs dicendũ tum propter solatium viuorum, tum ad offendendũ paruulos ad vnitatem corporis Christi mystici pertinere, dum idẽ modus exequiarũ seruatur in ipsis, qui & in alijs Christianis fidelibus; tum ad commendandũ redemptionis mysterium, quod in hoc Sacramento commemoratur, per quod paruuli sine proprio merito salutem consequuntur æternam. Poterunt autem celebrari Missæ siue de die, siue de sanctissima Trinitate, siue de Spiritu sancto, siue etiam de Angelis, siue pro gratiarum actione, iuxta celebrantis, seu celebrari facientis deuotionem: Licet aliqui censcant Missam pro omnibus, vel pro alijs defunctis, non pro illo paruulo celebrari posse.

De officio sepulturae paruulorum Christianorum.

Cum infans seu puer baptizatus defunctus fuerit ante annos discretionis, induitur iuxta ætatem, & imponitur ei corona de floribus, seu de herbis aromaticis & odoriferis in signum integritatis carnis & virginitatis. Et cum effertur de domo ad Ecclesiam, portatur in vlnis seu brachijs si potest. Et parochus seu Sacerdos superpelliceo & stola indutus, & alij de Clero, præcedente cruce, quæ sine hasta deferitur, dicunt in cantu plano Psalmum. **B**eati immaculati in via &c. *suprà pag. 346.*

Et Psal. cxii.

Laudate pueri Dominum : laudate nomen Domini.

Sit nomen Domini benedictum : ex hoc, nunc, & vsque in seculum.

A solis ortu vsque ad occasum : laudabile nomen Domini.

Excelsum super omnes gentes Dominus : & super coelos gloria eius.

Quis sicut Dominus Deus noster, qui in altis habitat : & humilia respicit in cœlo & in terra ?

Suscitans à terra inopem : & de stercore erigens pauperem.

Vt collocet eum cum principibus : cum principibus populi sui.

Qui habitare facit sterilem in domo : matrem filiorum lætantem.

Gloria Patri, & Filio : & Spiritui sancto.

Sicut erat in principio, & nunc & semper : & in secula seculorum. Amen.

Et quando est longius iter à domo ad Ecclesiam ad quam deferitur, dicantur etiam Psalmi Graduales, vt Psal. 119. **A**d Dominum cum tribulaber clamaui. & reliqui, quos habes *suprà de Commendatione animæ pag. 349.* singuli cum **G**loria Patri. & **S**icut erat. vel saltem in fine ultimi Psalmi.

Et cum peruentum fuerit ad Ecclesiam, incipitur Antiphona. **H**ic vel **H**æc accipiet benedictionem à Domino, & misericordiam à Deo salutaris suo : quia hæc est generatio quærentium Dominum.

Deinde dicitur Psalmus xxiii.

Domini est terra, & plenitudo eius : orbis terrarum, & vniuersi qui habitant in eo.

Quia ipse super maria fundauit eum : & super flumina præparauit eum.

Quis ascendet in montem Domini ? aut quis stabit in loco sancto eius ?

Innocens manibus, & mundo corde, qui non accepit in vano animam suam : nec iurauit in dolo proximo suo.

Hic accipiet benedictionem à Domino : & misericordiam à Deo salutaris suo.

Hæc est generatio quærentium eum : quærentium faciem Dei Iacob.

Attollite portas principes vestras, & eleuamini portæ æternales : & introibit rex gloriæ.

Quis

Quis est iste rex gloriæ? Dominus fortis & potens: Dominus potens in prælio.

At tollite portas principes vestras, & eleuamini portæ æternales: & introibit rex gloriæ.

Quis est iste rex gloriæ? Dominus virtutum ipse est rex gloriæ.

Gloria Patri, &c.

Quo finito repetitur Antiphona. Hic **vel** Hæc accipiet &c. **Postea dicatur** **K** yrie eleison. **C** hriste eleison. **K** yrie eleison. **P** ater noster.

✠ Et ne nos inducas in tentationem. **R.** Sed libera nos à malo.

✠ Me autem propter innocentiam suscepisti. **R.** Et confirmasti me in conspectu tuo in æternum. ✠ Dominus vobiscum. **R.** Et cum spiritu tuo. **O** remus. **O** ratio.

Omnipotens & mitissime Deus, qui omnibus paruulis renatis fonte baptismatis, dum migrant à seculo, sine ullis eorum meritis vitam illicò largiris æternam, sicut animæ huius paruuli hodie credimus te fecisse: fac nos quæsumus Domine per intercessionem beate Mariæ, semper virginis, & omnium Sanctorum tuorum, hic purificatis tibi mentibus famulari, & in paradiso cum beatis paruulis perenniter sociari. Per Christum Dominum nostrum. **R.** Amen.

Dum portatur ad tumulum, dicatur Antiphona. Iuuenes & virgines, senes cum iunioribus laudent nomen Domini. **Psal. 148:** cum duobus sequentibus. **L.** audate Dominum de coelis. **G**loria Patri. **S**icut erat, **Et repetitur Antiphona.** Iuuenes & virgines &c. **K** yrie eleison. **C** hriste eleison. **K** yrie eleison. **P** ater noster.

✠ Et ne nos inducas in tentationem. **R.** Sed libera nos à malo.

✠ Sinite paruulos venire ad me. **R.** Talium est enim regnū coelorum.

✠ Dominus vobiscum. **R.** Et cum spiritu tuo.

O remus.

O ratio.

Omnipotens sempiterne Deus sanctæ puritatis amator, qui animam huius paruuli ad coelorum regnum hodie misericorditer vocare dignatus es; digneris etiam Domine ita nobiscum misericorditer agere, vt meritis tuæ sanctissimæ passionis, & intercessione beate Mariæ semper virginis & omnium Sanctorum tuorum, in eodem regno nos cum omnibus Sanctis & electis tuis semper facias congaudere cœlestibus. Qui viuus & regnas cum Deo Patre in vnitate Spiritus sancti Deus, per omnia secula seculorum. **R.** Amen.

Deinde Sacerdos imponat incensum in thuribulo, & nō in suffragium, sed in honorem beati paruuli, & in sanctificationem eius tumuli, aspergat illius corpusculum aqua benedicta, & incenset. tum similiter & eius tumulum seu loculum aspergat & incenset. Postea in eo collocetur, contegatur, & sepeliatur.

Cum autem reuertuntur à cœmeterio vel tumulo seu loco sepulturæ ad Ecclesiam, & in chorum, pronuntiatur Antiphona. Benedicite Dominum.

Deinde dicatur Canticum trium puerorum.

Daniel 3.

- B**enedicite omnia opera Domini Domino: laudate & superexaltate eum in secula.
- B**enedicite Angeli Domini Domino: benedicite cœli Domino.
- B**enedicite aquæ omnes, quæ super cœlos sunt Domino: benedicite omnes virtutes Domini Domino.
- B**enedicite sol, & luna Domino: benedicite stellæ cœli Domino.
- B**enedicite imber, & ros Domino: benedicite omnes spiritus Dei Domino.
- B**enedicite ignis, & æstus Domino: benedicite frigus, & æstas Domino.
- B**enedicite rores, & pruina Domino: benedicite gelu, & frigus Domino.
- B**enedicite glacies, & nives Domino: benedicite noctes, & dies Domino.
- B**enedicite lux, & tenebræ Domino: benedicite fulgura, & nubes Domino.
- B**enedicat terra Dominum: laudet, & superexaltet eum in secula.
- B**enedicite montes & colles Domino: benedicite vniuersa germinantia in terra Domino.
- B**enedicite fontes Domino: benedicite maria, & flumina Domino.
- B**enedicite cere, & omnia quæ mouentur in aquis Domino: benedicite omnes volucres cœli Domino.
- B**enedicite omnes bestię, & pecora Domino: benedicite filij hominum Domino.
- B**enedicat Israel Dominum: laudet & superexaltet eum in secula.
- B**enedicite Sacerdotes Domini Domino: benedicite serui Domini Domino.
- B**enedicite spiritus, & animæ iustorum Domino: benedicite sancti, & humiles corde Domino.
- B**enedicite Anania, Azaria, Misael Domino: laudate & superexaltate eum in secula.
- B**enedicamus Patrem, & Filium, cum sancto Spiritu: laudemus, & superexaltemus eum in secula.
- B**enedictus es Domine in firmamento cœli: & laudabilis, & gloriosus, & superexaltatus in secula.
- Et eo finito, dicitur tota Antiphona.** Benedicite Dominum omnes electi eius: agite dies lætitiæ, & confitemini illi.
- Deinde ante altare dicitur.** Dominus vobiscum. Et cū spiritu tuo.

O remus.

Oratio.

Deus, qui corda fidelium sancti Spiritus illustratione docuisti; da nobis in eodem spiritu recta sapere, & de eius semper consolatione gaudere.

Oratio.

Concede nos famulos tuos Domine Deus perpetua mentis & corporis sanitate gaudere, & gloriosa beatæ Mariæ semper virginis intercessione à præsentī liberari tristitia, & æterna perfrui lætitia.

Ora.

Deus qui miro ordine Angelorum ministeria hominumq. dispensas, concede propitius, vt quibus tibi ministrantibus in coelo semper assistitur, ab his in terra vita nostra muniatur. Per Christum Dominum nostrum. *R.* Amen. Deo gratias.

Tunc si placuerit parentibus vel Sacerdoti, & tempus congruum fuerit, poterit celebrari seu cantari Missa de Spiritu sancto, vel de Angelis, vel alia vt suprà.

De officio faciendo in exequijs & anniuersario alicuius defuncti.

Quando exequiæ fiunt in die obitus seu depositionis defuncti præse-
sente corpore, omnia fiunt vt suprà de officio sepulture, pag. 413.
Quando verò fiunt exequiæ absente corpore, eo vel alio die in alia Ecclesia, Ciuitate, Prouincia, vel loco, dicantur Vesperæ & tota Vigilia mortuorum, cum Laudibus, & Antiphonis duplicatis, & Missa cum reliquis, & post Missam Oratio. *N*on intres in iudicium. suprà pag. 430. cum Responsorijs & reliquis Orationibus vsque ad Orationem ultimam, *A*bsolue quæsumus Domine animam famuli tui, pag. 432. inclusiue, omittis ijs, quæ deinde ponuntur de portando feretro cum corpore ad tumulum, & de illo benedicendo, & corpore sepeliendo vsque in finem.

Idem si postea in eadem Ecclesia, in qua corpus sepultum est, vel in alia, faciendum sit officium mortuorum, siue in die tertio vel septimo, vel trigésimo, vel quinquagesimo, vel alio: siue in anniuersario depositionis eiusdem, sicut in ipso die depositionis, fiat similiter totum officium vt suprà. cum suis Responsorijs & Orationibus congruentibus, & ultima de proprio officio eius diei, vt in Missali.

In alijs verò exequijs & anniuersarijs officijs alicuius vel plurium defunctorum, dicitur Missa de *R*equiem pro eis, vt in Missali. Et tunc, de-
cet, vt Missam præcedat officium, & die præcedente dicantur Vesperæ defunctorum, & deinde, siue manè tota Vigilia cum tribus Nocturnis & Laudibus defunctorum Antiphonis duplicatis.

Post Missam celebrans deponit manipulum & planetam, accipit pluuiæ nigri coloris, & præcedëtibus Subdiacono cum cruce & Clero, & duobus ceroferarijs cum luminaribus accensis, & duobus Acoluthis vno cum nauicula incensi, & thuribulo: & altero cum vase aquæ benedictæ & aspersorio, accedit cum Diacono à sinistris ad locum tumuli seu feretri, quem circumstant.

Interim cantatur *R.* Libera me Domine de morte æterna in die illa tremenda. Quando cœli mouendi sunt & terra: Dum veneris iudicare seculum

seculum per ignem. *✠* Tremens factus sum ego, & timeo, dum discussio venerit, atque ventura ira. Quando coeli mouendi sunt & terra.

✠ Dies illa, dies iræ, calamitatis & miseriæ, dies magna & amara valde. Dum veneris iudicare seculum per ignem. *✠* Requiem æternam dona ei Domine: & lux perpetua luceat ei. Libera me Domine de morte æterna in die illa tremenda, quando coeli mouendi sunt & terra. Dum veneris iudicare seculum per ignem.

Interim ministratur incensum, benedicitur & imponitur in thuribulo cum cochleari. Tum dicitur *K* yrie eleison. *C* hriste eleison. *K* yrie eleison. Sacerdos dicit, Pater noster. & illud sub silentio dicit totum. Et interim accipiat aspersorium cum aqua benedicta de manu Diaconi, & circumaspergit feretrum siue sepulturam, siue locum eius, & dimittit in manu Diaconi; de cuius manu accipit deinde thuribulum, & similiter circumiens feretrum siue sepulturam incensat, & relinquit in manu Diaconi, qui cum dat, vel ab eo accipit aspersorium aut thuribulum, eius manum osculatur. Sacerdos dicit:

✠ Et ne nos inducās in tentationem. *R.* Sed libera nos à malo.

✠ A porta inferi. *R.* Erue Domine animam eius.

✠ Requiescat in pace. *R.* Amen.

✠ Domine exaudi orationem meam. *R.* Et clamor meus ad te veniat.

✠ Dominus vobiscum. *R.* Et cum spiritu tuo.

O remus. Oratio, ut quæ dicta est in Missa: vel alia conueniens, ut quæ dicitur ad absolutionem defuncti.

Absolue quæsumus Domine animam famuli tui *N.* ab omni vinculo delictorum; ut in resurrectionis gloria inter Sanctos & electos tuos resuscitatus respiret. Per Christum Dominum nostrum. *R.* Amen.

✠ Requiem æternam dona ei Domine. *R.* Et lux perpetua luceat ei.

✠ Requiescat in pace. *R.* Amen.

Si fuerint plures, Oratio & Versus dicuntur in numero plurali: si fuerit mulier, in genere foeminino. Si fuerit Sacerdos, Episcopus, aut Prælatus, in Oratione ponitur nomen Sacerdotis seu Prælati. Si fuerit summus Pontifex dicitur Oratio, Deus qui inter summos Sacerdotes. ut in Missali.

De exequijs & absolutione magni Prælati, aut magni Principis.

IN exequijs autem alicuius magni Prælati seu S. R. E. Cardinalis aut Archiepiscopi, vel Episcopi, Imperatoris, Regis, aut Principis Missam sollemniter celebret Episcopus, vel alius Prælatus, si adest: alioquin dignior Sacerdos Ecclesiæ, in qua exequiæ sunt celebrandæ, cum ministris paratis. Qua finita ordinantur à magistro ceremoniarum seu alio cappellano petito, qui fuerit deputatus, in loco ubi absolutiones fieri debebunt

debeant in capite loci in medio vnum faldistorium pro illo qui celebravit, & in quatuor angulis quatuor scabella, videlicet in quolibet angulo vnum scabellum. Subdiaconus, qui in Missa cantauit epistolam vt paratus deferat crucem processionalem, vnus Acoluthus, qui thuribulum cum igne, & nauiculam cum elure & cochleari: Alius Acoluthus qui vas aquæ benedictæ cum aspersorio: & duo alij Acoluthi seu ceroferarij duo candelabra cum luminarijs accensis deferant.

Et interim Prælatus, qui celebravit, apud faldistorium prope altare deponit planerem; & si placuerit, poterit etiam deponere dalmaticam, & tunicellam; & accipit pluuiale nigrum & mitram simplicem, & quatuor alij Episcopi vel Prælati, si adsint, aut ad alium locum decentem & propinquum, vbi quilibet eorum accipit supra rocchetto; vel si sit regularis, supra superpelliceum, amictum, stolam, pluuiale nigrum & mitram simplicem: si verò non adsint Episcopi vel Prælati, loco deficientium assumuntur digniores Canonici Ecclesiæ, vel alij in dignitate constituti, qui supra rocchettos, si ijs vtantur, aliter verò supra superpellicea accipiunt amictus, stolas, pluuialia nigra, & mitram simplicem, si ea vti possunt, alioquin bireta, & omnes sic parati accedunt ad Episcopum seu illum qui celebravit, & cum eo vadunt ad castrum doloris seu feretrum, aut ad sepulturam, vel alium locum, in quo absolutiones fieri consueverunt hoc ordine.

Præcedunt duo Acoluthi, vnus cum thuribulo & igne & nauicula cum incenso & cochleari, alter cum aqua benedicta & aspersorio; deinde duo alij Acoluthi ceroferarij: tum Subdiaconus deferens crucem, & post eum duo iuniores Prælati: deinde duo alij seniores, quorum quilibet prope se habeat vnum Cappellatum superpelliceo indutum, qui de mitra vel bireta sibi inferuiat, & vnum scutiferum, qui cereum accensum portet: demum sequitur Prælatus, qui Missam celebravit, quem ad sinistram comitatur & sustinet Diaconus paratus: post eum Sacerdos assistens indutus pluiali nigro, & alij Cappellani superpelliceis induti: & cum eo peruenerint, ita collocantur.

Acoluthus Thuriferarius cum incenso, & Acoluthus deferens aquam benedictam sistunt se in capite loci parte dextera: duo verò alij Acoluthi seu Ceroferarij, ac Subdiaconus cum cruce vadunt ad pedes feretri, & Subdiaconus cum cruce collocabit se in medio eorum, iunior Prælatus sedebit in scabello in angulo castrum doloris ad pedem dexterum; alius post eum in angulo ad humerum sinistrum, tertius in angulo ad pedem sinistrum: quartus, qui erit senior, in angulo ad humerum dexterum: celebrans verò sedebit in faldistorio in capite loci in medio, ita vt crucem directe respiciat. Omnibus sic ordinatis surget celebrans delecto capite, omnibus similiter surgentibus Sacerdote Assistente tenente librum ante pectus, incipiet in tono lectionis absolute orationem.

Non intres in iudicium cum seruo tuo, Domine, quoniã nullus apud te iustificabitur homo, nisi per te omnium peccatorum ei tribuatur remissio;

remissio: non ergo eum tua, quæsumus, iudicialis sententia premat, quem tibi vera supplicatio fidei Christianæ commendat; sed gratia tua illi succurrere mereatur euadere iudicium vltionis, qui dum viueret, insignitus est signaculo sanctæ Trinitatis. Per Christum Dominum nostrum. *R. Amen.*

Qua finita omnes quinque Prælati sedent coopertis capitibus cum mitris, seu si ijs non vrantur, cum bireto, & Cantores incipiunt Responsorium. Subuenite sancti Dei, occurrere Angeli Domini: suscipientes animam eius, offerentes eam in conspectu Altissimi. ✠. Suscipiat te Christus, qui vocauit te, & in sinum Abrahæ Angeli deducant te.

Offerentes eam in conspectu Altissimi.

✠. Requiem æternā dona ei Domine: & lux perpetua luceat ei.

Offerentes eam in conspectu Altissimi.

Tunc Diaconus & duo Acoluthi, vnus cum thuribulo & naucula, alter cum aqua benedicta & aspersorio accedent ad angulum dexterum capitis, vbi est dignior Prælatus seu Sacerdos, qui est ad dexteram celebrantis, & se sistunt à dextris illius. Incepto ✠. Requiem æternā &c. Acoluthus dabit nauculam Diacono, & ipse accedet cum thuribulo ante ipsum digniorem Prælatum, qui ministrante Diacono nauculam, & dicente, Benedicite Reuer. Pater. Prælatus ipse imponit incensum in thuribulo more consueto, dicens: A b illo benedicaris in cuius honore cremaberis. In nomine Patris ✠ & Filij ✠ & Spiritus sancti, ✠ producens signum crucis super incensum thuribulo impositum.

Finito Responsorio chorus cantat:

K yrie eleison. Ch ristie eleison. K yrie eleison.

Et cum incipitur primum Kyrie eleison, surgunt omnes detestis capitibus, & cum finitum erit vltimum K yrie eleison, dignior Prælatus seu Sacerdos antedictus dicit voce intelligibili, P ater noster. quod fecerit complet. Et interim accipiens aspersorium cum aqua benedicta de manu Diaconi, aspergit feretrum seu lectum mortui vel sepulturam, circumcirca ambulans, incipiens à sua parte dextera, ad latus suum sinistrum, tertio aspergens quamlibet partem feretri seu lecti, Diacono à sinistris comitante, & fimbrias pluuiæ eleuante. Et dum transit ante alios Prælatos, illos salutat: & similiter facit reuerentiam cruci, profundè inclinando caput, transiens ante illam ad pedes lecti. Et postquam cum aspersorio circumierit feretrum seu lectum, & ad locum suum redierit, reddit aspersorium Diacono, & is Acolutho ferenti de aqua benedicta: ac ibidem ab eodem accipit thuribulum, & feretrum seu lectum similiter circumcirca thurificat, tertio in qualibet parte thuribulum ducens.

Diaconus verò qui simul pergit, semper cum transit ante crucem genuflectit, & Prælati seu Sacerdotibus facit reuerentiam; & tam ad asperersionem, quàm ad incensationem pluuiæ ad dextrum humerum ipsius Prælati eleuat: & cum ei aspersorium porrigit aut thuribulum.

ribulum, & ab eo recipit, manum eius osculatur.

Cum autem post thurificationem Prælatus redierit ad locum suum, redit thuribulum Diacono, & is Acolutho thuriferario, & stans ante scabellum intelligibili seu clara voce dicet sequentes Versus.

✠. Et ne nos inducas in tentationem. *R.* Sed libera nos à malo.

✠. A porta inferi. *R.* Erue Domine animam eius.

✠. Requiescat in pace. *R.* Amen.

✠. Domine exaudi orationem meam. *R.* Et clamor meus ad te veniat.

✠. Dominus vobiscum. *R.* Et cum spiritu tuo.

Oremus.

Oratio.

DEus cui omnia viuunt, & cui non pereunt moriendo corpora nostra, sed mutantur in melius; te supplices deprecamur, vt suscipi iubeas animam famuli tui *N.* per manus sanctorum Angelorum deducendam in sinu amici tui Abraham Patriarchæ, resuscitandamq; in nouissimo iudicii magni die: & quicquid vitiorum, diabolo fallente, contraxit, tu pius & misericors abluas indulgendo. Per Christum Dominum nostrum. *R.* Amen.

Et ea finita, omnes Prælati sedent cum mitra seu bireto vt suprâ, & chorus cantat Responsorium.

Qui Lazarum resuscitaſti à monumento foetidum: Tu ei Domine dona requiem & locum indulgentiæ. ✠. Qui venturus es iudicare viuos & mortuos, & seculum per ignem.

Tu ei Domine dona requiem & locum indulgentiæ:

✠. Requiem æternam dona ei Domine: & lux perpetua luceat ei.

Tu ei Domine dona requiem & locum indulgentiæ.

Interim cum dicitur Responsorium, Diaconus & duo Acoluthi vnus cum thuribulo & naucula, & alter cum aqua benedicta & aspersorio, accedunt ad secundum digniorem seu seniorem Prælatum sedentem, in angulo ad sinistram pedem, & se ad eius dexteram collocabunt.

Incepto ✠. Requiem æternam. Acoluthus dabit nauculam Diacono, & ipse accedet cum thuribulo ad antedictum secundum digniorem Prælatum, qui ministrante Diacono nauculam, & dicente:

*B*enedicite Reu. Pater. respondet,

*A*b illo benedicaris &c. vt suprâ. ac imponet incensum in thuribulo vt suprâ.

Finito Responſorio chorus cantat:

K yrie eleison. *C* hriste eleison. *K* yrie eleison.

Et dum dicitur primum Kyrie eleison, surgunt omnes Prælati, seu Sacerdotes, de cæstis capitibus, & dicto vltimo Kyrie eleison, prædictus secundus dignior Prælatus, dicit voce intelligibili, *P*ater noster. quod secretè complet: & interim accepto aspersorio cum aquâ benedicta de manu Diaconi, aspergit feretrum seu lectum mortui, siue sepulturam circumcirca, ambulans à sua parte dexterâ, & ita regens quamlibet feretri seu lecti partem, Diacono à sinistram

simbras pluuiialis subleuante. Et dum transibit ante alios Prælatos illos salutabit: & similiter cruci reuerentiam faciet, transiens ante illam ad pedes feretri seu lecti. Postquam cum aspersorio circumierit feretrum seu lectum, & ad locum suum redierit, illud reddit Diacono, & is Acolutho deseruienti de aqua benedicta: & ibidem ab eodem Diacono accipiet thuribulum, & lectum similiter circumcirca thurificabit, tertio in qualibet parte thuribulum ducens. Et cum redierit post thurificationem ad locum suum, illud reddit Diacono, & is Acolutho seruienti de thuribulo, & stans ante scabellum intelligibili voce dicit:

✠. Et ne nos inducas in tentationem. *R.* Sed libera nos à malo.

✠. A porta inferi. *R.* Erue Domine animam eius.

✠. Requiescat in pace. *R.* Amen.

✠. Domine exaudi orationem meam. *R.* Et clamor meus ad te veniat.

✠. Dominus vobiscum. *R.* Et cum spiritu tuo.

Oramus.

Oratio.

FAc quæsumus Domine, hanc cum seruo tuo N. defuncto misericordiam; vt factorum suorum in pœnis non recipiat vicem, qui tuam in votis tenuit voluntatem: vt sicut hîc cum vera fides iunxit fidelium turmis ita cum illic tua miseratio societ Angelicis choris. Per Christum Dominum nostrum. *R.* Amen.

Qua finita omnes Prælati similiter sedent cum mitra, vel bireto, si ea non vtantur, & chorus cantat Responsorium.

Domine quando veneris iudicare terram, vbi me abscondam à vultu iræ tuæ? Quia peccaui nimis in vita mea.

✠. Commissa mea pauesco, & ante te erubescō: dum veneris iudicare, noli me condemnare.

Quia peccaui nimis in vita mea.

✠. Requiem æternam dona ei Domine: & lux perpetua luceat ei.

Quia peccaui nimis in vita mea.

Incepto Responso Diaconus & duo Acoluthi, vnus cum thuribulo & naucula, & alter cum aqua benedicta & aspersorio, accedent ad tertium Prælatus, sedentem in angulo ad sinistrum humerum, & se ad eius dexteram collocabunt. Et dum dicitur ✠. Requiem æternā &c. Acoluthus dabit nauculam Diacono, & ipse accedet cum thuribulo ante dictum tertium Prælatus, qui ministrante Diacono nauculam, & dicente, B enedicite Reu. Pater. respondet. A billo benedicaris &c. & imponet incensum in thuribulo, producens signum crucis super incensum positum in eo. Et finito Responso chorus cantat:

K yrie eleison. C hriste eleison. K yrie eleison.

Et cum dicitur primum Kyrie eleison, surgunt omnes detectis capitibus, & dicto vltimo Kyrie eleison, idem tertius Prælatus dicit clara voce, P ater noster. quod secretū complet. Et interim accepto aspersorio cum aqua benedicta de manu Diaconi, aspergit feretrum seu le-

Qum, ante sepulcrum, circumcirca ambulans, incipiens à sua parte dextera; tertio aspergens quamlibet feretri seu lecti partem, Diacono à sinistris comitante, & simbrias pluuias subleuante. Et dum transibit ante alios Prælatos, illos salutabit, & similiter cruci reuerentiam faciet transiens ante illam ad pedes lecti.

Postquam cum aspersorio circumierit feretrum seu lectum, & ad locum suum redierit, reddit aspersorium, & ibidem ab eodem Diacono accipit thuribulum, & feretrum seu lectum similiter circumcirca thurificabit, tertio in qualibet parte thuribulum ducens. Et cum redierit post thurificationem ad locum suum, reddit thuribulum Diacono, & is Acolutho, & stans ante scabellum, intelligibili seu clara voce dicit:

✠ Et ne nos inducas in tentationem. **R.** Sed libera nos à malo.

✠ A porta inferi. **R.** Erue Domine animam eius.

✠ Requiescat in pace. **R.** Amen.

✠ Domine exaudi orationem meam.

✠ Et clamor meus ad te veniat.

✠ Dominus vobiscum. **R.** Et cum spiritu tuo.

Oremus.

Oratio.

Incлина Domine aurem tuam ad preces nostras, quibus misericordiam tuam supplices deprecamur, ut animam famuli tui **N.** quam de hoc seculo migrare iussisti, in pacis ac lucis regione constituas, & Sanctorum tuorum iubeas esse consortem. Per Christum Dominum nostrum.

R. Amen.

Deinde omnes Prælati sedent cum mitra, vel bireto, si ea non utantur; & chòrus cantat Responsorium:

Ne recorderis peccata mea Domine: Dum veneris iudicare seculum per ignem.

✠ Dirige Domine Deus meus in conspectu tuo viam meam.

Dum veneris iudicare seculum per ignem.

✠ Requiram æternam dona ei Domine: & lux perpetua luceat ei.

Dum veneris iudicare seculum per ignem.

Tunc dicti Diaconus & duo Acoluthi alter cum thuribulo & naucula, & alter cum aqua benedicta & aspersorio accedent ad quartum & iuniorem Prælaturum sedentem in angulo ad dexterum pedem, & se ad eius dexteram collocabunt.

Incepto ✠. Requiem æternam &c. Acoluthus dabit nauculam Diacono, & ipse accedet cum thuribulo ad dictum iuniorem Prælaturum, qui ministrante Diacono nauculam, & dicente: **Benedicite.** Retu. Pater, respondebit, **Ab illo benedicaris &c.** & imponet thurs in thuribulum, ut supra.

Et cum dicitur primum **Kyrie eleison**, surgunt omnes Prælati detestis capitis; & dicto ultimo **Kyrie eleison**, idem quartus Prælatus intelligibili seu clara voce dicit, **Pater noster.** quod secretè complet.

Et

Et interim accepto aspersorio cum aqua benedicta de manu Diaconi, aspergit feretrum seu lectum circumcirca ambulans, incipiens à sua parte dextra: tertio aspergens quamlibet feretri seu lecti partem, Diacono à sinistris comitante & fimbrias pluuias subleuante. Et dum transibit ante alios Prælatos, illos salutabit: & similiter cruci profundè reuerentiam faciet, transiens ante illam ad pedes feretri seu lecti.

Postquàm cum aspersorio circumierit feretrum seu lectum, & ad locum suum redierit, illud reddet, ac ibidem ab eodem Diacono accipiet thuribulum, & feretrum seu lectum circumcirca thurificabit, tertio in qualibet parte, thuribulum ducens. Et cùm redierit post thurificationem ad locum suum, reddet illud: & stans ante scabellum intelligibili voce dicit.

✠. Et ne nos inducas in tentationem. R. Sed libera nos à malo.

✠. A porta inferi. R. Erue Domine animam eius.

✠. Requiescat in pace. R. Amen.

✠. Domine exaudi orationem meam. R. Et clamor meus ad te veniat.

✠. Dominus vobiscum. R. Et cum spiritu tuo.

Oremus.

Oratio.

Absolve quæsumus Domine animam famuli tui N. ab omni vinculo delictorum: vt in resurrectionis gloria inter Sanctos & electos tuos resuscitatus respiret. Per Christum Dominum nostrum. R. Amen.

Qua finita omnes Prælati similiter sedent cum mitra, vel bireto, vt supra: & chorus cantat Responsorium.

Libera me Domine de morte æterna in die illa tremenda: Quando coeli mouendi sunt & terra. Dum veneris iudicare sæculum per ignem.

✠. Tremens factus sum ego, & timeo dum discussio venerit, atque ventura ira.

Quando coeli mouendi sunt & terra.

✠. Dies illa, dies iræ, calamitatis & miseriæ, dies magna & amara valdè.

Dum veneris iudicare sæculum per ignem:

✠. Requiem æternam dona ei Domine: & lux perpetua luceat ei.

Libera me Domine de morte æterna in die illa tremenda: Quando coeli mouendi sunt & terra: Dum veneris iudicare sæculum per ignem.

Tunc Diaconus & duo illi Acoluthi, vnus cum thuribulo & naucula, & alter cum aqua benedicta & aspersorio, accedent ad dexteram Prælati qui Missam celebrauit, & incœpto ✠. Requiem æternam, &c. Acoluthus dabit nauculam Diacono, & ipse accedet cum thuribulo ante dictum Prælatus, qui ministrante Diacono nauculam & dicente:

Benedicite Reuer. Pater, responderet, Ab illo benedicaris &c. & impo-
net incensum in thuribulo. Et finito Responsorio chorus cantat.

K yrie eleison. C hriste eleison. K yrie eleison. Et cùm dicitur primum K yrie eleison, surgunt omnes delectis capitibus: & dicto vltimo K yrie eleison, idem Prælatus dicit voce intelligibili, Pater noster.

Quod secretò complet, & interim accepto aspersorio cum aqua benedicta de manu Diaconi, aspergit feretrum seu lectum siue sepulturam, ambulans circumcirca, incipiens à sua parte dextera; tertio aspergens quamlibet feretri seu lecti partem, Diacono à sinistris comitante, & fimbrias pluuiialis subleuante. Et dum transibit ante alios Prælatos, illos salutabit: & similiter cruci reuerentiam faciet transiens ante illam ad pedes lecti.

Et postquam cum aspersorio circumierit feretrum seu lectum, & ad locum suum redierit, reddit aspersorium, & ibidem ab eodem Diacono accipiet thuribulum: & feretrum seu lectum similiter circumcirca, thurificabit, tertio in qualibet parte thuribulum ducens. Et cum redierit post thurificationem ad locum suum, reddit thuribulum, & stans ante faldistorium Sacerdote Assistente, librum ante pectus tenente, intelligibili voce dicit:

℣. Et ne nos inducas in tentationem. ℞. Sed libera nos à malo.

℣. A porta inferi. ℞. Erue Domine animam eius.

℣. Requiescat in pace. ℞. Amen.

℣. Domine exaudi orationē meam. ℞. Et clamor meus ad te veniat.

℣. Dominus vobiscum. ℞. Et cum spiritu tuo.

O remus.

Oratio.

Absolue quæsumus Domine animam famuli tui **N.** vt defunctus seculo tibi viuat, & peccata, quæ per fragilitatem carnis humana conuersatione commisit, tu venia misericordissimæ pietatis absterge. Per Christum Dominum nostrum. ℞. Amen.

Deinde dicit idem Pontifex, seu Prælatus.

℣. Requiem æternam dona ei Domine.

℞. Et lux perpetua luceat ei.

Tum duo ex cantoribus dicunt alta voce:

℣. Requiescat in pace.

℞. Amen.

Quo dicto Pontifices seu Prælati ipsi, qui mitris vtuntur, illas recipiunt, alij verò birerum, & omnes eo ordine quo venerunt, reuertuntur ad Sacristiam, vel alium idoneum locum, vbi deponunt sacras vestes, & ad propria quisque reuertitur.

Absolutiones istas quinque, non semper in omnibus exequijs fieri conuenit; sed tantum in primis exequijs, quæ post obitum solenniter fieri consueuerunt.

In exequijs verò anniuersarijs fieri non debent huiusmodi quinque absolutiones, sed vna tantum absolutio per Prælatum seu Sacerdotem qui celebravit, post Missam, vt superius dictum est.

Diuerſæ aliquot orationes pro defunctis, quæ etiam habentur in Miſſali Romano reformato cum ſuis ſecretis, & Poſtcomm. dicendis in Miſſa de Requiem æternam.

In officio communi ſeu generali & in Miſſa quotidiana & generali pro defunctis, dicuntur inſcriptæ tres orationes, videlicet:

Pro defunctis Episcopis & Sacerdotibus.

Deus qui inter Apoſtolicos Sacerdotes famulos tuos Pontificali ſeu Sacerdotali feciſti dignitate vigere: præſta quæſumus, vt eorum quoque perpetuo aggregentur conſortio.

Pro defunctis fratribus, propinquis & benefactoribus.

Deus veniæ largitor & humanæ ſalutis amator, quæſumus clementiam tuam, vt noſtræ congregationis fratres, propinquos, & benefactores, qui ex hoc ſeculo tranſierunt, beata Maria ſemper virgine intercedente cum omnibus Sanctis tuis, ad perpetuæ beatitudinis conſortium peruenire concedas.

Pro fidelibus defunctis generalis.

Fidelium Deus omnium conditor & redemptor, animabus famulorum famularumq. tuarum remiſſionem cunctorum tribue peccatorum; vt indulgentiam, quam ſemper optauerunt, pijs ſupplicationibus conſequantur. Qui viuus & regnas in ſecula ſeculorum. *℟. Amen.*

Et hæc quidem ſingulæ traduntur alijs in locis. Nam primæ

Deus qui inter Apoſtolicos &c. dicitur pro omnibus Episcopis & Sacerdotibus in numero plurali, vt iacet; vel etiam in numero ſingulari pro defuncto Episcopo, vel Episcopo Cardinali, vel alio maiore Prælato in Pontificali dignitate conſtituto, vt

Deus qui inter Apoſtolicos Sacerdotes famulum tuum *N.* Pontificali feciſti dignitate vigere; præſta quæſumus, vt eorum quoque perpetuo aggregetur conſortio. Per Dominum noſtrum Ieſum Chriſtum, &c.

Vel etiam pro Presbytero ſeu ſimplici Sacerdote, vt pro Presbytero Cardinale, vt.

Deus qui inter Apoſtolicos Sacerdotes famulum tuum *N.* Sacerdotali feciſti dignitate vigere, &c. & omittitur Pontificali ſeu. *Et ſi fuerit Diaconus, poteſt dici Diaconali feciſti &c.*

Et ſi fuerint plures, dicatur in numero plurali, ſicut in quarta Miſſa quotidiana.

Secunda verò oratio pro defunctis fratribus, propinquis, & benefactoribus, ſimiliter poteſt dici ſeorsùm & ſola.

Tertia autem, **F**idelium Deus omnium conditor & redemptor. eſt ſpecialis oratio in die commemorationis omnium fidelium defunctorum, & quæ etiam poteſt dici generaliter ſola & ſeorsùm.

In die obitus vel depositionis defuncti vel defunctæ.

Deus cui proprium eſt miſereri ſemper & parcere: te ſupplices exoramus, pro anima famuli tui, vel famulæ tuæ *N.* quam de hoc ſeculo

lo hodie migrare iussisti: vt non tradas eam in manibus inimici, neque obliuiscaris in finem; sed iubeas eam à sanctis Angelis suscipi, & ad patriam paradisi perducì: vt quia in te sperauit & credidit, non pœnas æternas sustineat, sed gaudia sempiterna possideat. Per Dominum nostrum Iesum Christum.

In eodem die obitus seu depositionis.

Absolue quæsumus Domine animam famuli tui **N.** vt defunctus seculo tibi viuat: & quæ per fragilitatem carnis humana conuersatione commisit, tu venia misericordissimæ pietatis absterge. Per Dominum nostrum Iesum Christum.

In die tertio, septimo, vel trigésimo depositionis defuncti. Oratio.

Quæsumus Domine, vt animæ famuli tui **N.** cuius depositionis diem tertium vel septimum vel trigésimum commemoramus, Sanctorum atque electorum tuorum largiri digneris consortium, & rorem misericordiæ tuæ perennem infundas. Per Dominum nostrum Iesum Christum Filium tuum, qui tecum viuìt & regnat in vnitate Spiritus sancti.

Idem si fiat de nono, vndecimo, vigésimo, quinquagesimo, septuagesimo, vel alio die.

In anniuersario plurium defunctorum.

Oratio.

Deus indulgentiarum Domine da animabus famulorum, famularumq; tuarum, quorum anniuersarium depositionis diem commemoramus, refrigerij sedem, quietis beatitudinem, & luminis claritatem. Per Dominum nostrum &c.

Si pro vno defuncto fiat anniuersarium, prædicta oratio dicatur in numero singulari.

In die depositionis & anniuersario summi Romani Pontificis dicitur prima Missa de Requiem cum Oratione.

Deus, qui inter summos Sacerdotes famulum tuum **N.** ineffabili tua dispositione connumerari voluisti, præsta quæsumus, vt qui vnigeniti filij tui vices in terris gerebat, sanctorum tuorum Pontificum consortio perpetuo aggregetur. Per eundem Dominum.

Et in Missa cum sua Secreta & Postcommun. vt in Missali.

Alia pro defuncto Episcopo.

DA nobis Domine vt animam famuli tui **N.** Episcopi, quam de huius seculi eduxisti laborioso certamine, Sanctorum tuorum cœtui tribuas esse consortem. Per.

Alia pro defuncto Sacerdote.

Præsta quæsumus Domine, vt anima famuli tui Sacerdotis, quem in hoc seculo commorantem sacris muneribus decorasti, in cœlesti sede gloriosa semper exultet. Per Dominum.

Pro patre & matre Sacerdotis celebrantis.

Oratio.

Deus, qui nos patrem & matrem honorare præcepisti, miserere clementer animabus patris & matris meæ, eorumq; peccata dimitte, meq;

meq. eos in æternæ claritatis gaudio fac videre. Per Dominum nostrum Iesum Christum filium tuum, qui tecum uiuit & regnat in unitate Spiritus sancti.

*Pro patre tantum.**Oratio.*

DEus, qui nos patrem & matrem honorare præcepisti, miserere clementer animæ patris mei vel nostri, eiusq. peccata dimitte, meq. eum in æternæ claritatis gaudio fac videre. Per Dominum nostrum Iesum Christum.

*Pro matre tantum.**Oratio.*

DEus, qui nos patrem & matrem honorare præcepisti, miserere clementer animæ matris meæ vel nostræ, eiusq. peccata dimitte, meq. eam in æternæ claritatis gaudio fac videre. Per Dominum nostrum Iesum Christum.

*Pro pluribus parentibus & suis, & aliorum.**Oratio.*

DEus, qui nos patrem & matrem honorare præcepisti, miserere clementer animabus parentum nostrorum, eorumq. peccata dimitte, nosq. eos in æternæ claritatis gaudio fac videre. Per Dominum nostrum Iesum Christum filium tuum, qui tecum uiuit & regnat in unitate Spiritus sancti.

*Pro vno defuncto.**Oratio.*

INclina Domine aurem tuam ad preces nostras, quibus misericordiam tuam supplices deprecamur; vt animam famuli tui *(N. quam de hoc seculo migrare iussisti, in pacis ac lucis regione constituas, ac Sanctorum tuorum iubeas esse consortem. Per Dominum nostrum Iesum Christum.*

*Pro vna defuncta.**Oratio.*

QUæsumus Domine pro tua pietate miserere animæ famulæ tuæ *(N. & à contagijs mortalitatis exutam, in æternæ saluationis partem restitue. Per Dominum nostrum Iesum Christum Filium tuum, qui tecum uiuit & regnat.*

*Pro his qui in cœmeterio requiescunt.**Oratio.*

DEus, cuius miseratione animæ fidelium requiescunt: famulis & famulabus tuis omnibus hic & vbique in Christo quiescentibus da propitijs veniam peccatorum; vt à cunctis reatibus absoluti tecum sine fine latentur. Per eundem Dominum nostrum Iesum Christum Filium tuum.

*Pro pluribus defunctis.**Oratio.*

OMnipotens sempiterne Deus, cui nunquam sine spe misericordiæ supplicatur: propitiare animabus famulorum famularumq. tuarum, vt qui de hac vita in tui nominis confessione decesserunt, Sanctorum tuorum numero facias aggregari. Per Dominum nostrum Iesum Christum.

Item

Item pro pluribus defunctis.

Oratio.

DEus cui proprium est misereri semper & parcere: propitiare animabus famulorum, famularumq. tuarum, & omnia eorum peccata dimitte; vt mortalitatis vinculis absolutæ transire mereantur ad vitam. Per Dominum nostrum Iesum Christum.

Quando dictæ orationes dicuntur extra Missam, non concluduntur Per Dominum nostrum &c. **sed**, Per Christum Dominum nostrum, **vel**, Per eundem Christum Dominum nostrum. **R.** Amen. **nisi vbi dicendum est**, Qui viuis & regnas in secula seculorum. **R.** Amen. **sicut in oratione**, Fidelium omnium. in qua tamen in die commemorationis omnium fidelium defunctorum, dicitur, Qui viuis & regnas cum Deo Patre in vnitato &c.

Ac in fine earundem orationum, quando dicuntur extra Missam, subiungatur.

✱ Requiem æternam dona ei Domine, **vel** eis, Domine.

✱ Et lux perpetua luceat ei, **vel** eis.

✱ Requiescat **vel** Requiescant in pace.

✱ Amen.

De diebus, qui sunt in obseruatione pro fidelibus defunctis.

Quoniam de officijs, quibusdam diebus pro fidelibus defunctis peragendis, suprà mentio facta est, operæ pretium videtur, vt de diebus qui sunt, ac olim fuerunt in obseruatione pro animabus defunctorum specialis mentio fiat.

De die sepulturæ.



T primum quidem diem qui obitus seu depositionis dicitur, omnibus gentibus non solum fidelibus tam in nouo quam in veteri Testamento; sed etiam infidelibus & barbaris nationibus celebrem in luctu esse notissimum est; de quo B. Gregorius Nazianzenus in oratione, pro Cæsario fratre, dum de exequijs præsentibus agit.

De die Tertio.

Dies Tertius religiosus est pro defunctis vsu Catholicæ Ecclesiæ & auctoritate multorum Sanctorum. Nam & Clemens I. lib. viij. Constitut. Apostolicarum, cap. xlvij. Quomodo oporteat & quando fidelium defunctorum memorias celebrare, & quod de facultatibus ipsorum erogandum sit pauperibus, dicit: Peragatur dies Tertius mortuorum in Psalmis & Lectionibus atque orationibus propter eum, qui tertia die resurrexit. Item Nonus in commendationem superstitum atque defunctorum: Etiam Quadagesimus secundum veterem formam. Mosen enim hoc modo populus luxit: Necnon Anniuersarij pro memoria ipsius, deturq. de illius facultatibus pauperibus in commemorationem ipsius. Et subdit cap. xlix. Quod impios morientes nihil iuuant memorix vel mandata. Hæc de pijs dicimus: nam de impijs, etsi omnes mundi facultates dares pauperibus, tamen nihil eis prodesset. Nam cui viuo inensus erat Deus, certe eidem mortuo est iratus; non est enim iniustitia apud eum. Iustus est enim Dominus, & iustitias dilexit. Et ecce homo & opus eius.

Et S. Ambrosius in oratione De obitu Theodosij in princ. dicit: Quia alij Tertium diem, alij Tricesimum, alij Septimum, alij Quadagesimum obseruare consueverunt, quid doceat lectio consideremus. Et habetur apud Gratianum xij. q. ij. Quia alij: sicut alia lectio textus S. Ambrosij habeat: Quia alij tertium diem & trigessimum; alij septimum & quadagesimum obseruare consueverunt &c.

Concilium Nannetense cap. x. vt refertur apud Gratianum cap. Nullus presbyterorum. dist. xliij. & repetitur de consecrat. dist. v. cap. Nullus presbyterorum. & habetur apud Burchardum lib. ij. cap. clxj. & Iuonem parte sexta, cap. cclij. dicit: Nullus presbyterorum quando ad Anniuersarij diem, Trigessimum aut Septimum vel Tertium alicuius defuncti, aut quacunque vocatione ad collectam presbyteri conuenerit, se inebriare vllatenus præsumat &c.

Licet hoc Concilium non habeamus, sed aliud Nannetense post Triburiense, sub Arnulpho Imp. Tomo iij. Conciliorum, vbi tale decretum non habetur.

S. Ioannes Damascenus in oratione pro fidelibus defunctis, vbi de die Tertio, Nono, Quadagesimo & Anniuersario.

Hoc, inquam, misericors ille vult, gratumq. habet, vt nos omnes tum in vita, tum post confectum vitæ curriculum, mutuò alij ab alijs iuuemur. Neque enim alioqui anam hanc nobis porrexisset, vt eorum, qui è vita migrassent, in incremento sacrificio meminissimus, neque vt Tertio & Nono & Quadagesimo die, ac denique Anno vertente in eorum memoriam sacra obiremus (quæ quidem citra vllam controuersiam Catholica & Apostolica Ecclesia diuinitusq. collectus ipsius populus constan-

ter ac sipe vlla ambiguitate retinet) nisi hoc in ipsius oculis rectum esset. Non enim dubium est; quin si ridiculum id esset, fructusq. atque vtilitatis expers, cum multi diuino numine afflati sancti viri Patriarchæ patres ac magistri extiterint, hoc cuiuspiam eorum in animum inieciisset, vt errorem comprimeret. Atqui nemo ipsorum ritum hunc sibi vnquam conuellendum & euertendum putauit; imo verò confirmauit, indiesq. res hæc augetur, ac nouas subinde accessiones facit &c.

Et idem Damascenus in eadem oratione inferius de eisdem diebus ita loquitur:

Enim quæ tandem necessitas homines animi imbecillitate præditos adducet, vt excitentur atque istud munus expleant, nisi compertissimum habeant fore, vt de propinquis atque amicis suis bene mereantur? Quin pauperum quoque portiones in testamentis ascribi desinent, simulq. etiam & Missæ pro mortuis, & hymnorum ac psalmorum cantus finem habituri sunt, & Quadragesima cum Tertijs ac Nonis, & Anniuersariæ commemorationes & cæremoniæ, quæ quidem à magistris haud frustra inuentæ ac moribus receptæ sunt. Absit autem vt quicquam horum vilo modo vel sentiamus vel suscipiamus. Hæc ibi.

Triodion quoque Græcorum in Sabbato Sexagesimæ ad finem ita habet:

Tertium quoque diem peragimus, quoniam tertio die, scilicet post mortem, aspectus hominis immutatur. Nonum præterea diem celebramus, quoniam tunc temporis tota corporis compago dissoluitur, integro adhuc corde permanente, quod cum quadragesimo die tandem corrumpatur, quadragesimo etiam die fit commemoratio: hoc namque ordine ipsa hominis generatio procedit. Tertio siquidem die cor ipsum formatur: septimo verò die caro congelutinatur: quadragesimo autem die perfectam suscipit formam. Quapropter his diebus fit etiam commemoratio pro fidelium animabus, quas Christus Domine in tabernaculis iustorum tuorum collocare digneris & nostri miserere, cum tu solus immortalis existas. Amen.

Alcuinus de diuinis officijs tit. De exequijs mortuorum, &c. ibi. Quapropter ritè celebrantur hi tres dies generaliter ab omnibus infra trigessimam, qui vocantur tertius, septimus, atque trigessimus. De tertio enim die, seu septimo ita habetur in libro Numerorum: Qui tetigerit cadauer hominis, & propter hoc fuerit immundus septem diebus, aspergatur aqua lustrationis die tertia & septima, & sic mundabitur. Immundicia hæc pro tactu cadaueris animam pollutam significat operibus mortuis, & quia neglexit cultum Dei in cogitatione, in vita, & in intellectu, humiliter confitendo offerimus sacrificium Deo tertia die, quatenus ab his peccatis purgetur. In expiatione verò diei tertij commendati defuncti, possumus ad memoriam reducere tertiam diem resurrectionis Domini, in qua deuotius est generaliter supplicandum.

Idem Alcuinus tit. seq. & vlt. in scripto. Item breuiter de tertia, septima, & tricesima die pro defunctis, repetit eadem de dictis diebus, reddens rationem cur in eis agatur officium pro defunctis. Et de tertia quidem die dicitur: Tertia dies specialiter pro animæ absolutione celebratur, quia videlicet triplicis est naturæ, irascibilis, concupiscibilis, & rationalis, & quia ingenio viget, intellectu & memoria. Propter hoc igitur sacrificium die tertia peragitur, vt si quid temulentum ex carnis cohabitatione contraxit, obliteretur, & sanctæ Trinitatis similitudo reparetur.

Amalarius Fortunatus de Ecclesiasticis officijs libro iij. cap. xliij. & vlt. De Missa pro mortuis.

Solemus eorum memorias generaliter celebrare tertia & septima, & tricesima die &c. & assignat rationem &c. Vbi etiam dicit. Sed quod agitur vt tertia & septima, & tricesima die, publicè agitur, & generaliter ab omnibus amicis.

Et infra. Quibus suffragia profunt. ex B. Augustino.

Et idem libro iij. cap. xlij. De officijs mortuorum, dicit: De tertia die, septima, & tricesima; & exponit causas vnde auctoritatem habeant, & quòd per hoc non excluditur, vt cæteris diebus non oretur pro defunctis, & ponit auctoritatem de tertia die &c. dicit autem sic.

Habemus scriptum in quodam Sacramentario, quòd officia mortuorum agenda sunt

ſunt circa tertiam diem & ſeptimam & triceſimam. Quod non ita intelligo' quafi ille qui tertia die agere vult officia mortuorum debeat prætermittere priores duos dies ſine ſupplicationibus &c. quæ referuntur infra De omnibus diebus, & quotidie. Et paulo infra. De his tribus terminis ponemus auctoritatem ſanctarum ſcripturarum. Dicitur in libro *Sapientie de exequijs: Fili in mortuum producelacrymas, & quaſi dira paſſus, incipe plorare, & ſecundum iudicium contenge totus illius, & non deſpicias ſepulturam illius. Propter delaturam autem amare ſer luctum illius, vna die, & conſolare propter triſtitiam, & fac luctum ſecundum merium illius vno die vel duobus propter deſtractionem. Vbi primò dixit, propter delaturam vno die ſerre luctum, & poſtea propter deſtractionem vno vel duobus diebus, tres dies introducit in luctum. Poſſumus per tertiam diem commendati deſuncti, tertiam diem reſurrectionis Domini ad memoriam reducere, vt eo dierum numero deprecemur pro noſtro deſuncto, quatenus mereatur per remiſſionem peccatorum participes fieri reſurrectionis Chriſti. Pro qua re triduanum ieiunium Niniuite fecerunt (eodem Iona 3. quendam Septuaginta, vt in Chriſti glorificatione per reſurrectionem ex mortuis dederunt peccata eorum. Vnde dicit Auguſtinus in libro Quaſtionum Genetiſ: Nec ſeptuaginta Interpretes, quos legere conſuevit Eccleſia, erraſſe credendi ſunt, vt non dicerent quadraginta dies, ſed triduum & Niniue euerteretur. Et poſt pauca. Triduum poſuerunt, quamvis non ignorarent, quòd dies quadraginta in Hebraijs Codicibus legerentur, vt in Domini noſtri Jeſu Chriſti clarificatione intelligerentur diſſolui aboleriq. peccata. De quo dictum eſt: Qui traditus eſt propter delicta noſtra; & reſurrexit propter iuſtificationem noſtram. Clarificatio autem Domini & in reſurrectione, & in cæloſ aſcenſione cognoscitur. Secunda igitur &c. Ioan. Beleh de diuinis officijs cap. clxxdicit. Quidam tamen tribus diebus hoc faciunt, vt in eo triduaſa Chriſti ſepultura repræſentetur, & quod viuus peccauerit cogitatione, verbo, & opere; mortuus remittatur. Gulielmus Durandus libro vij. Ratiõnalis. cap. xxxv. De officio mortuorum, num. 4. Oſtendit exemplo filiorum Iacob & aliorum ex ſacra Scriptura officium mortuorum initium habuiſſe in veteri lege; Et ſubdit, quòd quidam faciunt memoriam pro deſunctis die tertio, ſeu per tres dies, repræſentantes triduanam Domini ſepulturam, ſeu reſpectum habentes ad reſurrectionem Chriſti, qui tertia die reſurrexit a reſurrectionem cum Chriſto mortuis peroptantes; ſeu ad Trinitatem, vel vt quæ viuentes tripliciter peccauerunt, videlicet cogitatione, verbo, & opere, remittantur eiſdem.

De die ſeptimo.

Dies Septimus celebrior quidem eſt & frequentior iuxta Sapientem: Luctus mortui ſeptem dies; ſatui autem & impij omnes dies vitæ illorum. Et meritò, vt inquit Amalarius de Eccleſiaſticis officijs libro iiij. De Miſſa pro mortuis, cap. xliij. ſcriptum eſt in libro Numerorum: Qui tetigerit cadauer hominis, & propter hoc fuerit immundus ſeptem dies, aſpergetur ex hac aqua die tertia & ſextima, & ſic mundabitur. Etiam in exequijs auctoritate diuinæ ſcripturæ in morte Iacob. Cum Ioseph & fratres eius, & ſenes domus Pharaonis, & maiores natu Aegypti comitarunt Iacob uſque ad Aream Atad, trans Iordanem, in ſpelunca duplici, vbi ſepelierunt illum, celebrantes exequias eius planctu magno atque vehementi impleuerunt ſeptem dies. Et poſt mortem Saul, & trium filiorum, viri fortiſſimi Iabes Galaad ſurrexerunt & ambulauerunt tota nocte, & tulerunt cadauer Saul, & cadauera filiorum eius de muro Bethſan, vbi Philiſtæi ſuſpenderant ea, & combuſſerunt ea ibi igne, & tulerunt oſſa eorum, & ſepelierunt in nemore Iabes, & ieiunauerunt ſeptem diebus.

Et populus luxit Indith diebus ſeptem.

S. Ambroſius in oratione vbi ſuprà. Et quia alij tertium diem, & triceſimum, alij ſextimum, & quadageſimum obſeruare conſueuerunt, vt ſuprà.

S. Augustinus in libris questionum in vetus Testamentum libro primo super Genesim, ad fin. siue cap. clxij. ex Genesi 50. de Ioseph dicit: Et fecit luctum patri suo septem dies &c. Et iterum: Septimus verò dies auctoritatem in scripturis habet. Vnde alio loco scriptum est: Luctus mortui septem dierum: fatui autem omnes dies vitæ eius. Septenarius autem numerus, propter Sabbati sacramentum, præcipue quietis indicium est: Vnde meritò mortuis tanquam requiescentibus exhibetur. Quem tamen numerum in luctu Iacob decuplauerunt Aegyptij, qui cum lxx. diebus luxerunt. Concilium Nannetenſe, ibi, aut Septimum, vbi supra.

Alcuinus tit. De exequijs mortuorum vbi proxime. De Tercio die seu Septimo &c.

Et infra. De septimo verò die habemus auctoritatem in libro Geneseos: mortuo etenim Iacob in Aegypto & translato à Ioseph trans Iordanem cum comitatu maximo, celebrauerunt ibidem exequias cum planctu magno, & fecerunt septem dies. Et alibi: Luctus mortui septem dies, fatui autem omnes dies.

Et paulò post. Sanè septimus dies in scripturis auctoritatem habet, quia septenarius numerus propter Sabbati sacramentum præcipue quietis indicium est. Vnde meritò mortuis tanquam quiescentibus exhibetur.

Idem tit. seq. & vltimo dicit: Dies septimus nihilominus officijs deputatur eisdem, vt anima suo corpori reconcilletur. Septenarius namque numerus ex ternario constat & quaternario, & ternarius animæ tribuitur, quaternarius corpori deputatur, propter quatuor notissimos quibus constat humores. Est ergo quasi quedam rixa corporis & animæ, quæ carne illiciente, eamq. suis illecebris attrahente peccauit. Vt ergo anima suo corpori pacificetur, holocaustum septima die peragitur. Ad hoc fortè pertinet, quod in libro Ecclesiastico dicitur: Luctus mortui septem dies: Luctus autem fatui omnes dies eius vitæ. Hæc de tertia & septima die auctoritatiue breuiter diximus.

A. Marialis de Ecclesiasticis officijs libro iij. cap. xliij. seu vlt. De Missa pro mortuis. & libro iij. cap. xlij. De officijs mortuorum, vbi de agendis officijs mortuorum in tertia die & septima & tricesima.

Et infra. Secunda igitur celebratio pro defunctis in septimo die, habet auctoritatem in Genesi memorato. Habuit quoque, inquit, Ioseph in comitatu currus & equites, & facta est turba non modica. Veneruntq. ad aream, quæ sita est trans Iordanem, vbi celebrantes exequias planctu magno atque vehementi impleverunt septem dies. Vnde memoratus Augustinus in memorato libro Questionum scribit: Et fecit luctum patri suo septem dies &c. Et paulò infra. Septimus verò dies auctoritatem in scripturis habet. Vnde alio loco scriptum est: Luctus mortui septem dierum: fatui autem omnes dies vitæ eius. Septenarius autem numerus propter Sabbati sacramentum præcipue quietis indicium est. Vnde meritò mortuis tanquam requiescentibus exhibetur, &c.

Honorius III. in decretali, Cum inter vos. de verb. signific. meminit de ijs quæ offeruntur pro Missis mortuorum Sacerdotibus, & quæ pro septimis & tricesimis, & anniuersarijs, panibus & alijs.

Et in alia decretali sua, Ex parte vestra iij. eodem tit. De ijs quæ pro anniuersario, septimo, tricesimo ac vicesimo faciendis &c. à quocunque legantur. Et

Gregorius IX. in decretali vlt. De testam. etiam meminit de anniuersario, septimo, vicesimo, & tricesimo die, dum declarat, vt de his, quæ in ornamentis, vel pro cereis seu fabrica, luminaribus, anniuersario, septimo, vicesimo, tricesimo die, siue alijs ad perpetuum cultum diuinum legantur Ecclesijs, vel reliquis pijs locis, canonica portio (dummodò in fraudem non fiat, vt ea Episcopus seu parochialis Ecclesia debeat defraudari) deduci non debet.

Io. Belet de diuinis officijs citato cap. clx. De institutione officij, scilicet mortuorum, ex sacris scripturis docet de obseruatione diei septimi & tricesimi, & insert. Septenarius igitur mortuorum luctus & tricenarius à veteri Testamento sumpsit exordium: quemadmodum enim Iacob filij fleuerunt septem diebus, & Moysen triginta;

ita quoque Ecclesia quandoque septem diebus, quandoque triginta mortuorum suorum celebrat officium. Notemus interim quatuor modis subucniri mortuis, oratione videlicet, amicorum eleemosyna, cognatorum ieiunio, & Missarum celebratione &c. Et post pauca. Septem ergo diebus nostris mortuis officium facimus, vt ad Sabbatum animarum citius valeant peruenire, aut certe propter septenarium animæ & corporis. Habet enim anima tres potissimum proprietates, vti nimirum ratione, concupiscere & irasci. Corpus verò ex quatuor constat elementis. Vt itaque peccata quæ homo commisit per hæc septem deleantur, septenarium mortuis celebramus.

Durandus citato cap. xxxv. Alij verò faciunt Missam celebrari septem diebus, seu per septem dies, & vtrumque ostenditur in lib. Num. 19. cap. vbi dicitur; quod qui tegerit cadauer mortui hominis, immundus erit septem diebus. Vnde aspergatur aqua die tertia & septima, & sic mundabitur, de consecr. dist. 1. Aqua. Sanè immundus propter cadauer mortui hominis significat pollutam animam propter mortua opera. Celebratur ergo per septem dies, primo vt defunctus &c. & assignat quatuor rationes, quæ ponuntur suprà à Beleth.

De die Nono.

Dies Nonus in vsu fuit apud veteres, præsertim Græcos, vt apud S. Clementem libro viij. constitutionum citato cap. xlvij. & apud Io. Damascenum in prædicta oratione pro fidelibus defunctis semel & iterum de die tertio, nono, & quadragesimo, & anniuersario. Atque etiam hodie apud eosdem Græcos, & in ipsum Tridiodio in Sabbato Dominicæ sexagesimæ dicitur: Nonum præterea diem celebramus, quoniam tunc temporis tota corporis compago dissoluitur, integro adhuc corde &c. vt suprà de die tertio relatum est.

Dixi præsertim Græcos, quia reuera communiter apud Latinos in Missilibus, Pontificalibus, & alijs sacris codicibus non reperitur Missa seu commemoratio pro defunctis in die nono, sed potissimum in die tertio, septimo, vel tricesimo.

Quare S. Augustinus in libris Quæstionum in vetus Testamentum, libro primo super Genesim ad finem, siue cap. clxxij. Tomo iij. ita dicit de Ioseph ex Genesim 50. Et fecit luctum patri suo septem dies. Nescio vtrum inueniatur alicui Sanctorum in scripturis celebratum esse luctum nouem dies, quod apud Latinos Nouendialis appellant. Vnde mihi videntur ab hac consuetudine prohibendi, si qui Christianorum istum in mortuis suis numerum seruant, qui magis est in gentilium cōsuetudine &c. Et ei subscribunt.

Alcuinus de diuinis officijs, cap. De exequijs mortuorum, ibi, Quod autem apud aliquos Nonus dies celebratur, & vocatur nouendialis, Augustinus in libro Quæstionum (scilicet veteris Testamenti primo super Genesim) redarguit: maxime cū nullus Sanctorum hoc fecisse probatur; cū sit consuetudo gentilium. Et

Amalarius Fortunatus libro iij. De Ecclesiasticis officijs cap. xliij. De Missa pro mortuis, & libro iij. cap. xliij. De officijs mortuorum, vbi sic refert illius verba.

Vnde memoratus Augustinus in memorato libro Quæstionum (scilicet super Genesim) de Ioseph scribit: & fecit luctum patri suo septem dies. Nescio vtrum inueniatur alicui Sanctorum in Scripturis celebratū esse luctum nouem dies, quod apud Latinos Nouendia appellant. Vnde mihi videntur ab hac consuetudine prohibendi si qui Christianorum istum in mortuis suis numerum seruant, qui magis est in gentilium consuetudine.

Io. Beleth citato cap. clx. Quod autem plerique, inquit, officium faciunt nouem dierū, licet ea consideratione hoc faciant, vt per huiusmodi officium illorum mortui à pœnis liberentur, ac nouem ordinibus Angelorum associantur, non tamen approbatur, sed omnino interdictur; quoniam ab Ethnicis sumptum esse videtur, qui Nono die cineres & busta suorum recondebant. Sicut enim non imitatur Iudæos in celebrando Pascha, ita etiam in hoc officio Ethnicos imitari planè prohibitum est.

Durandus in supracitato cap. xxxv. num. 7. dicit. Quidam autem faciunt Nouendiale, id est officium nouem dierum, ut per hoc officium, mortuorum animæ à penis liberentur, nouem Angelorum ordinibus associantur. Hoc autem à quibusdam non approbatur, ne Gentiles imitari videamur, à quibus hoc sumptum esse videtur, qui nouem diebus lugebant mortuos suos, & in Nono die cineres eorum pyramidibus vel in bustis recondebant.

De Nouendiali autem sacro apud Gentiles pro defunctis celebrato, nihil occurrat, nisi quod Titus Liuius, libro primo ab Vrbe condita, scribit, quod deuictis Sabinis, cum in magna gloria magnisque opibus regnum Tulli ac tota res Romana esset, nuntiatum Regi Patribusque est in monte Albano lapidibus pluuisse. Quod cum credi vix posset, missis ad id visendum prodigium, in conspectu haud aliter quam cum grandinem venti glomeratam in terras agunt, crebri cecidere caelo lapides, &c. Et paulo infra.

Romanis quoque ab eodem prodigio Nouendiale sacrum publicè susceptum est, seu voce cœlesti ex Albano monte missa: nam id quoque traditur, seu aruspicum monitu. Mansit certè solenne, ut quando id quidem prodigium nunciaretur, ferię per nouem dies agerentur.

Pace autem B. Augustini & doctorum Patrum, apud Christianos in sancta Romana Ecclesia antiqua consuetudo fuit, ut Nouendiale sacrum in obitu summi Romani Pontificis, & S. R. E. Cardinalium hoc modo celebraretur, scilicet ut per nouem dies exequi & Missę pro anima defuncti quotidie celebrarentur, ut apud Cæremonialem Romanum libro 1. tit. xv. cap. De morte & exequiis Reuerendissimorum Cardinalium, ibi, Praeficiantur aliqui, qui teneant computum cerę, & qui illam subministrant distributoribus, alij qui curent ut Missę verè & suo ordine legantur, & dent eleemosynam celebrantibus, ordinent qui Cardinalis primam & qui ultimam Missam sit celebraturus, qui Prælati intra Nouenam celebrent, & alie Missę legantur &c.

Et cap. De officio absolutionis circa Castrum doloris.

In prima & nona die, quę est vltima, in quibus fiunt eadem cæremonię, nisi quod in vltima non fit sermo. Conseruauerunt legi in Ecclesia vbi fiunt exequi centum quinquaginta Missę, & datur pro eleemosyna cuique celebranti vnus grossus Papalis, & duz paruz candelę. Alijs septem diebus intra Nouenam, dicuntur centum Missę quolibet die, & hora competenti cantatur Missa pro defunctis per aliquem Episcopum &c.

Finita Missa intra Nouenam, Prælatus qui celebrauit deponit planetam, & accipit pluuiale &c. & facit ut dictum est de Cardinalibus &c.

Item ibidem. In nona die fit omnino ut in prima, nisi quod non fit sermo. Cantatur Missa per Cardinalem, & per Cardinales fit absolutio apud Castrum doloris &c.

Et cap. seq. De ærotatione, morte & exequiis Romani Pontificis.

Interim parantur exequi, erigitur Castrum doloris cum lecto & alia fiunt, quę in exequiis Cardinalium supra notauimus, sed largius & abundantius familiares Papę, officiales Curię & Vrbs Officiales, si Romę sit, vestiuntur panno nigro, ut in libris Camerę Apostolicę plenius apparet, ad quos vos remittimus. Fiunt largę eleemosynę pro anima Pontificis Religiosis viris & mulieribus per Camerarium & Thesaurarium, & maxime si Camera est diues. In prima die exequiarum, legantur ducentę Missę cum eleemosyna. Missam solennem cantabit prior Episcoporum Cardinalium, fit sermo de laudibus Pontificis, & in fine fiunt absolutiones à senioribus, ut in exequiis Cardinalium scriptum est. Accenduntur hac die intortitia multa circumcirca in Ecclesia & candelę supra Castrum doloris, & idem fit in die nono. Missam tunc cantat Subprior Episcoporum Cardinalium. Intra Nouenam quotidie aliquis Cardinalium celebrat, incipiendo à Senioribus post Subpriorem Episcoporum, & legantur centum Missę. Intortitia circa Ecclesiam & candelę supra Castrum doloris non accenduntur: reliquę fiunt ut in primo & nono die. Distributio cerę

cerz fit quotidie Cardinalibus, Prælatiſ, familiæ, Curialibus, & alijs qui aderunt : & quotidie ſunt abſolutiones à Cardinalibus in fine Miſſæ circa Caſtrum doloris. Quotidie poſt Miſſam conueniunt Cardinales in loco congruo, conſulentes de rebus Eccleſiæ, & ordinantes Conclauē. Nona die poſt Miſſam de defunctis, cantatur Miſſa de Spiritu ſancto, & fit ſermo exhortatorius ad electionem Pontificis.

Quare licet Nonus dies non videatur in vſu apud Latinam Eccleſiam; nihilominus in ſancta Romana Eccleſia, quæ mater eſt omnium Eccleſiarum, fuit, & eſt in vſu in exequijs ſummi Romani Pontificis, & fuit etiam in exequijs S. R. E. Cardinalium per multa ſecula, etiam continuatis diebus per ipſos nouem dies, vt in Nouendiali priſcorum Romanorum. Veruntamen plurimis ab hinc annis propter multos labores, & græues expenſas & moleſtias, quæ fiebant & contingebant, exoleuit conſuetudo, vt in obitu eorundem S. R. E. Cardinalium huiusmodi Nouendiales exequiæ fierent: ſed retinetur & ad amuſſum ſeruatur hodie mos, eas ſic celebrandi in morte omnium Romanorum Pontificum.

De die Vigefimo.

Dies vigefimus ſimiliter eſt in obſeruatione pro defunctis. Honorius Papa III. in præcitata decretali, Ex parte. iij. dicit: Necnon de his quæ pro Annũſuario, ſeptimo, triceſimo, ac viceſimo faciendis à quocunque legantur &c.

Gregorius in decret. vltimæ de teſtam. (vbi quòd de his, quæ pro annũſuario, ſeptimo, viceſimo, triceſimo die, ſue alijs &c. legantur Eccleſijs vel reliquis pijs locis, canonica portio &c. deduci non debet.

De die Triceſimo.

Dies Triceſimus eſt maximè in vſu. Numer. xx. in fine dicitur, quòd in morte Aaron omnis multitudo filiorum Iſrael, videns occubiſſe Aaron, fleuit ſuper eo triginta diebus, per cunctas familias ſuas. Et Deuteron. xxxiiij. In morte Moyſi dicitur. Fleueruntq. filij Iſrael in campeſtribus Moab triginta diebus, & completi ſunt dies planctus lugentium Moyſen.

Meminit & S. Ambroſius in oratione De obitu Theodoſij, ibi: Quia alij tertium diem & triceſimum, alij ſeptimum & quadrageſimum obſeruare conſueuerunt &c. Et paulò poſt. Sic etiam in Deuteronomio ſcriptum eſt: Quia planxerunt filij Iſrael Moyſen diebus triginta, & conſummati ſunt dies Inctus. Vtraque ergo obſeruatio habet auctoritatem, qua neceſſarium pietatis impletur officium &c.

Et habetur apud Gratianum citato cap. Quia alij. xiiij. q. ij.

Concilium Nannetenſe, apud eundem vtrobiq. diſt. xliij. & de conſecrat. diſtinct. v. ibi, triceſimum.

Nullus preſbyterorum quando ad annũſarium diem, triceſimum, aut ſeptimum, vel tertium alicuius defuncti &c. conuenerit, ſe inebriare vllatenus præſumat.

Alcuinus de exequijs mortuorum & eorum commemoratione. De triceſima, inquit, die ſcriptum eſt in libro Numerorum: Omnis autem multitudo videns occubiſſe Aaron, fleuit ſuper eo triginta diebus; & Moyſen fleuerunt filij Iſrael in campeſtribus Moab triginta diebus, &c. Et in libro *Sapientiz, de tertio, ſeptimo, atque triceſimo die, filii in mortuum produc lacrymas. Et poſt pauca: Propter delaturam autem amarè ſer luctum illius. Et iterum: Fac luctum ſecundum meritum eius vno die vel duobus propter detractiōem.

Et idem Alcuinus præcitato tit. ſeq. & vltimo dicit: Cæterum de triceſima die in Dialogorum libris legimus B. Gregorium præcepiſſe diebus triginta continuiſ pro quodam Monacho nomine Iuſto, ſibiq. neceſſario medico, quem ipſe ob ſcelus rei peculiaris damnauerat, Miſſas & orationes percelebrari. Quibus expletis diuina, maniſtatum eſt reuelatione, communionem, Sanctorumq. ſocietatem recepiſſe. Hæc ergo ſalutiſera inoleuit conſuetudo, vt triceſima dies defunctorum deuotis

frequentetur officijs. Postumus etiam & hic auctoritatis aliquid adhibere: Nam Aaron primum Sacerdotem triginta diebus legitur fleuisse populus. Sunt qui dicant, hoc agi pro perfectione tricenarii, numeri: nam Dominus triginta annorum ætate baptizatus est: Et David triginta annorum regni suscepit gubernaculum. Primum etiam hominem in triginta annorum ætate creatum Doctores asserunt, & nostra corpora in mensuram ætatis plenitudinis Christi credimus & speramus resurrectione, multa, extant alia huius rei mysteria. Celebratur ergo tricesima, ut in anima incorruptionis renouetur iuuentus, & corpus quod in humilitate sepultum fuerat, resurgat in gloria configuratum corpori claritatis Christi.

Amalarius libro iij. cap. xliij. & ultimo.

In celebratione triginta dierum suffulti sumus Moyse & Aaron celebratione. Ita scriptum est in eodem libro capitulo xx, Omnis enim multitudo videns occubuisse Aaron, fleuit super eum triginta diebus per cunctas familias suas. Et iterum de Moyse in Deuteron. cap. xxxij. Fleueruntq. super eum filij Israel in campatribus, Moab triginta diebus &c.

Et infra. Deinceps vsque ad tricesimum &c. Triginta enim diebus completur mensis. Per mensem designatur curriculum præsentis vite, ut ex statu hunc facile dignoscitur &c. Sed quod agitur in tertia &c. quando studemus ut opera amicorum nostrorum sint plena coram Deo, triginta diebus pro eis sacrificamus. Non opinor ut aliquis velit dicere, quod non liceat nobis orare quotidie, & sacrificare Deo pro mortuis; sed quod agitur in tertia & septima & tricesima die, publice agitur, & generaliter ab omnibus amicis, ac conuenitur simul ad hoc in precibus Missarum atque elemosynis, & cæteris bonis studiis.

Et idem Amalarius libro iij. cap. xli. supracitato de Officijs mortuorum, dicit:

Habemus scriptum in quodam Sacramentario, quod Officia mortuorum agenda sunt circa tertiam diem, & septimam, & tricesimam. Quod non ita intelligo; quasi ille, qui tertia die agere vult officia mortuorum, debeat prætermittere priores duos dies sine supplicationibus; aut qui in septima die, sex superioribus debeat tenere in otio; aut qui in tricesima, viginti & nouem vacare otio: sed quod tertia die dicuntur celebrari officia mortuorum duobus modis possit, id est ut tertia die infra septem, septima infra triginta celebrius agantur circa officia mortuorum, quam in cæteris diebus: siue ut tertia die consummet illa, Simili modo dicimus de septima & tricesima. De his tribus terminis ponemus auctoritatem sanctarum scripturarum. Dicitur in libro *Sapientie de exequijs: Fili in mortuum producit lacrymas, & quasi dira passus incipe plorare, & secundum iudicium contege corpus illius, & non despicias sepulturam illius. Propter delaturam autem amare ser luctum illius vna die, & consolare propter tristitiam, & sac luctum secundum meritum illius vno die vel duobus propter detractionem &c.

Et infra. Tertia (scilicet celebratio pro defunctis) agit tricesimo die, quam nobis Aaron & Moyse in auctoritatem ducunt, de quo dictum est in scripture de Missa. Quoniam sic certamus pro nostris defunctis, quatenus possint participes fieri eorum, quos Christus reuocauit à claustris inferni, in ea commemoratione simili modo celebramus officia pro ipsis, quomodo celebrantur in illis diebus, quando Christus descendit ad inferna, & in quibus creditur mortuus, &c.

Io. Belet citato cap. clx. dicit de officio triginta dierum ex sacris scripturis ut supra in die septimo.

Et infra dicit. Ter decem triginta faciunt: per Ter intelligimus Trinitatem, per decem, Decalogum. Quare Tricenarium mortuis ideo facimus, ut quod in obseruatione decem præceptorum deliquerunt Dei misericordia eis condonetur.

Durandus in præcitato libro vij. & cap. xxv. num. 8. dicit:

Alij verò celebrari faciunt pro defunctis triginta dies, vel tricesimo die. Primò, quia filij Israel tot diebus fleuerunt Moyse & Aaron, ut præmissum est. Secundò, quia ter decem faciunt triginta: per ter enim Trinitatem, per decem Decalogum intelligimus.

ligimus. Terdenarium ergo pro mortuis facimus, ut quod in obseruatione Decalogi seu præceptorum Christi, & contra Trinitatem peccauerunt, eis Dei misericordia condonetur. Tertiò, quia numerus Lunæ xxx. diebus perficitur: ideò tricesima die, vel triginta diebus sit mortuis officium, ut opera eorum coram Deo plena esse intelligantur.

De die Quadragesimo.

Quadragesimus dies est in obseruantia pro mortuis, eo quòd Ioseph in exequiis Iacob patris sui præcepit seruis suis medicis, ut aromatibus condirent patrem: quibus iussa explentibus, transierunt quadraginta dies: iste quippe mos erat cadauerum conditorum: fleuitq. cum Aegyptus septuaginta diebus, Gen. 50. in princ. Et deinde duxerunt eum ad sepulturam trans Iordanem, ubi celebrantes eius exequias planctu magno atque vehementi impleuerunt septem dies, ut retuli supra de septimo die. Illi enim quadraginta dies apparatus funeris computantur in luctu.

S. Clemens libro viij. constituit citato cap. xlvij. Peragatur dies tertius & c. etiam quadragesimus secundum veterem formam.

Quocirca S. Ambrosius Episcopus Mediolanen. in oratione, quæ illi tribuitur in morte Theodosij Imperatoris, habita in celebritate quadragesimi diei obitus eius, Honorio Principe filio assistente, ita scribit:

Eius ergo Principis & proximè conelamauius obitum, & nunc quadragesimum celebramus, assistente sacris altaribus Honorio Principe, qui sicut sanctus Ioseph patri suo Iacob quadraginta diebus humationis officia detulit; ita & hic Theodosio patri iusta persoluit. Et quia alij tertium diem & tricesimum; alij septimum & quadragesimum obseruare consueuerunt, quid doceat lectio consideremus. Defuncto, inquit, Iacob, præcepit Ioseph pueri sepulcoribus, ut sepelirent eum. Et sepelierunt sepulchros Israel, & repleti sunt ei quadraginta dies: sic enim dinumerantur dies sepulturæ. Et luxit eum Aegyptus septuaginta diebus. Hæc ergo sequenda solennitas, quam præscribit lectio. Sed & in Deuteronomio scriptum est: Quia planxerunt filij Israel Moysen diebus triginta, & consummati sunt dies luctus. Vtraque ergo obseruatio habet auctoritatem, qua necessarium impletur pietatis officium. Bonus itaque Ioseph, qui formam pio muneri dedit, quem amabat pater, cuique dixit: Adiuuet te Deus meus, & benedicat te benedictione terræ habentis omnia propter benedictionem mammillarum & vularum benedictiones matris tuæ, & propter benedictionem patris tui. Pij patris soboles bona.

Celebrat ergo & iste quadragesimam patris Iacob, supplantatoris illius, & nos celebramus Theodosij Quadragesimam, qui imitatus Iacob supplantauit perfidiam Tyrannorum, qui abscondit simulachra Gentium. Omnes enim cultus idolorum fides eius abscondit, omnes eorum caeremonias obliterauit. Hæc is.

Et ex eo Gratianus xiiij. q. ij. Quia alij ibi, Quia alij tertium diem, alij tricesimum, alij septimum, alij quadragesimum obseruare consueuerunt, vsque ad verba, necessarium impletur pietatis officium.

Quadragesimi etiam diei meminit sanctus Clemens libro viij. Constitutionum Apostolicarum cap. xlvij.

Peragatur, inquit, dies tertius mortuorum in Psalmis, in Lectionibus, atque Orationibus, propter eum, qui tertia die resurrexit.

Item Nonus, in commemorationem superstitum atque defunctorum: etiam Quadragesimus secundum veterem formam, ut etiam memorauimus supra de die tertia & nona.

S. Ioannes Damascenus in oratione pro fidelibus defunctis itidem testatur, dum semel & iterum meminit de diebus tertijs & nonis & quadragesimis, ut dictum est supra de die tertio & nono.

Triodion insuper Græcorum in Sabbato Sexagesimæ idem habet in fine, Quod cum

cor hominis quadragesimo die tandem corrumpatur, quadragesimo etiam die sit commemoratio pro defunctis &c. vt retuli supra de die tertio.

Io. Beletch supracitato cap. clx. in fine, dicit: Quadragesimum verò ideo quidam faciunt, vt illis qui decesserunt, & transgressi sunt in decem præceptis, & in doctrina quatuor Euangelistarum condonetur. Et

Durandus citato cap. xxxv. dicit: Quidam quoque quaterdecies celebrant siue Quadragesimum faciunt: vt quod illi in doctrina quatuor Euangeliorum, & in decem præceptis legis peccauerunt, sibi condonetur.

Rursus, qui diem quadragesimum seruant, representant Dominicam sepulchram, optantes mortuos gloriam habere cum Christo, qui quadraginta horis iacuit in sepulchro, computata hora in qua emisit spiritum, & vltima hora noctis Dominicæ, in qua resurrexit, secundum Augustinum. Representat etiam, quoddam, vt præmissum est, mortuo Iacob filij eius luxerunt quadraginta diebus.

Sed apud Ecclesiam Latinam non habetur hoc officium in Missalibus, nec in Pontificalibus, nec in alijs Codicibus Ecclesiasticis, vt annotauit Scholasticus in cap. Quia alij. xiiij. q. ij.

De die Quinquagesimo.

Dies Quinquagesimus videtur celebris pro mortuis apud quosdam.

Io. Beletch de diuinis officijs dicto cap. clx. dicit:

Sunt præterea nonnulli qui Quinquagesimum faciunt, & alij qui Quadragesimum: sed hi vtrique facis cum ratione facere videntur. Qui enim Quinquagesimum faciunt, ab Abrahamo occasionem sumere videntur, qui ex Domino, volente Sodomam subuertere, quæsiuit, num si quinquaginta in ea essent iusti, illi parceret. Nam & quinquagenarius numerus perfectus est, & significat annum iubileum, idest octauam ætatem, in qua erit remissio & plena libertas. Vt ergo animæ mortuorum plenam libertatem & suorum peccatorum remissionem adipiscantur, quinquaginta diebus pro illis à quibusdam celebratur officium. Quadragesimum verò ideo quidam faciunt &c. vt supra.

Gulielmus Durandus dicto cap. xxxv. num. 11. Alij, inquit, quinquagesimum faciunt; quoniam sicut Beda & Gregorius dicunt in glossa super locum illum, vbi habetur, quod Abraham quæsiuit à Domino volente subuertere Sodomam, si quinquaginta fuerint ibi iusti, nunquid destrues eos? Et respondit Dominus, non. Quinquagenarius numerus perfectus est, & significat annum iubileum, idest octauam ætatem, in qua erit remissio & plena libertas. Vt ergo animæ defunctorum plenariam libertatem & peccatorum suorum remissionem adipiscantur, quinquaginta diebus pro illis celebrant officium. Præterea dicitur in Marco, vnum granum afferebat triginta, & vnum quinquaginta.

De die Sexagesimo.

Sexagesimus dies ponitur ab aliquibus, fortasse quia est duplex tricesimus: Vel iuxta Durandum citato libro vij. cap. xxxv. num. 12. quod alij sexagenarium, scilicet faciunt, pro eo quia sexagesima significat mœrorem Ecclesiæ propter absentiam sponsi: & ei in consolationem dux alæ dantur, vt dictum est in sexta parte sub Dominica Quadragesimæ. Sic & hic representant mœrorem propter absentiam defuncti sui: in quorum consolationem & animæ defuncti expiationem sacrificium Domino offertur, & pauperibus elemosynæ largiuntur.

De die Septuagesimo.

Dies Septuagesimus auctoritatem habet à sacra Scriptura, quia Genesis 50. in principio dicitur: Fleuitq. eum, scilicet Iacob, Aegyptus lxx. diebus.

Quare S. Augustinus in libris Quaestionum in vetus Testamentum libro primo ad finem, siue cap. clx. xij. loquens de septenario numero, dicit: Quem tamen numerum in luctu Iacob decuplauerunt Aegyptij, qui eum lxx. diebus luxerunt.

Et S. Ambrosius in oratione de obitu Theodosij, refert idem: Et luxit eum Aegyptus lxx. diebus.

Et potest esse sacer, eo quòd constet ex tricesimo & quadagesimo, qui in magna sunt obseruatione.

De die Octogesimo.

Octogesimus dies poni potest in obseruatione pro defunctis, quia constat ex quinquagesimo & tricesimo, qui sunt in veneratione pro defunctis, vel quia est duplex quadagesimus, vt supra de eisdem.

De die Nonagesimo.

Nonagesimus dies, potest obseruari pro defunctis, cum constet ex tribus tricesimis, qui in magna sunt veneratione, vt supra de die tricesimo.

De die Centesimo.

Centesimus dies ab aliquibus in obseruatione ponitur, auctore Gulielmo Durando libro septimo supracitato cap. xxxv. num. 13. vbi refert nonnullos etiam celebrare centesimum diem, vt mortui transcant à laeu in dexteram, à militia in triumphum, à terra in cœlum, à miseria in gloriam, à morte in vitam. Optant enim illis æternam beatitudinem, quæ per centenarium, vltra quem non est numerus, designatur.

Ex quibus omnibus patet, quemlibet numerum rednci posse ad obseruantiam pro fidelibus defunctis, vt nobis perpetua detur occasio semper deprecandi pro eis.

De Anniuersaria die pro defuncto.

Anniuersaria depositionis dies pro fidelis cuiusque defuncti commemoratione in antiqua semper obseruatione fuit.

S. Clemens libro viii. supracitato cap. xlviii. ibi: Necnon Anniuersarium pro memoria ipsius, deturq. de illius facultatibus pauperibus in commemorationem ipsius.

Tertullianus in libro de exhortatione castitatis in editione Iacobi Pamelij cap. xj. ibi: Et iam repete apud Deum, pro cuius spiritu postules, pro qua oblationes annuas reddas.

Idem in libro de Monogamia in eadem editione cap. x. Enimuerò & pro anima eius (scilicet viri defuncti) orat, & refrigerium interim adpostulat ei, & in prima resurrectione confortium, & offert annuis diebus dormitionis eius &c.

S. Gregorius Nazianzenus in oratione habita in funere Cæsarij fratris.

Atque alia quidem persoluimus, alia verò daturi sumus, anniuersarios honores & côm memoraciones offerentes illi quidem qui superstites relinquuntur. At tu diuinum & sacrosanctum caput, vtinam cœlos penetres, atque in Abraham sinu, quicumque tandem ille est, conuiscas: & Angelorum choream inspices, & beatorum virorum gloriam atque splendorem, vel potiùs vnâ tripudies & exultes &c.

S. Ioannes Damascenus in oratione pro fidelibus defunctis, post princ. qui eadem verba Gregorij Theologi in eadem oratione, quam in Cæsarij fratris funere habuit, citat, inter alia sæpius meminit, primò videlicet:

Ac quædam iam perfoluimus, quædam rursus perfoluemus, anniuersarios nimirum honores ac commemorationes offerentes. Cernisne ut præclara & pia ea munera esse afferat, quæ eorum, qui vita functi sunt nomine Deo offeruntur? anniuersariasq. commemorationes ab eo lubenter admitti? Et infra.

Neque enim alioqui ansam hanc nobis porrexisset, ut eorum, qui è vita migrassent in ingruento sacrificio meminissimus, neque ut tertio & nono, & quadragesimo die, ac denique anno vertente in eorum memoriam sacra obiremus. Quæ quidem &c. ut supra de tertio die.

Et iterum infra.

Nam & diuinarum rerum præcones Apostoli & sacri magistri & Spiritu sancto inspirati patres, ac numine diuino quantum fas est correpti, potentiaq. ipsius, quæ hominem extra se rapit, participes effecti, diuino ore, uti Deo gratum erat, ista omnia, hoc est Missas & Preces, & cantus, anniuersariasq. eorum, qui morte præcepti sunt commemorationes instituerunt atque sanxerunt. Quæ quidem ad hunc vsque diem benigni Dei gratia ab ortu solis vsque ad Occasum & Septemtrionem ac Meridiem, in Domini Dei, qui regum in Reges imperium obtinet, laudem atque gloriam augentur, ac nouis subinde accessionibus amplificuntur &c.

Et inferius idem B. Damascenus.

Etenim quæ tandem necessitas homines animi imbecillitate præditos adducet, ut excitentur, atque istud munus expleant, nisi compertissimum habeant fore, ut de propinquis atque amicis suis bene mereantur? Quin pauperum quoque portiones in testamentis ascribi desinent, simulq. etiam & Missæ pro mortuis & hymnorum ac Psalmorum cantus finem habituri sunt, & Quadragesima cum Tertijs & Nonis, & Anniuersariæ commemorationes & caremoniz, quæ quidem à magistris haud frustra inuentæ, ac moribus receptæ sunt. Absit autem ut quicquam horum vllò modo vel sentiamus vel suscipiamus &c.

Leontius Episcopus Neapoleos Palæstinæ in vita S. Ioannis Eleemofynarij in fine, memorat de anniuersarijs officijs beati Tychonis, dum dicit:

Quod autem est maximum & caret omni dubitatione: celebrabantur anniuersaria, magni & admirabilium operum effectoris Tychonis. Deinde cum perageretur de more hymnodia, & simul esset congregata populi multitudo, Deus admirabilium, volens apertum reddere, quātam fuerit apud eum gloriam consecutus is, qui fuerat eius benignitatis, quoad eius fieri poterat, æmulator Ioannes, inquam, qui cognomen accepit à misericordia; voluit ut ex eius diuinis reliquijs copiosa scatuerent vnguenta emittentia sua uolentem odorem curationum &c.

Patres Concilij Nannetensis cap. x.

Nullus presbyterorum, quando ad anniuersarium diem, tricesimum &c. presbyteri conuenerit, se inebriare vllatenus præsumat &c.

Cap. Nullus presbyterorum, dist. xliij. & de consecr. dist. v.

Alcuinus de diuinis officijs, citato tit. De exequijs mortuorum.

In Kalendis etiam seu diebus anniuersarijs per nouem Psalmos & Responsorialia, seu Lectiones simili modo officia perfoluntur; & ideo iuxta Augustinum non prætermittendæ supplicationes pro spiritibus mortuorum, quas faciendas pro omnibus Christianis &c.

Et infra. At hi, qui per nouenarium numerum, scilicet Psalmorum, sicuti est in Kalendarum diebus seu anniuersariorum recolunt, figurant illa officia nocturnalialia, quæ in passione Domini ritè celebrantur. Anniuersaria dies iterum repetitur defunctorum, quoniam nescimus, qualiter eorum causa habeatur in alia vita.

Amalarius libro iij. cap. xliij. & vlt.

Anniuersaria dies ideo repetitur pro defunctis, quoniam nescimus qualiter eorum causa habeatur in alia vita. Sicut Sanctorum anniuersaria dies in eorum honorem ad memoriam nobis reducit super utilitate nostra; ita defunctorum ad utilitatem illorum, & nostram deuotionem implendam, credendo eos aliquando venturos ad confor-

confortium Sanctorum . Alioquin omni tempore bonum est orare , pro defunctis , etiam si dies nesciatur defuncti per obliuionem seu per ignorantiam , vel prætermittatur propter occupationem aliquam terrenam : agatur tamen eorum solennitas iuxta decretum deuotissimarum mentium , credo apud eum , apud quem non est uisitudinis obumbratio , acceptam esse quasi anniuerfaria sit .

Meminerunt etiam Anniuerfariæ diei Honorius III. in decretali , Cum inter vos . de verb. signific. ibi , quæ offeruntur pro Missis mortuorum Sacerdotibus , & quæ pro seipsum & tricesimis & anniuerfarijs , panes &c.

Et in decretali , Ex parte . iij. eodem tit. ibi , Nec de his , quæ pro anniuerfario , septimo , tricesimo , ac vigesimo faciendis &c. aliqua deberet solui portio Ecclesiæ Cathedrali .

Et Gregorius IX. in decretali vltima de testam. ibi , de his quæ &c. pro Anniuerfario , septimo , vigesimo , tricesimo die , siue alijs &c. canonica portio &c. deduci non debet .

Durandus præcitato cap. xxxv.

Quidam verò , inquit , Anniuerfarium obseruant triplici de causa . Primò , vt defuncti de annis calamitatis perueniant ad annos æternitatis , siue ad vitam æternam , quæ sine fine est : & quasi annus in se reuoluitur : vel quia ibi est identitas , & nulla reperitur varietas . Secundo , quia sicut Sanctorum anniuerfarium ad ipsorum honorem & nostram vtilitatem celebramus , prout dictum est in proœmio huius partis , sic & anniuerfarium defunctorum ad ipsorum vtilitatem & nostram deuotionem . Tertiò , dies anniuerfarij pro defunctis ideo repetitur , quoniam secundum Augustinum , qualiter sit eis in alia vita nescimus ; & melius est vt eis supersit beneficium nostrum , quàm desit , xliij. q. ij. Non æstimemus . Anniuerfarium autem , si contigerit in die Dominica , vel in aliqua celebrari solennitate , non debet mutari ad sequentem diem , prout fit in festis Sanctorum : sed fiat in die præcedenti , vt citius occurratur pœnis defunctorum , quas in Purgatorio sustinent . defuncti enim nostro indigent auxilio & beneficio , sed non sancti .

De Anniuerfario non celebrando in die festiuo .

Idem Durandus subdit num. 17.

Die quidem festiuo Anniuerfarium celebrari non debet , nec Missa pro defunctis dici , nisi corpus præfens fuerit : tunc sic , quia omni tempore potest Missa pro defunctis celebrari , cadauere præfente , vt supra pag. 412.

De omnibus diebus , & quotidie .

Quamuis autem prædicti dies in obseruatione assignentur pro officijs mortuorum , non tamen propterea excluduntur alij dies , quibus pro fidelibus defunctis orationes & officia mortuorum fiant , & Missæ celebrentur . Nam & quotidie & quocunque ac frequentissimè fieri & celebrari possunt pro pietate suorum propinquorum & amicorum .

Hinc est quòd Amalarius libro iij. De Ecclesiasticis officijs cap. xliij. & vlt. De Missa , pro mortuis , loquens de tertio die , & septimo , & tricesimo , dicit .

Non opinor vt aliquis velit dicere , quòd non liceat nobis orare quotidie & sacrificare Deo pro mortuis . Sed quod agitur in tertia , & septima , & tricesima die publicè agitur & generaliter ab omnibus amicis , ac conuenitur ad hoc in precibus Missarum , atque elemosynis & ceteris bonis studijs .

Et subdit ex historia Anglorum exemplum Presbyteri opinantis de fratre suo captiuo , quòd mortuus esset in prælio , quòd non expectauit tertium diem , neque septimum , neque tricesimum : sed frequentissimè celebravit pro eo Missas , & tempore Missæ quotidie illius vincula soluebantur &c. vt etiam ex eo referetur de suffragijs pro defunctis .

Et eodem cap. xliij. in fine, dicit.

Alioquin omni tempore bonum est orare pro defunctis &c. vt supra pag. 471.

Acidem Amalarius seq. libro iij. supracitato cap. xlij. De officijs mortuorum identidem ita scribit.

Habemus scriptum in quodam Sacramentario, quod officia mortuorum agenda sunt circa tertium diem, & septimam, & tricesimam. Quod non ita intelligo quasi ille, qui tertia die agere vult officia mortuorum, debeat prætermittere priores duos dies sine supplicationibus; aut qui in septima die, sex superioribus debeat tenere in otio; aut qui in tricesima viginti & nouem vacare otio: sed quod tertia dicuntur celebrari officia mortuorum, duobus modis possit, id est, vt tertia die infra septem, septima infra triginta celebrius agantur circa officia mortuorum, quam in cæteris diebus, siue vt tertia die consummet illa. Simili modo dicimus de septima & tricesima.

Et infra. Sunt etiam loca, in quibus generaliter pro omnibus defunctis omni tempore, excepto Pentecostes & festis diebus, in officio vespertinali & matutinali oratur. Sunt & alia, in quibus Missa pro iisdem quotidie celebratur: Sunt etiam & alia in quibus in initio mensis nouem Psalmi & nouem Lectiones, totidemq. responsorij pro eis cantantur. Quid hoc valeat, Augustinus in libro ad Paulinum, De curatione pro mortuis, monstrat. Non sunt, inquit, prætermittendæ supplicationes pro spiritibus mortuorum, quas faciendas pro omnibus in Christiana societate defunctis, etiam tacitis nominibus eorum, sub generali commemoratione suscepit Ecclesia, vt quibus in ista vita defunt parentes, aut filij, aut qualescunque cognati vel amici, ab vna eis exhibeatur matre communi. Si autem deessent istæ supplicationes, quæ sunt recta & pia fide pro mortuis, puto quod nihil proderet spiritibus eorum, si quamlibet locis sanctis exanima corpora ponerentur.

Quocirca Durandus libro vij. citato cap. xxxv. nu. xvij. dicit.

Licet autem secundum Cabillonensem Concilium de consecrat. dist. 1. Visum quotidie sit pro defunctis orandum & sacrificandum: in præmissis tamen diebus hoc specialiter agitur ab amicis. Siquidem aliqui omni tempore, festiuis diebus dumtaxat exceptis, generaliter orant pro defunctis in officio vespertinali & matutinali: alij Missam pro eis quotidie celebrant: alij in mensis initio nouem Psalmos, nouem Lectiones, & nouem Responsorja cantant. Et quidem sancta & salubris est cogitatio pro defunctis exorare, vt à peccatis soluantur.

In quibusdam etiam locis non dicitur in Ecclesia officium mortuorum à quinta feria Cænæ Domini, vsque ad octauas Pentecostes, dicentes quod omnia officia illius temporis debent esse breuia, nec in Dominicis diebus. Legitur autem, quod quidam Abbas prohibuit Monachos celebrare Dominicis diebus pro defunctis: sed mortui propter hoc durissimis verberibus eum afflixerunt; & ideo prohibitionem huiusmodi reuocauit.

De suffragijs, & inter illa de perpetuo usu salutari sacrificij pro defunctis.



Achabeorum libro secundo cap. xij. At verò fortissimus Iudas hortabatur populum conseruare se sine peccato, sub oculis videntis quæ facta sunt pro peccatis eorum, qui prostrati sunt. Et facta collatione duodecim millia drachmas argenti misit Hierosolymam, offerri pro peccatis mortuorum sacrificium: bene & religiose de resurrectione cogitans (nisi enim eos qui ceciderant resurrecturos speraret, futurum videretur, & vanum orare pro mortuis) & quia considerabat, quòd hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio, pro defunctis exorare, vt à peccatis soluantur. Canon Missæ in Missali Romano post consecrationem panis & vini.

Commemoratio pro defunctis.

Memento etiam Domine famulorum famularumq. tuarum N. & N. qui nos præcesserunt cum signo fidei, & dormiunt in somno pacis. Iungit manus, orat aliquantulum pro his defunctis, pro quibus orare intendit: deinde extensis manibus prosequitur. Ipsi Domine, & omnibus in Christo quiescentibus locum refrigerij, lucis & pacis, vt indulgeas deprecamur. Per eundem Christum Dominum nostrum. Amen.

S. Dionysius de Ecclesiastica hierarchia cap. vij. De his, quæ in quiescentibus fiunt, vbi parte iij. agit de mysterio super his, qui sanctè quieuerunt.

Coacto sancto coetu venerandus Antistes, siquidem sacerdotalis ordinis fuerat, qui obdormiuit, ante sanctum altare inclinans eum, orationem ad Deum inchoat & gratiarum actionem. Si autem aut honestissimis Monachis, aut sanctæ plebi insertus erat, ad venerandum Sacrarium ipsum ante Sacerdotum reclinat ingressum: deinde Precem cum gratiarum actione peragit Præsul. Deinceps verò ministri diuinis inserta eloquijs vestissima de nostra resurrectione promissa recitantes: consentaneum tandem valentia canunt Psalmorum cantica. Deinde ministrorum primus dimittit Catechumenos, sanctosq. iam defunctos concelebrat, cum quibus & nuper vita functum pari laudatione prosequitur: hortaturq. omnes, vt sibi ipsis identidem postulent beatam in Christo consummationem. Postea accedens venerabilis Præsul precem super eo sacratissimam peragit, & post orationem, ipse quoque Pontifex defunctum salutatur, & post illum, qui assistant omnes. Vbi verò cuncti consalutauerunt, super defuncto fundit oleum Pontifex, & oratione pro omnibus facta, honesto in loco ponit corpus cum æqualibus alijs corporibus sanctis.

Et prosequitur parte iij. eiusdem capituli septimi, vbi etiam sic habet.

Huius diuinæ iustitiæ causa Præsul gratias agens, orationem sacram peragit, venerandamq. diuinitatem laudibus celebrat, qua destructum est iniquum, & violentum, contra nos omnes imperium, nosq. ad sua iustissima iudicia translati sumus.

Porro diuinarum promissionum cantica, & Lektionen explicant quidem beatissimam requiem, ad quam subuehuntur sempiternè, qui sanctè consummati sunt, suscipiunt verò & amplectuntur vita functum, viuentesq. prætereà ad consummationem similem prouocant.

Inspicie autem, vt nunc non omnes, vt solitum est, purgandi ordines dimittuntur, soliq. Catechumeni sacris arcantur locis. Est enim hic ordo sancti omnis mysterij penitus rudis, neque sibi fas est quicquam aut paruum aut magnum ex his, quæ sacratius consummantur inspicere: quippe qui necdum eius virtutis est particeps, quæ assurgit ad contuenda diuina ex sacra lucis indultrice generatione proueniens: reliqui verò purgandorum ordines sacram quidem traditionem iam fermè didicerunt &c.

Et ibidem.

Accedens deinde venerandus Antistes precem sacram super mortuum peragit: postquam

quam prece[m], & ipse eum Præsul salut[ur], & suo deinceps ordine, q[ui] astant omnes. Precatur oratio illa diuinam clementiam, vt cuncta dimittat per infirmitatem humanam admissa peccata defuncto, eumq[ue] in luce statuat, & regione viuorum: vt in sinibus Abrahæ, Isac, & Iacob, in loco, vnde aufugit dolor & tristitia, & gemitus &c. Item paulo infra.

a. Cor. 5. 3

Non ignoro quidem, & ego diuinis eloquijs accedens, singulis reddendam pro meritis sortem: concludit enim Dominus inquit apud se, & referet vnusquisque ea, quæ per corpus gessit siue bonum, siue malum. Quod autem & iustorum preces etiam in vita ista, & ne dum post mortem ijs solis prosint, qui digni sunt, Scripturæ nos edocet sacrosanctæ traditio. Quid enim Sauli profuit Samuelis oratio? quid Hebræorum iuuit plebem Prophetica interpellatio? Nam profectò idem sit, ac si quis solis radios sanis largiente oculis, sibi oculos eruens, solaris luminis particeps fieri postulet. Sic impossibile superflua spe ille suspensus est, qui Sanctorum flagitat preces, & naturæ ipsorum consentaneas sacras operationes abigit, diuinis nequaquam intendendo muneribus, & à sanctissimis beneficijsq[ue] recedendo mandatis. Itaque Scripturæ sacræ acquiescens, vtilis esse in hac vita dixerim Sanctorum preces, hoc modo scilicet. Si qui Sanctorum &c.

Et infra.

Quænam verò de huiusmodi prece, quam super defuncto peragit Præsul, ex diuinis ducibus nostris traditio peruenit ad nos, operæpretium est, vt dicamus. Venerandus Antistes, vt scriptura ait, interpret est iudiciorum diuinorum: Angelus enim Domini omnipotentis Dei est. Didicit igitur de scripturis diuinitus traditis, vt ijs, qui piè vixerunt, lucidissima diuinæq[ue] vita promerito ab æquissimis laucibus redditur, non recordante diuina bonitate per summam clementiam maculas, quæ illis ex humana infirmitate adhæserunt: nullus enim, inquit, est mundus à labe. Ista quidè &c.

Et infra.

Sed iam ad consequentia dictæ orationis redeamus. Ea peracta Pontifex, & ipse salutatur defunctum, & deinceps, qui astant omnes: est enim iucundus atque honorabilis omnibus diuinæ imaginis æmulis is, qui in sancta consummatus est vita.

Exacta salutatione, defuncto infundit oleum Pontifex: memento autem vt in prima sancta regeneratione ante sacrum baptisma, prima sancti Symboli participatio traditur initiando, post priorem omnem abiectam vestem, sancti Chrismatis oleum, & nunc in fine omnium defuncto itidem infunditur oleum. Atqui tunc quidem olei vnctio baptizandum euocabat ad sacra certamina: nunc autem infusum oleum signat eum, qui defunctus est, eadem sacra exegisse certamina, sicq[ue] fuisse consummatum.

Peractis his Pontifex condit in loculo dignissimo corpus cum alijs sui ordinis corporibus sacris. Si enim in anima & corpore vitam sanctam, qui defunctus est duxit, honorabile erit cum sancta anima, & quod sacris sudoribus cū illa decertauit corpus. Hinc diuina iustitia cum suo corpore digna illi largitur præmia, vt comiti atque consorti diuinæ, siue contrariæ vitæ. Idcirco, & Sanctorum sacra functio diuinæ participationes largitur vtrique animæ quidem in speculatione purissima & veræ eorum, quæ geruntur, scientia: corpori verò per sacratissimum (vt in imagine loquamur) vnguentum, & per diuinæ communionis augustissima signa totum sanctificans hominem, integramq[ue] ipsius salutem operans, atque vniuersalibus lustrationibus exactissimam eius resurrectionem fore denuntians &c.

S. Clemens libro viij. Constitutionum Apostolorum de Liturgiæ mysterijs agens, post mysticam orationem cap. xviij.

Et Diaconus iterum pronuntiet.

Et sequitur cap. xix.

Etiā rogemus Deum per Christum suum. Pro dono oblato Domino Deo, oremus. Vt bonus Deus suscipiat illud, intercedente Christo ip[s]us in celeste altare suū in odorem suauitatis. Pro hac Ecclesia & pro populo rogemus: pro omni Episcopatu, pro omni Presbyterio, pro omni in Christo Diaconia, & ministerio, pro vniuerso Eccle-

Ecclēsia cōtū rogemus, vt Dōminūs omnes conseruet, atque custodiat. Pro Regibus, & pro ijs, qui sunt in sublimitate constituti, oremus, vt in pace per ipsos viuamus, vt quietam, & tranquillam vitam agamus in omni pietate ac sanctitate: Sanctorum Martyrum memoriam colamus, vt digni efficiamur certaminis ipsorum. Pro ijs, qui in fide quiescunt, oremus. Pro salubritate aeris & fructuum maturitate rogemus. Pro nuper illuminatis oremus, vt omnes in fide cōfidentur. Excita nos Deus in gratia tua. Excitati nos ipsos Deo per Christum eius commendemus.

Et sequitur cap. xx. Et eodem libro viij. cap. xlvij. Allocutio pro defunctis.

Deijs autem, qui quiescunt in Christo, postquam Diaconus absoluit orationem, ne idem repetamus, hæc addet: Pro quiescentibus in Christo fratres nostri rogemus, vt benignus Deus, qui ipsius animam suscepit, dimittat ei omne delictum voluntarium, & inuoluntarium. Et propitius illi factus, collocet eum in regione piorum & beatorum in sinu Abraham, Isaac, & Iacob cum omnibus, qui à seculo placuerunt illi, & fecerunt voluntatem ipsius, vnde abest dolor, tristitia & suspirium.

Excitemus nos, & inuicem commendemus nos æterno Deo per verbum, quod erat in principio.

Episcopus dicat.

Qui immortalis natura es, & nullo fine terminaris, à quo omne immortale, & caducum prodijt: qui rationale animal hominem mundi ciuem, mortale in sua constitutione fecisti, & promissisti ei resurrectionem: qui Enoch & Eliam mortem experiri non permisisti, Deus Abraham, Deus Isaac, Deus Iacob, non mortuorum, sed viuentium Deus, quoniam omnium animæ apud te viuunt, & iustorum spiritus in manu tua sunt, quos non attinget tormentum: omnes enim sanctificati sub tua manu sunt. Ipse quoque nunc respice super hunc seruum tuum, quem recepisti in alteram vitam, & condona ei, si quid volens, vel inuitus deliquit: & Angelos placidos constitue ei, & colloca eum in sinu Patriarcharum, Prophetarum, & Apostolorum, & omnium, qui tibi à seculo placuerunt, vbi non est tristitia, dolor, neque horror: sed cœtus piorum & lætantium, & terra rectorum beata, videntium gloriam Christi tui, per quem tibi gloria, honor, cultus, gratiarum actio, & adoratio in sancto Spiritu in secula. Amen.

Et Diaconus dicat: Inclinamini & benedictionem accipite.

Et Episcopus agat gratias pro eis, ijs verbis.

Salua Domine populum tuum, & benedic hæreditati tuæ, quam redemisti pretioso sanguine Christi tui. Pasce illos in dextera tua, & tege illos alis tuis, & da eis bonum certamen certare, cursum consummare, fidem seruare constanter, & laudabiliter. Per Dominum nostrum Iesum Christum dilectum puerum tuum, per quem tibi gloria, honor, & cultus in sancto Spiritu in secula. Amen.

Item in epistola prima ad Iacobum fratrem Domini.

Instruebat (scilicet sanctus Petrus) actus suæ vitæ omni hora custodire, &c.

Et infra. Multum loqui non amare, sed custodire labia sua, ne dolum aut malum loquantur, diem iudicii timere, gehennam expauescere, vitam æternam omni concupiscentia desiderare, non occidere, non adulterare, non furtum facere, non rem proximi concupiscere, non falsum testimonium dicere, sed omnes homines honorare, corpus custodire, vanas, & caducas non amplecti delicias, ieiunium, & vigilias sanctas amare, pauperes recreare, nudos vestire, infirmos visitare, sitientes potare, mortuos sepelire, & diligenter eorum exequias peragere, pro eisq. orare, & elemosinas dare, &c.

In Liturgia, siue Missa sancti Iacobi Apostoli in propositione panum sanctificandorum Diaconus in deprecatione inter alia dicit:

Pro omnibus patribus & fratribus nostris presentibus & nobiscum orantibus in hac sancta hora, & omni tempore, vt studiosi, laboriosi, alacres ac diligentes sint. Dominum oremus.

Pro omni anima Christiana afflicta, & vexata, misericordiz & auxilij Dei indigente, & vt errantes reuertantur, & redeant ad pietatem, vt infirmi conualecant, captiui liberentur, patresq. ac fratres nostri, qui ante obierunt, in pace requiescant, Dominum oremus.

Vt oratio nostra exaudiatur, & accepta sit coram Deo, & vt mittat nobis largam misericordiam, & commiserationem suam, Dominum oremus.

Et infra post consecrationem & ante fractionem panis.

Diaconus.

Pro remissione peccatorum nostrorum & propitiatione animarum nostrarum, & pro omni anima afflicta & vexata, misericordiz & auxilij Dei indigente, & conuersione errantium, curatione infirmorum, liberatione captiuorum, requie patrum & fratrum nostrorum, qui ante nos dormierunt; dicamus omnes extensa voce, Domine miserere.

Pop. Domine miserere, duodecies.

In Missa seu Liturgia S. Basilij post oblationem.

Iterum secretè.

Sancti Ioannis præcuroris & Baptiste, sancti N. illius, cuius memoriam facimus, & omnium Sanctorum tuorum, quorum postulationibus visita nos Deus. Et memento omnium dormientium in spe resurrectionis vitæ æternæ, & refrigera eos, vbi visitat lux vultus tui.

In Missa sancti Ioannis Chrysostomi.

Et pro dormientibus in Christo.

Memento Domine, vt bonus, seruorum tuorum, & quæcunque in vita deliquerunt ignosce: nemo enim sine peccato, nisi tu Domine, qui potes migratibus dare quietem. Et infra post consecrationem.

Sacerdos.

Vt fiat communicantibus in emundationem animæ, in remissionem peccatorum, in communicationem sancti Spiritus, in regni cælorum plenitudinem, in fiduciam ad te, non in iudicium, neque in condemnationem. Adhuc offerimus tibi rationabile hoc obsequium pro fideliter dormientibus, pro patribus, & proauis nostris, interuenientibus Patriarchis, Prophetis, Apostolis, Martyribus, Confessoribus, & omnibus Sanctis.

Et paulò post. Diaconus interea suggerit, vt pro defunctis fiat oratio.

Sacerdos.

S. Ioannis Baptiste Prophetæ, & Præcuroris, Sanctorum, & nominatissimorum Apostolorum, & Sancti huius, cuius memoriam agimus, & omnium Sanctorum supplicationibus visita nos Deus, & memor esto omnium in Domino dormientium in spe resurrectionis vitæ æternæ, ac requiem præsta eis, vbi lumen vultus tui superintendit: & adhuc precamur te &c.

In Missa, qua Aethiopes communiter vtuntur, quæ etiam canon vniuersaliter appellatur, ex lingua Aethiopica in Latinam conuersa, impressa Romæ apud Antonium Bladum M. D. XLIX. mense Aprilis, paulò post princip. & commemorationem viuorum dicitur:

Memento Domine omnium dormientium & quiescentium in fide Christi, colloca animas eorum in sinu Abraham, Isaac, & Iacob, & libera nos &c.

Et deinde in oratione sacræ oblationis Coadiutor Sacerdotis dicit:

Memento Domine dormientium, Principum, Pontificum, Regum, Patriarcharum, Archiepiscoporum, Episcoporum, Sacerdotum, Diaconorum & ministrorum tuorum, parentum nostrorum, & omnium in recta fide quiescentium, & imple nos timore nominis tui.

Et paulò post. Sacerdos dat incensum in viuorum & defunctorum memoriam, & cum incensat altare, dicit orationem, Memento Domine. & subdit:

Fratrum & fororū omnium fidelium dormientium, & in signo rectæ fidei quiescentium.

Et

Et postea antequam dicat Euangelium, Sacerdos dicit :
Memento iterum Domine &c. Et subdit :
Memento dormientium, & in recta fide quiescentium.
Et deinde in oratione benedictionis, Sacerdos dicit :
O Domine præbe requiem animabus patrum & fratrum nostrorum, qui in recta fide
dormiunt & quiescunt &c.
Et post consecrationem, dicit Sacerdos :
Memento Domine omnium dormientium, & quiescentium in fide Christi; colloca ani-
mas eorum in sinu Abrahæ, Isaac, & Iacob; & libera nos ab omnibus culpis &c.

In cæremonijs communibus ad omnes Missas Chaldæorum, in
commemorationibus post illas de Sanctis.

FACIamus etiam commemorationem pro parentibus nostris & fratribus, & magi-
stris, qui nos verbum verum docuerunt, & pro defunctis nostris, & omnium fide-
lium, præsertim eorum, qui sunt ex nostra cognatione, & pro ijs, qui laborauerunt &
adiuuarunt in ædificando hoc templo, & pro ijs, qui se diligenter exercuerunt &
exercent in conferuando hoc loco benedicto &c.

Et infra. Deus meus secundum bonam memoriam & misericordiam tuam misere-
re parentum & omnium defunctorum meorum. Quam orationem etiam ter dicit.

Et infra. Et pro omnibus uiuis & mortuis, & tranquillitate animarum illorum in cœ-
lesti Hierusalem.

Et ascendens gradus secretò dicit, Suscipe Domine hoc thuribulum &c. ibi, Et pro
• quiete omnium fidelium defunctorum.

Et paulò post. Sacerdos in oratione, Deus meus, ibi, vt hoc sacrificium tuum venera-
bile excelsum sit in liberationem peccatorum nostrorum, & eorum, qui ex hac vita
transierunt, & dormierunt in spe misericordiæ tuæ, videlicet parentes nostri, fra-
tres, magistri &c.

Et infra. Sanctus Pater, sanctus Filius, sanctus Spiritus sanctus, suscipiat hoc in-
censum serui sui peccatoris, misereatur & propitiatur nobis, parentibus nostris,
fratribus, magistris, & omnibus defunctis nostris, & omnium fidelium defunctorum
filiorum Ecclesiæ Apostolicæ, & in hoc & in alio seculo &c.

Et infra, ibi : Et omnium fidelium defunctorum super altare tuum purum cœleste.

Ibidem in Missa S. Iacobi Apostoli, in commemoratione, ibi, Et eorum qui ex hac vi-
ta in pace transierunt &c.

Et infra. Faciamus etiam commemorationem omnium fidelium defunctorum, qui
dormierunt in pace huius Ecclesiæ Catholicæ, huius Ciuitatis benedictæ, conserua-
tæ à Deo, huius loci & huius Prouinciæ, & aliarum Ciuitatum & Prouinciarum to-
tius vniuersi, & eorum fidelium, qui ex hac vita in aliam secundum voluntatem
tuam progredientes, spe misericordiæ tuæ & fide Orthodoxa victi transie-
runt &c.

Et infra. Memento Domine omnium filiorum ordinis Ecclesiæ secundum vniuscuius-
que gradum, qui dormierunt & requiescunt.

Et paulò post. Memento omnium dormientium & requiescentium, qui à nobis tran-
sierunt victi fide orthodoxa, da illis requiem &c.

Et infra. Parce Domine Deus iniquitatibus nostris & mortuorum nostrorum.

Et infra. Diaconus. O fratres mei petimus à Domino, vt liberetur nostra Congre-
gatio & omnes defuncti nostri ab igne illo inextinguibili &c.

Et infra, ibi. O fratres & amici mei commendamus vos gratiæ & misericordiæ san-
ctissimæ & adorandæ Trinitatis &c. quod propitiatorium est omnium peccatorum;
fratres, inquam, & amici mei quotquot præsentem aut absentes estis viui, aut defun-
cti, qui redempti estis signo redemptionis crucis Domini &c.

Tertullianus descendens errorem suum, & Montanistarum, meminit per ironiam de
obla-

oblationibus annuis pro pluribus vxoribus, ſue viris. Primum quidem in libro de Corona militis cap. iij. in editione Pamelij, ibi:

Oblationes pro defunctis, pro natalitijs annua die facimus.

Et deinde in libro de exhortatione ad caſtitem cap. xj.

Et iam repetere apud Deum pro cuius ſpiritu poſtulas, pro qua oblationes annuas red-
das. Stabis ergo ad Deum cum tot vxoribus, quor illas oratione commemoras, &
offerres pro duabus, & commemorabis illas duas per Sacerdotem de Monogamia.
hoc priſtinum de virginitate ſancitum, circumdatum virginibus, & vniuiris, & aſcen-
det ſacrificium tuum libera fronte, & inter cæteras voluntates bonæ mentis poſtula-
bis tibi & vxori caſtitem.

Ac demum in libro de Monogamia dicit:

Pro anima eius (ſcilicet mariti) orat, & refrigerium adpoſtulat ei, & in prima reſurre-
ctione conſortium; & offert annuis diebus dormitionis eius.

S. Cyprianus libro j. epistolarum, epistola ix. ad Clerum & plebem Furnitanorum:

De Victore, qui Fauſtinum preſbyterum Tutorem nominauit: aliàs apud Iacobum.

Pamelium epistola lxxj. iuxta ſuam diſtinctionem operum & epistolarum.

Cyprianus Preſbyteris & Diaconibus & plebi Furnis conſiſtentibus S.

Grauitè commoti ſumus ego & Collegæ mei, qui præſentes aderant, & compres-
byteri noſtri, qui nobis aſſidebant, fratres chariſſimi, cùm cognouiſſemus quod Ge-
minius Victor frater noſter de ſeculo excedens, Geminium Fauſtinum Preſbyterum
tutorem teſtamento ſuo nominauerit, cùm iam pridem in Concilio Episcoporum
ſtatutum ſit, ne quis de clericis, & Dei miniſtris tutorem, vel curatorem teſtamen-
to ſuo conſtituat; quando ſinguli diuino Sacerdotio honorati, & in clerico miniſte-
rio conſtituti, non niſi altari & ſacrificijs deſeruere, & precibus, atque orationibus
vacare debeant. Scriptum eſt enim: Nemo militans Deo obligat ſe moleſtijs ſecu-
laribus, vt poſſit placere ei, cui ſe probauit. Quod cùm de omnibus dictum ſit, quã-
tò magis moleſtijs & laqueis ſecularibus obligari non debent, qui diuinis rebus, &
ſpiritualibus occupati, ab Eccleſia recedere, & ad terrenos, & ſeculares actus vaca-
re non poſſunt? Cuius ordinationis & religionis formam Leuitæ priùs in lege tenuer-
unt, vt cùm terram diuiderent, & poſſeſſiones partirentur vndecim tribus, Leuitica
tribus, quæ templo, & altari, & miniſterijs diuinis vacabat, nihil de illa diuiſionis
portione perciperet, ſed alijs terram colentibus, illa tantùm Deum coleret, & ad
victum atque alimentum ſuum ab vndecim tribubus de fructibus, qui naſcebantur
decimas perciperet. quod totum fiebat de auctoritate, & diſpoſitione diuina, vt qui
operationibus diuinis inſiſtebant, in nulla re auocarentur, nec cogitare, aut agere,
ſecularia cogerentur. Quæ nunc ratio & forma in Clero tenetur; vt qui in Eccleſia
Domini ordinatione clerica promouentur, in nullo ab adminiſtratione diuina auo-
centur, ne moleſtijs & negotijs ſecularibus alligentur, ſed in honore ſportulantium
fratrum, tanquàm decimas ex fructibus accipientes ab altari & ſacrificijs non recedant,
& dic ac nocte cœleſtibus rebus, & ſpiritualibus ſeruiant. Quod Episcopii an-
teceſſores noſtri religioſè conſiderantes, & ſalubriter prouidentes, conſenſerunt, ne
quis frater excedens ad tutelam, vel curam clericum nominaret; ac ſi quis hoc fe-
ciſſet, non offerretur pro eo, nec ſacrificium pro dormitione eius celebraretur. Ne-
que enim apud altare Dei meretur nominari in Sacerdotum prece, qui ab altari Sa-
cerdotes & miniſtros voluit auocare. Et ideo Victor, cùm contra formam nuper
in Concilio à Sacerdotibus datam, Geminium Fauſtinum preſbyterum auſus ſit tu-
torem conſtituere, non eſt quòd pro dormitione eius apud vos fiat oblatio, aut de-
precatio aliqua nomine eius in Eccleſia frequentetur, vt Sacerdotum decretum re-
ligioſè & neceſſariè factum ſeruetur à nobis: ſimul & cæteris fratribus datur exem-
plum, ne quis Sacerdotes & miniſtros Dei, altari eius & Eccleſiæ vacantes, ad ſecu-
lares moleſtias denocet. Obſeruari enim de cætero poterit, ne vltra hoc fiat circa
perſonam clericorum, ſi quod nunc factum eſt, ſuerit vindicatum. Opto vos fratres
chariſſimi ſemper bene valere.

Ex hac quidem epistola dum dicit, non offerretur pro eo, nec sacrificium pro dormitione eius celebraretur, apparet fuisse consuetudinem, vt pro defuncto fieret oblatio, & sacrificium pro eius dormitione celebraretur, &c.

Origenes in librum iij. Job, super verbis: Pereat dies, in quo natus sum.

Nam priores diem natiuitatis celebrabant, vnam vitam diligentes, & aliam post hanc non sperantes. Nunc verò nos non natiuitatis diem celebramus; cum sit dolorum atque tentationum introitus: sed mortis diem celebramus, vtpotè omnium dolorum depositionem, atque omnium tentationum effugationem. Diem mortis celebramus, quia non moriuntur hi, qui mori videntur: propterea & memorias Sanctorum facimus, & parentum nostrorum vel amicorum in fide morientium deuotè memoriam agimus, tam illorum refrigerio gaudentes, quàm etiam nobis piam consummationem in fide postulantes. Sic itaque non diem natiuitatis celebramus, quia in perpetuo viuunt ij, qui moriuntur. Celebramus nimirum religiosos cum Sacerdotibus conuocantes, fideles vnà cum Clero inuitantes: adhuc egenos, & pauperes, pupillos, & viduas saturantes, vt fiat festiuitas nostra in memoriam requiei defunctis animabus, quarum memoriam celebramus. Nobis autem efficiatur in odorem suauitatis in conspectu æterni Dei.

Eusebius Cæsariensis libro iij. De vita Magni Constantini cap. lxxj. De sacra Synaxi in Apostolorum martyrio celebrata in mortem Constantini, scribit pro anima Imperatoris defuncti preces cum lacrymis à populo & Dei Sacerdotibus fusas, & sacrum Missæ sacrificium oblatum fuisse his verbis.

Hoc igitur loco excelsò folio iacens Beatus Princeps gloriòse prædicabatur: Iam populus frequens vnà cum Sacerdotibus, non sine lacrymis, & sanè magno cum gemitu preces pro anima Imperatoris Deo fundebant, in quo & illi gratum atque optatum pio Principi officium præstabant, & Deus ipse singularem beneuolentiam erga famulum ostendit &c. & quem votis expetiuit locum vnà cum Apostolorum memoria consecutus est. Nam adhuc quidem licet contemplari ter beatæ animæ tumulum Apostolici nominis appellatione decorari, & ad Dei populum aggregari, diuinisq. carimonijs & mystico sacrificio, sanctarumq. precationum societate perfrui, atque diem post mortem cum Imperio esse: tanquam iam in filijs reuiuiscens, summam Imperij administraret, Victor, Maximus, Augustus ipsa appellatione vocitatus.

S. Athanasius in libro de varijs quæstionibus sacrę Scripturę ad Antiochum Principem q. xxxiiij.

Quid ergo? Num sentiunt aliqua beneficia etiam peccatorum animæ, cum super illis sunt conuentus, & peractiones bonorum operum & oblationum?

Responsio.

Nisi aliqua beneficia participarent ex illo, non vtiq. in cura & exequijs fieret commemoratio. Ac sicut vitis florescit extra in agro; & odorem sentit in vase vinum, reclusum, siq. conforescit etiam ipsum: ita quoque peccatorum animæ piorum precibus, & bonis operibus consolantur.

S. Epiphanius in Panario lib. iij. hæresi lxxv. contra Aerium, tribuit ei errorem non esse orandum pro mortuis, & illorum nomina non esse ad hoc nominanda, & viuientium preces illis non prodesse. At ibi ipse docet preces viuorum illis prodesse, vt ibidem circa finem.

Idem eodem libro iij. contra hæreses, in compendiaria, & vera doctrina de Fide Catholica & Apostolica Ecclesiæ ita ait:

In his autem, qui vita defuncti sunt ex nomine memorias faciunt, orationes ad Deum perficientes, ac cultus diuinos, ac mysteriorum dispensationes.

Ex quibus patet mos, vt nominatim memoria defunctorum fieret, & cultus diuini, & mysteriorum dispensationes, idest Missæ pro eis celebrarentur.

S. Ioannes Chrysostomus homil. xxvj. in Matth. vij. & viij.

Idcirco enim altari assistens Sacerdos pro vniuerso orbe terrarum, pro absentibus atque

que presentibus, pro his, qui ante nos fuerunt, pro his, qui postea futuri sunt sacrificio illo proposito, Deo nos gratias iubet offerre. Hoc quippe & à terra nos liberat, & transponit in cœlum, atque ex hominibus Angelos facit.

Idem S. Ioannes Chrysostomus in Acta Apostolorum homil. xj. Non frustra oblationes pro defunctis sunt, non frustra preces, non frustra elemosynæ. Hæc omnia spiritus disposuit, volens vt nos mutuum inuenimus. Vide enim utilitatem, accipiet ille per te, & tu per illum, contemptis opibus inductus ad faciendum aliquid generosum: & tu illi salutis, ipse verò tibi elemosynæ factus est auctor. Ne dubita, quia erit aliquis fructus suauis. Non simpliciter minister clamat pro his, qui defuncti sunt in Christo, & pro his, qui illorum memoriam faciunt. Non Diaconus est, qui talem illam vocem emittit, sed spiritus non sanctus inquam, sed donum. Quid dicis? In manibus est hostia, & omnia proposita sunt bene ordinata, adsum Angeli, adsum Archangelus, adest Filius Dei, cum tanto horrore astant omnes, astant illi clamantes omnibus silentibus, & putas simpliciter hæc fieri? Igitur, & alia simpliciter, & quæ pro Ecclesia, & quæ pro Sacerdotibus offeruntur, & quæ pro multitudine ac vbertate? Absit. Sed omnia cum fide sunt. Quid putas pro martyribus offerri, quod vocantur in illa hora? licet Martyres sint, etiam pro Martyribus magnus honor nominari Domino præfente, dum mors illa perficitur & horrendum sacrificium, & ineffabilia Sacramenta. Nam quasi sedente Rege quæcunque voluerit perficit. Vt autem surrexerit, quæcunque dicit, frustra dicit. Ita & nunc quamdiu proposita fuerint mysteria, omnibus honor maximus in memoria haberi. Vide enim: Annuntiatur tunc Sacramentum horrendum, quod pro mundo dedit seipsum Deus, cum illo miraculo tempestiue memor est ille eorum, qui peccarunt. Sicut enim quando Regum trophæa statuuntur, tunc celebrantur quidem, & quicumque victoriæ socii fuerunt: dimittuntur autem, qui sunt in vinculis per illud tempus; vbi autem transierit hoc tempus, qui nihil assecutus est, nihil obtinet; ita sanè, & hic trophæorum & celebrandæ victoriæ tempus est. Quoties enim, inquit, manducatis panem hunc, mortem Domini annunciate. Itaque ne simpliciter accedamus, neque fortuito hæc fieri putemus. Et aliter: Martyrum memores sumus, & hoc in fidem, quod non mortuus adhuc est Dominus: idq. quia deuicit, & occidit mortem, signum factum esse illum mortuum. Hæc scientes consideremus quantas consolationes possemus mortuis, pro lacrymis, pro lamentis, pro monumentis præstare: nempe elemosynas, preces, orationes, vt & illi, & nos assequamur promissa bona, gratia, & misericordia vnigeniti Filij, cum quo Patri simul, sanctoq. Spiritui gloria, imperium, honor nunc & semper, & in secula seculorum. Amen.

Et in homil. xj. in Epistolam primam ad Corinth. cap. xv.

Abierit peccator, sanè gaudere decet peccata impedita esse, & non accumulatum malum; nitiq. quantum fieri potest, vt iuuetur non lacrymis, sed prece, supplicationibus, elemosynis, oblationibus. Non est temerè hoc excogitatum, nec frustra memoriam mortuorum inter sacra mysteria celebramus; aut accedimus pro istis agnū illum iacentem, & peccata mundi tollentem deprecantes, sed vt his consolatio hinc aliqua fiet. Nec temerè, qui altari assiluit, inter horrenda mysteria clamat, pro omnibus in Christo dormientibus, & pro ijs, qui memoriam celebrant illorum. Nam nunquam ista fiant, neque dicantur, si pro illis commemorationes non fierent. Neque enim scena iam amplius nostra sunt, sed spiritus ordinatione sunt. Opitulemur igitur his fratres, memoriam pro ipsis faciamus. Nam si Iobi illius liberos patris victima purgauit: quid dubites è nobis quoque si pro dormientibus offeramus, solatiū quiddam illis accessurum? Gratificari Deus propter alios alijs solet, quod Paulus hic ostendit: Vt ex multis, inquit, personis pro dono in nos collato per multos gratias pro vobis agantur. Ne defatigemur mortuis auxilium ferendo, preces pro ipsis offerendo, communis totius orbis victima preces sunt. Hinc pleni fiducia pro toto etiam orbe supplicamus inter Martyres, inter Confessores, inter Sacerdotes, mortuos recensemus. Vnum enim corpus omnes sumus, sint membra licet alia alijs

alijs illustriora, vndique veniam ipsis impetrare licet, precibus pro ipsis effusis, muneribus datis, consorcio eorum inter quos velut commune corpus referuntur.

Et in epistolam ad Philippenses cap. 1. homil. iij. prope finem agens de defunctis dicit.

Desileamus istos, iuuenus eos pro viribus, procuremus eis aliquid auxilij, modici quidem, at tamen iuuenus eos. Quo modo, quave ratione? Precantes adhortemur & alios, vt pro illis orent, pauperibusq. indefinenter pro illis elemosynas demus. Habet res ista nonnihil consolationis.

Et post paululum.

Non frustra ab Apostolis sancitum est, vt in celebratione venerandorum mysteriorum memoria fiat eorum, qui hinc discesserunt. Nouerunt illis multum hinc emolumenti fieri, multum vtilitatis. Stante siquidem vniuerso populo, manus in celos extendente, cœtu item sacerdotali, verendoq. posito sacrificio: quomodo Deum non placaremus pro istis orantes? Verùm istud quidem de illis dicimus, qui in fide abscesserunt. Catechumenos verò neque isto solatio dignamur; sed omni huiusmodi destituti sunt auxilio, vno quodam dempto. Quonam illo? Pauperibus illorum nomine dare licet, vnde illis nonnihil refrigerij accedit. Nam ita vult Deus, vt nos inuicem mutuò iuuenus.

Et in homil. lxx. ad Populum Antiochenum.

Hos lugeamus, post hos pro viribus clamemus, excogitemus eis aliquid solatij, minimum quidem, clamemus tamen. Qualiter aut quonam modo? Orantes, & alios precantes, vt pro eis deprecetur, pro eis pauperibus largientes continē. habet hæc res aliquam consolationem. Audi namque Deum dicentem: Protegam ciuitatem istam propter me, & propter David seruum meum. Si iusti duntaxat memoria tantum potuit, cum & opera pro ipso fuerint, quantum non valebit? Non temerè ab Apostolis hæc sancita fuerunt, vt in tremendis mysterijs defunctorum agatur commemoratio. Sciunt enim illis inde multum contingere lucrum, vtilitatem multam. Cum enim totus confliterit populus extensis manibus, sacerdotalis plenitudo, & tremendum proponatur sacrificium, quomodo Deum non exorabimur pro his deprecantes? Sed hoc quidem de his, qui cum fide migrarunt. Catechumeni verò nec hac digni consolatione censentur, sed omni sunt tali suffragio priuati præter vnum solum. Quod autem illud? Dare licet pro eis pauperibus, & ex hoc aliquid eis præstare refrigerationis.

Et idem homil. seq. lxx. Quòd pro defunctis lugendum non sit, sed orandum.

Idem S. Ioannes Chrysostomus libro vi. de Sacerdotio.

Eum enim, qui pro ciuitate tota, quid dico ciuitate? in eo verò pro vniuerso terrarum orbe Legatus intercedit, deprecatorq. est apud Deum, vt hominum omnium non viuentium modò, sed etiam mortuorum peccatis propitius fiat: qualem quæso esse oportet? Equidem neque Moyses, neque Helias fiduciam fore vnquam satis putauerim ad supplicationem huiusmodi peragendam: quandoquidem quasi mundus illi vniuersus conceditur, atque adeo omnium sit pater, sic ad Deum ipse accedit, deprecans quicquid vbique bellorum est extinguere, turbas solui, atque in horum locum pacem, ac felicem rerum statum succedere: denique celerem malorum vnicuique imminuentium, quâ priuati, quâ publicè defunctionem postulant. Porro illum ipsum oportet tantò omnibus in rebus ijs præstare, pro quibus intercedit, quantum par est, vt subditos præfectus excellat. Cum autem ille, & Spiritum sanctum inuocauerit, sacrificiumq. illud horrore, ac reuerentia plenissimum perfecit, communi omnium Domino manibus assidue pertractato: quæ ex te quoto illum in ordine collocabimus? quantam autem ab eo integritatem exigemus? quantam religionem? Considera enim quales manus illas ministrantes esse oporteat; qualem linguam, quæ verba illa efundat, qua denique re non puriorem, sanctioremve esse conueniat animam, quæ tantum illum, tamq. dignum spiritum receperit? Per id tempus Angeli Sacerdoti assident, & cœlestium potestatum vniuersus ordo clamores excitat,

& locus altari vicinus, in illius honorem, qui immolatur Angelorum choris plenus est. Id quod credere abundè licet, vel ex tanto illo sacrificio, quod tum peragitur: Ego verò, & commemorantem olim quendam audiui, cum diceret senem quendam, virum admirabilem, ac cui reuelationum mysteria multa diuinitus fuissent detecta, sibi narrasse, se tali olim visione dignum habitum à Deo esse, ac per illud quidem tempus de repente Angelorum multitudinem conspexisse (quatenus aspectus humanus ferre poterat) fulgentibus vestibus indutorum, altare ipsum circumdantium: denique sic capite inclinatorum, vt si quis milites præsentem Rege stantes videat. Id quod facile mihi ipse persuadeo. Item, & alius quidam mihi narrauit, non ille quidem ab alio edoctus, sed dignus habitus, qui id & vidisset ipse & audisset, quod quid de vita hac emigraturi sunt, si mysteriorum huiusmodi cum pura ac munda conscientia fuerint participes, spiritum efflati, ab Angelis illorum corpora satellitum more stipantibus, propter assumptum illud sacrum, hinc recta in cælum abducuntur, &c.

S. Augustinus in Enchiridio ad Laurentium cap. cx.

Neque negandum est defunctorum animas pietate suorum viuentium releuari, cum pro illis sacrificium mediatoris offertur, vel eleemosynæ in Ecclesia fiunt. Sed eis hæc profunt, qui cum viuerent, vt hæc sibi postea prodesse possent, meruerunt. Est enim quidam viuendi modus, nec tam bonus, vt non requirat ista post mortem, nec tam malus, vt ei non prosint ista post mortem. Est verò talis in bono, vt ista non requirat; & est rursus talis in malo, vt nec his valeat, cum hæc vita transierit, adiuuari. Quocirca hic omne meritum comparatur, quo possit post hanc vitam releuari quispiam, vel grauari. Nemo autem se speret, quod hic neglexerit, cum obierit, apud Deum promereri. Non igitur ista, quæ pro defunctis commendandis frequentat Ecclesia, illi Apostolicæ sunt aduersa sententia, quæ dictum est. Omnes enim astabimus ante tribunal Christi, vt referat vnusquisque secundum ea, quæ per corpus gessit, siue bonum siue malum: quia etiam hoc meritum sibi quisque cum in corpore viueret comparauit, vt ei possent ista prodesse. Non enim omnibus profunt. Et quare non omnibus profunt, nisi propter differentiam vitæ, quam quisque gessit in corpore? Cum ergo sacrificia siue, altaris, siue quarumcumque eleemosynarum pro baptizatis defunctis omnibus offeruntur, pro valde bonis gratiarum actiones sunt: pro noui valde bonis, propitiationes sunt: pro valde malis, etsi nulla sunt adiumenta mortuorum, qualescunque viuorum consolationes sunt. Quibus autem profunt, aut ad hoc profunt, vt sit plena remissio, aut certe tolerabilior fiat ipsa damnatio.

Idem sanctus Augustinus in libro de cura pro mortuis gerenda ad Paulinum Episcopum Nolanum cap. i.

Genere igitur vitæ quod gessit quisque per corpus, efficitur, vt profint, vel non profint quæcumque pro illo pie fiunt, cum reliquerit corpus. Nam & meritum per quod ista profint, si nullum comparatum est in hac vita, frustra queritur post hanc vitam. Ita fit, vt neque inaniter Ecclesia vel suorum cura pro defunctis quod potuerit religionis impendat: & tamen ferat vnusquisque secundum ea, quæ per corpus gessit, siue bonum siue malum, reddente Domino vnicuique secundum opera eius. Vt enim hoc, quod impenditur possit ei prodesse post corpus, in ea vita acquisitum est, quam gessit in corpore. Poterat inquisitioni tuæ sufficere mea brevis ista responsio: sed quia alia mouent, quibus respondendum existimo, parumper attende. In Machabæorum libris legitur oblatum pro mortuis sacrificium: Sed etsi nusquam in scripturis veteribus omnino legeretur, non parua est vnuerse Ecclesiæ, quæ in hac consuetudine claret, auctoritas: vbi in precibus Sacerdotis, quæ Domino Deo ad eius altare funduntur, locum suum habet etiam commendatio mortuorum.

Et infra ibidem cap. iiii.

Verum etsi aliqua necessitas vel humani corpora, vel in talibus locis humani nulla data facultate permittat, non sunt prætermittendæ supplicationes pro spiritibus mor-

2. Corinth. 5.

2. Mach. 12.

mortuorum : quas faciendas pro omnibus in Christiana & Catholica societate defunctis, etiam tacitis nominibus quorumque, sub generali commemoratione suscipit Ecclesia, ut quibus ad ista defuncti parentes, aut filij, aut quicunque cognati, vel amici, ab una eis exhibeantur pia matre communi : si autem deessent istæ supplicationes, quæ sunt recta fide ac pietate pro mortuis, puto quòd nihil prodesse spiritibus eorum quamlibet in locis sanctis exanima corpora ponerentur.

Et infra eodem libro cap. xvij. & ultimo, ita epilogo disputationem concludit.

Quæ cum ita sint non existimemus ad mortuos, pro quibus curam gerimus peruenire, nisi quod pro eis, sine altaris, sine orationum, siue eleemosynarum sacrificijs solenniter supplicamus : quamvis non pro quibus sunt omnibus profint, sed ijs tantum, quibus dum viuunt comparatur, ut profint. Sed quia non discernimus qui sint, oportet ea pro regencratis omnibus facere, ut nullus eorum prætermittatur, ad quos hæc beneficia possint & debeant peruenire. Melius enim supererunt ista eis, quibus, nec obfunt, nec profunt, quam eis deerunt quibus profunt. Diligentius tamen facit hæc quisque pro necessarijs suis, quòd pro illo fiat similiter à suis. Corpori autem humando quicquid impenditur, non est præsidium salutis, sed humanitatis officium secundum affectum, quo nemo vnquam carnem suam odio habet. Vnde oportet, ut quam potest pro carne proximi curam gerat, cum ille recesserit, qui gerebat. Et si hæc faciunt qui carnis resurrectionem non credunt, quanto magis debent facere qui credunt, ut corpori mortuo, sed tamen resurrecturo, & in æternitate mansuro, impensum eiusmodi officium, sit etiam quodammodo eiusdem fidei testimonium? Quòd verò quisque apud memoriam Martyrum sepelitur, hoc tantum mihi prodesse defuncto videtur, ut commendans eum etiam Martyrum patrocinio, affectus pro illo supplicationis augeatur, &c.

Idem S. Augustinus sermone xxxiij. [aliàs sermone xxxij.] de verbis Apostoli : Ut de dormientibus non contristemur, sicut & ceteri &c. Et de operibus misericordiae, quibus mortui adiuuantur.

Orationibus verò sanctæ Ecclesiæ & sacrificio salutari, & eleemosynis, quæ pro eorum spiritibus erogantur, non est dubitandum mortuos adiuuari, ut cum eis misericordius agatur à Domino, quam eorum peccata meruerunt. Hoc enim à Patribus traditum vniuersa obseruat Ecclesia, ut pro eis, qui in corporis & sanguinis Christi communionem defuncti sunt, cum ad ipsum sacrificium loco suo commemorantur, oretur, ac pro illis quoque id offerri commemogetur. Cum verò eorum commendandorum causa opera misericordiae celebrantur, quis eis dubitet suffragari, pro quibus orationes Deo non inaniter allegantur? Non omnino ambigendum est ista, prodesse defunctis, sed talibus, qui ita vixerint ante mortem, ut possint eis hæc vtilia esse post mortem. Nam qui sine fide, quæ per dilectionem operatur, eiusque sacramentis de corporibus exierunt, frustra illis à suis huiusmodi pietatis impenduntur officia, cuius dum hic essent, pignore caruerunt, vel non suscipientes, vel in vacuum suscipientes Dei gratiam, & sibi non misericordiam thesaurizantes, sed iram. Non ergo mortuis noua merita comparantur, cum pro eis boni aliquid impendunt sui, sed eorum præcedentibus consequentia ista redduntur. Non enim dictum est, nisi cum hic viuerent, ut eos hæc aliquid adiuuarent, cum hic viuere destitissent.

Patres Concilij Cabillonensis II. cap. xxxix. ita statuerunt.

Visum præterea nobis est, ut in omnibus Missarum solennitatibus pro defunctorum, spiritibus loco competenti Dominus deprecetur. Sicut enim nulla dies excipitur, quæ non pro quibuslibet necessitatibus Dominus deprecetur: ita nimirum nulla dies excipi debet, quin pro animabus fidelium preces Domino in Missarum solennibus fundantur. Antiquitus hunc morem igitur sancta Ecclesia tenet, ut & in Missarum solennitatibus, & in alijs precibus Domino spiritus quiescentium commendet; dicente beato Augustino: Non sunt prætermittendæ supplicationes pro spiritibus

mortuorum, quas faciendas pro omnibus in Christiana & Catholica societate defunctis, etiam tacitis nominibus eorum sub generali commemoratione suscepit Ecclesia, ut quibus ad ista defuncti parentes, aut filij, aut quicumque cognati, vel amici, ab una eis exhibeantur pia matre communi.

Et habetur apud collectores Decretorum, Gratianum de consecr. dist. ij. cap. Visum, præterea. Burchardum lib. iij. cap. lxxij. & Iuonem parte iij. cap. lxxvj. licet in quibusdam verbis varie: quorum aliqua posuit Amalarius libro iij. cap. xlij.

Sanctus Gregorius Papa in libro xl. homiliarum homil. xxvii. ibi.

Singulariter namque ad absolutionem nostram, oblata cum lacrymis, & benignitate mentis sacri altaris hostia suffragatur: quia is, qui in se resurgens à mortuis iam non moritur, adhuc per hanc in suo mysterio pro nobis iterum patitur. Nam quoties ei hostiam sue passionis offerimus, toties nobis ad absolutionem nostram passionem illius reparamus. Multos, ut arbitror, vestrum, fratres charissimi, contigit nosse hoc, quod volo ad memoriam vestram narrando reuocare. Non longè à nostris fertur temporibus factum, quòd quidam ab hostibus captus longè transductus est, cumq; diu teneretur in vinculis, cum vxor sua, cum ex eadem captiuitate non reciperet, extinctum putauit. Pro quo iam velut mortuo hostias hebdomadibus singulis curabat offerre. Cuius toties vincula soluebantur in captiuitate, quoties ab eius coniuge oblata fuissent hostiæ pro animæ eius absolutione. Non longo post tempore reuersus, admirans valdè, suæ indicauit vxori, quòd diebus certis, hebdomadibus singulis eius vincula soluebantur. Quos videlicet dies eius vxor, atque horas discutiens, tunc cum recognouit absolutum, cum pro eo sacrificium meminerat oblatum. Hinc ergo, fratres charissimi, hinc certa consideratione colligite, oblata à nobis hostia sacra quantum in nobis soluere valeat ligaturam cordis, si oblata ab altero potuit in altero soluere vincula corporis.

Leontius Episcopus Neapoleos in vita S. Ioannis Eleemosynarij simile exemplum ponit sic.

Quam magnum autem studium poneret Beatus, ut mortis meminisset, & quòd plurimi faceret efficere, ne eius recordatio deleteretur, editum quidem est prius, dicitur autem nunc quoque. Nam cum lethalis morbus aliquando inuasisset Ciuitatem, maximè illi erat curæ accedere ad ægrotorum visitationem, & eorum qui decedebant sepulturam. Sæpe autem etiam assidebat ijs, qui emittebant animam, & eorum oculos suis tegebat manibus. Inibat synaxes quoque celebrare pro ijs qui dormierant, asserens & affirmans defunctis multum prodesse, quæ pro eis sunt commemorationes & sacra ministeria. Ad fidem autem faciendam eorum, quæ dicebantur, tale quid etiam narrabat, quod factum fuerat non ita multo ante. Dicebat enim, quòd à Persis quidam abductus captiuus, in custodia, quæ appellatur Leche, asseruabatur vincus. Lex autem erat apud Persas, ut qui coniecti erant in eam custodiam, nunquam reuocarentur: & ea ratione consentaneum est eam fuisse vocatam Lethen, id est obliuionem. Illinc autem cum quidam potuissent aufugere & in Cyprum venire, affirmarunt parentibus adolescentis eum esse mortuum in custodia: Illi verò tres quotannis synaxes celebrabant, tanquam eo mortuo. Quatuor anni præterierant, cum filius illinc aufugiens redit domum. Quem cum parentes non tanquam qui fugisset è custodia, sed tanquam qui surrexisset à mortuis cum magno stupore aspexissent, & fuissent ineffabili voluptate repleti, & alia faciebant & dicebant, quæ anima quæ talem vidisset faceret & diceret: & quemadmodum ei tanquam iam mortuo fecerant iusta, quæ sunt mortuis, & cum eum docuissent, quinam essent ij dies, nempe dies sanctorum Theophaniorum, & dies salutaris Paschæ, & dies sanctæ Pentecostes. Hæc cum ille audiuisset, & in memoriam reuocasset, parentibus affirmabat, quòd his ipsis diebus relaxabatur à vinculis aduentu cuiusdam, qui gestabat lampadem, & fruebatur omni securitate: diebus autem sequentibus tenebatur vinculis, sicut prius.

Sed & idem S. Gregorius eadem homil. xxxvij. vbi supra, mox de vitæ & transitu S. Cassij Episcopi Narnien. agens, subdit.

Multi vestra, mī fratres charissimi, Cassium Narniensis vrbis Episcopum nouerunt, cui mos erat quotidianas Deo hostias offerre, ita vt penè nullus dies vitæ eius abscederet, quoniam non omnipotenti Deo hostiam placationis immolaret. Cui cum sacrificio valde etiam concordabat vita. Nam cuncta quæ habebat in elemosynis tribuens, cum ad horam offerendi sacrificij venisset, velut totus in lacrymis defluens, semetipsum cum magna cordis contritione mactabat. Cuius & vitam, & exitum à quodam Venerabilis vitæ Diacono, qui fuerat ab eo nutritus, referente cognoui. Aiebat enim, quòd quadam nocte eius Presbytero per visum Dominus astitit dicens: Vade, & dic Episcopo: Age quod agis, operare quod operaris, non cesset pes tuus, non cesset manus tua: natali Apostolorum venies ad me, & retribuam tibi mercedem tuam. Surrexit Presbyter, sed quia è vicino Apostolorum natalitius dies imminabat, tam propinqui exitus diem Episcopo nuntiare, pertimuit. Alia nocte Dominus rediit, eiusq. inobedientiam vehementer increpauit, atque, eadem iussione suæ verba retexit. Tunc Presbyter surrexit, vt pergeret, sed rursus infirmitas cordis impedimento facta est indicandæ reuelationis. Et ad admonitionem quoque iteratæ iussionis obduruit pergere, & quæ viderat manifestare neglexit. Sed quia magnam mansuetudinem contemptæ gratiæ, maior sequi solet ira vindictæ, visione tertia Dominus apparens, iam verbis addidit verbera, & tam districta cæde mactatus est, vt in eo duritiam cordis emollirent vulnera corporis. Surrexit ergo eruditus ex verberibus, perrexit ad Episcopum, eumq. iam ex more iuxta beati Iuuenalis martyris sepulchrum ad offerendum sacrificium consistentem reperit, secretum à circumstantibus petijt, seq. eius pedibus strauit. Cumq. eum vberim flentem Episcopus vix ad se leuare potuisset, lacrymarum causas cognoscere studuit. Ille verò relaturus ordinem visionis, prius vestimento humeris deuoluto, detexit plagas corporis, vt ita dicam, testes veritatis, & culpæ, monstrauit quanta animaduersione distractionis, membra illius accepta verbera liuore inflicto sulcauerant. Quæ mox vt Episcopus vidit exhorruit, & quis sibi talia facere præsumpisset, cum magnæ obtusationis vocibus inquisiuit. At ille respondit, hæc se pro ipso fuisse perpassum. Excreuit cum terrore admiratio: sed nullas iam Presbyter inquisitioni eius moras adijciens, secretum reuelationis aperuit, eiq. iussionis Dominicæ ea, quæ audierat, verba narrauit, dicens: Age, quod agis, operare quod operaris, non cesset manus tua, non cesset pes tuus: natali Apostolorum venies ad me, & retribuam tibi mercedem tuam. Quibus auditis Episcopus se in orationem cum magna cordis contritione prostrauit, & qui oblaturus sacrificium ad horam tertiam venerat, hoc pro extensæ orationis magnitudine ad horam nonam vsque protelauit. Atque ex illo iam die magis magisque aucta sunt ei lucra pietatis. Factusq. est tam fortis in opere, quam certus ex munere: quippe qui cum cui ipse debitor fuerat, ex ea promissione iam cæperat habere debitorem. Huic autem consuetudo fuerat annis singulis natalitio Apostolorum die Romam venire. iamq. ex hac reuelatione suspectus, venire iuxta morem noluit. Eodem ergo tempore sollicitus fuit, secundo quoque anno vel tertio in mortis suæ expectatione suspensus, quarto, quintoq. & sexto similiter. Qui desperare iam de veritate reuelationis poterat, si verbis fidem verbera non fecissent: Cum ecce, anno septimo vsque ad expectati Natalis sacras vigilias incolumis peruenit, sed leuissimum hunc in vigilijs calor attigit, atque ipso die natalitio filiis suis se expectantibus, Missarum solennia implere se posse reculauit. Illi verò qui de eius erant pariter egressione suspecti, simul ad eum omnes venerunt, sese vnanimiter astringentes, vt die eodem nequaquam acquiescerent Missarum solennia celebrari, nisi pro eis apud Dominum idem Antistes suus intercessor accederet. Tunc ille compulsus, in Episcopi Oratorio Missas fecit, & manu sua Corpus Dominicum, pacemq. omnibus tribuit. Qui cuncto ministerio oblatis sacrificij peracto, ad lectulum redijt, ibiq. iacens,

dum Sacerdotes ſuos ac miniſtros circumſpectiſſe cerneret, quaſi vale vltimum diceas, de ſeruando eos vinculo charitatis admonebat, & quanta debuiffent concordia inter ſe vniri prædicabat. Cùm ſubitò inter ipſa ſancta exhortationis verba, voce terribili clamauit, dicens: Hora eſt. Moxq. aſſiſtentibus ipſe ſuis manibus linteam dedit, quod ex more morientium ſibi contra faciem tenderetur. Quo tenſo, ſpiritum emiſit, ſicq. ſancta illa anima ad gaudia æterna perueniens, à carnis corruptione ſoluta eſt.

Idem ſanctus Gregorius Dialogorum libro iiii, cap.lv. in impreſſione noua Pariſien. & Romana in antiqua cap.lvij. inſcripto.

Quid ſit, quod poſt mortem valeat ad abſolutionem animas adiuuare, & de Centumcellenſi Presbytero, qui à cuiuſdam ſpiritu petitus eſt, vt per ſacram hoſtiam poſt mortem potuiſſet adiuuari; & de anima luſti Monachi.

Si culpæ poſt mortem inſolubiles non ſunt, multorum ſolet animas etiam poſt mortem ſacra oblatio hoſtiæ ſalutaris adiuuare: ita vt hanc nonnuncquam ipſæ deſunctorum animæ expetere videantur. Nam prædictus Felix Episcopopus, à quodam vitæ venerabilis Presbytero, qui vſque ante biennium vixit, & in Diœceſi Centumcellenſis vrbs habitabat, atque Eccleſiæ beati Ioannis, quæ in loco, qui dicitur Tauriana ſita eſt, præerat, cognouiſſe ſe aſſerit, quòd idem Presbyter in eodem loco in quo aquæ calidæ vapores nimios faciunt, quoties corporis neceſſitas exigebat, lauari conſueuerat. Vbi dum die quadam fuiſſet ingreſſus, inuenit quendam incognitum virum, ad ſuum obſequium præparatum, qui ſibi de pedibus calceamenta abſtraheret, veſtimenta ſuſciperet, & exeunti de caloribus ſabana præberet, atque omne miniſterium cum magno famulatu perageret. Cùmq. hoc ſæpiùs fieret, idem presbyter die quadam ad balnea iturus, intra ſemeripſum cogitans, dixit: Viro illi, qui mihi ſolet tam deuotiſſimè ad lauandum obſequi, ingratus apparere non debeat: ſed aliud quid me neceſſe eſt ei pro munere portare. Tunc duas ſecum oblationum coronas detulit. Qui mox vt peruenit ad locum, hominem inuenit, atque ex more eius obſequio in omnibus vſus eſt. Lauit itaque, & cùm iam veſtitus voluiſſet egredi, hoc quod ſecum detulerat, obſequenti ſibi viro pro benedictione obtulit, petens vt benignè ſuſciperet, quod ei gratia charitatis offerret. Cui ille morrens afflictuſq. reſpondit: Mihi iſta quare das Pater? Iſte panis ſanctus eſt, ego hunc manducare non poſſum: Ego etenim quem vides, huius loci dominus aliquando fui: ſed pro culpis meis hic poſt mortem deputatus ſum. Si autem mihi præſtare vis, omnipotenti Deo pro me offer hunc panem, vt pro peccatis meis interuenias. Et tunc exaudium te eſſe cognoſce, cùm huc ad lauandum veneris, & me minimè repereris. In quibus verbis diſparuit: & is, qui homo eſſe videbatur, euaneſcendo innotuit, quia ſpiritus fuit. Idem verò presbyter hebdomada continua ſe pro eo in lacrymis afflixit, ſalutare hoſtiæ quotidie obtulit, & reuerſus poſt ad balneum, eum iam minimè inuenit. Qua ex re quantum proſit animabus immolatio ſacræ oblationis oſtenditur, quando hanc & ipſi mortuorum ſpiritus à viuentibus petunt, & ſigna indicant, quibus per eam abſoluti videantur.

Neque hoc ſilendum puto, quod actum in meo Monasterio ante hoc triennium remiſcor. Quidam namque Monachus; Iuſtus nomine, medicinali arte fuerat imbutus, qui mihi in eodem Monasterio conſtituto ſedulè obſequi, atque in aſſidujs ægri tudinibus meis excubare conſueuerat. Hic itaque languore corporis præuentus, ad extremum deductus eſt. Cui in ipſa ſua moleſtia frater germanus nomine Copioſus ſeruiebat, qui ipſe quoque nunc in hac vrbe per eandem medicinæ artem, temporalis vitæ ſtipendia ſectatur. Sed prædictus Iuſtus, cùm iam ſe ad extremum perueniſſe cognouiſſet, eidem Copioſo fratri ſuo, quia occultatus tres aureos habere, innotuit: Quod nimirum fratribus non potuit celari, ſed ſubtiliter indagantes, atque illius omnia medicamenta perſcrutantes, eoſdem tres aureos inuenerunt abſconſos in medicamine. Quod mox vt mihi nuntiatum eſt tantum malum de fratre, qui nobiſcum communiter vixerat, æquanimiter ferre non valui: quippe quia euſdem

dem mei Monasterij semper regula fuerat, vt cuncti Fratres ita communiter viuerent, quatenus eis singulis nulla habere propria liceret. Tunc nimio mœore percussus cogitare cœpi, vel quid ad purgationem morientis facerem, vel ad exemplum viuientibus Fratribus prouiderem. Pretioso igitur eiusdem Monasterij Præposito ad me accersito dixi: Vide vt nullus ex Fratribus se ad eum morientem iungat, nec sermonem consolationis ex cuiuslibet eorum ore percipiat; sed cùm in morte constitutus Fratres exquirit, ei suus carnalis frater dicat, quia propter aureos, quos occultatos habuit, à cunctis Fratribus abominatus sit: vt saltem in morte de culpa sua mentem ipsius amaritudo transuerberet, atque à peccato, quod perpetravit, purget. Cùm verò mortuus fuerit, corpus illius cum Fratrum corporibus non ponatur, sed quolibet in sterquilinio fossam facite, & in ea corpus eius projicite, ibiq. super eum tres aureos, quos reliquit, iacitate, omnes simul clamantes: Pecunia tua tecum sit in perditione, & sic eum terra operite. In quibus vtrisque rebus, vnam morienti, alteram verò volui prodesse fratribus viuentibus; vt & illum amaritudo mortis à culpa solubilem faceret, & istos auaritiæ tanta damnatio terreret, atque à culpa prohiberet: quod ita factum est. Nam cùm idem Monachus peruenisset ad mortem, atque anxie se quæreret commendari Fratribus, & nullus è Fratribus ei applicari, & loqui dignaretur, ei carnalis frater, cur ab omnibus Fratribus esset abominatus, indicauit. Qui protinus de reatu suo vehementer ingemuit, atque ipsa sua tristitia è corpore exiuit, qui ita est sepultus vt dixeram. Sed Fratres omnes eadem eius sententia conturbati, cœperunt singuli extrema quæque & vilia, & quæ eis habere regulariter semper licuerat, ad medium proferre, vehementerq. formidare, ne quid apud eos esset, vnde reprehendi potuissent. Cùm verò post mortem eius triginta iam essent dies deuoluti, cœpit animus meus defuncto Fratri compati, eiusq. cum dolore graui supplicia pensare, & si quod esset ereptionis eius remedium quærere. Tunc euocato ad me eodem Pretioso Monasterij mei Præposito tristis dixi. Diu est quod Frater ille, qui defunctus est, in igne cruciatur: debemus ei aliquid charitatis impendere, & cum in quantum possumus, vt eripatur adiuuare. Vade itaque, ab hodierna diè diebus triginta continuis offerre pro eo sacrificium, stnde, vt nullus omnino prætermittatur dies, quo pro absolutione illius hostia salutaris non offeratur: Qui protinus abcessit, & dictis paruit. Nobis autem alia curantibus, atque dies euolutos non numerantibus, idem Frater qui defunctus fuerat nocte quadam fratri suo germano Copioso per visionem apparuit. Quem ille cùm vidisset, inquisiuit dicens: Quid est frater, quomodo es? Cui respondit. Nunc vsque malè fui, sed iam modò benè sum: quia hodie communionem recepi. Quod idem Copiosus pergens protinus indicauit Fratribus in monasterio. Fratres verò sollicitè computauerunt dies, & ipse dies extiterat, quo pro eo tricesima oblatio fuerat impleta. Cumq. & Copiosus nesciret, quid pro eo Fratres agerent, & Fratres ignorassent, quid de illo Copiosus vidisset, vno eodemq. tempore dum cognoscit ille quid isti egerant, atque isti cognoscunt quid ille viderat, concordante simul visione, & sacrificio, res apertè claruit: quia Frater qui defunctus fuerat, per salutarem hostiam euasit supplicium.

Petrus.

Mira sunt valdè quæ dicis, & non mediocriter læta.

Et cap. lvi. De vita & transitu Cassij Episcopi, aliàs in antiqua impressione cap. lviij.

Ne nobis in dubium veniant verba mortuorum, confirmant hæc facta viuientium. Nam vir vitæ venerabilis Cassius Narnien. Episcopus, qui quotidianum offerre consueuerat Deo sacrificium, seq. in lacrymis inter ipsa sacrificiorum arcana mactabat, mandatum Domini per cuiusdam sui visionē presbyteri suscepit, dicens: Age quod agis; operare, quod operaris, non cesset pes tuus, non cesset manus tua, natali Apostolorum venies ad me, & retribuam tibi mercedem tuam. Qui post annos septem, ipso natalitio Apostolorum diè, cùm Missarum solennia peregisset, & mysteria sacræ Communionis accepisset, è corpore exiuit.

Et cap. lvij. in noua, in antiqua lix. De quodam ab hostibus capto, cuius vincula oblationis hora soluebantur. Et de Baraca nauta per salutarem hostiam à naufragio liberato.

Hoc quoque quod audiuius, quendam apud hostes in captiuitate positum, & in vinculis religatum fuisse, pro quo sua coniux diebus certis sacrificium offerre consueuerat: qui longo post tempore ad coningem reuersus, quibus diebus eius vincula soluerentur innouit: eiusq. coniux illos fuisse dies, in quibus pro eo sacrificium offerebat, recognouit.

Ex alia etiam re, quæ nobis ante annos septem gesta est, certissime confirmatur. Agathus enim Panormitanus Episcopus, sicut fideles mihi ac religiosi viri multi testati sunt, atque testantur, cum beatæ memoriz antecessoris mei tempore iussus esset ut Romam veniret, vim nimiz tempestatis pertulit, ita ut se ex tanto vndarum periculo euadere posse diffideret. Nauta verò illius, Baraca nomine, qui nunc eiudem Ecclesiæ clericatus officio fungitur, post nauem carabum regebat, ruptoq. fune, cum eodem carabo quem regebat, inter vndarum cumulos repente disparuit. Nauis autem, cui Episcopus præerat, tandem post multa pericula ad Vsticam insulam fluctibus quassata peruenit. Cumq. die tertio Episcopus nautam, qui ab eo abreptus in carabo fuerat, in nulla maris parte videret apparere, vehementer afflictus, mortuum credidit: sed per obsequium charitatis viuo vnum, quod mortuo debebat, impendit: & omnipotenti Deo pro absolutione eius animæ offerre sacrificium victimæ salutaris iubet. Quo oblato restaurata naue, perrexit ad Italiam. Cumq. ad Romanum portum venisset, illic nautam reperit, quem mortuum putabat: Tunc inopinata exultatione gauisus est, & cum qualiter tot diebus in illo tanto maris periculo viuere potuisset, inquisiuit. Qui videlicet indicauit, quoties in illius tempestatis fluctibus cum eodem, quem regebat, fuisset carabò versatus, qualiter cum illo vndis pleno natauerat, & quoties eo à superiori parte deorsum verso, ipse carinz eius superfederat: adiungens cum diebus ac noctibus hoc incessanter faceret, iamq. eius virtus funditis ex fame simul, & labore cecidisset, quo cum ordine diuina misericordia seruauerit, indicauit. Etenim, quod etiam nunc vsque testatur, dicens: Laborans in fluctibus, atque deficiens, subito mentis pondere sum grauatus, ita ut neque vigilare me crederem, neque depressus somno essem: & ecce in eodem medio mari me posito, quidam apparuit, qui mihi panem ad refectiōem detulit. Quem mox ut comedi, vires recepi, nec longè post nauis transiens affuit, quæ me ab illo vndarum periculo suscepit, atque ad terram deduxit. Quod scilicet Episcopus audiens, requisitum diem, atque illum fuisse diem reperit, quo pro eo presbyter in Vstica insula Deo omnipotenti hostiam sacræ oblationis immolauit.

Petrus.

Ea quæ narras ipse quoque in Sicilia positus agnouit.

Gregorius.

Idcirco credo, quia hoc tam apertè cum viuētibz ac nescientibz agitur, ut cunctis hæc agentibz ac nescientibz ostendatur: quia si insolubiles culpæ non fuerint, ad absolutionem prodesse etiam mortuis victimæ sacræ oblationis possit. Sed sciendum est, quia illis sacræ victimæ mortuis profunt, qui hic viuendo obtinuerunt, ut eos etiam post mortem bona adiuuent, quæ hic pro ipsis ab alijs fiunt.

Et cap. lvij. De virtute ac mysterio victimæ salutaris, secundum nouam impressionem, sed secundum veterem, cap. lx.

Inter hæc autem pensandum est, quod tutior sit via, ut bonum quod quisque post mortem suam sperat agi per alios, agat ipse dum viuūt, per se. Beatus quippè est liberum exire, quàm post vincula libertatem quærere. Debemus itaque præsens seculum, vel quia iam conspicimus defluxisse, tota mente contemnere, quotidianam Deo lacrymarum sacrificia, quotidianas carnis eius & sanguinis hostias immolare. Hæc nanque singulariter victimæ ab æterno interitu animam saluat, quæ illam nobis mortem Vnigeniti per mysterium reparat, qui licet resurgens à mortuis iam non moritur,

moritur, & mors ei ultra non dominabitur: tamen in semetipso immortaliter atque incorruptibiliter viuens, pro nobis iterum in hoc mysterio sacrae oblationis immolatur. Eius quippe ibi corpus sumitur; eius caro in populi salutem funditur, eius sanguis non iam in manus infidelium, sed in ora fidelium funditur. Hinc ergo pensamus, quale sit pro nobis hoc sacrificium, quod pro absolutione nostra passionem vnigeniti filij semper imitatur. Quis enim fidelium habere dubium possit in ipsa, immolationis hora ad Sacerdotis vocem caelos aperiri, in illo Iesu Christi mysterio Angelorum choros adesse, summis ima sociari, terrena coelestibus iungi, vnum quoque ex visibilibus, atque inuisibilibus fieri?

Gregorius Papa II. in epistola ad sanctum Bonifacium Archiepiscopum.

Pro obeuntibus quippe consuliisse dignosceris, si liceat oblationes offerre? Sancta sic tenet Ecclesia, vt quisque pro suis mortuis verè Christianis offerat oblationes, atque presbyter eorum memoriam faciat. Et quamuis omnes peccatis subiacemus, congruit, vt Sacerdos pro mortuis Catholicis memoriam faciat, & intercedat; non tamen pro impijs; quamuis Christiani fuerint, tale quid agere licebit.

Venerabilis Beda in historia Anglorum libro iiii. cap. xxij. ita scribit.

In praefato autem praelio, quo occisus est Rex Elbui, memorabile quoddam factum esse constat, quod nequaquam silentio praetereundum arbitror, sed multorum saluti, si referatur fore proficuum. Occisus est ibi inter alios de militia eius iuuenis vocabulo Imma, qui eam die illo, & nocte sequente intercadauera occisorum similis mortuo iaceret, tandem recepto spiritu reuixit, ac residens sua vulnera, prout potuit ipse alligauit; deinde modicum requietus, lenauit se, & cepit abire sic, vbi amicos, qui sui curam agerent, posset inuenire. Quod dum faceret inuentus est, & captus à viris hostilis exercitus, & ad dominum ipsorum Comitem videlicet Edilredi Regis adductus, à quo interrogatus quis esset, timuit se militem fuisse, constiteri; rusticum se potius, & pauperem, atque vxorio vinculo colligatum fuisse respondit, & propter victum militibus adferendum in expeditionem se cum sui similibus venisse testatus est. At ille suscipiens eum, curam vulneribus egit, & vbi sanari cepit, noctu eum ne aufergeret, vinciri praecipit, nec tamen vinciri potuit. Nam mox, vt abiire qui vincierant, eadem sunt eius vincula soluta. Habebat enim germanum fratrem, cui nomen erat Tunna, presbyterum, & Abbatem Monasterij in Ciuitate quae hactenus ab eius nomine Tunnacestir cognominatur, qui cum eum in pugna peremptum audiret, venit querere, si fortè corpus eius inuenire posset: inuentumque aliud illi per omnia simillimum, putauit ipsum esse, quod ad monasterium suum deferens honorifice sepeliuit, & pro absolutione animae eius saepius missas facere curauit. Quarum celebratione factum est quod dixi, vt nullus eum posset vincere, quin continuo solueretur. Interdum Comes, qui eum tenebat, mirari & interrogare cepit, quare ligari non posset: an fortè litteras solutorias, de quibus fabulae ferunt, apud se haberet, propter quas ligari non posset? At ille respondit, nihil se talium artium nosse: Sed habeo fratrem, inquit, presbyterum in mea Provincia, & scio, quia ille me interfectum putans pro me Missas crebras facit, & si nunc in alia vita essem, ibi anima mea per intercessionem eius solueretur à pœnis. Dumq̃ aliquanto tempore apud Comitem teneretur, animaduertuerunt, qui eum diligentius considerabant, ex vultu & habitu, & sermonibus eius, quia non erat de paupere vulgo (vt dixerat) sed de nobilibus. Tunc secretè aduocans eum Comes, interrogauit intentius vnde esset, promittens se nihil ei mali facturum pro eo, si simpliciter sibi quis esset, proderet. Quod dum ille faceret, ministrum se Regis fuisse manifestans, respondit, & ego per singula tua responsa cognoueram, quod rusticus non eras. Et nunc quidem dignus es morte, quia omnes fratres & cognati mei in illa sunt pugna interempti: nec te tamen occidam, ne fidem mei promissi praeruaricem. Vt ergo coualuit, vendidit eum Londoniam Frisoni cuidam, sed nec ab illo, nec cum illuc duceretur vllatenus potuit alligari. Verum cum alia atque alia vinculorum genera ei hostes imponerent, dissoluta sunt: cumq̃ videret, qui emerat, cum vinculis non posse

posse cohiberi, donauit ei facultatem sese redimendi, si posset. A tertia enim hora, quando Missæ fieri solebant, sepius vincula soluebantur. At ille dato iureiurando, vt rediret, vel pecuniam illi pro se mitteret, venit Cantiam ad Regem Lodhure, qui erat filius sororis Edildridæ Reginæ (de qua suprà dictum est, quæ & ipse quondam eiusdem Reginæ minister fuerat) petijt. & accepit ab eo pretium suæ redemptionis, ac suo domino pro se (vt promiserat) misit: qui post hæc in patriam reuersus, atque ad suum fratrem perueniens replicauit ex ordine cuncta quæ sibi aduersa, quæve in aduersis solatia prouenissent: cognouitq. referente eo illis maximè temporibus sua fuisse vincula soluta, quibus pro se Missarum fuerant celebrata solennia: sed & alia, quæ periclitanti ei commoda contigissent, & prospera per intercessionem fraternam, & oblationem hostiæ salutaris cœlitus sibi fuisse donata intellexit. Multiq. hæc ad præfato viro audientes, accensi sunt in fide, ac deuotione pietatis ad orandum, vel ad elemosinas faciendas, vel ad offerendas Domino victimas sacræ oblationis pro ereptione suorum, qui de seculo migrauerunt. Intellexerunt enim, quod sacrificium salutare ad redemptionem valeret, & animæ & corporis sempiternam. Hanc mihi historiam etiam quidam eorum, qui ab ipso viro in quo facta est, audiere, narrarunt: vnde eam, quam liquidò comperi, indubitanter historiæ nostræ Ecclesiasticæ inferendam credidi.

Beatus Ioannes Damascenus in oratione: Quod ij, qui cum fide ex hac vita excesserunt, viuorum Missis & sacrificijs iuuentur (in qua agit contra errorem, & nouum quoddam & absurdum, sacrissq. sanctionibus omnino contrarium dogma, quod diabolus quibusdam in animum iniecit, nempe pia omnia opera quæ mortem sequuntur, nullam omnino defunctis vtilitatem adferre) post principium sic dicit:

2. Mach. 12.

Animaduertite enim quid Scriptura sacra de Iuda Machabeo memoriz prodiderit, nimirum eum in Sion Regis magni ciuitate, cum populum, cui præerat ab exteris hostibus cæsū & obrunctum vidisset, sinusq. eorum excutens, condita in ipsis idola comperisset, statim expiandi huiusce sceleris causa Domiuo, ad misericordiā prompto atque propenso, pro vnoquoque eorum munera obtulisse, in eaq. re summę pietatis, & charitatis munere perfunctum fuisse. Vnde etiam factum est, vt diuina Scriptura quemadmodum omnibus alijs nominibus, ita hoc quoque nomine summis eum laudibus euekerit, ac mirificè commendarit. Porro autem verbi discipuli, atque conspectores, à quibus orbis vniuersus captus est, illi inquam Saluatoris discipuli, ac diuini Apostoli, vt in tremendis, ac puris vitamq. afferentibus mysterijs eorum, qui cum fide diem vitæ extremum clausissent, memoria fieret instituerunt. Quod etiam firmè atque constanter, ac sine vlla controuersia Catholica & Apostolica Ecclesia ab extremis finibus ad extremos vsque fines ab eo tempore ad hunc vsque diem semper retinuit, ac tantisper dum mundus hic erit retinebit. Nec verò inconsideratè ac temerè, & sine ratione hoc ab illis est institutum, neque enim quicquam quod vtilitate careat Christianorum religio, quæ ab omni errore aliena est, suscepit, fixumq. semper ac stabile retinuit: sed frugifera omnia Deoq. grata atque accepta, maioremq. in modum vtilia, atque ita comparata, vt maxima ex ijs salus oriatur. Quocirca eruditissimus ille, atque in explicandis rebus diuinis exercitissimus Dionysius (libet enim, quò planius fiat id quod probandum instituit, diuina ac veneranda ipsius verba vsurpare) in mystica sua de ijs, qui mortem obierunt contemplatione, disertè hoc asserit, Sanctorum preces in hac quoque vita, nedum post mortem, in ijs qui sanctis precibus digni sunt, hoc est pjs ac fide præditis efficaces esse. (Non est autem dubium, quin hoc loco per voculam hæc, nedum, nihil aliud intelligendum sit, quàm quantò magis) non enim diuinus Pontifex, ac diuinæ iustificationis interpres ea vnquam in animum induceret, postulare, quæ Deo quàm gratissima non essent, quæq. ipse se daturum minimè recepisset. Ob idq. profanis, hoc est ijs, qui baptizati non sunt, cum è vita decesserint, ista haudquaquam precatur atque optat. Et rursus: Diuinus itaque Pontifex, quæ Deo grata sunt, postulat, quæq. ille prorsus daturus est. Ac rursus. Hoc igitur supplex à diuina bonitate petit Pontifex,

tifex, vt errata per humanam imbecillitatem admiffa, ei, qui è viuus exceffus, remittat, eumq; in viuientium regione colloct in finu Abrahæ, Ifaac, & Iacob, in loco vnde profugit dolor & triftitia, & gemitus: diffimulante nimirum pro fua bonitate diuina clementia maculas eas, quas is, qui vita abiit, ex humana fragilitate contraxit; quandoquidem nemo, vt facris oraculis proditum eft, mundus eft à forde.

Iob 25.

Post hunc autem rurfus Gregorius ille, qui à Theologia cognomentum traxit, in eadem oratione, quam in Cæfarij fratris funere habuit, de matre fua ad hunc modum loquitur. Audiumus, inquit, præconium dignum, quod ad omnium aures perueniat. Ac matris mæror per egregiam ac fanctam pollicitationem, qua fe filio quicquid opum ipfe habebat, ipfius nomine in parentale munus oblaturam recepit exhauritur. Et alijs quibusdam interiectis. Atque hæc funt, quæ à nobis proficiſcuntur. Ac quædam iam perfoluimus, quædam rurfus perfoluimus, anniuerſarios nimirum honores ac commemorationes offerentes. Cernisne, vt præclara & pia ea munera eſſe aſſerat, quæ eorum, qui vita functi funt nomine Deo offeruntur, anniuerſariasq; commemorationes ab eo lubenter admitti?

Deinceps ille verè aurea loquens, atque ab auro cognomentum naſtus Ioannes, ille, inquam amoris erga pauperes ac penitentium dux & magiſter, in luculentiffima fua enarratione in Epiftolas ad Philippenſes, & Galatas his verbis vtitur: Nam cum gentiles ſimul cum ijs, qui mortem obierunt, bona fua comburant, quantum tandem æquius eſt te, qui fide præditus es, operam dare, vt eius, qui fide præditus erat, bona eum proſequantur? non vt ea in cinerem, velut illa dilabantur: ſed vt maiorem ipſi gloriam concilies: ac ſi peccator erat is, qui fatiſ conceſſit, eius peccata deleas: ſi autem probus ac iuſtus ea illi in mercedis ac remunerationis cumulum cedant. Et rurfus in altera oratione: Excogitemus quemadmodum de ijs, qui obierunt, benè mereamur. Auxilium quod nobis in promptu eſt, ipſis offeramus, hoc eſt eleemoſynas, & oblationes. Id enim vberem fructum, atque ingentem vtilitatem ipſis acceſſit. Non enim hæc fruſtra ac temerè inſtituta, Eccleſiæq; Dei à ſapientiſſimis ipſius diſcipulis tradita ſunt, nimirum vt Sacerdos pro ijs, qui in fide obdormierunt, in tremendis myſterijs vota faciat. Probè ſiquidem norant hinc ingentem quæſtum, & vtilitatem ad eos redire.

His etiam adſtipulatur doctiſſimus Gregorius Nyſſenus ad hunc modum loquens: Nichil inconſultè atque incaſſum à Chriſti præconibus & diſcipulis proditum eſt, & in omnibus Dei Eccleſijs obtinuit: verum id vtile ac Deo gratum eſt, nempe vt in diuino ac ſplendiſſimo ſacroſ, eorum qui è vita in recta fide diſceſſerunt memoriam agamus. Hæc enim, Tu reddes vnique iuxta opera ſua, & quæ quiſque ſeminauerit ea & metet, & quæ his ſimilia ſunt, proculdubio de Creatoris aduentu, & horrenda illius temporis ſententia atque huuſce mundi conſumatione dicta ſunt. Tum enim ferendi auxilij neutiquam tempus erit: verum omnis deprecatio fruſtra adhibebitur. Solutis enim nundinis negotiari iam ac quæſtum facere non licet. Vbi enim tum pauperes exiſtent? vbi Miſſæ? vbi Pſalmorum cantiones? vbi beneficia, & probæ actiones? Ac proinde ante horam illam id curemus, vt alij alijs opitulemur, ac benigno, & hominum atque animarum amanti Deo ea, quæ ex fraternæ charitatis officio ſunt, offeramus. Perlubenter enim id accipit, ijsq; qui improuiſo, atque vt ita dicam, imparati ex hac vita diſceſſerunt, eas quas propinqui ac familiares ipſi offerunt, prætermiſſi officij vices aſcribit, perindeq; reputat, ac ſi ipſimet his operibus functi fuiſſent. Sic enim facilis ille, ac clemens Dominus à ſe poſtulari vult, eaq; tribuere, quæ pro ijs, quos creauit ad ſalutem petuntur. Ac tum demum ad eorum preces omnino inſtegitur, cum quis non modò pro animæ ſux ſalute contendit, ſed proximi quoque cauſa operis aliquid nauat (hæc enim ratione Dei ſimilitudinem in ſe expreſſam refert) aliorumq; dona vt ſua beneficia petit, ac perfectæ charitatis metam attingit, beatitudinemq; dum de proximi anima benè meretur, quammaximè percipit. Quidnam autem eſt quamobrem graue ac moleſtum hoc quibusdam videatur? An non ea, quæ martyrio prima perfuncta eſt, Falconillæ vita

functæ

functæ salutem attulit? At dices fortasse hanc meritò, quia princeps martyr erat; hoc consecutum esse, æquumq. fuisse preces ipsius exaudiri. Rectè inquam, ais, eam primam martyrem fuisse. Velim autem hoc rursus consideres, cuiusnam causa postulabat. Nempè pro gentili, & idolorum cultrice profanaq. prorsus opifice, atque à Christo auersa. Hic autem fidelis pro fideli ad eundem Dominum preces fundit. Fac igitur alterum cum altero compares, vt res ipsa exæquetur. Hæc is.

Qui etiam citat Palladium in historia Lausiaca de miraculis magni, & mirifici Macarrij, qui frequenter orabat pro defunctis, & eius colloquio cum cranio sicco, cuius spiritus respondit defunctos ipsius orationibus subleuari. Et de alio quodam Patre, qui discipuli negligentem animam igne deflagrantem suis precibus liberauit.

Gregorium Papam, quem Dialogum more Græcorum appellat, qui orauit pro anima Traiani Imperatoris. Et

Athanasium in oratione De ijs, qui è vita disceserunt, semel, & iterum.

Et rursus eundem S. Dionysium tacito nomine (scilicet de diuinis nominibus cap. iiii.)

Et iterum Ioannem Chrysostomum in alijs locis.

Eadem serè & similia habentur apud Græcos in Triodio officij eorum, vbi agitur de institutione commemorationis omnium fidelium defunctorum Sabbato Dominicæ Sexagesimæ (iuxta eorum morem) & de rationibus institutionis huiusmodi; & in fine, cur die tertio, nono, & quadragesimo depositionis defunctorum fiat commemoratio, vbi etiam complura scribuntur non contemnenda de suffragijs defunctorum: licet aliqua cum delectu, & cautè legenda sint. Sic autem Metio interprete, Triodion habet.

Eodem die (Sabbato scilicet Sexagesimæ) commemorationem omnium fidelium defunctorum sancti Patres peragendam decreuerunt, hac videlicet de causa, quòd cum sæpenumerò complures peregrè intempesiuiam mortem subierint; necnon in mari, & inaccessis montibus, & præcipitijs, & voraginibus, fame etiam, & peste, & bello atque igni & frigore, & alijs mortis generibus decesserint. Quinimò cum & alij pauperes, & inopes consuetis Ecclesiasticis officijs & suffragijs caruerint, sancti Patres propterea misericordia quadam commoti, vt de his omnibus in Catholica Ecclesia statuto die commemoratio fieret sanxerunt, ab ipsis sacris Apostolis hanc traditionem habentes; vt videlicet hoc pacto illi, qui casu aliquo ijs officijs, quæ in depositione defunctorum Catholica exequi solet Ecclesia caruerunt, hac saltem communi commemoratione etiam ipsi iisdem potirentur: id nobis in primis declarantes, quòd ea, quæ pro defunctis sunt charitatis officia, magni illis afferunt enolumentum. Hac igitur de causa sancta Dei Ecclesia omnium defunctorum commemorationem meritò peragit. Præterea verò, cum sequenti die secundum Domini aduentum nobis proponat eadem sancta Ecclesia, satis congruè præcedit defunctorum commemoratio, vt terribilem illum iudicem nostris suffragijs mitiorem, & placatiorem defunctis redderemus, quò ille consueta erga nos vtatur misericordia, ac ipsos in promissa constituat gloria. Quin etiam eum Adæ exilium proxima Dominica sancti Patres essent celebraturi, quasi requiem quandam excogitarunt, & omnium nostrarum rerum finem & terminum per præsentem requiem nobis proposuerunt, vt inde quasi à nouo quodam principio diuina officia exordirentur. Omnium enim nostrarum rerum postrema est inquisitio & iudicium, quod magnus ille iudex circa ea, quæ à nobis in vita gesta sunt, habebit. Sancti quoque Patres idcirco hoc tēpore etiam faciendum curarunt, vt homines his rebus perterrefacerent, & ad ieiunij certamen eos redderent alacriores. Sabbato autem semper defunctorum commemorationem facimus, cum Sabbatum Hebraico idiomate requiem significet. Cum itaque mortui ab omnibus ijs, quæ in vita gerebant quieuerint, etiam eo die, quo requies designatur, quale est Sabbatum, pro mortuis meritò preces effundimus. Nunc autem vniuersaliter pro defunctis omnibus memoriam agimus, pro illis scilicet qui in fide decesserunt Deum orantes. Cum enim sancti Patres rectè scirent, quòd quæ pro defunctis fieri solent cōmemorationes, eleemosynæ, & Missæ magnam

illis

illis afferunt adiumentum, & lenamen; propterea, vt particulariter & communiter id fieret in Ecclesia statuerunt, à sanctis Apostolis, vt prædictum est, edocui. quemadmodum S. Dionysius Areopagita affirmat. Quòd verò ea, quæ pro defunctis fieri consueverunt, illos iuuent manifestum quidem est, tum ex alijs multis, tum præcipuè ex illa historia, quæ habetur de S. Macario, qui cum caluariam aridam cuiusdam hominis gentilis in via iacentem inuenisset, interrogauit eum, si quam qui sunt in inferno consolationem haberent: ille verò respondit: Magnum certè refrigerium habent, quando tu pro defunctis oras, o Pater. Hoc enim cum magnus ille vir frequenter facere soletet, ac Deum oraret, discere in primis cupiebat, si qua utilitas defunctis inde oriretur. Gregorius etiam Dialogus precibus suis Imperatori Traiano salutem à Domino impetravit, cum à Deo audiuisset, ne amplius vnquam deinceps pro impijs oraret. Theophilum quoque, Deo exosum, Theodora Imperatrix precibus Sanctorum & Confessorum à pœnis inferni eripuit & liberauit, vt nos docent historiz. Preces etiam pro defunctis vtilis esse Gregorius confirmat cognomento Theologus in oratione funebris, quam pro fratre Cæsario scripsit. Nec non Magnus Chrysostomus in oratione ad Philippenfes, dum hæc ait. Excogitemus fratres defunctis aliquam vtilitatem, largiamur illis quod possumus auxilium, elemosynas inquam, & oblationes: afferunt enim eis magnam hæc vtilitatem, & magnum lucrum & iuuamen. Non enim temerè & casu quodam hæc sancita sunt, & sanctæ Dei Ecclesiæ à sapientissimis eius discipulis tradita, vt in tremendis altaris mysterijs commemorationem faceret Sacerdos pro ijs, qui in fide decesserunt. Et iterum: In rerum tuarum dispositione vnà cum filijs, & propinquis coheredem statuas Deum iudicem, & non omitteretur in illa, pauperum memoria, & ego ero tibi, ne dubites, fideiussor. Dicit etiam Magnus ille Athanasius: licet in aerem fuerit diffusus is, qui in fide decessit, ne tamen te pigeat oleum & ceram in illius sepulchro accendere, Christum Deum inuocando: grata enim sunt ista Deo, & magnam afferunt retributionem. Si namque peccator fuit, qui defunctus est, eius peccata delebis: si verò iustus, efficies profectò vt mercedis accessio fiat. Si item hospes aliquis, & pauper existens, non habet qui sui curam gerat, Deus ipse iustus & benignus cum sit, metietur & illi pro eius inopia, vt ipse nouit, congruam misericordiam. Præterea qui offert pro defunctis, huiusmodi mercedem etiam ipse consequetur, dum charitatem pro salute proximi operatur, instar illius, qui dum alium vngit vnguento, ipse se prius ipsum benevolentem reddit. Quamobrem illi, qui ea quæ à defunctis sibi exequenda mandantur testamenta etiam ipsa non exequuntur, magno crimini sunt obnoxij. Quousque igitur secundus Domini Aduentus aduenerit, quæcunque pro defunctis charitatis fiunt officia magnam illis afferunt vtilitatem, quemadmodum sancti Patres affirmant, præcipuè verò ijs, qui aliqua bona, licet parua sint operati, dum inter viuos agebant. Quamuis enim nonnulla, vt par est, pro aliorum documento diuina dicat Scriptura, misericordia tamen Dei vt plurimum vincit. Si nanque statera in æquilibrio bonorum & malorum operum fuerit inuenta, viucet misericordia proculdubio: sin autem parum aliquid malis operibus lanx grauetur, & propendeat, vincet iterum summa Dei benignitas. Sciendum præterea quòd se inuicem agnoscunt omnes, qui illic sunt, tum eos, quos aliquando nouerunt, tum etiam eos, quos nunquam viderunt, vt diuinus docet Chrysostomus ex parabola diuitis, & Lazari: neque id fiet aliqua corporea figura, vna siquidem erit omnium ætas, & priora signa, quibus antea dignoscebantur relinquent: intuitiuo tamen oculo animæ id assequuntur, vt affirmat Theologus in oratione funebris pro Cæsario fratre. Tunc inquis Cæsarius videbo hilarem & gloriosum, & qualis mihi in somnis sæpè apparui (isti o dilectissime frater. Magnus quoque Athanasius, licet in ijs, quæ ad Principem Antiochum scribit, non ita dicat, tamen in oratione pro defunctis hæc ait, quòd vsque ad commune omnium resurrectionem datum est Sanctis, vt adinuicem se agnoscant & gratulentur: peccatores verò hoc priuantur, Martyribus etiam quæ à nobis fiunt videre concessum est, ac nos visitare, nostriq. curam gerere: tunc verò

omnes adinuicem se agnoscent quando etiam ocellta omnium manifestabuntur. Et paulo infra. Scire etiam oportet, quod neque omnes, qui in præcipitijs perierunt, igne etiam & mari, & alijs rebus lethalijs, & frigore, & peste sunt absumpti, Dei mandato id patiuntur: hæc enim sunt Dei iudicia, quorum alia sunt diuino eius beneplacito, alia permissione, & ex eius scientia; alia item comminatione, ad aliorum videlicet correctionem; & summa prouidentia sua videt omnia atque cognoscit, ac eius voluntate singula perficiuntur, quod de passeribus sacrum affirmat Euangelium: non tamen propterea aliquid necessariò faciendum decernit, præterquam in aliquibus fortasse, vt cum primum aliquis natus fuerit susceptor, vel moriatur; item alius senex, alius verò infans; sed semel definitiuit humanæ vitæ vniuersale tempus, & tot etiam mortis genera. Inter tot igitur tempora contingunt diuersa mortis genera, non tamen quia ab initio Deus singula singulis decreuit; cognoscit tamen singula, & ad singulorum rectam administrationem & ordinationem diuinum consilium, & tempus & mortis genus dispensat. quod quidem, vitæ prædestinationem vocat B. Basilius. Illud etiam terra es, & in terram conuerteris, hoc ipsum innuit. Dicit enim Apostolus ad Corinthios: Quoniam in dignè communicatis: ideo inter vos multi infirmi & imbecilles, & dormiunt multi, videlicet moriuntur. Dauid etiam hæc ait: Ne reuoces me dimidio dierum meorum. Et iterum: Mensurabiles posuisti dies meos. Salomon quoque: Fili honora patrem tuum, vt sis longæuus. Et iterum: Ne moriaris in tempore. Et apud Iob ad Eliphaz Deus hæc dicit. Destruissem forsitan vos, nisi propter Iob seruū meum? Quapropter ostendit non esse statutum terminum vitæ. Si verò quis dixerit determinationem Dei intelligendam eius voluntatem non errabit: cui enim vult adiecit: alij verò contra minuit, omnia quidem ad id, quod melius est disponendo, & quando vult modum etiam, & tempus disponit. Terminus igitur vitæ vniuersiuique est, vt magnus ait Athanasius, Dei voluntas & consilium, & hac ratione & profunditate iudiciorum tuorum, o Christe Domine, cuncta disponis. Illud etiam S. Basilij hoc ipsum declarat, dum ait, quod mors aduenit, quando peractus est vitæ terminus: nos verò terminum vitæ voluntatem Dei dicimus. Si enim terminus vitæ aliquis existit, quem præterire non licet, quamam de causa Deum rogamus? Medicos etiam vocamus? & pro filijs preces effundimus? Illud etiam non est prætereundum, quod pueri baptizati fruuntur gloria; qui verò carent baptismo, vel gentilium sunt filij, neque gloriam consequuntur, neque ibunt ad gehennam. Egrediens etiam anima è corpore nullam curam gerit de ijs, quæ hic sunt, sed tantum ea, quæ in alia vita semper meditatur.

Idem Triodion in festo erectionis sacrarum imaginum Dominica prima Quadragesimæ exponit causam institutionis eius festi, & post narratas persecutiones complurium Imp. Iconoclastarum aduersus illas & earum pios cultores, subdit de impio Theophilo, qui miraculo deinde diuino, & seruorum Dei, & pijsimæ eius coniugis Theodoræ Augustæ precibus, post obitum saluus factus est, hisce verbis:

Huic (scilicet Leoni Armeno) iterum Amorrhæus succedit Michael, & huic Theophilus filius, qui alios in persequendis Sanctorum imaginibus longè superarunt. Hic igitur Theophilus multos sanctorum Patrum pœnis & tormentis inauditis cum afflixisset propter sanctas imagines, iustitiæ nihilominus in primis studiosissimus fuit: cum aliquando, si quis esset in vrbe, qui alteri molestiam afferret, seiscitaretur, nullus, vt aiunt, multis diebus fuit inuentus. Cum autem duodecim regnasset annis, & disenteriz morbo correptus, è viujs excedere deberet, os suum supra modum aperuit, ita vt etiam viscera ipsa intueri liceret. Augusta verò Theodora maximo propterea dolore affecta, vix ad somnum conuertitur, & visionem intuetur huiusmodi. Immaculatam scilicet Dei genitricem, infantem ante omnia secula genitum, vlnis gestantem, & Angelis lucidissimis circumseptam, Theophilum autem eius coniugem ab ipsis flagris & contumelijs affectum. Cum igitur somnus ipsam dimisisset, & Theophilus parum respirasset, vehementer exclamauit: Hei mihi mi-

sero,

sero, qui propter sanctas imagines percutior. Quare audita Imperatrix quamprimum Dei genitricis imaginem super ipsum collocat, illam multis cum lacrymis deprecans. Theophilus verò licet ita se haberet cum vidisset astantium quendam imaginem paruum collo alligatam gerentem, illam arripit osculabatur, & venerabatur. Quapropter continuo illud os, quod antea aduersus imagines rugiebat, & guttur quod ita turpe apertum cernebatur, ad priorem statum conuersum est, & à frequenti illa angustia, & molestia requieuit, & obdormiuit: cum antea aperte confessus esset, bonum esse sanctas imagines honorare, & venerari. Cùm itaque Imperatrix è suis arcibus venerandas, & sanctas imagines eduxisset, toto pectore nitebatur Theophilum adducere, vt illas veneraretur: paulò tamen post tempore, Theophilus excedit è vita, & Theodora reuocatis illis omnibus, qui in exilio, & carceribus detinebantur, vt liberè agerent illis præcepit. Quinetiam Ioannes ex Patriarchali throno deturbatur, qui Iannes, & Mantiarcha, necnon Dæmoniarcha potius quàm Patriarcha esset dicendus. At Christi Confessor Methodius iterum Patriarchalem sedem recipit, multa antea passus, & in sepulchro, in vinculis vitam agens. His ita se habentibus res quædam diuinitus apparet contigisse Ioannici illi Magno, dum in Olympo monte vitam monasticam exerceret. Magnus enim ille Arfacius aucta ad ipsum accedens, hæc ait: Deus me ad te misit, vt quamprimum ad venerabilissimum virum Esaiam cognomento Inclusum, Nicomediam accedentes ab ipso discamus, quæ Deo sint placita, & eius sanctæ Ecclesiæ congrua. Quapropter cùm ad venerabilissimum Esaiam accederent hæc audiunt ab ipso: Hæc dicit Dominus: Ecce peruenit finis inimicorum meæ imaginis. Vos igitur ad Imperatricem Theodoram, necnon ad Patriarcham Methodium properantes, hæc illi annuntiate. Procul abire præcipe omnes profanos homines, & ita cum Angelis sacrificium mihi offer, imaginis meæ, & crucis effigiem veneratus. Hæc cùm illi audissent quamprimum se Constantinopolim conferunt, & hæc omnia Methodio Patriarchæ, & omnibus electis Dei annuntiant. Hi verò congregati ad Imperatricem accedunt, & ipsam in omnibus obsequentem inueniunt, ab incunabulis enim fuerat pia, & Deum timens. Quamprimum propterea Imperatrix Deiparæ imaginem, quam è collo pendente gestabat extrahens, coram omnibus illam venerabatur, hæc inquit: Si quis has imagines non adorât, & veneratur, relatiuè quidem, & habitudine quadam, non latriçæ, non vt Deos, sed tanquàm imagines Archetyporum propter reuerentiam ipsorum, sit illi anathema. Hi verò magno repleti sunt gaudio. Imperatrix præterea illos enixè orât, vt pro Theophilo viro suo preces Deo effundant, qui conspecta illius fide, licet inuiti, persuadentur tamen. Quapropter sanctus Methodius congregato vniuerso populo, necnon, & Clero, & Episcopis omnibus in magna Dei Ecclesia illuc aduenit, inter quos erant illustres illi viri, qui ex Olympo venerant, Magnus videlicet Ioannicus, & Arfacius, & Naucratus, & discipuli Theodori Studitæ, & Theophanes ille ex magno agro, & Theodorus, qui literis in facie scripti fuerant, & Dei Confessores extiterant. Michael etiam Hagio-polita, & Syncellus, & alij plurimi, qui totam noctem pro Theophilo Deum exorant, omnes quidem cum lacrymis, & frequenti oratione Deum laudantes; idq. per totam primam hebdomadam Quadragesimæ peragebatur: quin & ipsa Imperatrix Theodora hæc eadem cum mulieribus, & reliquo populo facienda curabat. Quæ dum ita se haberet, Theodora Imperatrix diluculo sextæ feræ somno detenta, sibi videbatur apud Columnam, quæ dicitur Crucis, reperiri, & quosdam ilac magno cum strepitu præterire, diuersa tormentorum genera secum ferentes, in quorum medio victus agebatur Imp. Theophilus manibus retro vinctis, quem cum agnouisset Imperatrix, consequebatur & ipsa illos, qui eum deducebant: cùm autem ad æneam portam peruenissent, vidit virum quendam aspectu mirabilem, qui ante imaginem Christi sedebat, ad hunc cùm Theophilum illi attulissent, stiterunt eum. Quibus visis Imperatrix pedibus eius prouoluta pro Imperatore intercedebat. At ille dixit aperto ore, Magna est fides tua ò mulier: Scito igitur quòd propter tuas

lacrymas, fidemq. tuam, necnon propter preces, & intercessionēs seruorum meorum & Sacerdotum, Theophilo viro tuo ignosco. Deinde ait illis, qui ipsum dese- rebant: Soluite eum, & tradite vxori suæ, quæ illo recepto recessit, exultans & gau- dens, & continuò somnus illam dimisit. Hæc quidem Theodora Imperatrix vidit in somnis. Patriarcha verò Methodius dum preces & orationes ab ipso fiebant, re- centi pagina accepta scriptis in ipsa omnium hæreticorum Imperatorum nomina, inter quos & Theophilum collocauit, & hanc paginam sub sancto altari posuit oc- cultè, vt nullus animaduerneret. Feria verò sexta etiam ipse Angelum quendam, terribilem conspicit, qui magnam ingrediebatur Ecclesiam, & cum illi appropin- quasset, hæc aiunt dixisse: Exaudita est oratio tua ò Episcopo, & veniam obtinuit Imp. Theophilus: Non amplius igitur pro eo Deo sis molestus. Hic autem vt ex- periretur, an vera esset visio, ad altare accedens, accepta charta, eaq. aperta inue- nit (ò Deum iudiciorum) nomen Theophili omnino diuinitus deletum. Hæc cum didicisset Imperatrix magno perflua est gaudio, & Patriarchæ significat, vt vniuer- sum congreget populum, vnà cum venerandis crucibus, & sanctis imaginibus in- magna Dei Ecclesia, vt illi sanctorum imaginum ornamentum restituatur, & nouum miraculum omnibus manifestetur. Cùm itaque omnes ferè in Ecclesia essent con- gregati, cum cereis accensis, Imperatrix etiam vnà cum filio accedit, & facta pro- cessione cum sanctis imaginibus, & sacris, & venerandis sanctæ crucis lignis, & sacro, & diuino Euangelio vsq. ad illum locum quod Milliare nuncupatur, egressi sunt, Domine miserere, alta voce clamantes, & ita rursus ad Ecclesiam reuersi sacram Lit-ургiam confecerunt, erectis videlicet sanctis & venerabilibus imaginibus à præs- tatis sanctis viris, celebrando, & omnia bona imprecando pijs omnibus, & ijs, qui recta de Catholica fide sentiunt; sicut è contra impijs & qui sanctorum imaginum hono- rem respuunt interdicijs, & anathemate damnatis. Quinimo ex illo tempore sta- tuerunt illi sancti Confessores, vt singulis annis hæc sacra panegyris celebretur, vt non amplius in eandem impietatem impingamus. Tu verò Christe, qui es imago Patris immutabilis, precibus sanctorum Confessorum tuorum miserrere nobis. Amen.

S. Isidorus libro primo de Ecclesiasticis officijs cap. xviii. De sacrificio, vbi sic habet.

Sacrificium pro defunctorum fidelium requie offerre, vel pro eis orare, quia per totum hoc orbem custoditur, credimus quod ab ipsis Apostolis traditum sit. Hoc enim vbique Catholica tenet Ecclesia, quæ nisi crederet fidelibus defunctis dimitti pec- cata, non pro eorum spiritibus vel eleemosynam faceret, vel Deo sacrificium offer- ret. Nam & cum Dominus dicit: Qui peccauerit in Spiritum sanctum, non remit- tetur ei, neque in hoc seculo, neque in futuro, demonstrat quibuscumque illis dimitten- da peccata, & quodam purgatorio igne purganda. Ergo in quodam loco à sancto Augustino dictum est, defunctorum animas sine dubio pietate suorum viuientium re- leuari, cum pro illis sacrificium offertur, vel eleemosynæ fiunt; si tamen aliquod sibi quisque meritum præparauit, dum adhuc in corpore viueret, pro quo ista profunt, quæcunque pro illo fiunt. Nam non omnibus profunt. Et quare non omnibus profunt, nisi propter differentiam vitæ, quam quisque gessit in corpore? Nam pro valde bonis gratiarum actiones sunt: pro non valde malis propitiationes sunt: pro valde malis, & si nulla sunt adiumenta mortuorum, qualescunque consolationes vi- uorum sunt. Quibus autem profunt, aut ad hoc profunt, vt sit plena remissio pecca- torum, aut certè, vt tolerabilior fiat ipsa damnatio.

Alcuius de diuinis officijs, tit. de exequijs mortuorum & eorum commemoratione. Sequuntur orationes ad commendandam animam. De his ita Augustinus in libro de cura agenda pro mortuis, & in libro Ciuitatis Dei. Qui facit, inquit, exequias mor- tuorum, ob amorem illius facit, qui promisit corpora resurrectioni: neque enim con- temnenda sunt, & abijcienda corpora defunctorum, maxime fidelium, quibus tan- quam organis & vasis ad omnia opera bona vsus est Spiritus sanctus. Vnde, & anti- quorum fidelium funera officiosa pietate curata sunt, & exequiæ celebratæ ac sepul-
tura

turæ prouise. Ipsiq. cum uiuerent de sepeliendis, seu transferendis suis corporibus filijs mandauerunt, & Tobias sepeliendis mortuis Deum promeruisse commendatur. Ipse Dominus die tertia resurrecturus, gloriose mulieris bonum opus prædicat prædicandū; & Ioseph, qui eum sepeliuit mirè collaudatur. Ac ideo pro nostris defunctis certare debemus, quatenus possint participes fieri eorum, quos Christus à claustris reuocauit inferni. Simili etiam modo celebramus officia pro ipsis, quomodo celebrantur in illis diebus quando Christus descendit ad inferna, in quibus, & creditur mortuus: Denique in aliquibus locis generaliter pro omnibus defunctis omni tempore, exceptis Pentecostes, & festis diebus, oratur in officio uespertinali, in aliquibus quotidie pro eis Missa celebratur. In kalen. etiam seu diebus anniuersarijs per nouem Psalmos, & Responsoria, seu Lectiones simili modo officia perfoluuntur; & ideo iuxta Augustinum non præmittendæ supplicationes pro spiritibus mortuorum, quas faciendas pro omnibus Christianis fidelibus, etiam tacitis nominibus eorum sub generali cōmemoratione suscepit Ecclesia, ut quibus ad ista defunt parentes, aut filij, aut qualescunque cognati, vel amici, ab una eis exhibeatur matre communi. Si autem deessent istæ supplicationes, quæ sunt recta & pia fide pro mortuis, puto quòd nihil prodesset spiritibus eorum, si quamlibet locis sanctis exanima corpora ponerentur.

Et infra. Quapropter & nos pro valde charissimis ieiunare, seu elemosynas facere, atque interius pro eorum reatibus flere debemus, ut quod illi in vita debuerunt facere, & non fecerunt, saltem nos pro illis cum Dei auxilio adimpleamus. Interea dicunt aliqui, utrum pro omnibus Christianis licitum sit Missas celebrare. Hinc Augustinus: Neque negandum est, defunctorum animas pietate suorum uiuentium releuari, cum pro illis sacrificium mediatori offertur, vel elemosynæ in Ecclesia fiunt. Sed eis hæc profunt, qui cum uiueret, hæc sibi ut postea prodesse possent, meruerunt. Est enim quidam viuendi modus, nec tam bonus, ut non requiratur ista post mortem, nec tam malus, ut ei non profint ista post mortem. Est uero talis in bono, ut hæc non requiratur: & est rursus talis in malo, ut nec his valeat, cum ab hac vita transierit, adiuuari. Quapropter oportet pro omnibus regeneratis ista facere, ut nullus eorum præmittatur ad quos hæc beneficia possint, & debeant peruenire. Et subdit de exemplo captiui carcerati, pro quo frater presbyter quotidie celebrabat Missam, de mortuis, & eius quotidie vincula soluebantur, & demum fuit absolutus, & dimissus.

Præsertim cum quidam ab hostibus captus, uinculisq. ferreis mancipatus, à quodam seruo Dei, scilicet germano suo, ut putabatur mortuus, celebratis pro eo quotidie Missis more mortuorum, sæpissimè vincula soluerentur, à quibus postea absolutus est.

Sed hoc factum plenius refert Beda in historia Ecclesiastica Anglorum lib. iiii. cap. xxij. ut supra retulimus ex eo.

Amararius lib. iij. cap. xliij. De Missa pro mortuis, narrat dictam historiam: legimus in historia Anglorum quendam Presbyterum opinatum esse de fratre suo, quòd mortuus esset in prælio, qui tamen non erat mortuus sed vulneratus, & uinculatus. Mox memoratus Presbyter non expectauit tertium diem, neque septimum, neque tricesimum, sed frequentissimè celebrauit pro eo Missas. Tempore Missæ quotidie soluta sunt vincula vulnerati, scriptum est volumine memorato libri iij. cap. xxiiij. Cumq. uidisset, qui emerat eum se uinculis non potuisse cohibere, donauit ei facultatem redeundi, si posset. A tertia autem hora, quando Missæ fieri solebant, sæpissimè vincula soluebantur. At ille iurciurando promisit, ut rediret, vel pecuniam illi pro se mitteret. Et post pauca: Qui post hæc in patriam reuersus, atque ad suum fratrem perueniens, replicauit ex ordine cuncta, quæ sibi aduersa, quæ in aduersis solatia prouenissent: cognouitq. referente eo, illis maximè temporibus sua fuisse vincula soluta, quibus pro se Missarum fuerant celebrata solennia.

Solet vulgus requirere, si pro omnibus Christianis licitum sit Missam celebrare. Quibus Augustinus respondet in libro Enchiridion. Neque negandum est defunctorum animas pietate suorum viuentium posse releuari, cum pro illis sacrificium mediatori offertur, vel eleemosynæ in Ecclesia fiunt. Sed eis hæc profunt, qui cum viuerent, hæc sibi, vt postea possint prodesse meruerunt. Est enim quidam viuendi modus, nec tam bonus vt non requirat ista post mortem: nec tam malus, vt ei non profuit ista post mortem. Est verò talis in bono, vt is hæc non requirat; & est rursus talis in malo, vt nec his valeat cum hæc vita transierit adiuuari. Quocirca hic omne meritum comparatur, quo possit post hanc vitam releuari quispiam, vel grauari. Et paulò post: Cum de sacrificio siue altaris, siue quarumcunque eleemosynarum pro baptizatis defunctis omnibus offeruntur, pro valde bonis gratiarum actiones sunt; pro non valde malis propitiationes sunt: pro valde malis etiam si nulla sint adiumenta mortuorum, qualescunque viuorum consolationes sunt. Quibus autem profunt, aut ad hoc profunt, vt sit plena remissio: aut certè, vt eò tolerabilior fiat ipsa damnatio. Vnde iterum ad Paulinum de cura pro mortuis gerenda, libro secundo. Quamuis non pro quibus fiunt, omnibus profint, sed eis tantum pro quibus dum viuunt comparatur, vt profint. Sed quia non discernimus qui sint, oportet ea pro regeneratis omnibus facere, vt nullus eorum prætermittatur, ad quos hæc beneficia possint & debeant peruenire. Melius enim supererunt ista eis, quibus nec obfunt, nec profunt, quàm eis deerunt, quibus profunt, &c.

Et libro quarto cap. xlj. De exequiis mortuorum. Inter has ambiguitates occurrit mihi vt legerem Augustinum de Ciuitate Dei, & ad Paulinum de Cura pro mortuis gerenda. Pauca inde excerpfi, quibus tamen intelligi potest, exequias nos debere facere circa mortuos nostros potius pro nostra salute, quàm pro illorum, & si non fuerint exequiæ, ipsis, qui in Christo mortui sunt, nihil obesse; & quòd qui eis facit exequias, ob amorem illius facit, qui promissit corpora resurrectura. Dicit idem in primo libro de Ciuitate Dei cap. xij. Multa itaque corpora Christianorum terra non textit: sed nullum eorum quisquam a cælo & terra separauit, quam totam implet præsentia sui, qui nouit vnde resuscitet quod creauit. Dicitur quidem in Psalmo: Posuerunt morticina seruorum tuorum escas volatilibus cæli; carnes sanctorum tuorum bestiis terræ. Effuderunt sanguinem eorum tanquam aquam in circuitu Hierusalem, & non erat qui sepeliret. Et paulò post. Quamuis enim hæc in conspectu hominum dura, & dira videantur, sed pretiosa est in conspectu mors sanctorum eius. Proinde omnia ista, curatio fuueris, conditio sepulturæ, pompa exequiarum, magis sunt viuorum solatia, quàm subsidia mortuorum. Iterum in eodem libro cap. xij. Nec ideo tamen contemnenda, & abijcienda sunt corpora defunctorum, maximè iustorum atque fidelium, quibus tanquam organis, & vasis ad omnia bona opera sanctus vñs est Spiritus. Si enim paterna vestis & annulus, ac si quid huiusmodi, tantò charius est posteris, quantò erga parentes maior affectus: nullo modo ipsa spernenda sunt corpora, quæ vtrique multo familiarius atque coniunctius quàm quælibet indumenta gestamus. Hæc enim non ad ornamentum, vel adiutorium, quod adhibetur extrinsecus, sed ad ipsam naturam hominis pertinent. Vnde & antiquorum iustorum funera officiosa pietate curata sunt, exequiæ celebratæ, & sepultura prouisa, ipsiq. cum viuerent, de sepeliendis, vel etiam transferendis suis corporibus filijs mandauerunt. Et Tobias sepeliendo mortuos Deum promeruisse teste Angelo commendatur. Ipse quoque Dominus die tertio resurrecturus, religiose mulieris bonum opus prædicat, prædicandumq. commendat, quod vnguentum pretiosum super membra eius effuderit, atque hoc ad eum sepeliendum, fecerit. Et laudabiliter commemorantur in Euangelio, qui corpus eius de cruce acceptum, diligenter atque honorificè tegendum, sepeliendumq. curarunt. Verùm istæ auctoritates non hoc admonent, quod insit vllis cadaueribus sensus, sed ad Dei prouidentiam, cui placet etiam talia pietatis officia, corpora quoque mortuorum pertinere significant propter fidem resurrectionis astruendam, Vbi, & illud salubri-

ter discitur quanta possit esse remuneratio pro eleemosynis, quas viuentibus, & scientibus exhibemus, si neque hoc perit apud Deum, quod exanimis hominum, membris officia diligentiaq. persoluuntur. Ex istis verbis S. Augustini apparet, quod propterea debeamus exequias celebrare circa mortuorum hominum corpora, quia Deus vult ea resuscitare. Ecce manifeste sunt exequias mortuorum, manifestatusq. est affectus hominis, qui debet esse circa exequias mortuorum.

Rabanus Maurus de institutione Clericorum lib. ij. cap. xliij. De sacrificijs pro defunctis offerendis.

Sacrificium pro defunctorum fidelium requie offerre, vel pro eis orare, quia per totum orbem hoc custoditur, credimus quod ab ipsis Apostolis traditum sit. Hoc enim, ubique Catholica tenet Ecclesia, quæ nisi crederet fidelibus defunctis dimitti peccata, non pro eorum spiritibus, vel eleemosynam faceret, vel sacrificium Deo offerret. Nam & cum Dominus dicit: Qui peccauerit in Spiritum sanctum, non remittetur ei in hoc seculo, neque in futuro, demonstrat quibusdam illis dimittenda peccata, & quodam purgatorio igne purganda. Ergo vt in libris Dialog. S. Gregorius narrat, & Beda Magister in gestis Anglorum refert, frequenter exemplo ostensum, vix visione reuelati est, animabus defunctorum multum prodesse oblata pro eis sacrificia. Et in quodam loco dictum est à S. Augustino, defunctorum animas sine dubio pietate suorum viuentium releuari, cum pro illis sacrificium offertur, vel eleemosynæ fiunt: si tamen aliquod quisque sibi meritum præparauit, dum adhuc in corpore viueret, pro quo ista profunt quæcunque pro illo fiunt. Nam non omnibus profunt, nisi propter differentiam vitæ, quam quisque gessit in corpore, nam pro valde bonis gratiarum actiones sunt; pro non valde bonis, & non valde malis, propitiationes sunt, pro valde malis, etiamsi nulla sunt adiumenta mortuorum, qualescunque tamen viuorum consolationes sunt. Quibus autem profunt, aut ad hoc profunt, vt sit plena remissio; aut certè, vt tolerabilior fiat ipsa damnatio.

Matth. 12. c.

Durandus libro vij. Rationalis cap. xxxv. num. xix.

Et nota quod suffragia, quæ fiunt in Ecclesijs pro defunctis valde bonis actiones sunt gratiarum. Illæ enim animæ quæ sunt perfectè bonæ, statim cum egrediuntur à corporibus euolant ad celos, nec subsidijs nostris egent. Pro valde malis sunt qualescunque consolationes viuorum: Eis enim subsidia nostra non profunt, quoniam animæ illorum statim descendunt ad infernum. Pro mediocriter bonis, qui scilicet sunt in Purgatorio, fiunt expiationes; pro mediocriter malis, qui scilicet sunt in Inferno, fiunt propitiationes, siue pœnarum mitigationes. Nam secundum Augustinum, quibus profunt, aut profunt vt sit plena remissio; aut certè vt tolerabilior sit damnatio. xij. q. ij. tempus in fine. Quidam tamen pro eodem sumunt mediocriter bonos, & mediocriter malos, quos vocant non valde bonos, qui videlicet intrant Purgatorium: qui viuentes iniunctam pœnitentiam non perfecerunt, quibus profunt eleemosynæ, orationes, ieiunia, & sacrificia, quæ pro eis fiunt: nam, vt dicunt, eis qui sunt in inferno nihil profunt.

Concilium Oecumenicum Florentinum sess. xxv. & vltima, & habetur in Bulla Eugenij Papæ IIII. super vnione Græcorum, incipien. Latentur cæli, & exultet terra. Sub Datum Florentiæ in sessione publica Synodali solenniter in Ecclesia maiori celebrata, anno Incarnationis Dominicæ m. ccccxxxix. pridie Nonas Iulij, Pontificatus sui anno nono, in quarto capite de Purgatorio, ita diffiniuit, & declarauit.

Item si verè pœnitentes in Dei charitate decesserint antequam dignis pœnitentiæ fructibus de commissis satisfecerint, & omisiss, eorum animas pœnis purgatorijs post mortem purgari, & vt à pœnis huiusmodi releuentur, prodesse eis fidelium viuorum suffragia, Missarum scilicet sacrificia, orationes, & eleemosynas, & alia pietatis officia, quæ à fidelibus pro alijs fidelibus fieri consueuerunt, secundum Ecclesiæ institutionem: illorumq. animas, qui post baptismum susceptum nullam omnino peccati maculam incurrerunt; illas etiam quæ post contractam peccati maculam, vel in suis corporibus, vel eisdem exutæ corporibus (prout superius dictum est) sunt purgatæ, in

coelum mox recipi, & intueri clarè ipsum Deum trinum, & vnum, sicuti est, meritòrum tamen diuersitate alium alio perfectiùs: illorum autem animas, qui in actuali mortali peccato, vel solo originali decedunt, mox in infernum descendere, pœnis tamen disparibus puniendas.

Sacro sanctum Concilium Tridentinum sess. xxij. De sacrificio Missæ cap. ij.

Et quoniam in diuino hoc sacrificio, quod in Missa peragitur, idem ille Christus continetur, & incruentè immolatur, qui in ara crucis semel seipsum cruentè obtulit; doceat sancta Synodus, sacrificium istud verè propitiatorium esse, per ipsumq. fieri, vt si cum vero corde & recta fide, cū metu & reuerentia contriti ac pœnitentes ad Deum accedamus, misericordiam consequamur, & gratiam inueniamus in auxilio opportuno. Huius quippe oblatione placatus Dominus, gratiam & donum pœnitentiæ concedens, crimina, & peccata etiam ingentia dimittit. Vna enim eademq. est hostia, idem nunc offerens Sacerdotum ministerio, qui seipsum tunc in cruce obtulit, sola offerendi ratione diuersa. Cuius quidem oblationis, cruentæ, inquam, fructus per hanc vberimè percipiuntur: tantum abest, vt illi per hanc quouis modo derogetur. Quare non solum pro fidelium viuorum peccatis, pœnis, satisfactionibus, & alijs necessitatibus, sed & pro defunctis in Christo nondum ad plenum purgatis, ritè iuxta Apostolorum traditionem offertur.

Et canone primo.

Si quis dixerit, in Missa non offerri Deo verum & proprium sacrificium, aut quòd offerri non sit aliud, quàm nobis Christum ad manducandum dari, anathema sit.

Et canone tertio.

Si quis dixerit, Missæ sacrificium tantum esse laudis, & gratiarum actionis, aut namdam commemorationem sacrificij in cruce peracti, non autem propitiatorium; vel soli prodesse fumanti; neque pro viuus, & defunctis, pro peccatis, pœnis, satisfactionibus, & alijs necessitatibus offerri debere, anathema sit.

Item sess. xxv. in Decreto de Purgatorio.

Cum Catholica Ecclesia Spiritu sancto edocta ex sacris litteris, & antiqua Patrum traditione, in sacris Concilijs, & nouissimè in hac Oecumenica Synodo docuerit, Purgatorium esse, animasq. ibi detentas fidelium suffragijs, potissimum verò acceptabili altaris sacrificio iuari; præcipit sancta Synodus Episcopis, vt sanam de Purgatorio doctrinam à sanctis Patribus & sacris Concilijs traditam, à Christi fidelibus credi, teneri, doceri, & vbique prædicari diligenter studeant.

Et infra. Curent autem Episcopi, vt fidelium viuorum suffragia, Missarum scilicet sacrificia, orationes, elemosynæ, aliæq. pietatis opera, quæ à fidelibus pro alijs fidelibus defunctis fieri consueverunt, secundum Ecclesiæ instituta piè & deuotè fiant; & quæ pro illis ex restatorum foundationibus, vel alia ratione debentur, non persursoriè, sed à Sacerdotibus & Ecclesiæ ministris, & alijs, qui hoc præstare tenentur, diligenter, & accuratè persoluantur.

Matrimonij.



Parochus admonitus de aliquo matrimonio in sua parochia contrahendo, primum cognoscat ex his ad quos spectat, qui & quales sint qui matrimonium contrahere volunt; an inter eos sit aliquod canonicum impedimentum; vtrum sponte, liberè, & secundum honestatem Sacramenti velint contrahere; vtrum sint in ætate legitima, vt vir non sit minor quatuordecim, mulier duodecim annis.

Nouerit ex sacris Canonibus, & ex Theologis vel Canonistis, aut saltem ex Summis, quæ sint canonica impedimenta contrahendi matrimonij; quæq. contrahendum dirimant.

Gradus quoque consanguinitatis & affinitatis cognitos habeat; & meminerit hodie, vsque ad quartum gradum inclusiue contrahi non posse ex dispositione Concilij generalis. Quodq. Clemens Papa V. in Concilio Viennensi eos, qui diuino timore postposito in suarum periculum animarum scienter in huiusmodi gradibus consanguinitatis & affinitatis diuina vel canonica constitutione interdictis; aut cum Monialibus contrahere matrimonialiter non verentur: necnon Religiosos professos & Moniales ipsas & Clericos in sacris Ordinibus constitutos matrimonia contrahentes, excommunicationis sententiæ ipso facto subiacere decreuit. Præcipiens Ecclesiarum Prælati, vt illos quos eis consliterit taliter contraxisse, excommunicatos publicè tamdiu nuntient, seu à suis subditis faciant nuntiari; donec suum recognoscentes errorem, separentur ab inuicem, & absolutionis obtinere beneficium mereantur. Per prædicta quoque iuribus, quæ sic contrahentibus alias pœnas imponunt, in nullo voluit derogari.

Et insuper præter eas penas Religiosi professi, Moniales & Clerici in sacris existètes, in suspensione siue notam hæreseos, contra cœlibatus seu continentię votum, incurrunt.

Sciat etiam quomodo spiritualis cognatio, quæ ex Baptismo & Confirmatione provenit, à Concilio Tridentino coarctata sit; vt scilicet in Baptismo inter patrum, seu matrum, ac baptizatum & illius patrem & matrem; necnon inter baptizantem & baptizatum, baptizatiq. patrem ac matrem tantum spiritualis cognatio contrahatur. In Confirmatione verò confirmantem & confirmatum, illiusq. patrem & matrem, ac tenentem non egrediatur.

Cum matrimonia inter Catholicos & hæreticos sint saluti animarum valde periculosa, & Orthodoxæ fidei aduersantia: non sunt cum hæreticis nuptiarum fœdera celebranda seu miscenda connubia; nec eis filios vel filias dare oportet, sed magis accipere; si tamen Christianos & Catholicos se fieri promittant, iuxta veterum Canonum disciplinam. Quare hæretici, siue mares siue feminae ad coniugium Catholicorum non sunt admittendi, sed ab eo (quantum fieri potest) repellendi; nisi resipuerint, ac fidem Catholicam profiteantur, ac hæreses & errores iudicio Ordinarij abiurauerint atque anathematizauerint, & absoluti Ecclesiæ gremio reconciliati fuerint. Quod si Catholici cum hæreticis de facto matrimonio contraxerint, vt in partibus Transalpinorum hæreticorum fieri solet, illud quidem (si aliud non obstat canonicum impedimentum) valet; sed à contrahentibus manifestè peccatur.

Parochus autem caueat, ne passim omnes ad matrimonium contrahendum admittat, quorum ipse noticiam non habet, præsertim vagos & peregrinos, & qui incertas habent sedes; nisi diligenti de illis facta inquisitione & re ad Ordinarium delata; & nisi ab eo licentiam eos ad matrimonium admittendi obtinuerit.

Caueat etiam, ne ad matrimonium admittat aliquem ex ijs, qui antea coniugati seu coniuncti fuerunt, vt sunt uxores militum, captiuorum, vel aliorum qui peregrinantur,

tur, etiam si ad longum tempus, etiam per quinque annos, vel septem, vel quantumcunque annorum numerum expectauerint; nisi certum nuntium habeant de morte viri, vel etiam vxoris, quem omnino habere debent; alioquin iuxta sacros canones ad alias nuptias conuolare non debent, nec permittuntur.

Conuenit etiam vt Parochus sciat, vtrum cum voluntate parentum contrahant, an non. Id autem, non quod illorum consensus necessarius requiratur; sed vt sciat causam, quare sine ipsorum voluntate contrahatur.

Moneat autem parentes, curatores, & eos qui iuuenibus præsunt, vt liberorum, & eorum qui sui fidei commissi sunt, diligentem curam gerant; & si vel incontinentes, vel procliuus esse ad libidinem viderint, iungant potius matrimonio, quam eos in carnis peccata prolabi sinant.

Moneat etiam dominos, qui Christianos seruos & ancillas habent, vt si eos nouerint fornicari, illos matrimonio inter se copulari curent.

Et cum matrimonia libera esse debeant, & ab eis omnis metus vel coactio longè abesse; caueat nequod matrimonium, cui ipse interuenire debet, dolo, fraude, aut vi, metuve contrahatur.

Cum verò maximè nefarium sit matrimonij libertatem violare, & ab eis iniurijs nasci, à quibus iura expectantur, sacrosanctum generale Concilium Tridentinum præcepit omnibus dominis ac Magistratibus temporalibus, cuiuscunque gradus, dignitatis, & conditionis existant, sub anathematis poena, quam ipso facto incurrant, ne quouis modo directè vel indirectè subditos suos, vel quoscunque alios cogant, quominus liberè matrimonia contrahant.

Quæ omnia vt seruet, probè norit quicquid dictum sacrum Concilium Tridentinum decernit sess. xxiii. de Sacramento & reformatione matrimonij, cuius canones & decreta sæpius populo publicare & explicare debet, & in primis illud, quod aduersus clandestinas nuptias promulgauit, videlicet.

De reformatione Matrimonij sess. xxiii. caput i.

Tametsi dubitandum non est, clandestina matrimonia, libero contrahentium consensu facta, rata & vera esse matrimonia, quamdiu Ecclesia ea irrita non fecit; & proinde iure dammandi sint illi, vt eos sancta Synodus anathemate damnat, qui ea vera ac rata esse negant; quicquid falsò affirmant, matrimonia à filijsfamilias sine consensu parentum contracta irrita esse, & parentes ea rata vel irrita facere posse: nihilominus sancta Dei Ecclesia ex iustissimis causis illa semper detestata est atque prohibuit. Verùm cum sancta Synodus animaduertat prohibitiones illas propter hominum inobedientiam iam non prodesse; & grania peccata perpendat, quæ ex eisdem clandestinis coniugijs ortum habent: præsertim verò eorum, qui in statu damnationis permanent, dum priore vxore, cum qua clam contraxerant, relicta, cum alia palàm contrahunt, & cum ea in perpetuo adulterio viuunt. Cui malo cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur: idcirco sacri Lateranensis Concilij sub Innocentio III. celebrati veltigijs inhærendo præcipit, vt in posterum antequam matrimonium contrahatur, TER à proprio contrahentium Parocho, tribus continuis diebus festiuis in Ecclesia inter Missarum solennia publicè denuntiatur, inter quos matrimonium sit contrahendum.

Quibus denuntiationibus factis, si nullum legitimum opponatur impedimentum, ad celebrationem matrimonij in facie Ecclesiæ procedatur; vbi Parochus viro & muliere interrogatis, & eorum mutuo consensu intellecto, vel dicat, Ego vos in matrimonium coniungo in nomine Patris, & Filij, & Spiritus sancti, vel alijs vtatur verbis iuxta receptum vniuscuiusque Prouinciæ ritum.

Quod si aliquando probabilis fuerit suspicio matrimonium malitiosè impediri posse, si tot præcesserint denuntiationes; tunc vel vna tantum denuntiatio fiat; vel saltem Parocho, & duobus vel tribus testibus præsentibus matrimonium celebretur: deinde ante illius consummationem denuntiationes in Ecclesia fiant, vt si aliqua subsane impe-

Can. il. Trid. sess. 24. cap. 1.

Cap. Requisit, et
Ecclesia, de spons.

sess. 24. de reformatione
matrimonij, cap. 9.

Impedimenta facilius detegantur: nisi Ordinarius ipse expedire iudicauerit, vt prædictæ denuntiationes remittantur: quod illius prudentiæ & iudicio sancta Synodus relinquit.

Qui aliter quàm præsentè Parocho, vel alio Sacerdote de ipsius Parochi seu Ordinarij licentia, & duobus vel tribus testibus matrimonium contrahere attentabunt, eos sancta Synodus ad sic contrahendum omninò INHABILES reddit, & huiusmodi contractus irritos & nullos esse decernit, prout eos præsentì decreto irritos facit & annullat.

Insuper Parochum vel alium Sacerdotem, qui cum minore testium numero, & testes qui sine Parocho vel Sacerdote huiusmodi contractui interfuerint, necnon ipsos contrahentes grauitè arbitrio Ordinarij puniri præcipit.

Præterea eadem sancta Synodus hortatur, vt coniuges ante benedictionem Sacerdotalem in templo suscipiendam, in eadem domo non cohabitent; statuitq. benedictionem à proprio Parocho fieri; neque à quoquam nisi ab ipso Parocho, vel ab Ordinario licentiam ad prædictam benedictionem faciendam alij Sacerdoti concedi posse; quacunque consuetudine etiam immemorabili, quæ potius corruptela dicenda est, vel priuilegio, non obstante.

Quòd si quis Parochus, vel alius Sacerdos siue regularis, siue secularis sit, etiamsi id sibi ex priuilegio, vel immemorabili consuetudine licere contendat, alterius parochiæ sponso sine illorum Parochi licentia matrimonio coniungere, aut benedicere ausus fuerit: ipso iure tamdiu suspensus maneat, quamdiu ab Ordinario eius Parochi, qui matrimonio interesse debebat, seu à quo benedictio suscipienda erat, absoluat.

Habeat Parochus librum in quo coniugum & testium nomina, diemq. & locum contractus matrimonij describat, quem diligenter apud se custodiat.

Postremò sancta Synodus coniuges hortatur, vt antequàm contrahant, vel saltem tri-duo ante matrimonij consummationem, sua peccata diligenter confiteantur, & ad sanctissimum Eucharistiæ Sacramentum pie accedant.

Si quæ Prouinciæ alijs vltra prædictas, laudabilibus consuetudinibus & cæremonijs hæc in re vtuntur, eas omninò retineri sancta Synodus vehemèter optat.

Ne verò hæc tam salubria præcepta quenquam lateant, Ordinarijs omnibus præcipit, vt cum primùm poterunt, curent hoc decretum populo publicari ac explicari in singulis suarum diocesium parochialibus Ecclesijs; idq. in primo anno quamsepius fiat; deinde verò quoties expedire viderint.

Decernit insuper, vt huiusmodi decretum in vnaquaque parochia suum robur post triginta dies habere incipiat à die primæ publicationis in eadem parochia factæ numerandos. Hæc ibi. QVAE sollicitus Parochus non modò sedulò publicare, & rectè explicare curet; verum etiam quantum ad se pertinet diligenter tenere & obseruare, atque accuratè exequi & implere studeat.

His igitur cognitis, antequàm matrimonium contrahatur, iuxta dictas constitutiones generalium Conciliorum Lateranen. & Tridentini, fiant tres denuntiationes tribus continuis festiui diebus publicè in parochiali Ecclesia seminæ seu sponsæ: vel, si sit consuetudo, in Ecclesia sponsi, vel etiam vtriusque, si contrahentes sint diuersæ parochiæ, & inter Missarum solennia.

Denuntiationes autem fiant hoc modo. Dictò Euangelio Parochus conuersus ad populum in hanc sententiam vulgari sermone loquatur.

Notum sit omnibus hic præsentibus, quòd N. vir & N. mulier Deo adiuvante intendunt inter se contrahere matrimonium. Proinde admonemus omnes & singulos, vt si quis est, qui nouerit aliquod consanguinitatis vel affinitatis, aut cognationis spiritalis, vel quoduis aliud impedimentum inter eos esse, quod matrimonium contrahendum inuicem impediatur, illud intra terminum sex vel nouem, aut tot dierum nobis denuntiare debeat, & hoc admonemus primò, si fuerit prima denuntiatio; vel secundò, si fuerit secunda denuntiatio; vel tertio, si fuerit tertia denuntiatio.

Si interim constiterit de aliquo impedimento, interdicatur eis, ne contrahant, sed desistant. Si autem dubium extiterit, vel perplexitas aut probabilis suboriatur suspicio de aliquo impedimento, remittat eos ad Episcopum, vel alium Ordinarium superiorem suum; nec ad ulterius procedat, nisi de illius declaratione & mandato. Sin autem nullum proferatur impedimentum, sed adhuc aliqua possit subesse suspicio, Parochus ex officio cautè inquireat, num illa sit probabilis, & ad maiorem cautelam virum & mulierem contrahere volentes priuatim & seorsum alloquatur in hunc fermè modum.

Ego ex parte Dei admono vos, vt mihi dicatis, si scitis aliquod legitimum impedimentum, quod vos detineat vel impedire possit ab hoc matrimonio legitime contrahendo, videlicet vtrum sitis consanguinei vel affines vsque ad quartum gradum inclusiue, vel aliqua inter vos extet spiritualis cognatio; & an aliquis vestrum cum aliqua persona contraxerit per verba de presenti, vel de futuro; vel fecerit votum religionis aut castitatis, vel habeat alia impedimenta canonica, quæ matrimonium contrahendum impediunt, vel contractum dirimant.

Et in eandem formam admonoet & alloquatur parentes seu consanguineos contrahentium: & si ex eorum confessione deprehendat aliquod subesse impedimentum, caueat ne cum matrimonium sine peccato propter huiusmodi impedimentum contrahi non possit, in eo interueniat, neve adhibeat auctoritatem. Verùm si ambigè & perplexè responderint, vnde dubitandum sit, vel aliàs probabilis appareat coniectura contra matrimonium contrahendum, non interponat auctoritatem suam, sed contractus eis interdicatur expresse, iuxta generalis Concilij constitutionem, donec quid fieri debeat super eo manifestis constiterit documentis.

At respondentibus se nulla habere impedimenta canonica, poterit eos paucis verbis admonere, ne temerè & inconsultè, neve libidine aut auaritia, aut quauis inhonestæ, causa matrimonio se obstringant; atque vt meditentur antea leges, & onera, & incommoda matrimonij, & cogitent eo inuicem alligari, & in perpetuum alligatos manere; & postea non posse recedere, cum matrimonium sit consortium omnis vitæ, diuini & humani iuris communicatio; ac indiuiduam vitæ consuetudinem contineat. **Admonoet** etiam eos, vt postquam contraxerint, sese mutuo & incommoda matrimonij patienter ferant, contenti ea in qua vocati sunt vocatione.

Appropinquante nuptiarum celebratione instandum est orationi à sponsis, & eorum parentibus ac domesticis; & procurandum vt ab alijs precesiones fiant, & Missæ celebrentur; & celebrari poterit Missa de Spiritu sancto, spiritus Domini replevit orbem terrarum &c. cum prima oratione, **Deus**, qui corda fidelium &c. cum secunda oratione de beata Virgine, **Concede** nos famulos tuos &c. & cum tertia, **Precende** Domine fidelibus tuis dexteram &c. vt in Missali.

Admoneantur Præterea à Parocho sponsus & sponsa, vt, cum Matrimonium inter Christianos sit vnum è septem Sacramentis Ecclesiæ & gratiam conferat, se ad illud religiosè contrahendum parent, ac se in primis disponant ad Sacramentalem peccatorum suorum confessionem faciendam, in qua vel ab ipso Parocho, vel ab alio eorum Sacerdote Confessario de vi & vinculo huius Sacramenti Matrimonij, & quomodo in eo viuere & conuersari debeant, seriò instruantur ex sacra Scriptura, iuxta ea que dicta sunt à primo parente nostro Adam: Hoc nunc os ex ossibus meis, & caro de carne mea: hæc vocabitur virago, quoniam de viro sumpta est. **Quamobrem** relinquet homo patrem suum & matrem, & adhærebit vxori suæ; & erunt duo in carne vna. **Et** à Christo Domino in Euangelio: Ab initio masculum & feminam fecit eos, & dixit: Propter hoc dimittet homo patrem & matrem, & adhærebit vxori suæ; & erunt duo in carne vna: itaque iam non sunt duo, sed vna caro. **Quod ergo** Deus coniunxit, homo non separet. **Et** quod ex ijs Apostolus repetit: Viri, inquit, diligite vxores vestras, sicut & Christus dilexit Ecclesiam, & seipsum tradidit pro ea: vt illam sanctificaret, mundans eam lauacro aquæ in verbo vitæ, vt exhiberet ipsæ sibi gloriosam Ecclesiam, non habentem maculam aut rugam, aut aliquid huiusmodi: **sed**

Gen. 2. d

Matth. 19. a

Ephe. 5. o

fed vt fit sancta & immaculata. Ita & viri debent diligere vxores suas vt corpora sua. Qui suam vxorem diligit, seipsum diligit. Nemo enim vnquam carnem suam odio habuit: sed nutrit & fouet eam, sicut & Christus Ecclesiam, quia membra sumus corporis eius, de carne eius & de ossibus eius. Propter hoc relinquit homo patrem & matrem suam & adhærebit vxori suæ; & erunt duo in carne vna. Sacramentum hoc magnum est: ego autem dico in Christo & in Ecclesia.

Cumq; Matrimonium à Deo sit institutum, tum præcipue ad sobolem procreandam, quæ ad Dei cultum educetur; tum etiam in remedium incontinentiæ; & ad vitandam fornicationem, sanctè illo postmodum vti, religiosè colere, honestum ducere, honorificè pertrahere, seipsum mutuò diligere, & fidem quam inuicem sibi dederint, inuiolatam vsq; ad mortem perpetuò seruare debent, sicut & Apostolus docet: Hæc est enim voluntas Dei sanctificatio vestra, vt abstineatis vos à fornicatione, vt *1. Thess. 4. a* sciat vnusquisque vestrum vas suum possidere in sanctificatione & honore, non in passione desiderij, sicut & gentes quæ ignorant Deum; & ne quis supergrediatur, neque circumueniat in negotio fratrem suum: quoniam vindex est Dominus de his omnibus, sicut prædiximus vobis & testificati sumus. Non enim vocauit nos Deus in immunditiam, sed in sanctificationem. Et alibi: Honorabile concubium in omnibus & totus immaculatus: Fornicatores enim & adulteros iudicabit Deus: Et; sanctus Raphael Angelus Tobiam iuniorem docebat: His qui matrimonium ita suscipiunt, vt Deum à se & sua mente excludant, & suæ libidini ita vacent sicut equus & mulus, quibus non est intellectus, demonium præuallere potest, & potestatem habet super eos. Tu autem cum acceperis eam, ingressus cubiculum per tres dies continens esto ab ea, & nihil aliud, nisi orationibus vacabis cum ea. Transacta autem tertia nocte, accipies virginem cum timore Domini, amore filiorum magis quam libidine ductus, vt in semine Abraham benedictionem in filijs consequaris, prout & fecerunt. Nam prima nocte Tobias hortatus est virginem dicens: Sara, exurge & deprecemur Deum hodie, & cras, & secundum cras, quia his tribus noctibus Deo iungimur; tertia autem transacta nocte, in nostro erimus coniugio. Filij quippe sanctorum sumus, & non possumus ita coniungi sicut gentes, quæ ignorant Deum. Surgentes autem pariter instanter orabant ambo simul, vt sanitas daretur eis.

Ex his etiam admonentur sponsi in eadem Sacramentali Confectione ab eodem Parocho vel dicto Confessario viro prudente & discreto, pro eorum ætate, qualitate, sexu & iudicio, vt actus coniugales quanta maxima poterunt honestate & pudore incant, non libidini aut voluptati inservientes, sed debito legis & Sacramenti obsequentes; & non ex ardore carnis & luxuriæ, vt bruta animalia ratione carentia; sed vt rationabiles homines ac Deum timentes, & Matrimonij Sacramentum honorantes, & se fideles & filios sanctorum agnoscentes, & causa prolis suscipiendæ, & debitum coniugii reddendi, vt tenentur. Nec huiusmodi actu coniugij vtantur, nisi modo debito, licito & naturali: neque conueniant tempore menstruorum: vtq; actu Matrimonij in magnis festiuitatibus, diebus ieiuniorum & processionum, & cum sacramentali Eucharistiam sunt percipendi, communi consensu per triduum ante & postea, quoad poterunt, reuerenter abstineant.

Sortilegia, & res superstitiosas nec in tractatu, nec in contractu, neque in vsu Matrimonij villo modo adhibeant.

Cæterum sibi inuicem debitum non denegent, scientes illud Apostoli: Propter fornicationem vnusquisque suam vxorem habeat, & vnaquæque suum virum habeat, vxori vir debitum reddat; similiter autem & vxor viro. Mulier sui corporis potestatem non habet, sed vir: similiter autem & vir sui corporis potestatem non habet, sed mulier. Nolite fraudare inuicem, nisi fortè ex consensu ad tempus, vt vacetis orationi: & iterum reuertimini in idipsum, ne tentet vos Satanas propter incontinentiam vestram.

Moneantur etiam, vt filios in pietate & timore Domini educent, benè & rectè instruant; domum & familiam prudenter & pie regant; & elemosynis pauperes adiu-

adiuuent; remq. familiarem iniustis modis non augeant.

Et quòd si hæc obseruauerint, & honestè sanctèq. & religiosè in matrimonio vixerint, prolem, pacem, gaudium, atque prospera cuncta eis Dominus concedet, quantum ipsius gloriæ, eorumq. salutis expedierit; ac tandem in celis præmia eis largietur æterna.

Adhortetur etiam Parochus seu Confessarius, vt similiter antequàm matrimonium contrahant, iuxta sacri Concilij Tridentini hortationem, post tamen Sacramentalem peccatorum suorum Confessionem, sacram percipiant Eucharistiam; præsertim si solennis benedictio nuptiarum, in qua id fieri conuenit, non statim futura sit, sed aliquandiu differenda.

Postquàm verò Matrimonium contraxerint per verba de præsentì, iidem sponsi admo-
neantur, vt ante benedictionem Sacerdotalem in Ecclesia suscipiendam, in eadem domo non cohabitent, & quoad fieri poterit, non statim consumment matrimonium; sed ad conciliandum sibi inuicem mutuam amorem & coniugalem affectum aliquot dierum spatium interponatur, & triduo saltem ante illius consummationem sua peccata confiteantur, & ad sanctissimum Eucharistiz Sacramentum piè accedant, vt idem Concilium hortatur, & orationi ac pijs operibus vacent.

Quamuis vetus sit Romanæ Ecclesiæ consuetudo, vt quocunque tẽpore Matrimonium contrahi possit, consensu interueniente legitimo de præsentì, & seruatis de iure seruandis: solennitates tamen nuptiarum, vt sponsoꝝ benedictio, traductio sponse in domum sponſi, matrimonij consummatio, festiua conuiuia & choreæ certis temporibus, quibus orationi & contemplationi insistentum est, prohibentur. De his autem generalis Synodus Tridentina ita decreuit, quod & seruandum est.

Ab Adventu Domini nostri Iesu Christi vsque in diem Epiphaniæ, & à feria quarta Cinerum vsque in octauam Paschatis inclusiue, antiquas solennium nuptiarum prohibitiones ab omnibus obseruari sancta Synodus præcipit: in alijs verò temporibus nuptias solenniter celebrari permittit; quas Episcopi, vt ea qua decet modestia & honestate fiant, curabunt. Sancta enim res est Matrimonium, & sanctè tractandum.

Cùm verò puella seu sponsa in domum viri traducenda est, monitu Sacerdotis parentibus, fratres & cognati eius eam instruere debent de timore Dei, de honorandis foceris & affinibus, de dilectione viri, de regenda domo, & de seipsa irreprehensibili exhibenda cum alijs sanctis monitionibus, quemadmodum Raguel & Anna fecerunt Saræ filiz suæ in eius dimissione, sicut Scriptura dicit: Et apprehendentes parentes filiam suam osculati sunt eam, & dimiserunt ire: monentes eam honorare foceros, diligere maritum, regere familiam, gubernare domum, & seipsam irreprehensibilem exhibere.

Tobia 10. d

Constituta igitur die, qua Matrimonium per verba de præsentì contrahendum est, omnibus antea expeditis circa dotem, alijsq. ad nuptias pertinentibus, secundùm iura, & conventionem partium compositis & paratis, sponsus & sponsa conueniunt coram Parocho, vel alio Sacerdote de ipsius Parochi vel Ordinarij sui expressa licetia, præsentibus eorum parentibus, si illos habuerint, alijsq. vtriusque consanguineis & propinquis: aut (si ita fieri expediat) præsentibus saltem dicto Parocho seu Sacerdote, & duobus vel tribus testibus, qui (si in Ecclesia celebratur Matrimonium) sistant se pro foribus, vel ante altare maius, vel aliud: si alibi extra Ecclesiam, in loco decetiori domus: & Sacerdos accedit superpelliceo & stola alba indutus, comitatus vno vel duobus Acoluthis superpelliceo etiam indutis, deferentibus librum & vas cum aqua benedicta & aspersorio, qui se constituent ad dexteram Sacerdotis à tergo: ipse autem Sacerdos ster. medius inter sponsum

sum, à dextris, & sponsam à sinistris, alijs in modum coronæ circumstantibus ita, vt parentes puellæ stent ad sinistram prope puellam, & parentes viri prope illum ad dexteram. Aut si magis sollempniter hæ nuptiæ celebrentur, Sacerdos potest indui amictu, alba, cingulo, stola & pluviali, præsertim si sit Episcopus, accipiat hæc paramenta; si est secularis supra rochetum, siue Regularis supra superpelliceum cum eardemulario. Cappellanis, atque alijs ministris, libro, & præcedentelumine, & incenso, aqua benedicta, & aspersorio, vt supra.

Quibus sic stantibus, poterit Pæsul seu Sacerdos, si opportunitas detur, aliqua breui sermone de Matrimonij Sacramento, eiusq; dignitate & sanctitate perstringere, omnesq; hortari vt deuotè & sine strepitu huius Sacramenti celebrationi intersint, quod coniunctionem Christi cum Ecclesia significat.

Deinde sponsum & sponfam alloquatur, doceatq; vt ad pronuntiationem verborum, quibus singillatim vterque eorum interrogabitur, ore & explicitè respondeant, animoq; consentiant. Aut si alter eorum, vel vterque esset mutus, aperto nutu, vel signis manifestis, aut scripto consentiat.

Deinde procedat hoc modo, vulgari sermone dicens, primum viro.

N. Vis accipere N. hic præsentem in tuam legitimam vxorem, sicut præcipit sancta mater Ecclesia? *R. Volo.*
Quo accepto responso, interrogat sponfam.

N. Vis accipere N. hic præsentem in tuum legitimum maritum, sicut præcipit sancta mater Ecclesia? *R. Volo.*

Quo accepto responso, Sacerdos proferens verba sancti Euangelij, Quod Deus coniunxit, homo non separet, ponat dexteram sponsi super manum dexteram sponsæ, & superponat stolam in modum crucis super complicatas manus dexteræ vtriusque, dicens:

Ego coniungo vos in matrimonium, in nomine Patris + & Filij + & Spiritus sancti + ter faciens signum crucis super verumque.

Deinde aspergat eos aqua benedicta, dicens:

Per huius aquæ benedictæ asperfusionem, det vobis omnipotens Deus suam gratiam & benedictionem. *R. Amen.*

De benedictione arrharum.

SI sit consuetudo in sponsalibus per verba de futuro, vel de presenti, benedicendi arrhas, vt armillas, monilia, zonas, fascias pectorales, in aures, gemmas, margaritas, aut alias res, facit sibi deservi eas ab vno ex Acoluthis vel Clericis in aliquo vase vel linteolo, & alter Acoluthus vel Clericus aderit cum vasculo & aspersorio aquæ benedictæ, vt supra: Sacerdos benedicit eas in hunc modum.

✠ Adiutorium nostrum in nomine Domini. R. Qui fecit cælum & terrā.
✠. Sit

- ✱ Sit nomen Domini benedictum. *R.* Ex hoc nunc & vsque in seculum.
 ✱ Domine exaudi orationem meam. *R.* Et clamor meus ad te veniat.
 ✱ Dominus vobiscum. *R.* Et cum spiritu tuo.

O remus.

Oratio.

Benedic Domine has arrhas, quas hodie tradit famulus tuus *N.* in manu ancillæ tuæ & dilectæ sponse suæ *N.* quemadmodum benedixisti Abraham cum Sara, Isaac cum Rebecca, Iacob cum Rachel: dona super eos gratiam tuæ benedictionis, abundantiam rerum, & constantiam operum; florescant sicut rosa in Hiericho plantata, & te Dominum nostrum Iesum Christum timeant, & adorent in secula seculorum. *R.* Amen.

O remus.

Oratio.

Domine Deus omnipotens Pater, qui in similitudinem sancti conubij Isaac cum Rebecca per intercessionem arrharum Abraham famuli tui copulare iussisti, vt oblatione munerum numerositas cresceret filiorum: quæsumus omnipotentiam tuam, vt harum oblatione arrharum, quas hodie hic famulus tuus *N.* dilectæ sponse suæ *N.* offerre procurat, sanctificator accedas, eosq. cum suis muneribus propitius benedicas + quatenus tua benedictione + protecti, & vinculo tuæ liberationis connexi, gaudeant se feliciter cum tuis fidelibus perenniter mancipari. Per Christum Dominum nostrum. *R.* Amen.

Sacerdos accipit aspersorium cum aqua benedicta & aspergit arrhas, & redduntur sponso, qui eas sponse cum libuerit tradat.

Benedictio Annuli fidei, siue alterius qui datur pro eo.

Deinde deferunt ab Acolutho Annulus in vase seu velo aut sudario

- & benedicit illum vt infra.
 ✱ Adiutorium nostrum in nomine Domini. *R.* Qui fecit cælum & terrā.
 ✱ Domine exaudi orationem meam. *R.* Et clamor meus ad te veniat.
 ✱ Dominus vobiscum. *R.* Et cum spiritu tuo.

O remus.

Oratio.

Benedic + quæsumus Domine annulum hunc, quem nos in tuo nomine benedicimus: + vt quæ eum gestauerit, fidelitatem integram suo sponso tenens, in tua pace consistat, & voluntate permaneat: in amore tuo viuat & fenescat, & multiplicetur in longitudinem dierum. Per Christum Dominum nostrum. *R.* Amen.

O remus.

Oratio.

Creator & conseruator humani generis, dator gratiæ spiritualis, conditor æternæ salutis: tu Domine emittere digneris Spiritum sanctum tuum paraclitum de cœlis, & tuam sanctam benedictionem + super hunc annulum: vt isti pariter armati virtute cœlesti, tuâq. protectione

tectione defenſi, benediſtionis ⁊ tuæ munus percipiant in vitam æternam. Per Chriſtum Dominum noſtrum. *R.* Amen.

Et aſpergat Sacerdos annulum aqua benediſta.

Poſtea ſponſus accipiat annulum de manu Sacerdotis, & ponat eum in dextera manu ſponſæ in digito quarto, ſcilicet annulari, dicens:

*I*n nomine Patris, & Filij, & Spiritus ſancti. Amen.

Et ſi ſunt plures annuli, qui dandi ſunt ſponſæ, ſimiliter benedicantur vt ſuprà.

Quo peracto Sacerdos legat preces ſequentes.

Antiphona.

Manda Deus virtuti tuæ: confirma hoc Deus, quod operatus es in nobis à templo ſancto tuo quod eſt in Hieruſalē, tibi offerent Reges munera.

*G*loria Patri. Et repetit *Antiphonam*. Manda Deus virtuti.

K yrie eleiſon. *C*hrifte eleiſon. *K* yrie eleiſon.

*P*ater noſter.

✠ Et ne nos inducas in tentationem. *R.* Sed libera nos à malo.

✠ Saluum fac ſeruum & ancillam tuā. *R.* Deus meus ſperantes in te.

✠ Mitte eis Domine auxilium de ſancto. *R.* Et de Sion tuere eos.

✠ Eſto eis Domine turris fortitudinis. *R.* A facie inimici.

✠ Domine exaudi orationem meam. *R.* Et clamor meus ad te veniat.

✠ Dominus vobiſcum. *R.* Et cum ſpiritu tuo.

*O*remus.

Oratio.

*D*eus Abraham, Deus Isaac, Deus Iacob, benedic ⁊ adoleſcentes, *vel ſi non ſint iuuenes*, coniuges iſtos, & ſemina ſemen vitæ æternæ in mentibus eorum; vt quicquid pro vtilitate didicerint, hoc facere cupiant. Per Dominum noſtrum Ieſum Chriſtum filium tuum, recuperatorem noſtrum, qui tecum viuit & regnat in vnitæte &c.

*O*remus.

Oratio.

*R*eſpice quæſumus Domine de cœlo ſancto tuo ſuper hanc coniunctionem, vt ſicut miſiſti ſanctum Angelum tuum Raphaelẽ paſſicum ad Tobiam & Saram filiam Raguelis: ita digneris Domine, mittere benediſtionem ſuper hos adoleſcentes *vel* coniuges ſanctos tuos, vt in tua benediſtione permaneant, in tua voluntate perſiſtant, & in tuo amore viuant & ſeneſcant, & multiplicentur in longitudinem dierum. Per Chriſtum Dominum noſtrum. *R.* Amen.

*O*remus.

Oratio.

*B*enedicere ⁊ dignare Domine quæſumus hunc ſamulum tuum, & hanc ſamulam tuam, vt in nomine tuo creſcant, & pudicitiam conſeruent, atque omnibus diebus tibi ſeruiant: quatenus vitæ peracto termino, tibi ſine macula valeant adhærere. Per Chriſtum Dominum noſtrum. *R.* Amen.

*E*t benediſtio Dei omnipotentis, Patris ⁊ & Filij ⁊ & Spiritus ſancti ⁊ deſcendat ſuper vos, & maneat ſemper. *R.* Amen.

*T*unc Parochus deſcribat in libro Matrimoniorum nomina coniugum & æſtium, diemq; & locum contracti matrimonij, vt ſuprà.

Deinde

Deinde si mane fuerit, & hora competens, & sponsi sint confessi peccata sua Sacerdoti, & parati ad suscipiendam sacram Eucharistiam, potest fieri benedictio solennis in Ecclesia per Sacerdotem cum Missa pro sponso & sponsa, vt sequitur: alioquin alio die festiuo, vel triduo ante consummationem Matrimonij.

De solenni benedictione nuptiarum.

Cap. Nuptiarum, 30.
7. 1.



AD perfectionem Matrimonij primæ nuptiæ à Sacerdote ex vetere instituto & antiqua Catholice Ecclesiæ consuetudine semper benedicendæ sunt: post desponsationem enim seruatis omnibus de more, primum quidem, vt ad consulta Bulgarorû docet S. Nicolaus Papa I. in Ecclesia Domini cum oblationibus, quas offerre debent, Deo per Sacerdotis manum statuuntur; sicq. deum benedictionem & velamen coeleste suscipiunt. Et quartum Concilium Carthaginense tradit, sponsus & sponsa cum benedicendi sunt à Sacerdote, à parentibus suis, vel à paranympis offerantur, qui cum acceperint benedictionem, eadem nocte pro reuerentia ipsius benedictionis in virginitate permaneant.

Cap. 13. eod. 30.
7. 1.

Et quamuis primæ semper benedicendæ sunt, non tamen secundæ, quæ non benedicuntur iuxta canonem Urbani Papæ III. cum benedictio semel accepta satis sit, & communicetur alteri coniugi non benedictio, ac propterea iterari non debeat.

Cap. Vir autem, de
secun. nupt.

Quare cauere debet, ne secundas nuptias improvidè benedicat, quando coniuges, vel alter eorum fuerunt in prioribus nuptijs semel benedicti: quod simpliciter intelligendum est de secundis nuptijs ex parte vtriusque vel alterius coniugum; non autem limitandum secus esse ex parte mulieris si non est benedicta, quia posset de nouo benedici, cum sit contra expressum canonem præcitatum, qui ita dicitur: VIR VEL MULIER ad bigamiam transiens, non debet à presbytero benedici: quia, cum alia vice benedicti sint, eorum benedictio ITERARI non debet. Et sic solum iteratio ponitur pro ratione prohibitionis.

Cap. Cappellanus
de secun. nupt.

Quod si secus fecerit, qui benedictionem celebravit cum secunda, ab officio & beneficio suspensus, ab Ordinario ad Sedem Apostolicam mittendus est pro absolutione. Caueat autem Sacerdos, ne pro benedicendis nubentibus, seu benedictione huiusmodi nuptiarum pecunias exigat, aut faciat alias indebitas exactiones, quæ prohibentur. Accipiat autem quæ iuxta laudabilem consuetudinem pia erga sanctam Ecclesiam deuotione fidelium introductam, offerri aut dari consueverunt.

ANte consummationem Matrimonij, sponsus & sponsa confiteantur peccata sua: deinde statuto die veniant ad Ecclesiam, in cuius parochia sponsa domicilium habet, vbi in loco decenti ante altare eis præparato à Sacerdote Missam audiant, qui duas particulas consecrat ad eos communicandos.

Missam celebret pro sponso & sponsa, quæ habetur in Missali, & hic ponitur.

Quod si hanc benedictionem fieri contingeret in Dominica vel alio festo solenni, cuius Missa omitti non posset, dicat Missam de Dominica vel festo cum Gloria in excelsis. & Credo in vnum Deum. iuxta temporis qualitatem, & cum commemoratione dictæ Missæ pro sponso, & reliquis, quæ pro cõmunionem & cõplemento benedictionis in ea habentur.

Missæ

Missa pro sponso & sponsa.

Introitus.

Deus Israel coniungat vos; & ipse sit vobiscum, qui misertus est duobus vnjcis: & nunc Domine fac eos plenius benedicere te. **Psalms.**

Beati omnes qui timent Dominum, qui ambulant in vijs eius.

✠. Gloria Patri.

Oratio.

Exaudi nos omnipotens & misericors Deus: vt quod nostro ministratur officio, tua benedictione potius impleatur. Per Dominum.

Lectio Epistolæ B. Pauli Apostoli ad Ephesios.

Cap. 5.

Fratres: Mulieres viris suis subditæ sint sicut Domino: quoniam vir caput est mulieris: sicut Christus caput est Ecclesiæ. Ipse saluator corporis eius. Sed sicut Ecclesia subiecta est Christo: ita & mulieres viris suis in omnibus. Viri, diligite vxores vestras, sicut & Christus dilexit Ecclesiam, & seipsum tradidit pro ea: vt illam sanctificaret, mundans eam lauacro aquæ in verbo vitæ, vt exhiberet ipse sibi gloriosam Ecclesiam, non habentem maculam aut rugam, aut aliquid huiusmodi; sed vt sit sancta & immaculata. Ita & viri debent diligere vxores suas, vt corpora sua. Qui suam vxorem diligit, seipsum diligit. Nemo enim vnquam carnem suam odio habuit: sed nutrit & fouet eam, sicut & Christus Ecclesiam: quia membra sumus corporis eius, de carne eius, & de ossibus eius. Propter hoc relinquet homo patrem & matrem suam, & adhærebit vxori suæ: & erunt duo in carne vna. Sacramentum hoc magnum est: ego autem dico in Christo & in Ecclesia. Veruntamen & vos singuli vnusquisque vxorem suam sicut seipsum diligat: vxor autem timeat virum suum. **Graduale.** Vxor tua sicut vitis abundans in lateribus domus tuæ. **✠.** Filij tui sicut nouellæ oliuarum in circuitu mensæ tuæ. Alleluia, alleluia. **✠.** Mittat vobis Dominus auxilium de sancto. Et de Sion tueatur vos. Alleluia.

Tempore Paschali Graduale omittitur, & additur sequens ✠. Benedicat vobis Dominus ex Sion, qui fecit cælum & terram. Alleluia.

In Septuagesima Tractus.

Ecce sic benedicetur omnis homo qui timet Dominum. **✠.** Benedicat tibi Dominus ex Sion, & videas bona Hierusalem omnibus diebus vitæ tuæ. **✠.** Et videas filios filiorum tuorum: pax super Israel.

Sequentia sancti Euangelij secundum Mattheum.

In illo tempore: Accesserunt ad Iesum Pharisei tentantes eum, & dicentes: Si licet homini dimittere vxorem suam quacunque ex causa? Qui respondens ait eis: Non legistis, quia qui fecit hominem ab initio masculum & foeminam fecit eos? Et dixit: Propter hoc, relinquet homo patrem & matrem, & adhærebit vxori suæ: & erunt duo in carne vna. Itaque iam non sunt duo, sed vna caro. Quod ergo Deus con-

con-

coniunxit, homo non separet.

Offertorium.

In te speraui Domine, dixi tu es Deus meus: in manibus tuis tempora mea.

Secreta.

Auscipe quæsumus Domine pro sacra connubij lege munus oblatum: & cuius largitor es operis, esto dispositor. Per Dominum nostrum.

Disito Pater noster, Sacerdos antequam dicat, Libera nos quæsumus Domine, cooperit Sacramentum palla, & facta genuflexione in medio altaris ante illud, & pro reuerentia descendit per aliquem gradum à parte sinistra seu cornu epistolæ, & abluit digitos in alio calice: postea ascendit, & stans in ipso cornu epistolæ, vertit se ad sponsum & sponsam coram se ante altare genuflexos, & capitibus inclinatos: ita, vt mulier sit à sinistris viri. Ac vbi est consuetudo, vno eodemq. velo seu pallio, aliove velamine serico aut lineo cooperit spatulas viri & caput mulieris: & ipse Sacerdos aliquantulum versus ad Sacramentum dicit sequentem orationem in tono orationis Missæ.

† Dominus vobiscum. R. Et cum spiritu tuo.

Oremus.

Oratio.

Propitiare Domine supplicationibus nostris, & institutis tuis, quibus propagationem humani generis ordinasti, benignus assiste: vt quod te auctore iungitur, te auxiliante seruetur. Per Dominum nostrum Iesum Christum filium tuum, qui tecum viuit & regnat in vnitæte Spiritus sancti Deus.

Deinde dicat in tono præfationis hanc orationem.

Per omnia secula seculorum. R. Amen.

Dominus vobiscum. R. Et cum spiritu tuo.

Sursum corda. R. Habemus ad Dominum.

Gratias agamus Domino Deo nostro. R. Dignum & iustum est.

Verè dignum & iustum est æquum & salutare nos tibi semper & vbique gratias agere Domine sancte Pater omnipotens æterne Deus, qui potestate virtutis tuæ de nihilo cuncta fecisti, qui dispositis vniuersitatis exordijs homini ad imaginem Dei facto ideo inseparabile mulieris adiutorium condidisti, vt foemineo corpori de virili dares carne principium; docens quod ex vno placuisset institui, nunquam liceret disiungi. Deus qui tam excellenti mysterio coniugalem copulam consecrasti: vt Christi & Ecclesiæ Sacramentum præsignares in foedere nuptiarum. Deus per quem mulier iungitur viro, & societas principaliter ordinata ea benedictione † donatur, quæ sola nec per originalis peccati poenam, nec per diluuij est ablata sententiam. Respice Domine propitius super hanc famulam tuam, quæ maritali iungenda consortio, tua se expetit protectione muniri. Sit in ea iugum dilectionis & pacis: fidelis & casta nubat in Christo, imitatrixq. sanctarum permaneat foeminarum. Sit amabilis vt Rachel viro suo, sapiens vt Rebecca, longæua & fidelis vt Sara. Nihil in ea ex actibus suis ille auctor præuicationis usurpet: nexa fidei mandatisq. permaneat: vni

toro iuncta, contactus illicitos fugiat, muniat infirmitatem suam robore discipline. Sit verecundia grauis, pudore venerabilis, doctrinis ecclesiasticis erudita. Sit fecunda in sobole, sit probata & innocens, & ad beatorum requiem, atque ad celestia regna perueniat, & videant ambo filios filiorum suorum vsque ad tertiam & quartam generationem, & ad optatam perueniant senectutem.

Hic Sacerdos, si prælationem cantauit, mutet vocem, & dicat planè ita tamen vt ab astantibus exaudiri possit, Per eundem Dominum nostrum Iesum Christum filium tuum, qui tecum viuit & regnat in unitate Spiritus sancti Deus, Per omnia secula seculorum. Amen.

Postea dicat in tono lectionis.

O Remus fratres charissimi omnipotentem Deum, qui ad multiplicandam humani generis prolem benedictionis **+** suæ gratiam largiri dignatus est, & deprecemur, vt hos famulos suos **N. & N.** quos ad coniugalem copulam prælegit, ipse custodiat. **R. Amen.**

Der eis sensus pacificos, pares animos, mores mutua charitate coniunctos. **R. Amen.**

Habeant quoque optatas suo munere soboles, quas sicut donum ipsis tribuit, ita benedictionem **+** consequantur, vt hi famuli sui in omni eidem cordis humilitate deseruiant, à quo se redemptos & dicatos esse non dubitant. Per Christum Dominum nostrum. **R. Amen.**

Tunc velum seu pallium remouetur à sponis, ubi mos est illud eis imponendi.

Quibus dictis, Sacerdos iterum ablutis digitis, & facta prius genuflectione ad Sacramentum, vt suprà, conuersus ad medium altaris accipit patenam cum hostia, & dicit: Libera nos quæsumus Domine. frangit hostiam & prosequitur Missam.

Dicto Agnus Dei. & prima oratione, dat pacem sponso, qui dat sponsæ, vel potius Acoluthus seu Minister utrique instrumentum pacis osculandum præbet.

Deinde post communionem Sacerdos eos communicat, dicto prius Confiteor, Misereatur, Indulgentiam, & Domine non sum dignus, vt dictum est suprà de Sacramento Eucharistiæ, pag. 296. & seq.

Quibus communicatis, abluit digitos, se purificat, detergit & cooperit calicem more solito, & prosequitur Missam.

Communio.

Ecce sic benedicetur omnis homo, qui timet Dominum; & videas filios filiorum tuorum, pax super Israel.

Postcommunio.

Quæsumus omnipotens Deus, instituta prouidentia tuæ pio amore comitare, vt quos legitima societate connectis, longæua pace custodias. Per Dominum.

Dicto Ite, Missa est. vel Benedicamus Domino. secundum qualitatem Missæ, Sacerdos antequàm benedicat populo, descendit ab altari

- ✧ Esto eis Domine turris fortitudinis. *R.* A facie inimici.
 ✧ Domine exaudi orationem meam. *R.* Et clamor meus ad te veniat.
 ✧ Dominus vobiscum. *R.* Et cum spiritu tuo.

Oremus.

Oratio.

Omnipotens misericors Deus, qui primos parentes nostros Adam & Euan sua virtute creavit, suaq. benedictione sanctificavit, & in societate sancta copulavit, ipse corda & corpora vestra sanctificet + & benedicat, + atque in societate & amore veræ dilectionis coniungat. Et qui vnigenitum filium suum Dominum nostrum Iesum Christum redemptorem mundi voluit de Virgine nasci, qui sua præsentia, suoq. miraculo nuptias consecravit, quando aquam in vinum convertit, ipse nuptijs vestris interesse, vosq. sanctificare. + & benedicere + dignetur. Concedat vobis quiesca tempora, sanitatemq. mentis & corporis; gaudium ex procreatione filiorum vestrorum; & post finitos huius vitæ labores, faciat vos feliciter peruenire ad consortium sanctorum Angelorum. Quod ipse præstare dignetur, cuius regnum & imperium sine fine permanet in secula seculorum. *R.* Amen.

Oremus.

Oratio.

Benedicat vos Deus & custodiat vos Dominus Iesus Christus + ostendatq. faciem suam in vobis, & misereatur vestri: conuertat Dominus vultum suum ad vos, & det vobis pacem: impleatq. vos Dominus omni benedictione spirituali in remissionem peccatorum vestrorum, ut habeatis vitam æternam, & vivatis in secula seculorum. *R.* Amen.

Tobia 7. d

supra p. 514. Oremus. *supra p. 514.* Oratio. *supra p. 514.*

Protegat & libere vos Dominus in nocte, in die, in lecto, in sede, in statu, in campo, in domo, dormiendo, vigilando in quocunque loco habitaueritis, & in omni itinere, quo perrexeritis: atque prosterнат Dominus omnes aduersarios vestros ante vos, inuisibiles & visibiles: & conferuet Dominus omnipotens quinque sensus vestros, visum, auditum, gustum, odoratum, & tactum: & vobiscum faciat Dominus mansionem condignam in cælo, & vos dignetur suscitare in nouissimo die in resurrectione iustorum ad æternam vitam: Per Christum Dominum nostrum. *R.* Amen.

Et benedictio Dei omnipotentis Patris + & Filij + & Spiritus sancti + descendat super vos, & maneat semper. *R.* Amen.

Benedictio thalami vel cubiculi sponſorum in domo, iſſis
manentibus genuflexis, ſponſo ad caput lecti, ſponſa
ad pedem lecti, è regione tamen.

- ✠ **Adiutorium noſtrum in nomine Domini.** **Re.** Qui fecit cœlum & terrâ.
 ✠ **Domine exaudi orationem meam.** **Re.** Et clamor meus ad te veniat.
 ✠ **Dominus vobiscum.** **Re.** Et cum ſpiritu tuo.

O remus.

Oratio.

Benedic + Domine thalamum hunc, & omnes habitantes in eo, vt in tua pace conſiſtant, & in tua voluntate permaneant, & in tuo amore uiuant & ſeneſcant, & multiplicentur in longitudinem dierum, ac demum perueniant ad regna cœlorum. Per Chriſtum Dominum noſtrum. **Re.** Amen.

Deinde aſpergat thalamum aqua benediſta.

Benedictio panis & vini inter ſponſum & ſponſam
diſpertienti, vbi eſt conſuetudo.

Tunc Sacerdos benedicat panem & vinum, dicens:

- ✠ **Adiutorium noſtrum in nomine Domini.** **Re.** Qui fecit cœlum & terram.
 ✠ **Domine exaudi orationem meam.** **Re.** Et clamor meus ad te veniat.
 ✠ **Dominus vobiscum.** **Re.** Et cum ſpiritu tuo.

Ad panem.

O remus.

Oratio.

Benedic + Domine creaturam iſtam panis, ſicut benedixiſti quinque panes in deſerto: vt omnes guſtantes ex eo tam animæ quàm corporis recipiant ſanitatem. Per Chriſtum Dominum noſtrum. **Re.** Amen.

Ad vinum.

O remus.

Oratio.

Benedic + Domine hunc potum & hoc vaſculum, ſicut benedixiſti ſex hydrias lapideas in Cana Galilææ: & vt feciſti vinum de aqua, ſic benedicere + & ſanctificare + digneris hunc potum, & hoc vaſculum, vt ſint ſani & ſobrii atque immaculati omnes, qui ex eo guſtauerint. Per Chriſtum Dominum noſtrum. **Re.** Amen.

Et vtrumque aſpergat aqua benediſta.

Deinde frangat panem, & det vnâ partem ſponſo, & alterâ ſponſæ: & ſic etiam de vino.

Benedictio mulieris, cum primùm poſt partum actura
gratias Deo venit ad Eccleſiam, quod vulgò
dicitur, intrare in ſancta.

Secundùm veterem legem Moyſi præceptum erat, vt mulier quæ ſuſcepit ſemine peperitſſet maſculum immunda eſſet ſeptem diebus, iuxta dies ſeparationis menſtruar: & die octauo circumcideretur infantulus:

lus: ipsa verò trigintatribus diebus maneret in sanguine purificationis suæ; & sic quadraginta dies post partum masculi, omne sanctum non tangeret, nec ingrederetur in sanctuarium, donec implerentur dies purgationis suæ. Sin autem foeminam peperisset, immunda esset duabus hebdomadibus, iuxta ritum fluxus menstrui: & sic quatuordecim diebus: & deinde sexagintasex diebus maneret in sanguine purificationis suæ. Et sic octoginta diebus post partum foemina: quibus expletis, cum muneribus in holocaustū, & pro peccato veniret ad ostium tabernaculi & traderet Sacerdoti, qui offerret illā coram Domino, & oraret pro ea: & sic mundaretur à profluviō sanguinis sui, vt legere est in Leuitico. Quia tamen lex per Moysen data est, gratia autem & veritas per Iesum Christum facta est, ideo postquam vmbra legis euauit & illuxit veritas Euangelij, si mulieres post prolem emissam actum gratias Ecclesiam intrare voluerint, nulla proinde peccati mole grauantur: nec est Ecclesiarum eis aditus denegandus, ne poena illis conuerti videatur in culpam: Si tamen ex veneratione voluerint aliquādiu se ab ingressu Ecclesiæ abstinere, deuotio earum non creditur improbanda: imò si mulier eadem hora, qua genuerit, actura gratias intrat Ecclesiam, nullo pondere peccati grauatur, vt beatus Gregorius scripsit.

Leuit. 12.6

B. Greg. ep. 91. vol.
32. Nihil. PP. ad con.
Julia. Balgar. c. 68.
Bod. lib. 1. de inul.
Anglic. 27.

Cum autem mulier ad Ecclesiam venerit, si ex deuotione voluerit, Sacerdos superpelliceo & stola indutus, cum clerico seu ministro, stans pro foribus in limine Ecclesiæ conuersus ad eam, quæ maneat genuflexa, & præ manibus teneat candelam accensam, dicit.

✠ Adiutorium nostrum in nomine Domini.

✠ Qui fecit coelum & terram.

Et incipit Antiphonam. Hæc accipiet benedictionem à Domino, & misericordiam à Deo salutari suo: quia hæc est generatio quærentium Dominum. Et prolequitur Psalm. cxiii. Domini est terra & plenitudo eius, totum cum Gloria Patri. vt supra pag. 443. Quo expleto reperit Antiphonam. Hæc accipiet benedictionem à Domino &c. Deinde dicit Kyrie eleison. Christe eleison. Kyrie eleison.

Pater noster.

✠ Et ne nos inducas in tentationem. R. Sed libera nos à malo.

✠ Saluam fac ancillam tuam Domine. R. Deus meus sperantē in te.

✠ Mitte ei Domine auxilium de sancto. R. Et de Sion tuere eam.

✠ Esto ei Domine turris fortitudinis. R. A facie inimici.

✠ Nihil proficiat inimicus in ea. R. Et filius iniquitatis non apponat nocere ei.

✠ Domine exaudi orationem meam. R. Et clamor meus ad te veniat.

✠ Dominus vobiscum. R. Et cum spiritu tuo.

Oramus.

Oratio.

Deus, qui per Moysen famulum tuum Israeliticæ plebi mandasti, vt mulier, quæ masculum peperisset quadraginta diebus: quæ verò

foeminam, octoginta ab ingressu templi sequestraretur: quæsumus, vt hanc famulam tuam **N:** ab omni inquinamento peccati mundare digneris: quatenus mente & corpore munda, sinum sanctæ matris Ecclesiæ valeat penetrare, & tibi pro suis delictis acceptabile munus offerre: Per Christum Dominum nostrum. **R:** Amen.

Deinde Sacerdos aspergat eam aqua benedicta, & porrigens ei extremitatem stolæ ad manum dexteram; eam habentem candelam accensam in manu sinistra, introducit in Ecclesiam, dicens:

Ingredere in templum Dei, adora filium beatæ Mariæ virginis, qui tibi fecunditatem tribuit prolis.

Et ipsa ingressa, genuflectit in gradibus altaris, & orat, & gratias agit Deo de prole suscepta, & sua incolumitate, & alijs beneficijs sibi collatis. Et Sacerdos dicat sequentes versus & orationes.

✽. Post partum virgo inuiolata permansisti. R. Dei genitrix intercede pro nobis.

✽. Saluam fac ancillam tuam. R. Deus meus sperantem in te.

✽. Benedicat te Domine in omni tempore. R. Semper laus tua in ore eius.

✽. Domine exaudi orationē meam. R. Et clamor meus ad te veniat.

✽. Dominus vobiscum. R. Et cum spiritu tuo.

Oremus.

Oratio.

Deus qui salutis æternæ beatæ Mariæ virginitate fecunda humano generi præmia præstitisti: tribue quæsumus, vt ipsam pro nobis intercedere sentiamus, per quam meruimus auctorem vitæ suscipere Dominum nostrum Iesum Christum Filium tuum, &c.

Absolue quæsumus Domine delicta famulæ tuæ. **N.** & à peccatorum suorum nexibus, quæ pro sua fragilitate contraxit, tua benignitate liberetur.

Pætende Domine famulæ tuæ dexteram coelestis auxilij, vt te toto corde perquirat, & quæ dignè postulat consequi mereatur. Per Christum Dominum nostrum. **R.** Amen.

Et benedicens eam signo crucis, dicit:

Benedicat tibi Dominus ex Sion, + & videas filios filiorum tuorum. Pax tibi. Amen.

Et ipsa surgens offerat aliquid Sacerdoti, & det ei candelam accensam, & osculetur eius manum: & si est hora Missarum audiat Missam. Sacerdos autem celebrans Missam illius diei seu de tempore: vel si voverit poterit dicere Missam votiuam de purificatione beatæ Mariæ semper Virginis, demptis in prima oratione verbis (hodierna die) vel Missam de sancta Maria, quæ dei consuevit à Natiuitate Domini usque ad Purificationem.

De benedictione foetus in utero matris, de cuius periculo
dubitatur: & pro matre, quæ foetum in utero
retinere non potest.

Cum prægnantium mulierum, quæ concipiendi gratiam consecuta sunt, etiam philosophorum præceptis ratio & cura non mediocriter habenda sit, & ab ipsismet & à maritis & parentibus earum, tum in victu, ne subtili utantur alimonia; tum in exercitatione, ut non pigrescant, sed breui utantur itinere ad sacra templa visenda, & ad orationes; & in reliquis vitæ huius actionibus, & ne vel nimio onere aut labore & fatigatione, aut difficili itinere, aut equitatione vel carrucarum & rhedarum uestigatione abortum faciant: tum maximè Christianis & fidelibus curæ esse debet, propter periculum foetuum & partuum ne sine Baptismo pereant.

Quod si prægnantes aliquo morbo laborant, aut in alio discrimine versantur, quo faciliè abortus sequatur: vel conceptus foetus in utero retineri non possit aut consueverit: his profecto casibus præter naturalia medicamenta, quæ peritorum consilio medicorum adhiberi possunt, coniuges seu parentes & præsertim mulieres, debent confugere ad Deum, eiusque opem, omnipotentiam & misericordiam implorare, ut foetum retinere, & ab omni periculo servare dignetur, & ad id sanctissimæ virginis Dei genitricis Mariæ, & Sanctorum auxilium invocare, Ecclesias adire; orationes, & alia bona opera facere, Parochi & Confessarii se precibus & sacrificijs commendare, & eorum benedictionem etiam sæpiùs expetere.

Tunc autem parata aqua benedicta, Sacerdos superpelliceo & stola indutus comitatus à clerico, hoc modo benedicit foetum in utero matris. Adueniens mulier prægnans coram altari: & genuflexa tenet faciem contra altare, & Sacerdos positus genibus primùm mente super eam deuotè orat: deinde surgit & versus ad eam dicit:

- ✠. Adiutorium nostrum in nomine Domini. *R.* Qui fecit cælum & terram.
- ✠. Saluam fac ancillam tuam. *R.* Deus meus sperantem in te.
- ✠. Esto ei Domine turris fortitudinis. *R.* A facie inimici.
- ✠. Nihil proficiat inimicus in ea. *R.* Et filius iniquitatis non apponat nocere ei.
- ✠. Mitte ei Domine auxilium de sancto. *R.* Et de Sion tuere eam.
- ✠. Domine exaudi orationem meam. *R.* Et clamor meus ad te veniat.
- ✠. Dominus vobiscum. *R.* Et cum spiritu tuo.

Oratio.

Omnipotens sempiterne Deus, qui dedisti famulis tuis in confessione veræ fidei æternæ Trinitatis gloriam agnoscere, & in potentia maiestatis tuæ adorare unitatem: quæsumus ut eiusdem fidei firmitate
ab

ab omnibus semper muniamur aduersis. Per Christum Dominum nostrum. *R.* Amen.

O remus.

Alia oratio.

Domine Deus omnium creator, fortis & terribilis, iustus atque misericors, qui solus bonus & pius es, solus præstans, solus iustus, omnipotens & æternus, qui de omni malo liberas Israel, qui fecisti patres electos quoslibet, & sanctificasti eos munere Spiritus sancti Hieremiam videlicet Ioannem Baptistam, & virginem gloriosissimam Mariam in utero, post conceptum absque omni decursu temporis, & alios secundum gradus varios antequam more solito nascerentur: accipe sacrificium cordis contriti quæsumus, ac seruens desiderium famulæ tuæ *N.* humiliter supplicantis pro retentione & conseruatione proles debilis, quam dedisti eam concipere, & custodi partem tuam, atque sanctifica immensa benedictione tuæ gratiæ, & defende ab omni dolo & iniuria diri hostis: necnon à quibuslibet aduersitatibus crudelibus & iniquis, ut ad lucem præsentis vitæ iucundissimam, obstetricante manu tua, veniat incolumis, ac Baptismi gratiam percipiat, tibiq. in omnibus iugiter deferuiat, & vitam consequi sempiternam finaliter mereatur. Per Dominum. *R.* Amen.

Postea aspergatur aqua benedicta, & dicatur Psalmus. **D**eus misereatur nostri, totus cū Gloria Patri. *ut in Laudibus defunctorū.* pag. 426.

Deinde *ψ.* Benedicamus Patrem & Filium cum Spiritu sancto.

R. Laudemus & superexaltemus eum in secula.

ψ. Angelis suis Deus mandauit de te.

R. Ut custodiant te in omnibus vijs tuis.

ψ. Domine exaudi orationem meam.

R. Et clamor meus ad te veniat.

ψ. Dominus vobiscum. *R.* Et cum spiritu tuo.

O remus.

Oratio.

Visita quæsumus Domine cunctam habitationem eius, & omnes insidias inimici ab ea, & à præsentī famula tua longè repelle, & Angeli tui sancti habitent in ea, qui eam, & eius prolem in pace custodiant, & benedictio + tua sit super eos semper: salua eos omnipotens Deus, lucem tuam eis concede perpetuam. Per Dominum nostrum Iesum Christum filium tuum: qui tecum viuit & regnat in vnitate Spiritus sancti Deus, Per omnia secula seculorum. *R.* Amen.

Specialiter verò super mulierem, quæ debilitate aut infirmitate aliquaconceptum factum in utero retinere non potest, dicat hos duos sequentes versus Psalmi primi.

Et erit tanquàm lignum, quod plantatum est secus decursus aquarum, quod fructum suum dabit in tempore suo.

Et folium eius non defluet: & omnia quæcunque faciet, prosperabūtur.

Et imponens manum super caput mulieris, orans dicit:

Iesum Mariæ filius, mundi salus & Dominus, qui eidem beatissimæ virginī

gini Mariæ matri suæ felicem partum tribuit, ipse tibi concedat in vtero portare, fouere, retinere, parere, & benè nutrire prolem Deo & hominibus gratam. In nomine Patris + & Filij + & Spiritus sancti +. Amen.

Postea aspergit mulierem aqua benedicta, & dat ei benedictionem, dicens:

Benedictio Dei omnipotentis Patris + & Filij + & Spiritus sancti + descendat & sit super te, & super prolem tuam, & maneat semper: Amen.

Pro tollenda sterilitate mulieris, & sobole impetranda.

Cum fecunditas foeminae & susceptio sobolis sit diuini muneris gratia, dicente Iacob ad Rachel uxorem suam: Nunquid pro Deo ego sum, qui priuauit te fructu ventris tui? & exemplo patris eius Isaac, qui deprecatus est Dominum pro uxore sua, eo quod esset sterilis: qui exaudivit eum, & dedit conceptam Rebecce. mulier sterilis & infocunda & vir eius debent ad Deum cum precibus & votis omni humilitate & deuotione confugere, vt fecit Anna mater Samuelis, & ad patrocinium beatissimæ semper virginis Dei genitricis Mariæ & aliorum Sanctorum confidenter recurrere pro obtinenda prole, & visitare loca sancta. Et faciant celebrari Missas de sanctissima Trinitate, vel de Spiritu sancto, vel etiam de Dominica post purificationem, & fieri orationes à personis pijs & religiosis, & eleemosynas pauperibus & locis pijs erogari. Et demum mulier ipsa infocunda se commendet orationibus sui Parochi & Confessarij, & dicta die pro oratione & benedictione veniat ad Ecclesiam, & Sacerdos indutus superpelliceo & stola genuflectit ante altare maius, vel aliud in aliqua Cappella, & mente orat pro ea ad Dominum: & deinde surgens facit orationem super eam, quæ interim manebit genuflexa, in hunc modum.

In nomine Patris & Filij & Spiritus sancti. Amen.

✱ Adiuutorium nostrum in nomine Domini.

✱ Qui fecit cælum & terram.

Antiphona. Benedicat tibi Dominus ex Sion, & videas filios filiorum tuorum, & vsque in tertiam & quartam generationem. *Psalmus.*

Beatissimi omnes qui timent Dominum. *toram cum Gloria Patri.* *supra pag. 351.* Et repetitur Antiphona. Benedicat tibi Dominus ex Sion, & videas filios filiorum tuorum, & vsque in tertiam & quartam generationem.

Kyrie eleison. **C**hriste eleison. **K**yrie eleison.

Pater noster. **A**ue Maria. **C**redo in Deum.

Quibus dictis, sacerdos subiungat:

✱ Sal-

- ✠ Saluam fac ancillam tuam. *R.* Deus meus sperantem in te.
 ✠ Sint filij tui sicut nouellæ oliuarum. *R.* In circuitu mensæ tuæ.
 ✠ Domine exaudi orationem meam. *R.* Et clamor meus ad te veniat.
 ✠ Dominus vobiscum. *R.* Et cum spiritu tuo.

Oremus.

Oratio.

Deus qui emortuam vuluam Saræ ita per Abrahamæ semen fecundare dignatus es, vt ei contra spem sobolis, filius nasceretur: præsta famulæ tuæ *N.* pro sua sterilitate deprecanti, vt moerorem infœcunditatis ab ea submoueas, & ad concipiendam sobolem ei fecunditatem tribuas, & filium, quem donaueris clementer benedicas. Per Christum Dominum nostrum. *R.* Amen.

Oremus.

Oratio.

Macieitatis tuæ clementiam Deus Pater omnipotens suppliciter exoramus, vt preces nostras pro sterilitate famulæ tuæ *N.* benignus assumas, & ei prolem, tibi & hominibus gratiosam, concedere digneris. Per Christum Dominum nostrum. *R.* Amen.

Post hæc aspergit eam aqua benedicta, & imponit vt sæpe dicat, vel dici faciat prædictum Psalmum. *B* eati omnes qui timent Dominum. *suprà* pag. 351. & *P* ater noster. & *A* ue Maria. & *C*redo in Deum. Vtq. nonnisi honestè cum viro suo, & pudicè actum matrimoniale, exerceat, sicut Sanctos & Christianos decet.

Orationes pro impeditis in matrimonio à dæmone vel maleficijs.

Sacerdos cum superpelliceo & stola Clerico ministrante, dicat super virum & mulierem impeditos consummare matrimonium, sequentes orationes.

- ✠ Adiutorium nostrum in nomine Domini.
R. Qui fecit cœlum & terram.
 ✠ Dominus vobiscum. *R.* Et cum spiritu tuo.

Oremus.

Oratio.

Domine Iesu Christe Dei & beatæ Mariæ virginis filius, qui in paradiso terrestri matrimonium instituisti in officium, conseruationem, & multiplicationem humanæ naturæ; & ipsum matrimonium mirabiliter honorasti in aduentu tuo; & primordijs miraculorum tuorum tu per merita & preces beatissimæ virginis Mariæ matris tuæ; beatorum Apostolorum tuorum Petri & Pauli, vel sanctorum tuorum *N.* & *N.* vel beati Vincentij confessoris tui, & omnium Sanctorum & Sanctarum tuarum, digneris hos famulos tuos, quos matrimonialiter coniunxisti, benedicere, & ac plenè liberare ab omni ligatura, fascinatione & maleficio Saranæ; & dare eis fecunditatem & gratiam, vt liberè possint vtī matrimonio suo ad generandas, concipiendas, portandas, parien-

pariendas, ac nutriendas proles Deo & hominibus gratas.

In nomine Patris + & Filij + & Spiritus sancti +. Amen.

Deinde dicantur Psalmi sequentes omnes integri & cum Gloria Patri, videlicet Psalmus III.

Domine quid multiplicati sunt, qui tribulant me: multi insurgunt aduersum me.

Multi dicunt animæ meæ, non est salus ipsi in Deo eius.

Tu autem Domine susceptor meus es, gloria mea: & exaltas caput meum.

Voce mea ad Dominum clamaui: & exaudiuit me de monte sancto suo.

Ego dormiui & soporatus sum, & exurrexi: quia Dominus suscepit me.

Non timebo millia populi circundantis me: exurge Domine, saluum me fac Deus meus.

Quoniam tu percussisti omnes aduersantes mihi sine causa: dentes peccatorum contriuisi.

Domini est salus, & super populum tuum benedictio tua.

Gloria Patri &c.

Psalmus xc. **Q**ui habitat in adiutorio Altissimi. *suprà* pag. 315.

Psalm. cxxvii. **B**eati omnes, qui timent Dominum. *suprà* pag. 351.

Kyrie eleison. **C**hriste eleison. **K**yrie eleison.

Pater noster.

✠. Et ne nos inducas in tentationem. **R.** Sed libera nos à malo.

✠. Saluos fac seruum tuum & ancillam tuam. **R.** Deus meus sperantes in te.

✠. Mitte eis Domine auxilium de sancto. **R.** Et de Sion tuere eos.

✠. Nihil proficiat inimicus in eis. **R.** Et filius iniquitatis non apponatur nocere eis.

✠. Esto eis Domine turris fortitudinis. **R.** A facie inimici.

✠. Domine exaudi orationem meam. **R.** Et clamor meus ad te veniat.

✠. Dominus vobiscum. **R.** Et cum spiritu tuo.

Oremus.

Oratio.

Domine Iesu Christe fili Dei viui, qui vterum beatæ Mariæ semper virginis mirabiliter foecundasti, vt de Spiritu sancto conciperet, pareret, pareret, ac nutret: te Deum & hominem Saluatorem humani generis inuocamus per clementiam tuam: vt his famulis tuis **N.** & **N.** sublato omni dæmonis impedimento & maleficio, liberum coniugij vsum & foecunditatem donare digneris, vt generare, concipere, portare, parere, ac nutrire tibi valeant prolem in vitam æternam. Amen.

In nomine Patris + & Filij + & Spiritus sancti +. Amen.

Tunc dicat Psalmum primum cum quatuor sequentibus versibus vsque ibi prosperabuntur.

Psalmus.

Beatus vir, qui non abiit in consilio impiorum: & in via peccatorum non stetit, & in cathedra pestilentiae non sedit.

Sed

Sed in lege Domini voluntas eius: & in lege eius meditabitur die ac nocte.


Et erit tanquam lignum, quod plantatum est secus decursus aquarum: quod fructum suum dabit in tempore suo.

Et folium eius non defluet: & omnia quaecunque faciet prosperabuntur. *Es in fine Gloria Patri.*

Tunc Sacerdos imponens manus super capita primo viri, postea mulieris, dicat: .

In nomine Patris + & Filij + & Spiritus sancti +. Amen.

Ite in pace, & Dominus sit vobiscum. **R.** Amen.





180
35

